





元 脱 脱 等撰

華 書 局

中

卷三三二至卷三四七(傳)第 三 册

# 宋史卷三百三十二

## 列傳第九十一

### 滕元發 李師中 陸詵 子師閔 趙离 孫路 游師雄 穆衍

第三,用聲韻不中程,罷,再舉,復第三。授大理評事、通判湖州。 虎行月中,墮其室。性豪雋慷慨,不拘小節。九歲能賦詩,范仲淹見而奇之。舉進士,廷試 滕元發初名甫,字元發。以避高魯王諱,改字爲名,而字達道,東陽人。將生之夕,母夢 孫沔守杭,見而異之,日:

「奇才也,後當爲賢將。」授以治劇守邊之略。

未及用。 非松柏也。 泪之也。」神宗曰:「卿知君子小人之黨乎?」曰:「君子無黨, 辟之草木, 綢繆相附者必蔓草, 召試,爲集賢校理、開封府推官、鹽鐵戶部判官、同修起居注。 神宗即位,召問治亂之道,對曰:「治亂之道如黑白、東西,所以變色易位者,朋黨 朝廷無朋黨,雖中主可以濟;不然,雖上聖亦殆。」 神宗以爲名言,太息久之。 英宗書其姓名藏禁中,

宰相以其子判鼓院,諫官謂不可。|神宗曰:「鼓院傳達而已,何與於事。」元發曰:「人有訴宰 相,使其子達之,可乎?」神宗悟,爲罷之。 諸路兵,環、慶、保安皆出剽掠,夏人誘殺將官楊定。 樞密詰修堡而中書降褒詔。 邊隙一開,兵連民疲,必爲內憂。 相 固 有 進 知 罪,然以 制 爲 知 跋 諫 扈, 則臣以爲欺天陷人矣。」拜御 御 。元發言:「戰守,大事也,而異同如是,願敕二府必同 .史中丞王陶論宰相不押班爲跋扈, 又中書、樞密制邊事多不合, 中書賞戰功而 元發上疏極言諒祚已納款,不當失信, 史中丞。 神宗以問元發, 种諤擅築綏州 樞密降約束, 元發日:「宰 且與薛向發 而後下。」

府。 當以身同之。」瘞死食饑,除田租,修隄障,察貪殘,督盜賊,北道遂安。除翰林學士、知開封 反其金, 顆投杖仰謝, 失傴 命元發爲安撫使。 也。」留不遣。 民王穎有金爲隣婦所隱,閱數尹不獲直。 京師郡國地震,冗發上疏指陳致災之由,大臣不悅,出知秦州。 館件契丹使楊興公,開懷與之語,興公感動,將去,泣之而別。 時城舍多圮,吏民懼壓,皆幄寢茇舍,元發獨處屋下,曰:「屋摧民死,吾 所在 **穎憤而致傴,扶杖訴于庭。元發一問得實,** 神宗曰:「秦州、非朕意 河北地大震,

全地王之,至今爲患。 夏國主眾常被篡,元發言:「繼遷死時,李氏幾不立矣。當時大臣不能分建諸 今秉常失位,諸將爭權,天以此遺陛下,若再失此時,悔將無及。

擇立一 賢將, 假以重權, 使經營分裂之, 可不勞而定, 百年之計也。」神宗奇其策,然不

果用。 元發在|神宗前論事,如家人父子,言無文飾,洞見肝鬲。 神宗知其誠蓋,事無巨細,

知之矣,但下一手詔,應熙寧三年以來所行有不便者,悉罷之,則民心悅而天意解矣。」皆 無親疏, 曰:「臣始以意度其不可耳,旣爲郡,乃親見之。」歲旱求言,又疏奏:「新法害民者,陛下旣 言口,神宗信之也,因事,以翰林侍讀學士出知鄭州。徙定州。 輒皆問之。元發隨事解答,不少嫌隱。 王安石方立新法,天下詾詢。 初入郡,言新法之害,且 恐元發有

忠,吾何憂哉。」遂上章自訟,有曰:「樂羊無功,謗書滿篋;即墨何罪,毀言日聞。」神宗覽之 流落且十歲,獨以前過貶居筠州。或以爲復有後命,元廢談笑自若,曰:「天知吾直,上知吾 **惻然,即以爲湖州** 歷靑州、應天府、齊鄧二州。 會婦黨李逢爲逆,或因以擠之,黜爲池州,未行,改安州。

饑,元發慮流民且至,將蒸爲癘疫。 年不決者,元發曰:「學無食而以良田飽頑民乎?」乃請以爲學田,遂絕其訟。時淮南、京東 哲宗登位,徙蘇、揚二州,除龍圖閣直學士,復知鄆州。學生食不給,民有爭公田二十 先度城外廢營地,召諭富室,使出力爲席屋,一夕成二

九

+

滕

千五百間,井竈器用皆具。 民至如歸,所全活五萬。徙眞定,又徙太原。

里外。 易,棄城難。」命部將嘗虎領兵護邊,夏不敢近。 是歲,塞上無風塵警。 足矣。」卒遣更休。 之八月,邊遽來告,請八將皆防秋。元發曰:「夏若倂兵犯我,雖八將不敵;若其不來,四將 元發治邊凛然,威行西北,號稱名帥。 元發曰:「是一舉而失百里,必不可。」九上章爭之。 河東十二將,其八以備西邊,分半番休。 夏既得砦,又欲以綏德城爲說,畫境出二十 元發至

以 老力求准南, 乃爲龍圖閣學士,復知揚州,未至而卒,年七十一,贈左銀青光祿大

夫, 諡日章敏。

|茂, | 緯帥兵出戰, 而帥司所遣別將| 郭志高逗遛 師中詣宰相辯父無罪,時呂夷簡爲相,詰問不屈,夷簡怒,以爲非布衣所宜言。 李師 中字誠之,楚丘人。年十五,上封事言時政。父緯爲涇原都監,夏人十餘萬犯鎭 不進,諸將以衆寡不敵,不敢復出,緯坐責降。 對日:「師中

所言,父事也。」由是知名

盛冬大雪,勞且費,至賤售予兼抖家。 梏,語之曰:「公錢無不償之理,寬與汝期,可乎?」皆感泣聽命。 乃令鄉置一匱,籍其名,許 得萬斛。 者榜于民,或召父老諭之。 日 輸所負,一錢以上輒投之,書簿而去。比終歲, 逋者盡足。 舉進士, 使下其法於他縣。嘗出鄉亭,見戎人雜耕,皆兵興時入中國,人藉其力,往往結爲 鄜延龐籍辟知洛川縣。 租稅皆先期而集。 民有罪,妨其農時者必遺歸,令農隙自詣吏。令當下 師中令過縣願輸者聽,躬坐庾門,執契以須,數日, 民負官茶直十萬緡,追繁甚衆,師中爲脫桎 官移諸郡粟於邊,已而反之,

歲賜緩,移邊曰:「願勿逾歲暮。」詔吏報許, 師中曰:「所改者郡牒耳,非制也。」朝廷是之,薄其過。 龐籍爲樞密副使,薦其才。 召對,轉太子中允、知敷政縣,權主管經略司文字。 師中更牒曰:「如故事。」樞密院劾爲擅改制書, 夏人以

師中言若輩不可雜處,言之經略使,幷索旁郡者,徙諸絕塞。

婚姻,久而不歸。

五 百,馬不能夏,多死。 悉記其名,使待除于家。 提點廣西刑獄。桂州靈渠故通漕,歲久石窒舟滯,師中卽焚石,鑿而通之。 師中謂地皆險阻,無所事騎,奏罷之。 士人補攝官,銓授無法,權在 邕管有馬軍

食。 韶下經略使蕭固、轉運使宋咸,二人爲注所餌,合詞稱便,而師中至,韶以注奏付之。 初,邕州蕭注、宜州張師正謀啓邊釁,注欲以所管蠻峒酋豪往討交阯,云不用朝廷兵

按法當 勝 皇爲 懼,委巢穴遁去。 入寇。 福 師 中邀 一, 脫 立 駭 |率其族以地 有 奏, 注 斬。 師中 敗 來 仁宗爲之旰食。 衄 於是注責泰州 方宴客, 「,奈何?」 注知不可 難之曰:「君以脋豪伐|交阯,能保必勝乎?」曰:「不能。」師中曰:「既不能保必 儂 智 降。 飲酒 高 邊人化其德, 自若, 子宗旦保火峒, 安置, 師中 草六榜揭境上, 并按固、咸,皆坐貶。 言 遂 無足憂, 多畫象 一罷議。 衆無 會蠻徭 立祠 因劾注邀 所 以 屬,前將 披以其情得,不敢動, 事 申紹泰入追亡者,害巡檢宋士堯,注 稱 功生事, 師 規討 中攝 爲桂州李大夫,不 帥事。 以幸賞 掊斂失衆心, 卒致 交阯耀 **′**; 遂 固 卽 守。 敢 日貢方物。 兵於邊,聲言將 名 師 將 中 **率**敗覆, 檄 又張 諭 紹 泰

中日:「不出兵,罪獨 世。 館 知鳳 鄜 燙, 延 翔府。 知濟 路 娊 知 种諤取綏州,師中言:「 西夏駐兵綏、銀州 在 帥,非諸將 濟水堙塞 久,師中 憂 ,機諸路當 也。」 西夏方入貢,叛狀 旣 訪 故道 而 此 牽 制,師中 ,自兗城 舉卒罷。 疏 未 西南啓鑿之,功未 明, 論牽制之害。 恐彼得以 藉 時諸將皆請行 半 口 丽 , 徒啓 去 其釁端 遷直 ·', 師 史

4 中 簡 亦 以持 善守者列 熙 寧初,拜天章閣待 重總大體自 塞上,而使善戰者中居,令諸城曰:「卽寇至,堅壓固守;須其去,出戰士尾襲 虚。 制、 前 河東都 此 多屯重 轉 兵 運 使。 於境、寇至則戰, 西人入寇,以 嬰其 師中知秦州。 、銳鋒, 丽 內無以遏其入。 詔賜以 班超 傳

之。」約束旣熟,常以取勝。

列傳第九十一 李師中 陸詵

夏人鈔略之患,部人必歸心。 根本之計未實,腹心之患未除,而勤遠略、貪土地者,未有不如此者。」詔 先 必廣發兵,大張聲勢,及令蕃部納土,招弓箭手,恐西蕃及洮、河、武勝軍部族生疑。今不若 招撫一唐、武勝及洮、河諸族,則西蕃族必乞修城砦,因其所欲,量發兵築城堡,以示斷絕 王韶築渭、涇上下兩城,屯兵以脅武勝軍,撫納洮、河諸部。 唐於西域,每得地則建爲州,其後皆陷失,以淸水爲界。 下師中議,遂言:「今修築 師中罷帥事

**遂貶和州團練副使安置。** 失,又自稱薦曰:「天生微臣,蓋爲聖世,有臣如此,陛下其舍諸。」呂惠卿歇其語,以爲罔上, 職 知舒州。 韶 又請置市易,募人耕緣邊曠土,師中奏阻其謀。 徙洪、登、齊,復待制、 還右司郎中,卒,年六十六。 知瀛州。 又乞召司馬光、蘇軾等置左右。 王安石方主韶,坐以奏報反覆罪,削 師中言時政得

今鄞縣王安石者,眼多白,甚似王敦,他日亂天下,必斯人也。」後二十年,言乃信。 師中始仕州縣, 邸狀報包拯參知政事,或云朝廷自此多事矣。 師中日:「包公何能爲,

薦其有王佐才。 不貴威罰,務以信服人,至明而恕。去之日,民擁道遮泣,馬不得行。 其志尙甚高,每進見,多陳天人之際、君臣大節,請以進賢退不肖爲宰相考課法。 然好爲大言,以故不容于時而屢黜,氣未嘗少衰。 杜衍、范仲淹、富弼皆 在官

其獄 ,無濫者。 陸詵字介夫,餘杭人。進士起家,簽書北京判官。 加集賢校理、通判秦州。范祥城古渭,詵主餽餉,具言:「非中國所恃, **貝州亂,給事** 不乏興、 賊平,又 而勞 條 治

師 屯 戍, 判 、太常禮院、東部南曹,提點開封縣鎭。 咸平龍騎軍皆故羣盜,牢廩不時得, 且. 生事。」旣而諸羌果怒爭,塞下大擾,經二歲乃定。 殿涖

官, 還營不自安,大校柴元煽使亂。 詔詵往視,許元以不死,命取始禍者自贖,衆皆帖然。

錢,他日 提 點陝西刑獄。 以 一當三猶輕之,今減令均直,大錢必廢。請以一當二,則公私所損亡幾,而商 時鑄錢法壞, 議者欲變大錢當一, 胱言:「民間素重小銅錢而 賤大鐵

可以通 行; 兼盜鑄者計其直無贏,將必自止。」從之。

略使未 後, |交 導以所當 徙 人浸驕,守帥 湖南 ·嘗行飭武備,臣願得 爲, 北轉 懾 伏而 運使,直集英院,進集賢殿修撰、知 常姑 去。 息。 詵 遂 一往,使羣蠻知省大將號令,因以聲震南交。」詔 詵至部,其使者黎順宗來,偃蹇 至 邕州,集左、 右江 四十五 徒州。 峒首詣麾下, 如故態。 奏言:「邕去桂十八驛,異時經 詵絀其禮、召 閲 簡 工丁 可。 五萬, 自農徭定 問 折論, 補

將 吏, 更鑄 即 給之, 軍聲 益 張 交人滋益恭, 遣使入貢。 召爲天章閣待制、 知諫院, 命張田

代之,英宗戒以毋得改詵法。

先 ? 書諭告,詵以爲未可。 辦此。」諒祚聞之大沮,盤旋不敢入,乃報言:「邊東擅興兵,今誅之矣。」朝廷遣何次公持詔 不稍加折銷,則國威不立。乃留止請時服使者及歲賜,而移宥州問故。 是也。」諒祚寇慶州,以敗還,聲言益發人騎,且出嫚辭,復攻圍大順城。 王素爲殷言,惟朝廷與帥臣意如此;至如諸將,無不貪功生事者。卿謂何如?」詵曰:「素言 」對曰:「邊事難以隃度,未審陛下欲安靜邪,將威之也?」帝曰:「大抵邊陲當安靜。 昨 道除知延州,趣入覲,帝勞之曰:「卿在嶺外,施設無不當者。 明年,又乞留賜多服及大行遺留二使,而自以帥牒告之故。 鄜延最當敵要, 今將何 帝喜曰:「固知詵能 就謂由積習致然, 諒祚始

詵 封之,使自爲守,故爲中國之利。今無益我而輕啓西疊,非計也。」乃共畫三策,令幕府張穆 力,詔詵召諤問狀,與轉運使薛向議撫納。詵、向言:「名山誠能據橫山以扞敵,我以刺史世 旣諤抵罪,向、穆之皆坐貶,以詵知眞定,改龍圖閣學士、知成都。 之人奏,而穆之陰受向指,詭言必可成。 神宗意詵不協力,徙知溱、鳳。 曰:「數萬之衆納土容可受,若但以衆來,情僞未可知,且安所置之。」戒諤毋妄動。 欲理諤不稟節制之狀,未及而徙。<br />
詵馳見帝,請棄綏州而上諤罪,帝愈不懌,罷知晉州。 銀州監軍嵬名山與其國際,扣靑澗城主种諤求內附,諤以狀聞,遂欲因取河南地。 **誇途發兵取綏州** | 諤 持 之

因詵謝罪,共貢職。

列傳第九十一 陸詵

歲儉不能償 青苗 法 出 通,適陷之死地,願罷四路使者。」詔獨置成都府一路。熙寧三年,卒,年五十九。 ,詵言:「蜀峽刀耕火種,民常不足。今省稅科折已重,其民輕侈不爲儲積,脫

子師閔

牧,事權震灼,建請無不遂志,所行職事,他司莫預 平,遂居|稷職。 乞賜之土田。 師閔以父任爲官。 詔賜稷十頃,進師閔都大提舉成都、永興路権茶,位視轉運使。 在蜀茶額三十萬,稷旣增而五之, 熙寧末,李稷提舉成都路茶場,辟幹當公事;不三年,提舉本路常 師閔 聞 又衍爲百萬。 稷死,師閔訟其前 又兼買馬、監

未有甚於此者。」廉奏至,如轍所陳。乃貶師閱主管東嶽 物折博,賤取而貴出之,其害過於市易。 黄廉入蜀訪察。 茶禍旣被於秦、閩,又欲延荆、楚、兩河,神宗不許。 右司諫蘇轍論其六害,謂:「李稷引師閔 自法始行,至今四變,利益深,民益困。 共事, 廟 元站 初,用御史中丞劉摯言, 增額置場, 以金銀貨拘民間 立法之虐, 遣

然,曰:「但行之一年,而以較綱馬,利害卽可見矣。」師閱遂請令蕃漢商人願持馬受券者,於 秦、蜀茶事,於是一切如初。 又使掾屬詣闕奏券馬事,安壽(三)、韓忠彥議頗異,獨曾布以爲 久之, 起知 蘄州。 會復置常平官,李清臣在中書,卽以師閱使河北。 尋加直祕閣,復領

會綱 熙、秦兩路印 馬 之籍,死者至什二,而劵馬所損纔百分一。 . 驗價給之,而請直于太僕,若此券盛行,則買馬場可罷。 韶獎之,賜以金帛。 旣用其策,明年,太僕 改陝西轉運使,加集

賢殿修撰、知秦州

|閔 癿 囉, 承命踊躍,集兵四萬以待。 諸道方進築被爵賞, 皆不成而還。 傳更檄會兵于巓耳關,未至復卻 師閱在秦無所事,怏怏不釋。 而章惇陰諷熙帥 |鍾傳先出塞,敕師閔聽||節制,築淺井,又築 秦鳳之師再出再返,勞且弊,言者乞 曾布議使督本部兵赴熙河共攻, 師

之。 歷河南、永興軍、延安府,卒。 旋進寶文閣待制, 召爲戶部侍郎。 未及拜,坐秦州祚增首虜事,落職知鄞。 未幾,

還

加責,不聽。

种諤擅納綏州降人數萬,朝廷以其生事,議誅諤,反故地歸降人, 趙离字公才,邛州依政人。 若將改而還之,彼能聽順而亡絕約之心乎? 不若論以 第進士,爲汾州司法參軍。 郭逵宣撫陝西,辟掌機宜文字。 以解仇釋兵。 彼 离 衆餓莩, 上 疏

投死中國,邊臣雖擅納, 實無所利,特以往年俘我蘇立、景詢輩爾。 可遣詢等來,與降人交

一〇六八三

列

歸 各遵紀 律,而 疆 場寧矣。 如其蔽而不遣,則我留橫山之衆,未爲 失也。」

之地三十里,以處降 事 叉 徒 廷從之,活降人數萬,爲東路捍蔽 逵 帥 鄜 延 ,爲逵移 者。 若棄綏不守,則無以安新附之衆。 書執政,請 存綏州以張 兵勢,先規 援种世 度大理河 衡招蕃兵部敵 川 建 堡 幸, 屯 畫稼 青澗

故

朝

用兵。 廣 任 事 邊障,乃無窮之利。 之質,鐫歲賜以爲俸給,因使納塞門、安遠二砦而還綏州。 熙寧初,夏人誘殺 降二萬人入吾肝脾,壓隊已深,不可亡備。」一神宗然之。 若存綏以觀其變,計之得也。」神宗 知保安軍楊定等,旣而以李崇貴、韓道喜來獻,且請 召問狀,對曰:「綏之存亡,皆不免 除集賢校理。 离言:「綏實形勢之地 和。 朝 廷欲 官其 宜. 增

制,乃不敢逞。 草,又亡險隘 宣撫判官。 之地,然後招降; 遷 提 點 夏人犯環慶,後復來賀正 陝西 | 諤 趣 刑獄。 可以控扼,今切危之。 加直 河東兵會銀川,規以後期斬將。 不爾,勞師遠攻,未見其利。」解欲取橫山,納种諤之策,遂城囉兀 韓絳宣撫陝 龍圖閣、知延州 西, 离請邊吏離其心腹,因以招橫山之衆,此不戰而 河東兵西討, 禼爲絳言:「大兵過山 若乘兵威招誘山界人戶,處之生地,當先經畫山 屬白絳, 令諤自往中路迎東兵。 界, 皆砂磧, 屈 | | | | | 了以 人兵也。 [界控] 乏善水 离 權 扼

夏人屢欲款塞,每以虛聲搖邊。 詔問方略, 禼審計形勢, 爲破敵之策以獻。 遣裨將曲

路經略司分畫;歲賜,則俟通和之日復焉。」明年,遂用禼策,以綏爲綏德城。 夏衆敗走。 呂眞以兵千人分巡東西路。 夏自失綏,意未能已。 夏人方以 离揣知其情,奏言:「夏使請和 四萬衆自間道欲 取級, 道遇|珍, ,必欲畫綏界, 皇駭 귮 戰, 願聽本 眞繼

頃,募騎 手者,貸常平穀一斛,於是人人願刺,因訓練以時,精銳過於正兵。 此。」禼曰:「其地存乎?」 」 與以對。 爾,田 初 兵萬 則吾不問也。」諸酋皆感服歸募,悉補亡籍。 鄜延地皆荒瘠,占田者不出租賦,倚爲藩蔽。 离因招問曰:「往時汝族戶若干,今皆安在?」對:「大兵之後,死亡流散,其所存 七千。 禼以異時蕃兵提空簿,漫不可致,因議涅其手。 离曰:「聽汝自募丁,家使占田充兵,若何? 又檢括境內公私開田,得七千五百餘 寶元 用兵後,凋耗殆盡 神宗聞而嘉之,擢天章 屬歲饑,离令蕃兵願刺 , 其曠土爲諸 吾所得者 止

興禽 永平。 以 馧 大 憲 異 兵繼之, 交阯 离以爲 神宗問可代者,禼以郭逵老邊事,願爲裨贊,於是以逵爲宣撫使,禼副之。 禼 叛,詔爲安南行營經略、招討使,總九將軍討之,以中官李憲爲貳。禼與議不合,請 欲 逵不 乘兵形未 廣源 聽; 間 道距||交州十二驛,趣利掩擊,出其不意,川途並 動,先撫輯兩江 禼 又欲使人齎敕榜入賊中招納,又不 峒丁,擇壯 .勇啖以利,使招徠攜貳,隳其腹心,然後 聽。 遂令燕達先 進, 三路致討, 勢必分 破 廣源, **逵**至,輒 復 澴

閣待

制

列

傳

第

九

+

趙

禼

\_\_

一〇六八六

於 潰, 石 玩 如 固 寇, 雨 爭 其艦 乃移疾先還行。 木 能 被擊,皆廢 得 賊 乘緩 達旣坐貶,禼亦以不卽平賊,降爲直龍圖 徐以罷· **遂據江列戰艦數百** 艘, 官軍不 能 濟。 級,馘: |离 分遣 閣 其渠 角,遂皆 知桂州 將更伐 木治 後復 攻 天章 逵 機

餹 輓 不 時 給 西 師 臘 大舉,五路並進,以萬爲河東轉運使,領降卒赴鄜延餉 知相 州 旣 而 鐫職 知准 陽軍,居數月, 盡 復故 職 种諤 軍 **諤抵罪,离又坐** 

待

制、

權

三司

使。

告以 出 時 及 生 出 敵 擒 夏 **治**卷, 鬼名 賀蘭 其 攻 侵 知 闌 故 邊 慶 ·險要, 一,离 約 州 州 斬 邀 遣將 离遣 首 期日使往,果縛 其 羌 過嶺 頟 歸 够名昌 李 曲 六 路 照 珍將兵直抵 獲戰 則砂 端彦 浦、蕃官歸仁各將兵三千左右分擊,耿端彥 詭 磧 馬 稱送幣,將入寇,禼知蕃主白信可使,信適以罪係獄。 興戰 七百 也。 取以歸。 鹽韋,俘馘 賀羅 「, 牛 羊、 使 敵 苧 明年,夏人欲 入 · 老幼三 不夏,無繇破之。」 敵 千,驅 敗 萬 果超 孳畜五千。 餘 襲取新 平夏。 遷 龍 又選三 壘, 千 圕 其 兵 閣 大治 、伏發, 直 一蕃官 兵 學 攻械。 四 厥 士, 鬼名宿 各輕 一千超賀 敵 復 駭 兵 禼 帥 潰, 闝 具 兵 延 五 於 上 百 原 斬 破械出之, ·撓夏計。 質蘭 馘 取 戒 甚 蕳 端

輕 兵擣其腹心。」後果來犯, 元 祐 初, 梁 Z 埋 數擾 邊 安等襲洪州 禼 知夏 將 入侵 俘斬甚衆, 分,檄 西 路 將劉安、 夏遂入貢。 李儀 旣而 日 以重兵壓境, 夏 卽 犯 塞 門, 諸將 汝 徑 以 귮

益戍兵爲備,禼徐諭之曰:「第謹斥堠、整戈甲,無爲寇先,戍兵不可益也。」因遣人詰夏,

夏兵遂去。遷樞密直學士。

中疑而殺之。

所亡, 洪州是也。 乙埋終不悛。 能改之,吾善遇汝。」遺之戰袍、錦綵,自是乙埋不復窺塞。 使間以善意問乙埋:「何苦與漢爲仇。 必欲寇,第數來,恐汝所得不能償 。离乃縱間,國

|疆四砦,以||禼領分畫之議。|夏旣得四砦,猶未有恭順意,未幾復犯||涇原。會||离卒,年大十 五,贈右光祿大夫。紹聖四年,以禼與元祐棄地議,係其名于黨籍。 五年,拜端明殿學士,遷太中大夫。夏遣使以地界爲請,朝廷許還葭蘆、米脂、浮屠、安

寇,論扞禦功,進五階,除陝西轉運判官。 合新政,神宗語輔臣以爲不可用,下遷主簿。 孫路字正甫,開封人。進士及第。元豐中,爲司農丞。 路鞅鞅不釋,求通判河州,徙蘭州。 鄧潤甫薦爲御史,召對,其言不 夏人入

事、當訪之邊人, 元祐初,爲吏部、禮部員外郎,侍講徐王府。 孫路在彼四年,其行止足信,可問也。」光亟召問,路挾輿地圖示光曰:「自 司馬光將棄河、湟,邢恕謂光曰:「此非細

列傳第

九

+ -

孫路

游師雄

通 行形蔽 遠 至 熙州 若捐 纔 以予敵,一道危矣。」光幡然曰:「賴以訪君,不然幾誤國 通 徑,熙之北已接夏境,今自北關辟土百八十里,瀕大河,城蘭州, 事。」議遂止。

修舊 一壘,載器 遷 右司 郎 甲樓 中,以直龍圖 鹵,頓大順 閣 城下,夜半赵安疆,遲 知慶州 章惇柄! 國, 明據之,六日而城完。 復議取棄地。 時諸道 相視未進, 路聲言 加寶文閣待制,遂

築興平、橫山。進龍圖閣直學士,徙知熙州。

兵部尚書,以龍圖閣學士知成都。 興軍、河中府,卒。 擣 邈川 涇原城西安, ,赡先至,下之。 詔 出 師牽制其勢。 愍與爭功,路右愍,顓屬 未行,坐他事削職, 路即將衆臨會州,遂建取青唐之策。 以兵; 知 膽 次興國軍 有請, 輒 弗 徽宗立,歷太原、河南、永 應。 **膽訴諸** 大將王愍、王 朝,召 | 拜路 贍

延 將劉 游 師雄字景叔,京兆武功人。 琯 與主帥議戰守策,欲自延安入安定、黑水,師雄以地 學於張載,第進士。 爲儀州 司戶 薄賊境,懼有伏,請由 參軍, 遷德 順 軍 [他道。 判官。

旣 而 諜者言夏伏精騎於黑水傍,琯謝曰:「微君言,吾不返矣。 鄜

|趙 离 帥延安,辟爲屬。 時夏人擾邊,戍兵在別堡,龍安以北諸城兵力咸弱,禼患之。 師

雄請發義勇以守,多聚石城上,待其至。 夏人知有備,不敢入,但襲荒堆、三泉而還。

行諸壘振 貸,計口賦粮,人無殍亡。 。運石瑩甲,深溝繕城,邊備益固

監丞。 與之乎?萬一燕人遣一乘之使,來求關南十縣,爲之奈何?」不聽。 (者也,若何棄之,不惟示中國之怯, 將起敵人無厭之求。 元站 初,爲宗正寺主簿。 執政將棄四砦,訪於師雄。 師雄曰:「此先帝所立,以控制夏 爣爐、式、荆、粤視以爲請,亦將 因著分疆錄。 遷軍器

逋宗城,斬首千五百級,攻講朱城,斷黃河飛梁, 青唐十萬衆不得度。 河州 邊臣 邀 大首領九人,斬首千七百級。 功 脫事不濟,甘受首戮。」議三日乃定,遂分兵爲二,姚兕將而左, [措置,詔師雄行,聽便宜從事。 生事 ,師雄欲先發以制之,請於帥劉舜卿。 吐蕃寇邊,其鱼鬼章青宜結乘間脅屬羌構夏人爲亂, ,止遷一官,爲陝西轉運判官、提點秦鳳路刑 捷書聞,百僚表賀,遣使告永裕陵。 既至,諜知夏人聚兵天都山,前鋒屯通遠境。 舜卿曰:「彼衆我寡,奈何?」師雄曰:「在謀不在 獄 謀分據熙河。 將厚賞師雄,言者循以爲 种誼將而右。 誼破: 朝廷擇可使者與 洮州,擒 吐蕃將攻 鬼章及 | 兕破 六

於定 西、通渭之間建汝遮(四)、納迷、結珠三栅,及護耕七堡(五),以固藩籬,此無窮之利也。」 夏 人侵涇原,復入熙河,師雄言:「蘭州距賊一舍,通遠 不百里,非有重 一山複嶺之阻。 宜

列

傳第九

〇六九〇

韶付范育,皆如初議

費。」報可。 事任了,名日紹聖安邊策,上之。 訪邊防利病,師雄具慶曆以來邊臣施置之臧否,朝廷謀議之得失,及方今禦敵之要,凡六十 算,臣何力之有焉。 「往者邊土不耕,仰給於內,今積粟已多,軍食自足,宜令內地量轉輸致之直,以免大 拜 祠 部員 召詣闕,哲宗勞之曰:「洮州之役,可謂雋功,但恨賞太薄耳。」對曰:「皆上稟廟 《外郎, 唯當時將士勳勞未錄,此爲欠也。」因陳其本末。 加集賢校理,爲陝西轉運使。 內地移粟於邊,民以輦僦爲病。 拜衞尉少卿。 哲宗數 師雄

爭之,不報。旣而使者知攻取之難,卒用師雄策。 帥、秦帥共謀之。使者銳於討擊,師雄謂:「進築城壘以自蔽,席卷之師未應深入也。」上章 出知別州,改河中府,進直龍圖閣、知秦州,未至,詔攝熈州。 以夏人擾邊,詔使者與熈

進。 自復洮州之後,于闐、大食、佛林、邈黎諸國皆懼,悉遣使入貢。 師雄曰:「如此,非所以來遠人也。」未幾還秦,徙知陝州。卒,年六十。師雄慷慨豪邁, 朝廷令熙河限其二歲

有志事功,議者以用不盡其材爲恨。

穆衍字昌叔,河內人,徙河中。 第進士,調華池令。 民牛爲仇家斷舌而不知何人,訟于

縣,衍命殺之。 明日,仇以私殺告,衍曰:「斷牛舌者乃汝耶?」訊之具服。

後 比至,慶卒嘗戍華池,知衍名,不敢近。 知淳化,耀之屬縣。 | 術從韓絳宣撫陝西, 遇慶卒潰亂, 術念母在耀, 亟謁歸, 信宿走 時諸郡捕賊兵糧糒無以給,遂擅發常平倉,

|衍曰:「饑之不恤,則吾兵將爲慶卒矣。」 |衍考課爲一路最。

且懼得罪。

之命,以一身塞責,衍無憾焉。」 千里外哉?」 諤乃止。 同幕畏罪,陽謝衍曰:「師不再舉,君之力也。」 衍識其意,曰:「全萬衆 |諤還入塞,詔往||靈武援渭、慶兩軍。將行,||衍曰:「吾兵惰,歸未及解甲,安能犯不測於 元豐中,种諤西征,參其軍事。 |諤第賞,以死事爲下。|衍曰:「此非所以勸忠也。」力爭

後患益前,悔將無及矣」。議遂止。 改陝西轉運判官,金部、戶部員外郎。 河、湟,西邊一有不順,則警及京都。 今二百餘年,非先帝英武,孰能克復。 若一旦委之,恐 |元祐初,大臣議棄||熙、||蘭,||衍與||孫路論疆事,以爲「||蘭棄則||熙危,||熙棄則||關中震。 ||唐自失

利,遂廢不守。請界二壘之間,城李諾平以控要害,及他城堡皆起亭障,以通涇原。」明年, 熙河分畫未決, 詔衍視之。還言:「質孤、勝如據兩川美田,實彼我必爭之地,自西關失

多城<u>李</u>諾,名曰定遠。三遷左司郎中。

年六十三。 紹 聖初, 敕河中官屯其葬,後追錄不棄|蘭州議,官其一子。 以直祕閣爲陝西轉運使,加直龍圖閣、知慶州,徙延安,又徙秦州,未行而卒。

下,蓋 政得民心,既去而亂兵不忍驚其母,德之足以感人,有如是夫。 非大將之器也。 以 利,無足取者。 靡有定,相爲短長,元發、師中輩七人,一時謀謨,蓋 足動人主, 一言止之,使司馬光自悔幾於誤國;及取青唐,下邈川,可驗其能,然右王愍而困 論曰:自熈寧至於紹聖,四方之事多矣。 又先於呂誨矣。 而神宗惑安石之言,竟弗之悟。 趙禼狃於西陲之勝,取敗南裔,後獲嵬名,庶足自贖。 游師雄之禽鬼章,復洮州,以致諸國 詵能鎭撫西夏,又能靖交阯之難,誠有禦邊之才;其子師閔爲 師中豫識安石於鄭令,以爲目肖王敦,將亂天 夏人乍服乍叛,其地或予或奪,廟堂之上,論 一入貢,校之諸將,其功獨爲雋偉。 可考也。 元發論君子小人,言簡而 朝臣議棄河、湟,孫路 王赡 |衍為 時籠 杰

#### 校勘記

恐元發有言 「恐」原作「然」,據東都事略卷九一本傳改。

(11) 安壽 疑爲「安燾」之訛。</a>
憲,本書卷三二八有傳。

乃移疾 先還 「還」字原脫,據東都事略卷九一趙萬傳補。

汝遮 原作「安遮」,據本書卷四八六夏國傳、張舜民畫墁集補遺游師雄墓誌銘改。

參考本書卷

八七地理志。

(m) 七堡 原作「七聖」,據同上書同卷同篇改。

(水)凡六十事 臺墁集補遺游師雄墓誌銘作「一十六事」。

## 宋史卷三百三十三

### 列傳第九十二

李琮 閻 楊 詢 佐 葛宮 李兌 朱壽隆 從弟先 張田 盧士宏 沈立 樂諲 單煦 張掞 李載 楊仲元 張燾 姚渙 俞充 朱景子光庭 余良肱 劉瑾 潘夙

氣騰上,入者輒死;惟天有雨,則氣隨以下,稍能施工, 穴竅灑之,如雨滴然,謂之「雨盤」。如是累月,井榦一新,利復其舊 十丈,皆石也,底用柏木爲榦,上出井口,垂綆而下,方能及水。 楊佐字公儀,本唐靖恭諸楊後,至佐,家于宣。 及進士第,爲陵州推官。 晴則 亟 歲久榦摧敗,欲易之,而陰 咔 佐教工人以木盤貯水, 州有鹽井深 五.

以通 河流,於是置都水監,命佐以鹽鐵判官同判。 累遷河陰發運判官,幹當河渠司。 皇祐中,汴水殺溢不常,漕舟不能屬。 京城地勢南下,涉夏秋則苦霖潦,佐開永 佐度地鑿瀆

列傳

第九

十

\_\_

楊

佐

李

兌

通 河, 疏溝澮出野外, 自是水患息。 又議治孟陽河,議者謂不便。 佐言:「國初歲轉京東粟

數十萬,今所致亡幾,儻不濬復舊跡,後將廢矣。」乃從其策。

吏獨捨佐不問。 出爲江、准發運使。 糾察刑獄劉敞請加貶黜,不聽。 孟陽之役,調民七、八千,夷丘墓百數,怨聲盈塞。 召爲鹽鐵副使,拜天章閣待制,復判都水, 韶開封鞫治,官

嘗使契丹,虜饋以方物,書獨稱名。 英宗升遐,奉遺留物再往使,卒于道,年六十一。

詔護喪歸,賻以黃金,恤其家。

知審官院,權發遣開封府。

|李兌字||子西,||許州||臨潁人。登進士第,由屯田員外郞爲殿中侍御史。 按齊州叛卒,獄

成,有欲夜篡囚者,悅以便宜斬之,人服其略。

久而不決。 成,王拱辰以爲十二鐘磬一以黃鐘爲律,與古異,胡瑗及阮逸亦言聲不能諧。 、內都知任守忠爲副, ) 兒言以宦者觀軍容, 致主將掣肘, 非計。 張堯佐判河陽, 兌言堯佐素無行能, 不宜以戚里故用。 改同知諫院。 |兌言:「樂之道廣大微妙,非知音入神,詎容輕議。 願參新舊,但取諧和近雅者, 仁宗爲罷守忠。 狄青宣撫廣西, 詔近臣集議, 太常新樂

奪節 合而用之。」進侍御史知雜事,擢天章閣待制、 及老疾請郡者, 一切得仍奉稍。 兌言非所以勸沮,乃詔悉依所居官格。 悅在言職十年, 知諫院。 轉運使制祿與郡守殊, 時有用彈劾

凡所論諫,不自表襮,故鮮傳世。

爲解。 納 土後, 出 党曰:「既赴井,復自縊,有是理乎?必吏受賕敎之爾。」訊之果然。 知杭州,帝書「安民」二字以寵。 獨兌著清節。 還知河陽,帝又寵以詩。 徙越州, 徙 鄧州。 加龍圖閣直學士、知廣州, 富人榜僕死,係頸投井中而以縊 南人謂自劉氏

諡 無 日脏。 拜,以爲集賢院學士、判 |兌歷守名郡, 爲政 從弟先。 簡嚴,老益精明。 西京御史臺。 自 積官尚書右丞,轉工部尚書致仕。 鄧歸,泊然無仕宦意。 對便殿, 力丐退, 英宗命 卒,年七十六,

其平。 先字淵宗, 起進士,爲虔州觀察推官,攝吉州永新令。 兩州俗尚訟,比爲辨枉直,皆得

如家, 往丐食僧所而僧逐之,取僧園 知 人目以俚語:在信爲「錯安頭」,謂其無貌而有材也; 信州、南安軍,撫陸州,歷利、梓、江東、淮南轉運使。 中筍,遂執以爲盜。 **先詰其由**, 在楚爲「照天燭」,稱其明也。 壽春民陳氏施僧田,其後貧弱, 奪 田之半以還之。 所至治官 楚

列

傳

第九十

日

桉。 有民迫於輸賦,殺牛鬻之。 明 龍舒來,先引囚曰:「汝罪應杖,以通判貸汝矣。」遣之出 通判孫龍舒以爲徒刑,

八十三。 積 官 至 子庭玉,年六十卽棄官歸養。 秘書監致仕。 兄兌尙無恙,事之彌篤。 人賢其家法云。 以子敍封,得太中大夫,閉居一紀卒,年

歲抵罪者輒數萬,而官僅得錢四萬。 粟以振,立亟命還之,而勸使自稱貸,須歲稔,官爲責償。 病,爲書日河防通議,治河者悉守爲法。 沈立字立之,歷陽人。 舉進士,簽書益州判官, 立著茶法要覽,乞行通商法, 遷兩浙轉運使。 提舉商胡埽。 蘇、湖水, 茶禁害民, 民艱 采摭大河事 三司使張方平上其議 山場、権場多在部內, 食,縣戒強豪民發 迹、 古今利

令北使易冠服,况門見邪?」|契丹愧而 奉使契丹,適行册禮,欲令從其國服,不則見於門。 上。 立折之曰:「往年北使講見儀、未嘗

後罷権法,如所請; 立召爲戶部判官。

省役,從之。 遷京西北轉運使。 加集賢修撰、知滄州, 都水方興六塔河,召與議, 進右諫議大夫、判都水監,出爲江、准發運使。 立請止修五股等河及潭河, 分殺水勢以 居職辦

治,加賜金,數詔嘉之。 知越州、杭州、審官西院、江寧府

卷。 徙宣州,提舉崇禧觀。 初, 立在蜀,悉以公栗售書,積卷數萬。 卒,年七十二。 神宗問所藏, **位上其目及所著名山水記三百** 

受而 將棄城,瘟拔刀遮止於門,力治守備,游騎爲之引去。 不校。 張掞字文裕,齊州歷城人。 父 蘊, 咸平初, 監淄州兵。 郡守處,始謀掠爲己功,反陷以罪,瘟 

時入。 石介獻息民論,請以益都爲天下法。 舉進士,知益都縣。 丁內艱,時隆寒,徒跣舉柩,叩首流血,與兄揆 當督賦租,置里胥弗用,而民皆以

廬墓左。

疾居家, 良爲鈴轄, 聞 韶除登、萊稅。 明道中,京東饑,盜起,以御史中丞范諷薦,知萊州掖縣。 宴客 多撓帥 自若, 權, 通 奏抵其罪。 判永興軍,爲集賢校理, 用危法 中軍校,掞直之,而劾士良。 入判太常、 司農寺, 四遷爲龍圖閣直學士、知成德軍。 累官戶部侍郎致仕。 英宗登極, 民訴旱于州,拒之,掞自爲奏 朝廷使來告, 熙寧七年,卒,年 宦者閣 士良辭

列

傳

第

九十

張

掞

張

饕

事

八十。

揆 如父,理家必諮而行,爲鄉黨矜式。 少從劉潛、李冠游,及其死,率里人葬之,置田贍其孥。

**濰多圭田,率計畝徵絹,** 者,徐詣營取首惡,置諸法。 張燾字景元, 樞密直學士/奎之子也。 而蠲河役, 燾不肯踵例, 廢法還其役, 入損於舊五之四, 且命吏曰: 知沂、潍二州。 舉進士,通判單州。 |沂產布,|維產絹,而有司科賦 州卒謀亂, 相反, 期有 日<sub>,</sub> | 議得告

「吾知守己而已,無妨後人,汝勿著爲式。」

年, |燾言:「|芳林園有餘地,宗室足自處,無庸起民居。」從之。 產以償。 壞,燾悉力營護,詔寵其勞。入爲戶部副使。 復提點河東、陝西、京西刑獄,爲鹽鐵判官、淮南轉運使、江淮發運副使。 提點河北刑獄,攝領澶州,七日而商胡決。 燾請罷歲額,嚴禁令,隨所用麴多寡以售, 京師賦麴於酒,人有常籍, **燾拯溺救飢,所全活者十餘萬,猶坐免。** 自是課增溢。 孝嚴殿成,請圖乾興以來文武大 官修睦親宅,議取民居, 毋問 售不 泗州 售, 或蹶 城且 數

臣像於壁

彊以漢法。 衡,縋石其秒,挽出之,橋復其初。 遷天章閣待制、陝西都嚩運使。 震按得其狀,俱以隸軍。 保安二土豪善騎射,爲邊 清津浮橋壞,鐵牛皆沒水中, 燾以策列巨木於岸以爲 加龍圖閣直學士、知成都府。 人所憚,故縱善馬誘使取之,而 蜀人苦多盜, 震嚴保伍,

使不得隱,而申其捕限。 南蠻寇黎、雅,討走之,罷磨刀崖戍卒。 改知瀛州

復 |判太常,知通進、銀臺司,提舉崇福宮,由給事 母 喪服闋。故事,起執政以詔,近臣以堂帖; ,中易通議大夫。卒,年七十。 神宗特命賜詔。 判太常寺, 知鄧、許二州,

愚不可繼。」遂止。 顧 局 左 未終,處決已竟。 右 **燾才智敏給,常從范仲淹使河東。** · 識其姓名,後欲以爲觀察使守邊,曰:「卿家世事也。」 燾對曰:「臣叔父亢有大才,臣 英宗時,三司前奏事,帝詰鑄錢本末,皆不能對,燾悉論 至汾州、民遮道數百趨訴,仲淹以付。 無隱。 燾方與客奔, 帝是之,

十策禦戎。 八萬頃。 俞充字公達, 明州鄞人。 登進士第。 檢正 神宗遣內侍王 中書戶房,加集賢校理、淮南轉運副使,遷成都路轉運使。 中正同經制,建三堡,復永康爲軍,因詐殺羌衆以爲中正功,與深 熙寧中爲都水丞,提舉沿汴淤泥溉田,爲上腴者 茂州羌寇邊,充上

列

傳

第

九十

俞

充

一〇七〇二

相結 至出妻拜之。 中正 還闕,舉充可任。 召判都水監, 進直 一史館。 中書都檢正御史彭汝

礪論其 州事中正,命遂寢。

īļī 方 自村 易,歲登課 河 決 決 曹村,充往 時,兵之在 白 ĮΨ + 萬。 .役者僅十餘人,有司自取敗事,恐未可以罪歲也。」加集賢殿修撰、提舉 救護,還, 故事當賜錢,充曰:「奏課,職也,願自今罷賜。」詔 陳河防十餘事, 概論「水衡之政不修, 因循苟且, 聽之。 浸以成習。

境 聞 犬牙交錯, 有 病苦 擢 天章 則 巡 閣待制、知慶州。 海穫必 **撫勞餉**, 遭 掠,多棄弗 死 不能舉者出私 慶陽兵驕, 理,充檄所部 財 小繩治輒肆悖,充嚴約束,斬妄言者五人於軍門。 以周其喪, 復以時 耕植。 以故莫不畏威而懷惠。 慕家族山夷叛,舉戶 環 . 亡入西者 州 田 與夏

且三百,充遣將張守約耀兵塞上,夏人亟反之。

之秋 東常 也。 充之帥 爲 秉常亡,將 母 梁 邊,實王 所戕,或云 珪 有 薦 桀黠者起,必爲吾患。 雖 欲以遏 存而 囚 司 一,不得 馬光 之入。 與國 政。 今師 充亦 其母宣淫凶 出 知帝有用兵意, 有名,天亡其 态,國 國 屢倡 人怨嗟, 度如破竹之易。 請 西 實爲 征, 後言:「夏 興 師 願 問 得 罪

溗 傳入觀,面陳攻討之略。」詔令掾屬入議,未及行,沈暴卒,年四十九。

服入公門罷職。 詞 ,語涉譏貶,瑾 劉瑾字元忠,吉州人,沆之子也。 沒喪不就官,丐守墳墓。 泣涕不能食,闔門衰經,邀宰相自言。 第進士,爲館閣校勘。 王素爲請,以伸孝子之志。 朝廷爲改書命,黜壞爲州 流亡,得褒贈。 韶復職,遷集賢校理 知制誥張褒草 **瑾**亦坐衰

通判睦州,爲淮南轉運副使。

待制、知江州,歷福州、秦州、成德軍 遣其子懋糾諸縣巡檢兵集郡下,瓘怒責之,遽發悖謬語,懋訴瑾于朝,遂廢于家。 州 未行,改鎭廣州。 召修起居注,加史館修撰、河北轉運使,拜天章閣待制、 與樞密院論戍兵不合,改虔州。 下,卒。 戰權都監楊從先奉旨募兵不至,擅 知瀛州。 坐與世居通問 踰年,復 计。徙明

瑾 素有操尚,所涖以能稱,然御下苛嚴,少縱舍,好面折人短,以故多致訾怨。

丞 爲監察御史裏行。 閻 高字議道,鳳翔天興人。少時以學問著聞, 詔治王素獄,坐有姻嫌不以聞,降監 擢進士第,又中書判拔萃科。 河 陽 酒 稅,累遷爲鹽鐵 判 累遷秘書 官

也, 胡不徑葱嶺而 **使契丹**。 詢頗語北方疆 迂枉若是,豈非夸大國地廣以相欺邪? 理,時契丹在靴淀,迓者王 惠導詢由松亭往, 」惠慚不能 對 加直 詢 曰:「此 龍圖閣、知梓 松亭路

葛

宮

列傳

中府。 州 轉右諫議大夫,改哪、同二州,提舉上清太平宮,卒,年七十九。 徙 河東轉運使,言:「三路上兵疲老者,聽其族以強壯者代。」從之。 大河漲,壞浮橋,詢易爲長橋。 拜天章閣待制、知廣州, 不卽赴,罷職知商州 進集賢殿修撰、 知河

命悉 敦厚,恤錄宗黨,撫孤嫠,賴以存者甚 羨餘六百萬。 嘉之,召試學士院,進兩階。 可捕,宮遣 者檄守資、昌 巡毁之。 徙 葛宮字公雅,江陰人。 知滁、秀二州,秀介江湖間,吏爲關涇瀆上,以征 沙縣尉許抗諭降之。 積官祕書監、太子賓客。 兩州,以惠政聞。 三司使聞於朝,論當賞。宮曰:「天地所產,吾顧盜之,又可爲 舉進士,授忠正軍(1)掌書記。 又獻寶符閣頌,爲楊億所稱。 知南劍州。土豪彭孫聚黨數百,憑依山澤爲盜,出害吏民,不 並溪山多產銅、銀,更挾姦罔利,課歲不登,宮一 衆。 治平中, 轉工部侍郎。 往來,間有昏葬, 知南充縣,東川饑,民艱食,部使 善屬文,上太平雅頌十篇, 熙寧五年,卒,年八十一。 趨 り期者 功乎?」卒不言。 多不克, 變其法,歲 宮性 宮

章致仕,姻黨交止之,笑曰:「俟罪疾、老死不已而休官者,安得有餘裕哉。」卽退居,號草堂 獄具,密得其情,出之。法當賞,密白州使勿言。仕至太常博士。 天性恬靖,年五十,忽上

逸老,年八十四乃終。平生爲詩慕李商隱,有西崑高致。

勝仲自有傳。 歸休皆不待年。 薦己者,移書乞改薦兄,不許,則封檄還之。 冢舍。累年,乃出仕,歷封丘主簿、漣水(三)。 密不得已,許以他日偕行,始乞監新市鎭。 日 去親側,豈以五斗移素志哉?」遂投劾歸養十年餘。近臣表其志行,以爲泗州教授,弗就 子書思,踵登第,調建德主簿。 卒,年七十三,特諡曰清孝。 。時密已老,欲迎以之官,密難之。 居父喪,哀毀骨立,盛暑不釋苴麻, 其篤行類皆若此。 時兄書元爲望江令,同隸淮南監司,有捨兄而 子勝仲,孫立方,皆以學業至侍從,世爲儒家。 仕至朝奉郎,亦告老, 書思曰:「曾子不肯一 終禪不忍去

智,瑾之苛嚴,詢之辭令,皆著一時,自致顯官。俞充制軍禁暴,足爲能臣,而希時相之意,倡 請西征,使其不死,邊睡之禍,其可旣乎?葛氏自宮以下,簪纓相繼,盛哉。 論曰:佐、立擅水衡之政,爲時所稱。 悦居官論諫,無所表襮,先克承之。 掞之孝, 巖之

列傳

楊懷 | 做建策增七郡塘水, 詔通判 張 田 字公載,澶淵人。 登進士第,知應天府司錄。 集議, 田 曰:「此非禦敵策也,壞良田,浸冢墓,民被其患, 歐陽脩薦其才,通判廣信軍。

不爲便。」因奏疏極論,商監即州稅。

提點湖 酒掃 久之,<br />
通判<br />
冀州 南刑獄,介與司馬光又狀其傾險,改知湖州,徙廬州,治有善迹。 攝度支判官。 給享太廟,又請自執政下差減資費,唐介論其虧損上恩,出知廝州 內侍張宗禮使經郡,酣酒自恣、守貳無敢白者,田發其事,詔配西陵 能

兵法訓 赦前,汝自從朝廷乞恩。」乃密請貸其死 謁,詰責之,梟其首,欲幷斬以烈,叩頭流血請命。 州人魏利安負罪亡命西南龍蕃,從其使入貢,凡十反。 不滿三萬,必其國有故,張虛聲以嚇我耳。」諜旣得實,果其兄弟內相殘,懼邊將乘之也。 土 豪劉紀、廬豹素爲邊患,訖田去,不敢肆。 移 桂 峒丁而奏罷戍。 州。 異時蠻使朝貢假道,與方伯抗禮,田獨坐堂上,使引入拜於庭, 或告交阯李日尊兵九萬,謀襲特磨道,諸將 京師禁兵來戍,不習風土,往往病於瘴癘,田以 田曰:「汝罪當死,然事幸在新天子即位 至是龍以烈來, 請 益兵, 復從之。 田曰:「交阯兵 而犒賄· 田因其入 加腆。

萬 兩 熙寧初, 旬 而 成。 加直龍圖閣、知廣州。 初,役人相驚以白虎夜出,田 城既就,東南微陷,往視之,暴卒,年五十 廣舊無外郭,民悉野處, 迹 知其 僞, 召戒邏者曰:「今夕有白衣 田始築東城, 環七里, 賦功五 应。 人出入

林間

一者,謹捕之。」如言而

獲。

史像, 欲售珠犀于廣, 田 日夕師拜之。 爲 人伉直 顧 自喜,好嫚駡, 日:「南海富諸物, 蘇軾嘗讀其書,以侔古康吏。 氣陵其下, 但身爲市舶使,不欲自汙爾。」作欽賢堂,繪古昔淸刺 故死無 、哀者。 然臨政以淸,女弟聘馬軍 帥王凱,

榮諲字仲思,濟州任城人。父宗範,知信州鉛山縣。 詔罷縣募民采銅,民散爲盜,宗範

請 復如故。 **與宗嘉異,擢提點江、浙諸路銀銅坑冶,歷官九年。** 

是數 徑,作棧道七十間抵淸遠,趨廣州,遂爲夷塗。 入四倍。 |諲 舉進士,至鹽鐵判官。 爲廣東轉運使。 晉州產礬, 廣有板步古河路絕險, 京城大豪歲輸錢五萬緡,顓其利,諲請榷于官,自 林箐瘴毒。 諲開 真陽峽, 至光口古

賈點 疑 復 寫 入爲開封府判官。 、妖, 請 殺其爲首 者而流其餘,諲持不從,各具議上之。 太康民事浮屠法,相聚祈禳,號「白衣會」,縣捕數十人送府。 中書是諲議,但流其首而杖

列

僔

第

九

+

樂

諲

25

截

姚 渙

餘人。加直史館、知澶州。

撰知洪州。 利,人得有之,所盜者豈民財耶? 改京東轉運使。 以疾故,徙舒州,未至而卒。 萊陽產銀砂,民有私採者, 」貸免甚衆。 累官秘書監,年六十五 又使成都府路, 事露, 安撫使欲論以劫盜。 召爲戶 部副使, 諲 以集賢殿修 曰:「山澤之

巫以 逸。 州 推官。 八井泉飲· 瑜得罪,載坐不舉劾, 李載字伯熙,黎陽人。少苦學,隆暑讀書,置足于水,雖得疾,不舍去。 知大名冠氏縣,府守呂夷簡入相,薦其材,知齊州。 云可愈疾, 趨者旁午, 黜爲信陽軍。 載 杖巫,堙其井。 安撫使錢明逸等爲之申理,改常州。 歷 知號州、連水軍 鈴轄趙瑜使酒歐載,乃扃 登進 知祥符縣,有 士第,調堂 戶避

厚稱。 載 以光祿卿提舉仙 性篤孝,侍母 病不解帶,至 源觀,卒,年七十四。 病 灭 不能食,截亦不食,母知之,爲強食。 六爲州,一 以寬

姚渙字虛舟,世家長安。 隋開皇中,有景徹者,以討平瀘夷,策功爲普州刺史,卒,子孫

遂家普州。 澳第進士,監<u>俭</u>州交子務,發姦隱萬緡,主吏皆當死, 澳曰:「戮人以干澤,非吾

志也,義不蔽姦而已。」請於使者,願不受賞,於是全活者衆。

丈,繚以長隄,楗以薪石,厥後江漲不爲害,民德之。 大江 一張溢,渙前戒民徙儲積、遷高阜,及城沒,無溺者。 知峽州。 宜都民爲盜所殘,縣執囚訊服,以獄上。 終光祿卿,年六十七。 徙知涪州,賓化夷多犯境,渙施恩信拊 渙移劾於他有司,居亡何,眞盜獲。 因相地形築子城、埽臺、爲木岸七十

選,知隴州汧源縣。 重禁以絕其患。 城西居民三千室,建請築外郭環入之,公私稱便。 |朱景字伯晦,|河南偃師入。舉進士,調||滎澤簿。西方用兵,詔侍從館閣舉縣令,景預 擢知壽州,秩祿視提點刑獄。 累遷知汝州。葉驛道遠,隸囚爲送者所虐,多死,俗傳爲「葉家關」, 始至,亟發廩振給,勸富者出積穀,所活數 再遷光祿卿。 景

卒,年七十一。 減 ·膳避殿,齋居加省,召二府大臣朝夕咨訪闞失,思所以弭咎。」凡數百言,無一語求恩。 熙寧初,病革,自占遺表,呼其子光庭操筆書之。其略云:「切聞河北水災、地震,陛下 詔 加 賻贈,錄其子以官。

幕府。 誠能去其不便,則天下受福矣。」帝以其言為疎闊,不用。簽書河陽判官,從呂大防於長安 一級。」又問:「今中外有所聞乎?」對曰:「陛下更張法度、臣下奉行或非聖意、故有便有不便。 得其地不可居, 加以乏興罪,光庭求免去,大防爲之解。 曾孝寬以才薦,神宗召見,問欲再舉安南之師。 光庭字公掞,十歲能屬文。辭父蔭擢第,調萬年主簿。 五路出師討西夏,雅爲都會,事倚以辦,調發期會甚急,光庭每執不從。使者怒,將 得其民不可使,何益於廣土闢地也。」又問治何經,對曰:「少從孫復學春 光庭對曰:「願陛下勿以人類畜之。 數攝邑,人以「明鏡」稱。歷四縣

臣謂 百官有司、監司守令言之,非所以諷祖宗也。。遂止。 患百官有 正 而 ,渝令盡 乃先靈駕 忠者。」未幾, 仁宗難名之盛德,神考有爲之善志,而不當以『婾』、『刻』爲議 哲宗卽位,司馬光薦爲左正言,首乞罷提舉常平官、保甲青苗等法。 司不舉其職,或至於婾 言, 毋有所畏避。 而 行,爲臣不恭。 中丞傅堯俞、侍御史王巖叟相繼 遷左司諫,又論「蘇軾試館職發策云:『今欲師仁祖之忠厚,而 又言章惇欺罔肆辯,韓縝挾邪冒寵,言甚切。 ; 欲法神考之厲精,而恐監司、守令不識其意,流入於刻。』 論列。 宣仁后曰:「詳覽文意,是指今日 論,望正 論蔡確爲山陵使, 其罪, 以戒 宣仁后嘉其守 人臣

太常 少卿,拜 河 北饑,遣持節行視,即發廩振民;而議者以耗先帝積年兵食之蓄,改左司員外郞。 侍 御 史。 論蔡確怨謗之罪,確 貶新州。 拜右諫議大夫、給事 中。 乞補 外,除集 遷

賢殿修撰 坐 一封還劉擊冤相制,復落職守亳。 、知亳州。 數月召還,復爲給事 歲餘,徙潞州,加集賢院學士。 中。 鄰境旱饑,流民入境

再宿 者 踵接,光庭日爲食以食之,常至暮,自不暇食,遂感疾, 而卒,年五十八。 光庭始學於胡暖,暖告以爲學之本在於忠信,故終身行之。 紹聖中,追貶柳州別駕。 元符 初,又停錮 **猶**自 力視 其諸子。 徽宗立,復其官。 事 出 . 禱 雨 拜不能興,

俾至 秋償新者。 李琮字獻甫,江寧人。登進士第,調寧國軍推官。 守將行之,以曰:「穀不可食,強與民責而償之,將何以堪。」持不下,守愧 州庾積穀腐敗,轉運 使移州散 於民,

謝

而

止

則。 徽宗 呂 言於朝,命 公著尹開封,薦知陽武縣。 召 對,擢利 以戶部 州 路 判官使江、浙,選疆明吏立賞剔抉。 、江東轉運判官。 役法初行,踪處畫盡理,旁近民相率撾登聞鼓,願視以爲 行部至宣城,按民田 吏幸賞,以多爲功,踪亦因是希 

列

傳第

九

+

李

琮

朱壽

隆

使,徙梓州

路

進 民 思苦之, 得 緡錢百 餘 萬。 進度 支判官,頒職式於諸道。 淮南 賦入 甲它部 , 以爲 轉運 副

謀亂 無 稅, 他。 且無得以奇數倂合,人尤容怨。 者, 元祐初,言者論其括隱稅之害, 入爲太府卿 爲書期日揭道上,部使者聞之, 遷戶部侍郎, 於是 以實文閣待制知杭州、 黜知吉州。 懼, 凡以括田受賞者悉奪之。 檄索姦甚 御史呂陶又言巴蜀科 亟。 永興軍 <del>踪</del>置不問,以是日置 歷相、洪、路三州。 河南 折已重, 瀛州 <del>踪</del>復強民 酒高 會, 潞 訖 輸 有

踪 長於東治,而所至主於掊克,爲士論嗤鄙。 子回,紹興初參知政事。 五

盡室 被 甲 剽 就 |朱 文,郡 ·壽隆字仲山, 焚無 縣不 脱者, 能 密州 制。 殆 必 有姦 諸城 壽隆設 心。 人。 方 `略耳! 月 以蔭知九隴縣。 獲 一目,捕. 盗,果殺其 斬千 餘 人而縱 更告民一家 人。 火 也。 七人以火死,壽隆日:「 知宿州, 宿多劇 盗,至 寧有

械守送獄,奏黜之。 擢 提 點 廣 西 刑 獄 老稚婦女遭亂,流 嶺 外新經農寇 轉不能自還者 ,修營城障,貴州 ,檄所在資送其還 虐用 其 人,不 能 聊 舊制,溪蠻侵暴羈 生。 壽 隆 馳詣 州

<u>繁州,雖殺人無得讎報,壽隆請聽相償,蠻始畏</u>哉。

鹽鐵判官、京東轉運使,賜三品服。歲惡民移,壽隆諭大姓富室畜爲田僕,舉貸立息,官爲 歷鹽鐵度支判官、夔路轉運使。 巴峽地隘,民困於役,觅其不應法者千五百人。 復爲

置籍索之,貧富交利。以少府監知揚州,卒,年六十八。

人,壽隆極論罪不當死。孫沔在坐,曰:「儂賊害民萬計,此何足惜。」壽隆曰:「王師之來以除 壽隆爲人和厚,接談怡怡,必當於理,而不屈於權貴。|狄青討賊,欲殺裨將不用命者數

引疾 写便郡,知鄭州。 濫,人德之。又知洋州。 數百泊海 損七八。 黨懼及,羣聚山谷間,士宏請減其罪招之,卽相帥歸命。 盧士宏字子高,新鄭人。以父任屢更州縣,所至著淸名。 文彥博、包拯以廉能薦,由三司開拆司擢夔州路轉運使,遂知廣州。 中,將爲寇,嶺徼驚搖。 未幾,以光祿卿致仕。 先是,圭田多虛籍。 士宏灼其非,是日,從賓客宴游爲樂,民賴以安。 卒,年七十三。凡衣衾棺槨之制,皆有遺命, 士宏考校,令隨實以輸, 徙知漢州,校實民產,使力役不 知信陽軍。官捕爲妖術者,餘 自部使者而下, 皆十 或傳安南舟 受代還,

列

僔

第九

+ =

虚

士宏

單

煦

楊仲元

戒諸子勿爲銘誌。

得上賞,不肯言。轉知昌州,時詔城圖治,煦以圖地負山帶江,一旦毀籬垣而興板築,其費 巨萬,非民力所堪,請但築子城。 單煦字孟陽,平原人。舉進士,知洛陽縣。 轉運使卽移諸郡如其議。 民以妖幻傳相教授,煦迹捕戮三十餘人,當

潦,煦築東隄以禦之。 赤水縣鹽井涸,奏蠲其賦。 累官光祿卿,卒,年七十七。 敕煦往治,煦不肯阿其長,卒直昌齡。乞外遷,知濮、合二州。合居涪、漢間,夏秋患於淫 果殺人者。 徙清平軍使。 爲御史臺推直官,江南人誣轉運使呂昌齡以賄,中丞張昪訊而論之。鞫未就, 有二盜殺人, 揃治不承, 煦縱使之食, 甲食之旣, 乙不下咽, 執而訊之,

趨詣鬥所以待捕。 |煦友愛兄||熙,兄嘗毆人至死,未有知者。||煦曰:「家貧親老,仰兄以養,義當代之死。」即 已而死者甦,驚問之,煦以情告。其人感歎,遂輟訟。

楊仲元字舜明,管城人。 第進士, 調宛丘主簿。民訴早, 守拒之, 曰:「邑未嘗旱, 狡吏導

仲元也。」竟冤其稅。 水獨免。後二十年,其子過縣,父老拜泣曰:「河西之役,非公無今日矣。」 須,不強賦民,聽以所有與官爲入,度相當則止,率常先辦。 民而然。」仲元白之曰:「野無青草,公日宴黃堂,宜不能知,但一出郊可見矣。 仲元相其地,乃寇所由徑路,亟命去之。民以困乏爲辭,不聽,寇果夜出劫諸部,沁 。知澤州沁水縣,民持物來輸者,視其價稍增之,餘則下其估。 河外用兵,督餫轉西界,夕宿洪 狡吏非他,實 官有 所

民始 吏市羔於他所,明年以供州,不科一錢。徙知圓鄉縣,宰相張士遜先塋隸境內,將屬之,召 知其爲利。州買羊,斂民差出錢,弊滋蔓,病民爲甚,仲元更其令,戶纔費錢百。又遣 歷 初,軍期尙緩,而仲元督行良急。 |知光、虔、虢三州,官光祿卿,改中散大夫。 戒諸子曰:「吾入官五十年,未嘗以私怒 至則按籍均役之,雖堂帖求免,不爲減 至則獨糧有不集者皆可賤市,後期者物數倍其價,

加人,雖杖刑之微,苟有兩比,不敢與輕法,以是爲報國耳。」卒,年七十五。

良肱 [視驗屍與刃,疑之曰:「豈有刃盈尺而傷不及寸乎?」 白府請自捕逮, 余良肱字康臣,洪州分寧人。第進士,調荆南司理參軍。 屬縣捕得殺人者,旣自誣服, 未幾,果獲眞殺

人者。 知 其 爲 盗, 亟 民有 失財物逾 捕詰之,贓盡 十萬,逮平民數十人,方暑,搒掠號呼聞于外, 或有附吏耳語,良肱陰

判杭 氣犯. 護,孤女無所依者,出奉錢嫁之。 後陶官于朝,果以直聞。 州 府帥,吏或訴 改 大理 ,江潮善溢,漂官民廬舍,良肱累石隄二十里障之,潮不爲害。 一寺丞,出知湘陰縣。 陶, 帥挾憾欲按之,良肱不可曰:「使陶以罪去,是以直 知虔州 ,士大夫死嶺外者,喪車自虔出, 縣逋米數千石,歲責里胥代翰,良肱論列之,遂蠲其籍。 以母老,得知南 康 軍。 丁母 憂,服除,爲三司 多弱子寡婦。 時王陶 |不容也。] 帥遂已。 爲屬官,常以 使判官。 良肱悉力振 通

以奉帷幄。」 售三司,三司吏將受之,良肱獨曰:「若賦諸軍、軍且怨;不則貨諸民,民且病。 方關、陝用兵,朝議貸在京民錢,良肱力爭之,會大臣亦以爲言,議遂格。 內府出 請付文思, 腐幣

爲屈。 蔭以 「善治水者不與水爭地。方多水涸,宜自京左浚治,以及畿右,三年,可使水復行地中。」弗 休。 又議伐汴隄木以資狹河。良肱言:「自泗至京千餘里,江、淮漕卒接踵,暑行多病暍,藉 改 知明州。 改太常少卿、知潤州,遷光祿卿、知宣州,治爲江東最。 叉其 、根盤錯,與隄爲固,伐之不便。」 屢爭不能得,迺請不與其事。 朝廷方治汴渠,留提舉汴河司。 汴水澱淤,流且緩,執政主狹河議。 請老,提舉洪州玉隆觀,卒, 執政雖怒,竟不 良肱

年八十一。七子,下、爽最知名。

歸。 朝廷費,不 是,良肱爲鼎州推官,五溪蠻叛,良肱運糧境上,周知其利害, 斬首數千級, 未盡數刻,入渠陽。 撫 司 徽宗 使湖北, 帥唐義問卽授卞節制諸將。 勾當機宜文字。討叛蠻有功,知沅州。 | 下字洪範,
爽字
| 龍,皆以任子恩試校書郎。 下博學多大略(三), 累爲||唐州判官、 湖北安 即位,復奉議郎,管勾玉 如棄與而就撫之。」當時是其議,未果棄也。 **蠻遂降**。 黎明整衆出,賊大駭,盡銳來戰,奮擊大破之。 尋有韶廢渠陽軍爲砦, 盡拔居人護出之。 上隆觀。 未幾,復渠陽爲歸州,又論前事免,終於家。 陰選死士三千人,夜銜枚繞出賊背,伐山開道,漏 蠻殺沿邊巡檢, 上設方略復平之, 加奉議郎。 及蠻叛,斷渠陽道,扼官軍不得進, 上書言:「此彈丸地, 紹聖初, 鼓行度險,賊 治棄渠陽罪,免 七遇 不足煩 七敗, 先

之,起知明州,未行,以言者罷,監凍嶽廟。 請太皇太后還政事,章惇憾爽不附已,乃擿其言爲謗訕,以瀛州防禦推官除名,竄封州。 爽 、尙氣自信,不 少貶以合世。 應元豐韶,上便宜十五事,言過剴切。 崇寧中,與下俱入黨籍。 元站 末,爽復極言

潘 夙字伯恭,鄭王美從孫也。 列 傳 第 九 += 余 良 肽 潘 天聖中,上書論時政,授仁壽主簿。 夙 〇七一七 久之,知韶州,擢江

旨,還司 酒 專 西 稅 轉運判官,提點廣西、湖北刑獄。 峒 九 起知光化軍。 封郎中、直 徒知滑州,改湖北轉運使, |昭文館,復知桂州。 大臣以將帥才舉之,易端州刺史,再遷徙鄜州。 邵州蠻叛,湖南騷動,遷轉運使,專制蠻事,親督兵破其 知性州。 坐在湖北時匿名書誣判官韓繹, 召對,訪交、 滴監 廣 事 隨州

狀,以 忽事 徙 卿本將家子,寄要蕃,宜體朕意,悉心經度。」夙 河北 ,直謂山僻蠻獠,無可慮之理。 |交人敗於||占城,偽表稱賀以爲大捷,神宗詔之曰:「智高之難方二十年,中人之情,燕安 知潭州。 轉運使, 再遷光祿卿, 歷度支、鹽鐵副使, 知荆南、鄂州,卒,年七十。 殊不思禍生於所忽,唐六韶爲中國患, 知河中府。 一途上書陳交趾 章惇察訪荆湖、討南、 可取狀, 且將 北江蠻徭,陳夙憂邊 一發兵。 此前 事 未 之師也。 報 "; 而

民。 若琮也雖長於東治,而所至掊克,君子奚取焉 免禁兵毒於瘴厲,<br />
出宏考圭田出於實輸,<br />
朱景父子、諲、載、煦、渙、<br />
出宏、壽隆輩,皆有德在 仲元 論 曰:士之官斯世,有一 不以私怒加人,良肱明於折獄,夙以將家子而能留心邊務,用當其材, 善可稱,致生民咸被其澤於無窮者,故州郡之寄爲尤重。 舉能其官。 張田

(二) 忠正軍 原作「中正軍」,按本書卷八八地理志,忠正軍是壽州節度軍額;卷一六八職官志所列

節度軍額,有「忠正」而無「中正」。「中」字當爲「忠」之訛。據改。

(三) 歷封丘主簿漣水 據葛勝仲丹陽集卷一五萬書思行狀,「漣水」下脫「縣丞」二字。

二都有「知远州余下」的紀載,和傳文相合。可見此處「爽」字實爲「卞」字之訛。據改。

「下」原作「爽」。按下文所敍都是余下事蹟,長編卷四八〇、宋會要落夷五之九

(三) 卞博學多大略

一〇七一九

# 宋史卷三百三十

## 列 傳第九十三

徐禧 李稷附 高永能 沈起 劉 彝 熊本 蕭注 陶弼

#### 林廣

檢討。 舉。 對,顧問久之,曰:「朕多閱人,未見有如卿者。」擢太子中允、館閣校勘、監察御史裏行。 者相半,此言是也。 熙寧初,王安石行新法,禧作治策二十四篇以獻。時呂惠卿領修撰經義局,遂以布衣充 徐禧字德占,洪州分寧人。少有志度,博覽周游,以求知古今事變、風俗利疚,不事科 神宗見其所上策,曰:「禧言朝廷用經術變士,十已八九,然竊襲人之語,不求心通 宜試於有用之地。」即授鎭安軍節度推官、中書戶房習學公事。 歲餘召

康,以仁宗御製詩贈之。 與中丞鄧綰、知諫院范百祿雜治趙世居獄。 又許世居以寶刀,且曰:「非公不可當此。」世居與其黨皆神之,曰:

列

僔 第 九

+ Ξ

徐

藲

李士寧者, 挾術出入貴人間, 嘗見世居母

汖

以爲反 密承旨參治,而百祿 石 故與士寧善, 二三百 臣不敢 歲 百祿 同。」百祿言:「士寧有 人 也。」 坐報上不實貶,進禧集賢校理、 劾 士寧以妖妄惑世居,致不 解 釋其詩, 以爲至寳之祥。 可死之狀, 軌 禧 檢正 故出之以媚 及鞫世居得之, 禧 奏: 禮 房。 立 一寧遺 大臣。」朝廷以御 康 逮 詩 捕 實仁宗 士 寧, 而宰 史雜 今獄 ·相王 知 安 官

過, 嘻 行。 陰右 卿 帝 禧 服 在. 知 惠卿, 是 鄜 漢以以 與惠卿交惡,鄧綰言惠卿昔居父喪,嘗貸華亭富人錢 惠卿議,渭帥蔡延慶亦以爲不然,帝召延慶還,加禧直 延,欲更蕃漢兵戰守條約,諸老將不謂然,帝頗采聽,將推其法於他 召 惠卿 綰 試 勃之,會縮貶官, 獄 知 故 制 難改 誥 兼 御 縮 史中述。官 青州 ,亦左 亦解。 遷禧給事 制行, 禧出爲荆湖北路 馧 中。 知制誥, 專爲中丞。 轉運副 龍 五 圖閣, 百萬買 使。 鄧綰守長安, 元豐初, 使往 田 事 代, 路 召 詔 以 遣 禧 知 禧疏其 母 禧 諫院 參 往經 憂不 鞫

不赀。 州 內 IIII ; 陷 故 侍 种諤 李 城 沒 舜 若選擇要會,建置堡棚,名雖非州,實有其地, 東 百年 舉 南 西 討 往 已爲 ~,得 相 其 日 河 銀、夏、宥三州 水 事 興 一,令括 復, 所吞, 於 總兵以 邊 其西 將 MI 事 北 從, 不 功, 又 能 阻 李稷 實爲 守。 天 動 俊偉, 主 延 飽 帥 實不 餉 軍 沈 如永樂 鋒 括欲盡城橫山,瞰平夏, 禧言:「銀州 舊來疆塞, 士 氣, 之形 固 已百 勢險 乃在腹心。 雖 據 倍; 呃 明堂川、無定河之會, 但 竊 建州之始, 惟 城永樂,詔 已與沈活議築 銀、 夏、 宥三 禧 煩 與

赔堡各六 CD。 砦之大者周九百步,小者五百步;堡之大者二百步,小者百步,用工二十三

萬。」遂城永樂,十四日而成。禧、括、舜舉還米脂。

喪國師而淪異域也。」禧度不可屈,奏諤跋扈異議,詔諤守延州。 聽,與舜舉、稷俱行,括獨守米脂。 曰:「君獨不畏死乎。敢誤成事。」諤曰:「城之必敗,敗則死,拒節制亦死;死於此,猶愈於 明 日,夏兵數千騎趨新城,禧亟往視之。 或說禧曰:「初被詔相城,禦寇,非職也。」禧不 先是,种諤還自京師,極言城永樂非計,禧怒變色,謂諤

死及棄甲南奔者幾半。 爲驍銳,皆一當百,銀槍錦襖,光彩耀日,先接戰而敗,奔入城,蹂後陳。夏人乘之,師大潰, 入城。」禧曰:「君爲大將,奈何遇敵不戰,先自退邪?」俄夏騎卒度水犯陳。 兵陳於水際,官軍不利,將士皆有懼色。珍白禧曰:「今衆心已搖,不可戰,戰必敗,請收兵 以爲沮衆,欲斬之,旣而械送延獄。比至,夏兵傾國而至,永亨兄永能請及其未陳擊之。禧 曰:「爾何知,王師不鼓不成列。」禧執刀自率士卒拒戰。 夏人益衆分陣,迭攻抵城下。 曲 大來,是吾立功取富貴之秋也。」禧亟赴之,大將高永亨曰:「城小人寡,又無水,不可守。」禧 夏兵二十萬屯涇原北,聞城永樂,即來爭邊。 人馳告者十數,禧等皆不之信,曰:「彼若 鄜延選鋒軍最

|珍 與殘兵入城,崖峻徑窄,騎卒緣崖而上,喪馬八千匹,遂受圍。 水砦爲夏人所據,掘

列

傳第九十

徐禧

并不 南; 及泉,士卒渴死者太半。 永能 亦勸李稷盡捐 金帛 ,募死士力戰以出,皆不 夏人蟻附登城,尚扶創拒鬥。 聽。 戊戌夜大雨,城陷,四將走免,禧、 珍度不可敵, 叉白 「禧,請突圍而

邪 ? 必有大兵在後。」已而果然。 初, 括奏夏兵來逼城,見官兵整,故還。 帝聞禧等死,涕泣 帝曰:「括料敵疎矣,彼來未出戰, 悲憤,爲之不食。 贈禧金紫光祿大夫、 豈肯 | 遽退

舜舉、稷死之,永能沒于陳

吏部尚書,諡曰忠愍。官其家二十人。稷工部侍郎,官其家十二人。

輕敵 自靈 、, 猝與強虜遇, 至於覆沒。 武之敗,秦、晉困棘,天下企望息兵,而沈括、种諤陳進取之策。 嘻 自是之後,帝始知邊臣不可信倚,深自悔咎,遂不復用兵,無 禧素以邊事 ,自任,狂謀

意於西伐矣。

子俯自有傳。

詔 拓 深 十六萬緡, 令件析 、趙、邢三 李稷字長卿,邛州人。父絢,龍圖閣直學士。 御史周 擢鹽鐵判官。 州 城,役無愆素, 尹 又論稷父死二十年不 詔推揚其功以勸在位, 然附刻嚴忍。 ·葬,僅徙 察訪使者以爲言, 稷用蔭歷管庫,權河北西路轉運判官,修 遂爲 東路,俄提舉蜀部 陝西轉運使、制置解鹽。 都水水 茶場。 程助亦訴其越職。 甫 吥 秦民作舍 羡課

道傍者,創使納「侵街錢」,一路擾怨,與李察皆以苛暴著稱。 時人語曰:「寧逢黑殺,莫逢

稷、察。」

集,諤猶宣言稷乏軍興,致大功不就,坐削兩秩,貶爲判官。 宛 困,國困衆離,取可決也。」及出境, 稷督餉, 民苦摺運, 多散逸, 稷令騎士執之, 斷其足筋, 小吏護丁夫,亦顓戮不請。 [轉山谷間,凡數千人,累日乃得死。 种諤起興、靈議, 稷聞之亦上言:「可令邊面諸將各出兵撓之, 使不得耕種, 則其國必 軍食竟不繼。 始,稷受旨得斬郡守以下,於是上下相臨以峻法,雖 諤謀斬稷, 客呂大鈞引義責之, 復使還取糧。

永樂旣城,稷悉輦金、銀、鈔、帛充物其中,欲夸示徐禧,以爲城甫就而中已實。積金旣 李舜舉別有傳。

誇取綏州,發永能兵六千先驅入囉兀,五戰皆捷,轉供備庫副使。 祖文玉獨留居延川,至永能始家靑澗。 永能字君舉,世爲綏州人。 初, 伯祖文坯舉州來歸,卽拜團練使,已而棄之北遷,其 少有勇力,善騎射,由行伍補殿侍,稍遷供奉官。 治綏德城,闢地四千頃,

增戶千三百,即知城事

營,騎卒驚潰,獲鈴轄二人。 略使呂惠卿行邊,永能伏騎谷中,以備侵軼。 前,遂解去。 永能以千騎與相遇,度不能支,依險設疑兵, 元豐初,爲鄜延都監。 擢本路 鈴轄 秋,大稳,夏人屯二千騎於大會平,將取稼。 轉六宅使。 夏人患之,令日:「有得高六宅者,賞金等其 且鬥且卻,而令後騎揚塵,若援兵至者,奮而 邊騎果至,馳出擊走之。 夏兵二萬犯當川堡, 永能 簡精騎突過 八身。」經 其

得馬三千、橐駝牛羊萬計。 軍,營當大川,宜嚴陳待其至,張左右翼擊之,可破也。」詰旦,鏖戰于無定河,斬首數千級 城下,酋令介訛遇乃出降。 練使 四 年,西討,永能 爲 前鋒, 進東上問門使、寧州刺史,以年請老,不許,又進四方館使、榮州 城獨未下,密遣諜說降其東壁守將,衣以文錦,導以鼓吹,耀諸 圍米脂城。 邊人十萬來援,永能謂弟永亨曰:「彼恃衆集易吾

其子世亮與昌裔求得尸以歸。 西羌,戰未嘗挫,今年已七十,受國大恩,恨無以報,此吾死所也。」顧易 永樂之役,獻謀皆不用。 城旣陷,其孫昌裔欲掖之從間道出,永能歎曰:「吾結髮從事 韶贈房州觀察使,錄世亮爲忠州刺 史,諸 孫皆侍禁殿直 一 卒 敞 衣, 戰 而 死

故能得士死力。 永 能家世州將,所領多故部曲,拊之有恩惠,遇 遠近喜言其事,稱之曰「老高」。 及死,邊人無不痛惜 )敵則 身先之。 下有 傷者, **嘗過其遠祖唐綏州** 載以己副

刺 史思祥淘沙川廟,得畫像及神道碑上之,詔即所在賜田三十頃,以奉祭祀。 永能之亡,延州將皇城使寇偉亦力戰而沒,贈均州防禦使。

侍,以喪免,有司劾其擅去。 致罪,何以厚風敎而勸天下之爲人子者。」乃特遷之,知海門縣。 沈起字興宗,明州鄭人。 終喪,薦書應格當遷用,帝謂輔臣曰:「觀過知仁。 進士高第,調滁州判官, 與監眞州轉般倉。 聞父病, 今由父疾而 委官歸

官,宗室袒觅親令補外官,復府兵,汰冗卒,書數十上。以論興國鐵官事不合,出通判越州, 私絓 改知蘄、楚二州。 渠司領諸道水政,乞采漢故事,擇卿大夫子弟入宿衞,選賢良文學高第給事宮省,勿專任宦 其中,田益闢,民相率以歸,至立祠以報。 法,無輕重終身不遷。 縣負海地卑,間歲海潮至,冒民田舍,民徙以避,棄其業。 起論其情可矜者,可限年敍用,遂著爲令。 御史中丞包拯舉爲監察御史。吏部格、選更以贓 起爲築隄百里,引江水灌溉 立縣令考課法,設河

改開 封府判官,爲湖南轉運使。 京東歲飢盜起,除提點刑獄。 凡羽毛、筋革、舟楫、竹箭之材,多出所部,取於民無制,更 至,則開首贖法攜其伍, 盜內自睽疑,轉相 束縛唯 恐後。

挾爲姦 其位著乃與夏使等,起曰:「彼陪臣爾,不當與王人齒。」辭不就列,遂升東朝使者,自是爲定 兵討平之。 熙寧三年,韓絳使陝西,加起集賢殿修撰、陝西都轉運使。 起 會韓絳城綏州不利,起亦罷知江寧府。 會其當用,自與商人貿易,所省什六七。 入知吏部流內銓 召爲三司鹽鐵副使,直舍人院 慶州軍變,將寇長安, 奉使契丹, 至王庭, 起率

制。

六年,拜天章閣待制、知桂州

陣圖, 悉禁止之。 之理。」乃以起代注,遂一意事攻討。妄言密受旨,擅令疆吏入溪洞,點集土丁爲保伍,授以 取,朝廷命蕭注守桂經略之。注蓋造謀者也,至是,復以爲難。起言:「南交小醜,無不可取 自王安石用事,始求邊功,王韶以熙河進,章惇、熊本亦因此求奮。是時,議者言交阯 使歲時肄習。 於是交阯益貳,大集兵丁謀入寇。 繼命指使因督餫鹽之海濱,集舟師萬敎水戰。 故時交人與州縣貿易, 山

命劉彝代之以守廣,日遏絕其表疏,於是交人疑懼,率衆犯境,連陷康、白、欽、邕四州,死者 蘇 緘 知邕州,以書抵起,請止保甲,罷水運,通互市。 ,聞,貶起團練使,安置郢州,徙越,又徙秀而卒。 起不聽,劾緘沮議,起坐邊議罷。

起生平喜談兵,嘗以兵法謁范仲淹,仲淹器其材,注孫武書以自見,卒用此敗。

數

十 ·萬

事

規 式,彝力居多。第進士,爲邵武尉,調高郵簿,移朐山令。 劉彝字執中,福州人。幼介特,居鄉以行義稱。 從胡瑗學,暖稱其善治水,凡所立 治簿書,恤孤寡,作陂池,敎種 一綱紀

水丞。 蓺,平賦役,抑姦猾,凡所以惠民者無不至。邑人紀其事,目曰「治範」。 爲民,編隸涪州,徙襄州 館,知桂州。 尚巫鬼, 不事醫藥。 熙寧初,爲制置三司條例官屬,以言新法非便罷。 久雨汴漲,議開長城口,彝請但啓楊橋斗門,水卽退。 禁與交人互市,交阯陷飲、廉、邕三州,坐貶均州團練副使,安置隨州。 彝著正 ]俗方以訓,斥淫巫三千七百家,使以醫易業,俗遂變。 神宗擇水官,以彝悉東南水利,除都 爲兩浙轉運判官。 知虔州,俗 加直史 又除名

元站 初,復以都水丞召還,病卒于道,年七十。 著七經中義百七十卷, 明善集三十卷,

居陽集三十卷。

論 曰:兵,凶器也,雖聖人獨曰未學。 輕敵寡謀,鮮有不自焚者。 永樂之陷,安南之畔,

死者百萬,罹禍甚慘,良由數人者不自量度,以開邊釁。 列 僔 笰 九 ٦٠ = 劉 猕 熊 本 禧、稷、永能之死,宜矣。 一〇七二九 起執議益

無罪

堅, 妄意輕舉, 雖貶官莫贖其責。 |彝不能行所學,而規規然蹈前車之轍,以濟其過,鳥得

遷 秘書丞、知建德縣 熊本字伯通,番陽人。 縣令頃包魚池爲圭田,本弛以與民。 見時知學,郡守范仲淹異其文。 進士上第,爲撫州軍事判官,稍

熙寧初,上書言:「陛下師用賢傑,改修法度,得稷、禼、阜、夔之佐。」由是提舉淮南常

平、檢正中書禮房事。

膻。 之曰:「卿不傷財,不害民,一旦去百年之患,至於檄奏詳明,近時鮮儷焉。」賜三品服。 鬼主諸夷皆從風而靡,願世爲漢官奴。遷刑部員外郎、集賢殿修撰、同判司 追奔深入。 十九姓之衆,發黔南義軍強弩,遣大將王宣、賈昌言率以進討。賊悉力旅拒,敗之黃葛下, 「彼能擾邊者,介十二村豪爲鄉導爾。」以計致百餘人,梟之瀘川,其徒股栗,願矢死自 本請于朝,寵以刺史、巡檢之秩,明示勸賞,皆踊躍順命,獨柯陰一酋不至。 六年,瀘州羅、晏夷CED飯,詔察訪梓、夔,得以便宜治夷事。 柯陰窘乞降,盡籍丁口、土田及其重寶善馬,歸之公上,受貢職。 本嘗通判戎州,習其俗, 農寺。 於是烏蠻羅氏 本合晏州 神宗勞 西南

用兵蠻中始此。

爲秦鳳路都轉運使。 蔡京時爲秀州推官〔三〕,本言其學行純茂,練習新法, 熙河法禁闊略,蓄積不支歲月, 本奏省冗官百四十員, 薦爲幹當公事。 河、湟初復,本 歲減浮費數

當典書命。」遂知制誥。 獄,|本釋其縛置麾下,至是推鋒先登。大臣議加||本||天章閣待制,帝曰:「||本之文,殷所自知, 舉溱州地五百里來歸,爲四砦九堡,建銅佛垻爲南平軍。 渝州南川獠木斗叛,詔本安撫。 帝數稱其文有體,命院更別錄以進。 本進營銅佛垻,抗其亢,焚積聚,以破其黨。木斗氣 初,熟獠王仁貴以木斗親繫

合躁, 之。 甚。」本之意,專以媚王安石 簡 定,彼將伺隙 因 陛下出大號,發大政,可謂極因革之理。 循之治,天下之吏因以安常習故爲俗, 又上疏云:「天下之治,有因有革,期於趣時適治而已。 或諍於廷,或謗於市,或投劾引去者,不可勝數。 而逞。 願陛下深念之,勿使譟讙之衆有以窺其間,而終萬世難就之業,天下幸 也。 奮言納忠者, 然改制之始,安常習故之羣園視四起,交聽 陛下燭見至理,獨立不奪,今雖少 悠悠之徒相與蹙額盱衡而詆駡 議者猥用持盈守成之說,文苟 而

范子淵創浚河之役, 文彥博爭之, 命本行視, 議如彥博。 安石白出本分司西京。

列傳第

九十三

熊本

年, 與峒戶相仇殺,欲引兵致討以爲功。本質之,色動,縛而投之海。 洞 酋長,戒邊更勿生事,請選將練兵代戍,益市馬以足騎兵,宜州遂無事 起 知滁 州,改廣州,召爲工部侍郎。 宜州蠻擾邊,道除龍圖閣待制、 蠻夷以爲神 知桂州 民蔡寶琻 至則論溪

爲失謀,奪一官,徙杭州、江寧府,再知洪州。 瘠,恐不堪命。」議遂格。 入爲吏部侍郎。 會。 先知之?」已而果妄。是時,旣以順州賜李乾德,疆畫未正,交人緣是輒暴勿陽地而逐儂智 智會來乞師,本機問狀,乾德斂兵謝本,因請以宿桑八洞不毛之地賜之,南荒遂安。 諜告交人明年將入寇,使者實其言,詔訪,本曰:「使者在道,安得此。藉使有謀, 轉運判官許彥先議通湖南鹽於西廣,計口授民,度可得息三十萬。本言:「桂管民貧地 踰年,力請外,仍待制、知洪州。 召還,卒于道。 有文集、奏議共八十卷。 言者謂本棄八洞 何自

蕭注字巖夫,臨江新喩人。 磊落有大志,尤喜言兵。 常言:「四方有事,吾將兵數萬

行其間,戰必勝,攻必取,豈不快哉!」

**濱壯士,得二千人,乘大舶集上流,因颶風起,縱火焚賊舟,破其衆。** 舉 進士,攝 廣州 番禺令。 **農智高圍州數月,方舟數百攻城南,勢危甚。注自圍中出募海** 即日發縣門納援兵,民

次賓州 駐 持 泊 牛 酒 都 監 、芻糧相繼入,城中人始有生意 召 會諸將,疑注倚賊聲勢爲姦利,欲誅之。 賊還據邕管 余靖 鬼其 嘯誘諸洞 自是每戰以勝 以屬 注覺,託爲游辭,不肯往。 注 歸。 注挺身入蠻中,施結恩信。 蔣偕上其 、功,擢禮賓副 賊破 一、青始開 使、 狄青 廣 師

賊 情 智高 悉擒送闕下。 走大理國 , 母與二弟寓特磨道。 拜西上閤門副使。 募死士使 注帥師往討,獲一 入大理取智高, 一裨將。 至則已爲其國所殺,一 引致臥內,與之語,具得

注前

功,以知邕州

歸

獻

轉爲使。

使按 年侵歲 轄、提 騎 京 鷙 食王 射 師 ",請徙 面 面 驗頗有實, 居 點 邕數年 香, 土爲 陳 刑 大州以 獄 方略。」 馴 事 致 工。往 貶泰州 於是。 李 陰以利陷廣源羣蠻,密繕兵甲,乃上疏曰:「交阯雖奉朝貢,實包禍心, 公

索

之

。 一未報 師 天聖中,鄭天益爲 中 前 團 臣已 又劾其沮威嗜利 一詔 練 甲洞申紹 改鎭 副 盡得其要領 使。 南 軍 准 泰犯 轉運: 節度 南 轉運使言:「 使,嘗責其擅 西平, 五將被 周 略智高 副 知 使。 其要害。 閹民爲奴, 注椎 害。 賦 今不 雲河 牛 屠狗,招 諫官論注不法致寇,罷爲 發洞 取, 洞 異日 丁采黄 今雲河乃落蠻數 集游 必為中國 士,部勒 金無帳 憂 籍 爲兵, 敎之 印 百里、蓋 考。 荆 願 常以 南 馳 中 鈐

近 臣 有 訟 注 廣 州 功者, 起為 右監 門將軍、邠州都監 熙寧初, 以 禮 賓 使知 寧州 環慶

列

傳

第

九

+

 $\equiv$ 

肅

往

陥

生,差長拊納,不閑戰鬥,懼無以集事。」時有言「交人挫於占城,衆不滿萬,可取也」。遂以注 李信之敗,列城皆堅壁,注獨啓關夜宴如平時。 復閤門使,管幹麟府軍馬。 辭云:「身本書

知桂州

詔優錄其子, 賻絹三百。 之。然有獻征南策者,輒不聽。會沈起以平蠻自任,帝使代注而罷,注歸,卒于道,年六十一。 親信之人皆可指呼而使。 也。」旣至桂, 入覲,神宗問攻取之策,對曰:「昔者臣有是言,是時溪洞之兵,一可當十;器甲堅利, 今兩者不如昔, 咬人生聚教訓十五年矣, 注延訪山川曲折,老幼安否,均得其驩心,故李乾德動息必知 謂之『兵不滿萬』,妄

養萬物爾。」王韶爲建昌參軍,注曰:「君他日類孫沔,但壽不及。」後皆如其言。 曰:「安石牛目虎顧,視物如射,意行直前,敢當天下大事。 然不如絳得和氣爲多,惟氣和能 「廟 算深遠,臣不能窺。然知絳當位極將相。」帝喜曰:「果如卿言,絳必成功。」問王安石, 注有膽氣,嗜殺,而能相人。自陝西還,帝問注:「韓絳爲安撫使,施設何如?」對曰:

行山間,有雙鯉戲溪水上,竚觀之。 傍一老

父顧 遇 風暴怒, 二十七艘同時溺, 獨弼舟得濟, 人以是異之。 曰:「此龍也,行且鬥,君宜亟去。」去百步許,雷大震而 一見丁謂,謂妻以宗女,因從學兵 雨,岸圮木拔。 又出大雲,倉卒

曆中,楊畋討湖南徭,弼上謁,畋授之兵使往襲,大破之。 以功得陽朔主 法,能持論縱橫。

桂守蕭 民植 | 所數與之遇,亟矯| 町命揭榜道 舟 從其徒數十人,間關步出 木官道旁,夾數百里, 知賓 と智高 固 漫靈 、、容、欽三州, 犯 |南海, 畋爲安撫使, 辟參軍謀。 渠以通漕,不聽; 換崇儀副使, 自是行者無夏秋暑暍之苦,它郡縣悉効之。 赴败。 上,諭使歸,許以不死, 至李師中,卒浚之。 遷爲使,知邕州。 次臨賀, 大將蔣偕適戰死, 使下英江 師 凡得千五百人。 「會諸將議擊,未至,智高解去。 邕經儂寇, 征安南,餽餉於是乎出,大爲民利 餘衆畏亡將被 井隧蕩然, 人不樂其生。 府罷,調 攝興安令。 誅,多降賊。 陽朔令。 移書說 骊

壞,而 俄 哪 下,水易集, 而 綏輯惠養,至忘 水 人皆乏食, 無所失亡。 大至, 夏大雨彌月, 丽 身先版臿 則爲發廩以 以其勤。 自 |横、 諸峒獻土物 ,召僚吏賦役,爲土囊千餘置道上, 丽登 潯以東數州皆沒。 振 「城以望,三邊皆漫爲陂澤,亟窒垠江三門,渝兵民卽 於內,方舟以饁於外, 《求內附,弼降意撫答,謝其贄,皆感悅無犯 弼 久 於 邕, 水 不及女牆者三板, 請便郡徙鼎州 水果從竇入, 隨塞之。 章惇經理五溪蠻 旬 有五 邊 者。 高避害。 日 城雖不 邕地卑 乃退,

列

第

九

+

Ξ

事,薦爲辰州, 遷皇城使。 降北江彭師宴,授忠州刺 史。

襲。 毋動,遲明,結隊徐行,達賴以善還。 峒,民知其至,扶老攜幼以歸。 知順州 乃以計夜起,軍不整,騎步相蹈藉亂行。 郭逵南征,轉弼 康州團練使, 達帥官軍臨富良江,使弼殿。 復知邕州 建所得廣源峒爲順州, 賊隔江 民再罹禍亂, 一陰伺覘, 散匿山谷, |交人納款, 桄榔爲縣。 知テ殿,弗敢追。 弼率百騎深入左江 **逵欲班**師, 進弼西上閤門使, 弼申令帳下 恐爲 所

息皆先知 激揚,士莫不感泣,彊奮起爲用。 州去邕二千里,多毒草瘴霧,戍卒死者什七八,弼亦疾甚,然蚤暮勞軍,視其 獲間諜 不殺, 諭以逆 順,縱之去,恩威 交 人製取 | 桃鄉 兩施,以是終弼在不敢犯。 揚聲欲圖州,獨難弼。 加東 人心 Ŀ 良苦,意氣 一閤門使, 」, 賊動

丽 能 爲 詩, 好士樂施 , 所得奉祿, 悉以與人,家至貧不恤也。 旣死, 妻在鄉里, 僦屋

以

居。

未

拜

而

卒。

詔

錄其

家

五

留

林廣, 萊州人。 以捧日軍卒爲行門, 授內殿崇班, 從環慶蔡挺麾下。 李諒祚寇大順

洛河 城, 及烏 雞川 廣射中之。 夏 人來襲,廣揚聲選彊弩列岸側, ,遽率衆循山行。 李信敗於荔原, 道遇熟羌以險告,廣不答,夏人果伏兵於川, 廣引兵西入,破十二盤,攻白豹、 實卷甲疾趨, 夏人疑不敢渡。嘗護中使臨邊,將 金湯, 計不行而去。 皆先登。 夜過

者乃諜 守備,夜募死士斫其營。 敵至馬平川,大持攻具來。 夏 慶兵据北城叛,廣在南城,望其衆進退不一,曰:「是不舉軍亂也。」挺身縋城出其後,諭 也 人圍柔遠城,廣止守,戒士卒卽有變毋得輕動。火夜起積薪中,衆屯守自若。 夏人數失利,始引退。 廣被甲啓他門鼓而出,若將奪其馬,敵舍城救馬,廣復入,益 累遷禮賓使。 韓絳奏爲本道將。 明日,

門山與之遇,諭之不肯降,縱兵尾擊,敵知不得免,始請命。 以逆順,皆投兵聽命。出者財三百人,廣語餘衆曰:「亂者去矣,汝曹事我久,能聽我,不唯得 活,仍有功。」得百餘人。 遷本路都監。 激厲要束,使反攻城下兵,禽戮皆盡, 遂平北城。 廣曰:「不從吾言,今窘而就 出追 一亂者, 至 石

使, 用師、詣闕請行。 還徙腳延。 詔入對,神宗獎金湯、石門之功,慰賜甚厚,將使開熙河。 攻踏白城,功最,遷皇城使。 帝曰:「南方卑濕。 知卿病足,西邊方開拓,宜復歸。」擢龍神衞四廂都指 進討洮羌,加帶御器械、環慶副都總管。 辭以不習洮、隴事,乃遷鈴轄 安南

死,非降也。」悉斬之。

計也。 揮 使、 英州 使賊悉力寇一路, 刺史。 邊臣或言:「往者劉平因救鄰道戰沒,今宜罷援兵。」廣曰:「此乃制 而他道不救, 雖古名將亦無能爲已。平之所以敗, 非出援罪。」 賊長

知。 勇怯,三分之,日夕肄習 兵亡狀,使我代之,要以必禽渠魁。 七人,奏書降而身不至。乃決策深入,陳師爐水,率將東東鄉再拜。 縱死,猶有賞,愈於 再轉步軍都虞候。 、退而 ,間椎牛享犒,士心皆奮。 韓存寶討瀘蠻乞弟,逗撓不進,詔廣代之。 死 也。 今孤軍遠略,久駐賊境,退則爲戮,冒死一戰,勝負未可 與汝等戮力而進,可乎?」衆皆踊 遣使開曉乞弟,仍索所亡卒。 誓之曰:「朝廷以存寶 廣至,閱兵合將,览人材 乞弟歸卒 用

奔潰 軍五 途, 必 **趨樂共,蠻不能支,皆遁去。** 乞弟得從江橋下脫走。 捷 從納溪抵江門近而險,從寧遠抵樂共垻遠而平。 了,斬阿 十步 廣 挾 次落婆遠,乞弟遣叔父阿汝約降求退 所得渠帥及質子 汝及大會二 且設伏。 明日,乞弟擁千人出降,匿弩士氈 十八人。 得其種落三萬,進次歸徠州,窮採巢穴,發故酋甫望箇恕塚。 在軍 廣分兵繞帽溪,掩江門後,破其險,水陸皆通行, 乞弟以 而令以次脋護餉, 所乘馬授弟阿字,大將王光祖 舍,又約 不 以是入箐道而無鈔略之患。 蠻意官軍必出江門, 盛兵阻隘 裘,獨豫不 ·解甲。 廣策其有異,除 前 謝 追斬之, 恩。 廣發伏擊之, 益 阜爲 軍中爭其尸, 前 師行有二 進, 壇 了, 距 天寒, 而 每 蠻 中 戰 師

士多墮指,而乞弟竟不可得。 監軍先受密詔,聽引兵還,遂班師。

罪,功亦多,以今日朝廷待諸將,存寶不至死。」廣還部,至閿鄉,疽發斷頸卒,年四十八。 拜衞州防禦使、馬軍都虞候。 西兵未解,上疏求面陳方略。及入見,言:「韓存寶雖有

畏廣,聞其南征,乃舉兵。 撰約東百餘條列上,邊地頗推行之。其名聞於西夏。秉常母梁氏將內侮,論中國將帥, 廣爲人有風義,輕財好施,學通左氏春秋。臨事持重,長於料敵,以智損益八陣圖,又 然在|廬以敕書招蠻,既降而殺之,此其短也。 造被惡疾死,或以 獨

爲殺降之報云。

文有餘,義武不足,蓋是時中國之人,不見兵革之日久矣。於是契丹、西夏起爲邊患,乃不吝 通左氏春秋。 暴其所長,以 網吊以 論 成 日·宋太宗旣厭兵,一意安邊息民,海內大治。。眞宗、仁宗深仁厚澤,涵煦生民,然仁 和好。 興立事功,若熊本、蕭注、陶弼、林廣實然。 昔孫權勸呂蒙學,文武豈二致哉!本上書以媚時相,廣之征蠻,發塚殺降,君 神宗撫承平之運,銳焉有爲,積財練兵,志在刷恥。 本、注起身科第,弼能 故一時材智之士,各得 詩 好士,廣 學

列

傳

子

,疵之。

### 校勘記

(1) 議築砦堡各六 「堡」字原脫,據下文和長編卷三二八補。

(三) 瀘州羅晏夷 「瀘州」原作「瀘川」。按本書卷四九六瀘州蠻傳、長編卷二四五記載此事,

都作

「瀘州」。據改。

(三) 蔡京時爲秀州推官 按本書卷四七二蔡京傳,京曾任舒州推官,未任秀州推官。

10七四0

# 宋史卷三百三十五

## 列 傳第九十四

种世衡 子古 諤 誼 孫朴 師道 師

中

以放蔭補將作監主簿,累遷太子中舍。 种世衡字仲平,放之兄子也。少尚氣節,昆弟有欲析其貲者,悉推與之,惟取圖書而

會赦」, 除 **弟世材上一官以贖,爲孟州司馬。** 所爲不法。 衛尉寺丞,歷監隨州酒,簽書同州、鄜州判官事 嘗知<u>涇陽縣,里胥王知謙以姦利事敗,法當徒〔1〕,遁去。</u> 杖其脊而請罪于府,知府李諮奏釋之。後通判鳳州。 嘗干世衡以私,不聽,蒙正怒,乃誘知謙訟冤而陰助之,世衡坐流<u>竇州,徙汝州。</u> 久之, 龍圖閣直學士李紘爲辨其誣, 宋綬、狄棐繼言之, 州將王蒙正, 比郊赦輒出,世衡曰「送府川 章獻后婣家也,

西邊用兵,守備不足。 列 僔 第 九 + 四 种 世 世衡建言,延安東北二百里有故寬州,請因其廢壘而 衡 興之,以當

穿, 出 寇 爭 衝 世 衡命屑石一畚酬百錢,卒得泉。 世 可 衡 固 且戰且城之。 延安之勢,左可 然處險無泉,議不 致河東之粟,北 城成,賜名青澗城 ·可守。 可圖銀、夏之舊。 鑿地百五十尺,始至于石,石工辭不 朝廷從之,命董其役。 夏人屢

屬羌皆樂爲用。 間 出行部族、慰勞酋長、或解與所服帶。 遷內殿崇班、知城事。 再遷洛苑副使、知環州 開營田二千頃,募商賈,貸以本錢,使通 嘗會客飲,有得敵情來告者,即以飲器予之,繇是 貨贏其利,城遂富實。

至其 信,不可 削 此未嘗有官至吾部者,公乃不疑 候, 蕃部有牛家族奴訛 往勞部落。 '失期。」遂緣險而進。 是夕大雪,深三尺。 者,素屈彊,未嘗出謁郡守,聞世衡至,遽郊迎。 奴訛 方臥帳 殺那 」。」率其族羅 左右曰:「地險不 中,謂世衡必不 拜聽 能至,世 命 可往。」 世衡 衡躄而起,奴訛大驚曰: 日:「吾方結諸 世衡與約 HJ] H

之。 由是 一得其 其後 慕思 個 死 竊 慕恩部落最強,世衡嘗夜與飲, 百 餘 力。 與侍姬戲,世衡遽出 帳 皆 諸 部 自 有 歸 了莫敢 貳者,使討之無不克。 貳。 拖 之,慕恩慙懼 因令諸族置烽火, 出侍 . 姬以 有兀二族, 請罪。 佐 有急 酒。 世衡笑曰:「君欲之耶 則舉燧,介馬以 世衡招之不至, 旣而 世衡起入內,潛於壁隙 卽命 」卽以遺之, 慕恩出兵誅 中窥

葛 懷 敏敗, 率

完

兵

數

千

人
以

接

涇

原

, 無敢後者。 嘗課吏民射, 有過失, 射中則釋其

待

罪 有 一辭某事 、請某事 輒因中否而與奪之。 人人自厲,皆精於射, 繇是數年敵不敢近環

境。 遷 東 染院使、環慶路兵馬鈴轄。 范仲淹檄令與蔣偕築細腰城 ,世衡時臥病, 卽 起,將所

而

媚 部 達 用 野利 娘等三人詣 甲士晝夜興樂,城成 事,邊臣欲以謀間之。 初, 兄弟,而涇原路王 世衡 在 世衡請降,世衡 青澗 城, 卒。 | 沿、葛懷敏亦遣人持書及 慶曆二年,鄜延經略使龐 元昊未臣,其貴人野利剛浪陵、遇乞兄弟有材謀,皆號大王。 知其詐,曰:「與其殺之,不若因以爲間。」留使監商稅,出入騎 金 籍,兩爲保安軍守劉拯書,路蕃部破 寶以遺遇乞。 會剛浪喽令浪埋、賞乞、 田以 親信

從

甚

疤

心 朝 臣 浪 奏 上李文貴 う命 辽 陵得書 廷 爲 已 有 爲夏州 欲 僧 班借 大懼, 以 招 王光信者,趫勇善騎射,習知 拊 剛 節 職, 浪 度 籍召文貴至,諭以國家寬大開納意 自所治執嵩歸元昊。 陵旨報 使, 改名嵩。 奉錢 世衡, 月 世衡 萬 五言不 五言不 **緡** 爲 蠟 旌 達 元昊 節 書, 蕃部 所遺 Ë 遣嵩 疑 至, 山川道路。 書意 剛 遺 浪 趣其歸附, 剛浪 嘜 ,縱使還報 或許 喽, 世衡出兵, 通 以 言 和 不得還所 楽 浪 願 綴 埋等已至, 元昊得報 賜 畫 常使爲 治, 龜 言 喩 且. 出間 鄉導,數盪族帳 世衡 錮嵩 朝 其早歸之意 廷 ,禮之甚厚, 以 穽 知 白 王 中。 有向 使其 漢 岡川

列

傳

第

使與文貴偕來。 自是繼遣使者請降,遂稱臣如舊。

艱 險間其君臣,遂成精貳,因此與中國通,請優進嵩官。 世衡 聞 野利兄弟已誅,爲文越境祭之。 籍疏嵩勞, 具言元昊未通時, 遷三班奉職。 後嵩因對自陳, 世衡畫策遣嵩 又進

<del>传</del>禁、閤門祗侯。

使, 詔 世 流內銓授古大縣簿尉,押還本貫。 | 衡死,籍爲樞密使。| 世衡子||古上書訟父功,爲籍所抑。 籍旣罷,古復辯理, 下御史考驗,以籍前奏王嵩 古復上書,遂贈世衡成州 團 疏 練

爲定。詔以其事付史官,聽古從官便郡。

**診**, 皆 食飲湯劑,以故得人死力。 世 **「有將材。** 衡 在邊數年,積穀 關中號日「三种」。 通貨,所至不煩縣官益兵增饋。 及卒, **法** 國朝夕臨者數日, 青澗及環 誼,其幼子也。 孫朴、師道、師中。 善撫養士卒, 病者遣一子專視其 人皆畫象祠之。 子古、諤、

古爲 古字: 天興尉, 大質,少慕從祖放爲人,不事 累轉 西京 左藏 庫副 使、涇原路 科 舉。 都監 當任官, 一、 知 原州 辭以 與弟,時稱 「小隱君」。

銯

其三弟。與弟診破環州折薑會,斬首二千級,遷西上閤門副使。 羌 人犯塞, 古禦之,斬級數百 築城鎮 戎 之北,以 據要害。 民有損直鬻田 神宗 召 對, 遷通 於熟院以避役 事舍人, 官

古按其狀,得良田三千頃,丁四千,悉刺爲民兵。 歷環慶、永興軍路鈴轄。

坐訟范純仁不當,奪一官,知寧州,徙鎭戎軍。 熙河師十萬道境上,須獨粮,僚佐以他

路爲言。」古曰:「均王師也。」命給之。又徙廊、隰二州,卒,年七十。

古終不復受。 古明達孝義。弟諤坐擅興繫獄,乞納官贖其罪。 然世衡受知於范仲淹,因立青澗功,而古以私憾訟純仁,士論少之。 世衡遺張問田千畝,問返之,而世衡

諤字子正,以父任累官左藏庫副使,延帥陸詵薦知靑澗城。

夏酋令嗳內附,詵恐生事,欲弗納,諤請納之。 厦人來索, 詵問所以報, 諤曰:「必欲令

陵,當以景詢來易。」乃止。 詢者,中國亡命至彼者也。

報,悉起所部兵長驅而前,圍其帳。 李文喜受而許降, 夏將鬼名山部落在故綏州,其弟夷山先降,諤使人因夷山以誘之,賂以金盂,名山小吏 而名山未之知也。 名山驚,援槍欲鬥,夷山呼曰:「兄已約降,何爲如是?」 **諤即以聞**, 詔轉運使薛向及陸詵委諤招納。 諤不待

開門以待,使名山帥新附百餘人挑戰,諤兵繼之,鼓行而出。 文喜因出所受金盂示之,名山投槍哭,遂舉衆從諤而南。 將築城,詵以無詔出師,召諤還。 軍次懷遠,晨起方櫛, 得

得

領

三

百

、

一

萬

五

千

、

兵

萬

人

。 敵四萬衆全集,傅城 至晉祠據險, 使偏將燕達、劉 而 陳。

遂

| 南 為 城級州 兩翼, 中軍,乃閉壘,悉老弱乘城鼓譟以疑賊。 已而合戰,追擊二十里,俘馘甚衆,

置隨州。 朓 愈侯可以言水利入見, 神宗問其事, 對曰:「种諤奉密旨取綏而獲罪, 言者交攻之,遂下吏,貶秩四等,安 後何以使

」帝亦悔,復其官

洮、岷, 河,斬首七千級。 州 受節度,起河 別駕,移單州,又移華州。 韓絳宣撫 新羌多叛, 東兵會銀州。 陝西,用爲鄜延鈴轄。 諤 討 襲 誅 之。 城成而慶卒叛, |絳再相, 從李憲出塞,收洮州,下逋宗、講珠、東宜諸城, 絳城囉兀,規橫山,令諤將兵二萬出無定川,命諸將皆 訟其前功, 詔罷師,棄囉兀,責授汝州團練副使。 復禮賓副使、知岷州。 董氈將鬼章聚 掩擊至大 再 、兵于 貶賀

定川,伏兵發,斷其首尾,大破之,降守將令介訛遇。 決意 因 [本路官擣其巢穴。」遂入對,大言曰:「夏國無人,秉常孺子,臣往持其臂以來耳。」帝壯之, 西討,以爲經略安撫副使,諸將悉聽節制。 遷 京上閤門使、文州刺史、知涇州,徙鄜延副總管。 敵屯兵夏州, 諤率本路丼畿內七將兵攻米脂, 三日未下。 | 諤卽次境上,帝以| 諤先期輕出,使聽令於| 王 捷書聞,帝大喜,羣臣稱賀,遣中使諭 上言:「夏主秉常爲其母所囚,可急 夏兵八萬來援,諤禦之無

獎,而罷中正。

憊, 欲以粮運不繼歸罪轉運使李稷。 留千人守米脂 , 進次銀、石、夏州,不見敵。 駐 軍 麻 家平,大校劉歸仁以 始, 被詔當會靈武,諤迂枉不進, 衆潰 詔令班 師 十卒飢 獝 遷 鳳

州團練使、龍神衞四廂都指揮使。

利,盡! 利,夏 徐禧、 命知延州 次修夏州, 諤謀據橫山之志未已, 歸中 人恃以爲生; 李舜舉使鄜延計議。 乃奏留諤守延。 國。 三郡鼎峙, 疽發背卒,年五 其勢居高,俯視興、靈,可以直覆巢穴。」而禧與沈括定議移銀州,城永樂,與 其城壘皆控險,足以守禦。 則橫山之地已囊括其中。 + 旣 |諤言:「 遣子朴上其策。 ti 而永樂受圍 横山 延袤千里, ,諤觀望不救,帝冀其後效,置不問,且虞賊至,就 帝召朴問狀, 今之興功,當自銀州 又其次修鹽州 多馬宜稼, 擢爲閤門祗侯。 人物勁悍善戰, 則 横山 始。 彊 其次遷宥州,又 兵戦 將進城橫山, 且有鹽鐵之 爲、 山澤之 其 命

諤飲 門下 問 客曰:「事急矣,可衣我衣,乘我馬,從旗鼓千騎, 亟趨大軍。」客信之, 食 諤 自若。 善馭 軍有 士卒, 臨敵 幾帥? 敵亦畏其敢戰,故數有 要當借汝頭以代運使。」卽叱斬之。 出 奇,戰必勝 , 功。 然詐誕殘忍,左右有犯立斬, 李稷之餽軍 也, 稷惶怖遽出。 旦入諤營,軍 或先刳肺肝, 東鳴鼓聲喏。 **嘗渡河**, 猝遇 敵以爲諤,追之, 坐者 心敵,給 掩 |諤呼

列

傳

第

九

十四四

种

#1

衡

一〇七四八

幾不免。 自 |熙寧首 1開綏州 , 後再舉西征,皆其兆謀, 卒致永樂之禍。 議者謂諤不死,

誼 字壽翁。 熙寧中,古入對,神宗問其家世, 命誼以官。 從高瓊裕復洮、岷,又平山後

羌,至熈河副將。

路都監。 跳 (梁坎井間,謂我不知遠近邪?」命趨 使青居,董氈遣鬼章迎候境上,取道故爲回枉,以夸險遠。 自蘭州渡河討賊,斬首六百,累轉西京使。 便道。 鬼章怒,脅以兵, **誼聲氣不動,卒改塗。** 爾

出討。 故土,命也。」遂俘以歸。 **誼戲問之曰:「別後安否?」不能對,徐謂人曰:「我生惡种使,今日果爲所擒。天不使我復有** 來,彼固不知厚薄,乘此可一鼓而下也。」遂親鼓之。有頃,霧霽,先登者已得城,鬼章就執。 入寇, 元祐初,知岷州。 且結屬羌爲內應。 **羌迎戰,擊走之,追奔至洮州。** 鬼章誘殺景思立,後益自矜,大有窺故土之心,使其子詣宗哥請益 **趙刺得其情,上疏請除之。** 拜西上閤門使、康州刺史,徙知鄜州 **誼**亟進攻, 晨霧蔽野, 跬步不可辨。 詔遣游師雄就商利害, 遂與姚兕合兵 誼日:「吾軍遠 兵

夏人犯延安,趙禼使誼統諸將。 敵聞置至,皆潰去。延人謂:「得誼,勝精兵二十萬。」

進熙河鈴轄、知蘭州。 蘭與通遠皆絕塞,中間保障不相接,腴田多棄不耕, 誼請城李諾平

以 扼 衝 要。 會遷東上閣門使、保州團練使,卒,年五十 Ė,

法,順、 負敗 誼 、誠叩頭伏罪,願效命以贖,乃使輸金出之,羣羌畏惕。 倜儻有氣節,喜讀書。莅軍整嚴,令一下,死不敢避;遇敵,度不勝不出,故每戰未嘗 岷羌鱼包順、包誠恃功驕恣, 前守務姑息, **諡至**,厚待之。 及洮州之役,二人功最多。 適有小過,叱下吏,將置

朴以父任右班殿直,積勞,遷至皇城使、昌州刺史,徙熙河蘭會鈴轄銀知河州,安撫洮

西沿邊公事。

伏,首尾不相應,朴殊死戰,爲賊所殺,以馬負其尸去。 鋒方銳,且盛寒,欲姑徐之,而宗回馳檄至六七,不得已,遂出兵。 |羌知朴來,伏以待。 羌乘勝追北。師還遇隘,壅迮不得行。偏將王舜臣者善射,以弓掛臂,獨立敗軍後。 河南蕃部叛,屬羌阿章率他族拒官軍,熙帥胡宗回使朴出討。 時朴至州才二日,以賊 林遇

腭胎莫敢前,舜臣因得整衆。須臾,羌復來。 舜臣自申及酉,抽矢千餘發,無虚者。 曰:「吾令最先行者眉間插花。」引弓三發,隕三人,皆中面;餘四人反走,矢貫其背。 來可萬騎,有七人介馬而先。舜臣念此必完酋之尤桀黠者,不先殪之,吾軍必盡。 指裂,血 乃宣言 萬騎

列

雄州

つ七 Ŧī

流至肘。 防禦使,官其後十人。 薄暮, 乃得踰 隘 將士氣奪,無敢復言戰。 當是時,微舜臣則師殲矣。 事聞,贈朴

縣 ・
吏有 師 田 道字彝叔。少從張載學,以蔭補三班奉職,試法, 訟,彌二年不決。 師道繙閱案牘,窮日力不竟,然所訟止母及兄而已。 易文階,爲熙州推官、權同谷縣。 引吏詰之

曰:「母、兄,法可訟乎。汝再期擾鄕里足未?」 東叩頭服罪。

罷 入黨籍,屏廢十年。 通 判原州,提舉秦鳳常平。議役法忤蔡京旨,換莊宅使、知德順軍。 以武功大夫、忠州刺史、涇原都鈴轄知懷德軍。 夏國畫境,其人焦彥 又謂其詆毁先烈,

堅 必欲得故地,師道曰:「如言故地,當以漢、唐爲正,則君家疆 土益蹙矣。」彥堅無以對。

募。 爲提舉秦鳳弓箭手。 日:「先爲 帝復 童 貫 訪 握 不 之, 兵柄 可勝, 對曰:「臣恐勤遠之功未立(三),而近擾先及矣。」帝善其言,賜襲衣、金帶,以 而 來則應之。 西、翕張威福、見者皆旅拜、師道長揖而已。 時 五路並置官,帝謂 妄動· 生事,非計 曰:「卿、吾所親擢也。」貫滋不悅,師道不敢拜,以 也。」貫議徙內郡弓箭手實邊,而指爲新邊 召詣闕,徽宗訪以 、邊事 對 所

請,得提舉崇福宮。 久之,知 **一四安州** 

夏人侵定邊,築佛口城,率師往夷之。 始至渴甚,師道指山之西麓曰:「是當有水。」命

揚言援兵至, 平三,土賦工,敵至,堅壓葫蘆 求之,果得水滿谷。 累遷龍神衞四廂都指揮使、洺州防禦使、知渭州。 楊 可世潛軍軍其後, 河。 師道 陳于河滸,若將決戰者。 姚平仲以精甲衷擊之,敵大潰, 陰遣偏將曲充徑出橫嶺, 督諸道兵城席葦 斬首五十

城,城卽潰,時兵至纔八日。 怠,列校有據胡床自休者,立斬之,屍于軍門。 又 詔 帥陝西、河東七路兵征臧底城,期以旬日 帝得捷書喜,進侍衞親軍馬軍副都指揮使、應道軍承宣使。 令曰:「今日城不下, 視此。」衆股栗, 1必克。 既薄城下,敵守備甚固。 譟 官軍 而 小

級(目),獲橐駝、馬牛萬計,其脅僅以身免。

卒城而還。

舉,譬如盜入鄰家不能救,又乘之而分其室焉,無乃不可乎?」貫不聽。 而前,士卒多傷。 從童貫爲都統制,拜保靜軍節度使。 師道先令人持一巨挺自防,賴以不大敗。 貫謀伐燕,使師道盡護諸將。 師道諫日:「今日之 旣次白溝,遼人譟

于盧溝,帝思其言,起爲憲州刺史、知環州,俄還保靜軍節度使,復致仕。 諫宜許之,又不聽,密劾其助賊。 之鄰,基他日之禍,謂爲得計可乎?救災恤鄰,古今通義,惟大國圖之。」貫不能對, 遼使來請曰:「女眞之叛本朝,亦南朝之所甚惡也。今射一時之利,棄百年之好,結豺狼 王黼怒,責爲右衞將軍致仕,而用劉延慶代之。 延慶敗績 師道 復

金人南下,趣召之, 加檢校少保、靜難軍節度使、京畿河北制置使,聽便宜檄兵食。 師

列

傳第

九十

四

种

衡

**砦稍北,斂游騎,但守牟駝岡,** 哉 道方居南 進,形見情露,祗 |屯京城下,或止勿行曰:「賊勢方銳,願少駐||汜水,以謀萬 揭 榜沿道,言种少保領 Ш 1 豹林谷,聞 取辱焉。 命卽東。 今鼓行而前,彼安能 西兵百萬來(台)。 增壘自衞 過姚平仲(臣),有步騎七千,與之俱北。 遂抵城西, 趨汴水南, 徑逼敵營。 測我虛實? 都人知吾來, 全。」師道日:「吾兵少,若 士氣自. 至 洛陽,聞斡離 振 金 人懼,徙 何 遲 憂 回 賊 不

時 校 而 能 少傅、同知樞密院、京畿兩河宣撫使,諸道兵悉隸焉。 善其歸乎? 時 師道春秋 和, 入見,帝問曰:「今日之事 」帝曰:「業已講好矣。」 高,天下 稱爲「老种」。 ,,卿意如何?」對曰:「女眞不知兵,豈有 欽宗聞其至,喜甚,開安上門,命尚書右丞 對曰:「臣以軍旅之事事陛下,餘非所敢知也。」拜檢 以平仲爲都統制 孤 軍深入人境 李綱 迎勞。

敢 曰:「彼爲卿故也。」京城自受圍,諸門盡閉,市無薪菜。 越佚者。 師道 金 人有擅過偏將馬忠軍者,忠斬其六人。金人來訴,師道付以界旗,使自爲制,後無有 時被病,命毋拜,許肩 又請緩給金幣,使彼惰歸,扼而殲諸河,執政不 興入朝。金使王汭在廷頡頏,望見師道,拜跪稍如禮。帝顧笑 師道請啓西、南壁,聽民出入如常 可。

不得速戰爲言達于上。李綱主其議,令城下兵緩急聽平仲節度。 |种氏、姚氏皆爲山西巨室,平仲父||古方以熈河兵入援。||平仲慮功名獨歸||种氏,乃以 帝日遣使趣師道戰,師道

欲俟其弟秦鳳經略使師中至,奏言過春分乃可擊。 時相距纔八日,帝以爲緩,竟用平仲斫

營,以及于敗。 既敗,李邦彥議割三鎭,師道爭之不得。

曰:「果我公也。」相率聲喏而散。 李綱體,太學諸生、都人伏閾願見种、李,詔趣使彈壓。 師道乘車而來,衆褰簾視之,

換節鎭洮軍,爲河北、河東宣撫使,屯滑州,實無兵自隨。 持久,可破也。」翰嘆味其言,復上奏謂師道智慮未衰,尚可用。於是加檢校少師,進太尉, 勿以書生之故不肯談。」師道始言:「我衆彼寡,但分兵結營,控守要地,使彼粮道不通,坐以 老矣,難用,當使卿見之。」令相見於殿門外。師道不語,翰曰:「國家有急,詔許訪所疑,公 金師退,乃罷爲中太一宮使。御史中丞許翰見帝,以爲不宜解師道兵柄。上曰:「師道

不用。 揣敵必大舉,亟上疏請幸長安以避其鋒。 卒,年七十六(七)。 師道請合關、河卒屯滄、衞、孟、滑,備金兵再至。朝論以大敵甫退,不宜勞師以示弱,格 旣 而 師中戰死,姚古敗,朝廷震悚,召師道還。 大臣以爲怯,復召還。 太原陷,又使巡邊。 既至,病不能見。十月, 次河陽,遇王汭,

乘半濟擊之,不從,曰:「異日必爲國息。」故追痛其語。 京師失守,帝搏膺曰:「不用种師道言,以至于此!」金兵之始退也, 建炎中,加贈少保,諡曰忠憲 師道 申前議,勸帝

帝臨奠,哭之慟,贈開府儀同三司

列

傳

第 九

+

四

种 世 衡

師 中字端儒 歷 一知環濱邠州、慶陽府、秦州 侍衞步軍馬軍副都指揮使、 房州 觀察使,

奉寧軍承宣使。

凝師于河上比也。 時大臣立議矛盾, 古援太原,師中援中山、河間。 黏罕已至澤州,臣欲由邢、相間捷出上黨,擣其不意,當可以逞。」朝廷疑不用 金人內侵,詔 提 秦鳳兵入援,未至而敵退,乃以二萬人守滑。 或謂師中自磁、相而北,金人若下太行,則勢不能自還 樞密主破敵, 而三省令護出之。 遣副姚古爲河北制 師中渡河, 即上言: 一,此段 置使,

復隆德、威勝,扼南北關,而不能解圍。 斡離不還,師中逐出境。 黏罕至太原,悉破諸縣,爲鎖城法困之,內外不相通。 於是詔師中由井陘道出師,與古掎角,進次平定軍, 姚古雖

乘勝復壽陽、楡次,留屯眞定。

罪乎 金 督 ',右軍潰而前軍亦奔。 人所 İlli 中 時 出 自即 黏 戦, 罕避暑雲中,留兵分就畜牧,覘者以爲將遁,告諸朝。 H 五 辦嚴,約古及張灝俱進,輜重賞犒之物,皆不暇從行。 且責以逗撓。 戰三勝, 口 師 趨楡 一獨以麾下死戰,自卯至巳,士卒發神臂弓射退金兵,而賞賚不 師中鄭曰:「逗撓,兵家大戮也。 次,去太原百里,而古、灝失期不至, 吾結髮從軍,今老矣,忍受此爲 知樞密院許翰信之,數遣使 五. 兵飢甚。 月,抵壽陽之石坑,爲 敵 知之,悉衆

及,皆憤怨散去,所留者纔百人。 師中身被四創,力疾鬥死。

臣,不過也。」請加優贈,以勸死國者。 師中老成持重,為時名將,諸軍自是氣奪。 詔贈少師, 諡曰莊愍。 劉幹言:「師中聞命卽行,奮不顧身,雖古忠

謂至計矣。 北之禍。 俱有將材,至師道、師中已三世,號山西名將。 應變決策於急遽危難之際,豈不仆哉。 論曰:宋懲五季藩鎭之弊,稍用逢掖治邊陲、領介胄。然兵勢國之大事,非素明 金以孤軍深入,師道請遲西師之至而擊之,長驅上黨,師中欲出其背以揜之,可 李綱、許翰顧以爲怯緩逗撓,動失機會,遂至大衄,而國隨以敗,惜哉 种氏自世衡立功青澗,撫循士卒,威動羌、夏、諸子 徽宗任官竪起邊釁,師道之言不售,卒基南 否,而欲

## 校勘記

(二) 法當徒 「徒」原作「徙」。按本書卷一九九刑法志無徙刑而有徒刑, 東都事略卷六一本傳正作

「徒」,據改。

 $\exists$ 臣恐勤遠之功未立 「勤」原作「動」, 據北盟會編卷六〇折彥質种師道行狀、東都事略卷一

七本傳改。

列傳第九十四 校勘記

〇七元六

- (三) 督諸道 兵城席葦平 「平」字原脫,據本書卷八七地理志、北盟會編卷六〇种師道行狀補。
- 斬首五 十級 「五十」,北盟會編卷六〇种師道行狀、東都事略卷一〇七本傳都作「五千」。
- 過姚 平仲 北盟會編卷三〇、東都事略卷一〇七本傳都作「遇」。
- **公** 言种少保領西兵百萬來 「西兵」原作「兩兵」。

時說:「遊騎知西兵至,退走。」「兩」字當爲「西」字之訛,據改。 稱爲西兵。 本傳論曰:「師道請遲西兵之至而擊之。」北盟會編卷三〇敍述种等先遣軍到達東京 按种師道等所領之兵,是涇原、秦鳳路兵,當時

(4) 年七十六 原作「年六十七」,據北盟會編卷六〇种師道行狀、東都事略卷一〇七本傳改。

## 未史卷三百三十六

## 列傳第九十五

## 司馬光 子康 呂公著 子希哲 希純

仁宗寶元初, **春秋,愛之,退爲家人講,即了其大指。** 可違。」乃簪一枝。 兒登甕,足跌沒水中, 司馬光字君實,陝州夏縣人也。 中進士甲科。 ` 衆皆棄去, 光持石擊甕破之,水迸,兒得活。 年甫冠,性不喜華靡,聞喜宴獨不戴花, 父池,天章閣待制。 自是手不釋書,至不知飢渴寒暑。 光生七歲,凛然如成人,聞講左氏 其後京、洛間畫以爲圖。 同列語之日:「君賜不 **羣**兒戲於庭,

服除, 除奉禮郎,時池在杭,求簽蘇州判官事以便親,許之。丁內外艱,執喪累年,毁瘠如禮。 簽書武成軍判官事,改大理評事,補國子直講。 樞密副使龐籍薦爲館閣校勘, 同 知

禮院。

大勞,而贈以三公官,給一品鹵簿,其視繁纓,不亦大乎。」夏竦賜諡文正,光言:「此諡之至 中官麥允言死, 給鹵 簿。 光言:「繁纓以朝,孔子且猶不可。 允言近習之臣,非有元勳

光建:「築二堡以制夏人,募民耕之,耕者衆則糴賤,亦可漸紓河東貴糴遠輸之憂。」籍從其 從龐籍辟,通判幷州。 麟州屈野河西多良田,夏人蠶食其地,爲河東患。 籍命光按視,

美者,陳何人,可以當之?」改文莊。加集賢校理

策;而麟將郭恩勇且狂,引兵夜渡河,不設備,沒於敵,籍得罪去。 光三上書自引咎,不報。

籍沒,光升堂拜其妻如母,撫其子如昆弟,時人賢之。

其爲災當益甚,不當賀。」從之。 足爲瑞,願還其獻。」又奏賦以風。 師不見,皆表賀。光言:「四方見、京師不見,此人君爲陰邪所蔽;天下皆知而朝廷獨不知, 改直祕閣、開封府推官。 交趾貢異獸,謂之麟,光言:「眞僞不可知,使其眞,非自至不 修起居注,判禮部。有司奏日當食,故事食不滿分,或京

同 知諫院。 蘇轍答制策切直,考官胡宿將黜之,光言:「轍有愛君憂國之心,不宜黜。」

而資材級

且貽書勸鎭以死爭。 仁宗始不豫,國嗣未立,天下寒心而莫敢言。諫官范鎭首發其議,光在抖州聞而繼之, 至是,復面言:「臣昔通判抖州,所上三章, 願陛下果斷力行。」帝沉思

光言:「皇子辭不貲之富,至于旬月,其賢於人遠矣。然父召無諾,君命召不俟駕,願以臣子 敢違。」琦等拱手曰:「敢不盡力。」未幾,詔英宗判宗正,辭不就,遂立爲皇子,又稱疾不入。 **倉卒之際,援立其所厚善者耳。『定策國老』、『門生天子』之禍,可勝言哉?」帝大感動曰:** 意謂卽行,今寂無所聞,此必有小人言陛下春秋鼎盛,何遽爲不祥之事。 小人無遠慮,特欲 必死,不意陛下開納。」帝曰:「此何害,古今皆有之。」光退未聞命,復上疏曰:「臣向者進說, 久之,曰:「得非欲選宗室爲繼嗣者乎?此忠臣之言,但人不敢及耳。」光曰:「臣言此,自謂 「送中書。」光見韓琦等曰:「諸公不及今定議,異日禁中夜半出寸紙,以某人爲嗣,則天下莫

章懿太后,故使璋尚主。今乃母子離析,家事流落,獨無雨露之感乎?瑋旣黜,主安得無 克國公主嫁李瑋,不相能,詔出瑋衞州,母楊歸其兄璋,主入居禁中。光言:「陛下追念

大義責皇子,宜必入。」英宗遂受命。

罪?」帝悟,降主沂國,待李氏恩不衰。

法, 輦官悖慢則退宰相, 衞士凶逝而獄不窮治, 軍卒詈三司使而以爲非犯階級。 進知制誥,固辭,改天章閣待制兼侍講、知諫院。時朝政頗姑息,胥史喧譁則逐中執 光言皆陵

充媛董氏薨,贈淑妃,輟朝成服,百官奉慰,定諡,行册禮,葬給鹵簿。光言:「董氏秩本

遲之漸,不可以不正

微, 不足法。」時有司定後宮封贈法,后與妃俱贈三代,光論:「妃不當與后同,袁盎引却愼夫人 唐平陽公主有舉兵佐高祖定天下功, 病革方拜充媛 天聖親郊,太妃止贈二代,而况妃乎? 古者婦 人無諡 近制惟皇后有之。 乃得給。 至韋庶人始令妃主葬日皆 鹵簿本以賞 軍 功, l 給鼓 未嘗施 吹, 非令典, 於婦人。

席,正爲此耳。

爲皇伯,高官大國,極其尊榮。」議成,眭卽命吏以其手稿爲按〔〕。旣上與大臣意殊,御史六 光武 用 人爭之力,皆斥去。 相 視 如薛奎者,當信用之,猥鄙如馬季良,讒諂如羅崇勳者,當疎遠之,則天下服。」 外戚小人,負謗海內。 莫敢先,光獨奮筆書曰:「爲人後者爲之子,不得顧私親。王宜準封贈期親尊屬故事,稱 上繼元帝,亦不追尊鉅鹿、南頓君,此萬世法也。」後詔兩制集議濮王典禮,學士王珪等 英宗立,遇疾,慈聖光獻后同聽政。 帝疾愈,光料必有追隆本生事,即奏言:「漢宣帝爲孝昭後,終不追尊衞太子、史皇孫 光乞留之,不可,遂請與俱貶。 今攝政之際,大臣忠厚如王曾, 清純如張知白, 光上疏曰:「昔章獻明肅有保佑先帝之功, 剛正如魯宗道 特以 親

是,契丹之民捕魚界河,伐柳白溝之南,朝廷以知雄州李中祐爲不材,將代之。 加宜罪,不 初,西夏遣使致祭,延州指使高宜押伴,傲其使者,侮其國主,使者訴於朝。 從。 明年 ·, 夏 人犯邊,殺略吏士。趙滋爲雄州,專以猛悍治邊,光論其不 光謂:「國家 光與呂海

當戎夷附順時,好與之計較末節,及其桀驁,又從而姑息之。 趙滋 時方賢此二人,故邊臣皆以生事爲能,漸不可長。 宜敕邊吏,疆場細故輒以矢刃相 近者西禍生於高宜,北禍起於

加者,罪之。」

若遺 供已,乃具數白后,以防矯僞。」 氏,義不藏於家。<br/>后還政, ?賜不可辭,宜許侍從上進金錢佐山陵。」不許。 仁宗遺賜直百餘萬,光率同列三上章,謂:「國有大憂,中外窘乏,不可專用乾興故事 有司立式,凡后有所取用,當覆奏乃供。 光乃以所得珠為諫院公使錢,金以遺舅 光云:「當移所屬使立

都市,以謝天下。」責守忠爲節度副使,蘄州安置,天下快之。 非守忠意,沮壞大策,離間百端,賴先帝不聽;及陛下嗣位,反覆交構,國之大賊。乞斬於 侍 小臣,必有覬望。」已而遷都知任守忠等官,光復爭之,因論曰:「守忠大姦,陛下爲皇子 曹佾無功除使相,兩府皆遷官。 光言:「陛下欲以慰母心,而遷除無名,則宿衞將帥、內

曰:「君但見慶曆間鄉兵刺爲保捷,憂今復然,已降敕榜與民約,永不充軍戍邊矣。」光曰: 也,獨可欺之於一日之間耳。今吾雖益兵,實不可用,不過十日,彼將知其詳,倘何懼? 「兵貴先聲,諒祚方桀驁,使驟聞益兵二十萬,豈不震慴? 刺陝西義勇二十萬,民情驚撓,而紀律疎略不可用。 」光曰:「兵之貴先聲,爲無其實 光抗言其非,持白韓琦。 |琦日 琦

列

此 朝 **丸地**,可 廷嘗失信,民未敢以爲然,雖光亦不能不疑也。」琦曰:「吾在此,君無憂。」光曰:「公長在 也; 異日他人當位,因公見兵,用之運粮戍邊,反掌間事耳。」琦嘿然,而訖不爲止。

宗之世,私自結於陛下,豈忠臣哉?宜黜之以厲天下。」進龍圖閣直學士 王 廣淵除直集賢院,光論其姦邪不可近:「昔漢景帝重衞綰,周世宗薄張美。 廣淵當仁

不十年,皆如光慮

仲舒、揚雄棄之。 且卿能進士取高第,而云不能四六,何邪?」竟不獲辭。 神宗卽位,擢爲翰林學士,光力辭。 卿有文學,何辭爲?」對曰:「臣不能爲四六。」帝曰:「如兩漢制詔可也, 帝曰:「古之君子,或學而不文,或文而不學,惟董

宗本意。 光又力爭之。 盡在是矣。」御藥院內臣, 臣 日官人,日信賞,日必罰。 願 ·侯旣押班,然後就職。」許之。遂上疏論修心之要三:曰仁,曰明,曰武;治國之要三: 御 .史中丞王陶以論宰相不押班罷,光代之,光言:「陶由論宰相罷, 因論高居簡姦邪,乞加遠竄。章五上,帝爲出居簡,盡罷寄資者。 張方平參知政事,光論其不叶物望,帝不從。還光翰林兼侍讀學士。 國朝常用供奉官以下,至內殿崇班則出;近歲暗理官資, 其說甚備。 且曰:「臣獲事三朝,皆以此六言獻,平生力學所得, 則中丞不可復爲。 既而復留二人, 非祖

光常患歷代史繁,人主不能遍覽,遂爲通志八卷以獻。英宗悅之,命置局祕閣,續其書。

至是,神宗名之日資治通鑑,自製序授之,俾日進讀。

右舊人爲腹心耳目,謂之隨龍,非平日法也。 錄潁邸直省官四人爲閤門祗候,光曰:「國初草創,天步尙艱,故御極之初,必以左 閤門祗候在文臣爲館職,豈可使廝役爲之。」

西戎部將鬼名山欲以橫山之衆,取諒祚以降,詔邊臣招納其衆。

光上疏極論,以為:

遣將种諤發兵迎之,取綏州,費六十萬〔三〕,西方用兵,蓋自此始矣。 北不可,入南不受,窮無所歸,必將突據邊城以救其命。 歸我,不知何以待之。臣恐朝廷不獨失信諒祚,又將失信於名山矣。若名山餘衆尙多,還 「名山之衆,未必能制]諒祚。幸而勝之,滅一]諒祚,生一]諒祚,何利之有; 若其不勝,必引衆 陛下不見侯景之事乎?」上不聽,

單于』,不聞漢文帝復爲大名以加之也。 通信,彼有尊號我獨無,於是復以非時奉册。昔匈奴冒頓自稱『天地所生日月所置匈奴大 百官上尊號,光當答詔,言:「先帝親郊,不受尊號。 願追述先帝本意,不受此名。」帝大悅,手詔獎光, 末年有獻議者,謂國家與契丹往來

使善爲答辭,以示中外。

當辭祿。 曰:「救災節用,宜自貴近始,可聽也。」安石曰:「常衮辭堂饌,時以爲衮自知不能,當辭位不 執政以河朔旱傷,國用不足,乞南郊勿賜金帛。 且國用不足,非當世急務,所以不足者,以未得善理財者故也。」光曰:「善理財者 詔學士議,光與王珪、王安石同見,光

列傳

第九

十五五

司

詔,引常衮事責兩府,兩府不敢復辭。 地所生財貨百物,不在民,則在官,彼設法奪民,其害乃甚於加賦。 不過頭會箕斂爾。」安石曰:「不然,善理財者,不加賦而國用足。」|光曰:「天下安有此理?天 太史公書之以見其不明耳。」爭議不已。 帝曰:「朕意與光同,然姑以不允答之。」會安石草 此蓋桑羊欺武帝之言,

變也。」 武 法不變,可乎?」對曰:「寧獨漢也,使三代之君常守禹、陽、文、武之法,雖至今存可也。 【取高帝約束紛更,盜賊半天下;元帝改孝宣之政,漢業遂衰。由此言之,祖宗之法不可 安石得政,行新法,光逆疏其利害。 **邇英進讀,至曹參代蕭何事,帝曰:「漢常守蕭何之** 漢

事。 詳 造 用 問 守考制度是也;有三十年一變者,『刑罰世輕世重』是也。 輕 光, 也。 中書條例司,何也?」惠卿不能對,則以他語詆光。 今爲制置三司條 |呂惠卿言:「先王之法,有一年一變者,『正月始和,布法象魏』是也; 有五年一變者,巡 光日:「布法象魏,布舊法也。 公卿侍從皆在 .例司,何也。宰相以道佐人主,安用 此,願陛下問之。 諸侯變禮易樂者,王巡守則誅之,不自變也。 三司使掌天下財,不才而黜可也,不可 帝曰:「相與論是非耳,何至是。」光 光言非是,其意以風朝廷耳。」帝 例。苟用例,則胥 吏矣。 使執 大壞 政侵其 刑新國 今爲看 不

不願不 白:「平民舉錢出息,尙能蠶食下戶,况縣官督責之威乎!」惠卿曰:「青苗法,願取則與之, 息。 |太宗平||河東,立糴法,時米斗十錢,民樂與官爲市。 其後物貴而和糴不解,遂爲 m 漕錢,棄其有餘,取其所無,農末皆病矣!」侍講吳申起曰:「光言,至論也。」 羅米百萬斛,則省東南之漕,以其錢供京師。」光曰:「東南錢荒而粒米狼戾,今不羅米 臣恐異日之青苗,亦猶是也。」帝曰:「坐倉糴米何如?」坐者皆起,光曰:「不便。」惠卿 強 也。」光日:「愚民知取債之利,不知還債之害,非獨縣官不強,富民亦不強也。 河東世世

政之事,所與盡害政之人,而欲寘之左右,使與國論,此消長之大機也。 陛下當論其是非。今條例司所爲,獨安石、韓絳、惠卿以爲是耳,陛下豈能獨與此三人共 自榮,而不能救生民之患,是盜竊名器以私其身也。陛下誠能罷制置條例司,追還提舉官, 狂直, 庶有補於國家。 在高位,則異論之人倚以爲重。障信立漢赤幟,趙卒氣奪,今用光,是與異論者立赤幟也。」 爲天下邪?」帝欲用光,訪之安石。 不行青苗、助役等法,雖不用臣,臣受賜多矣。今言青苗之害者,不過謂使者騷動州縣,爲 安石以韓琦上疏,臥家求退。 它日留對,帝曰:「今天下洶洶者,孫叔敖所謂『國之有是,衆之所惡』也。」光曰:「然。 若徒以祿位榮之, 而不取其言, 是以天官私非其人也。 。帝乃拜光樞密副使,光辭之曰:「陛下所以用臣,蓋察其 安石曰:「光外託劑上之名,內懷附下之實。 光才豈能害政,但 臣徒以祿位 所言盡

乏,故必資於人。今出錢貸民而斂其息,富者不願取,使者以多散爲功,一切抑配。 者必委死溝壑,壯者必聚而爲盜賊,此事之必至者也。」抗章至七八,帝使謂曰:「樞密,兵事 秋計,展轉日滋,貧者旣盡,富者亦貧。十年之外,百姓無復存者矣。又盡散常平錢穀,專 負,必令貧富相保,貧者無可償,則散而之四方,富者不能去,必責使代償數家之負。春算 視事,光乃得請,遂求去。 也,官各有職,不當以他事爲辭。」對曰:「臣未受命,則猶侍從也,於事無不可言者。」安石起 行青苗,它日若思復之,將何所取?富室旣盡,常平已廢,加之以師旅,因之以饑饉,民之羸 今日之患耳。 而臣之所憂,乃在十年之外,非今日也。夫民之貧富,由 勤惰不同,惰者常 恐其逋

兵 ; 欲嘿不忍,乃復陳六事,又移書賣宰相吳充,事見充傳。 許州,趣入覲,不赴; **內郡,繕治非急。** 調民造乾糒、悉修城池樓櫓、關輔騷然。光極言:「公私困敝、不可舉事,而京兆一路皆 以端明殿學士知永興軍。宣撫使下令分義勇戍邊,選諸軍驍勇士,募市井惡少年爲奇 宣撫之令,皆未敢從,若乏軍興,臣當任其責。」於是一路獨得免。 請判西京御史臺歸洛,自是絕口不論事。 而求言韶下,光讀之感泣, 徙知

爲設一班, 蔡天申爲察訪,妄作威福,河南尹、轉運使敬事之如上官,嘗朝謁應天院神御殿,府獨 示不敢與抗。 光顧謂臺吏曰:「引蔡寺丞歸本班。」吏卽引天申立監竹木務官富

卷。及書成,加資政殿學士。凡居洛陽十五年,天下以爲眞宰相,田夫野老皆號爲司馬相 之。」資治通鑑未就,帝尤重之,以爲賢於荀悅漢紀,數促使終篇,賜以潁邸舊書二千四百 制行,帝指御史大夫曰:「非司馬光不可。」又將以爲東宮師傅。 元豐五年,忽得語澀疾,疑且死,豫作遺表置臥內,卽有緩急,當以畀所善者上之。 官 。蔡確曰:「國是方定,願少遲

公,婦人孺子亦知其爲君實也。

光曰:「此非求諫,乃拒諫也。人臣惟不言,言則入六事矣。」乃具論其情,改詔行之,於是上 封者以千數。 之重;或迎合已行之令;上以徼倖希進;下以眩惑流俗。若此者,罰無赦。」后復命示光, 得行,曰:「公無歸洛,留相天子,活百姓。」哲宗幼沖,太皇太后臨政,遣使問所當先,光謂: 「開言路。」詔榜朝堂。而大臣有不悅者,設六語云:「若陰有所懷;犯非其分;或扇搖機事 帝崩、赴闕臨、衞士望見、皆以手加額曰:「此司馬相公也。」所至,民遮道聚觀,馬至不

改於父之道」,但毛舉細事,稍塞人言。|光日:「先帝之法,其善者雖百世不可變也。 相公,毋去朝廷,厚自愛以活我。」是時天下之民,引領拭目以觀新政,而議者猶謂「三年無 起光知陳州,過闕,留爲門下侍郎。蘇軾自登州召還,緣道人相聚號呼曰:「寄謝司馬 若安

禍作 錢及 定。 惠卿所建 人茶 鹽· 逐罷 矣。」光正 保 之法,皆復其舊。 甲團教,不復置保馬;廢市易法,所儲物皆鬻之,不取息,除民所欠錢; ,爲天下害者,改之當如救焚拯溺。 色曰:「天若祚宗社,必無此事。」於是天下釋然,曰:「此先帝本意 或謂光曰:「熙、豐舊臣,多懷巧小人,他日有以父子義間 况太皇太后以母改子,非子改父。」衆議 也 京東 上,則 鐵 甫

決。 令通 惟國 務爲刻急,令近臣 決。 事 光嘆日:「 拜尙書左僕射兼門下侍 元 未 站 有 廢提舉常平司,以其事歸之轉運、提點刑獄。 元年復得疾,詔朝會再拜,勿舞蹈。 所託,今以屬 四患未除, 於郡守中選舉,而於通 吾死不 公。」乃論 郎,免朝覲, · 瞑目矣。」折簡與呂公著云:「光以身付醫,以家事付愚子, 免役五害, 乞直降敕罷之。諸將兵皆隸州縣, 許乘肩 判 時青苗、免役、將官之法猶在,而 一舉轉運判官。 興,三日一入省。 邊計以 和戎爲便。 又立十科薦士法。 光不敢當, 謂監 日:「不 司 西戎之議未 軍政 多新 皆從之。 ·見君, 進少 委守

聽。 從, 光日:「死生, 遼、夏使至,必問 欲以 身徇 命也。」爲之益力。 社 光起居,敕其邊吏曰:「中國 稷, 躬親庶務, 病革, 不舍晝夜。 不復自覺, 相司馬矣, 賓客見其體羸 諄諄如夢中語, 毋輕 生事 舉諸葛亮食 開 然皆朝廷天下事 邊隙。」光 少事 自 煩 見言 以 爲

不可

以

視

事。」詔:

令子康扶入對,

且曰:「毋拜。」遂罷青苗錢,

復常平糶糴

法。

兩

宮虚己以

,

國公, 州。諡曰文正,賜碑曰忠淸粹德。京師人罷市往弔,鬻衣以致奠,巷哭以過車。 是年九月薨,年六十八。太皇太后聞之慟,與帝卽臨其喪,明堂禮成不賀,贈太師 襚以一品禮服, 賻銀絹七千。 韶戶部侍郎趙膽、內侍省押班馮宗道護其喪, 歸葬陝

如哭其私親。 嶺南封州父老,亦相率具祭,都中及四方皆畫像以祀,飲食必祝。

所爲,未嘗有不可對人言者耳。」誠心自然,天下敬信,陝、洛間皆化其德,有不善,曰:「沿實 日 |年將八十,奉之如嚴父,保之如嬰兒。 自少至老,語未嘗妄,自言:「吾無過人者,但平生 光孝友忠信,恭儉正直,居處有法,動作有禮。在洛時,每往夏縣展墓,必過其兄旦,

信 也。」洛中有田三頃,喪妻,賣田以葬,惡衣菲食以終其身。 光 於物澹然無所好,於學無所不通,惟不喜釋、老,曰:「其微言不能出吾書,其誕吾不

得無知之乎?」

子太保。 奪贈謚,仆所立碑。 也。」府官怒, 三民愚人, 紹 聖初,御史周秩首論光誣謗先帝,盡廢其法。 蔡京擅政,復降正議大夫,京撰姦黨碑,令郡國皆刻石。 欲 固不知立碑之意。 [加罪,泣曰:「被役不敢辭,乞兎鐫安民二字於石末,恐得罪於後世。」聞者 而惇言不已,追貶淸遠軍節度副使,又貶崖州司戶參軍。 但如司馬相公者,海內稱其正直,今謂之姦邪,民不忍刻 章惇、蔡卞請發冢斷棺,帝不許,乃令 長安石工安民當鐫字、辭 徽宗立,復太

列傳

第

九

十五

司馬光

愧之。

靖康元年,還贈諡。建炎中,配饗哲宗廟庭。

字遷校書郎。光薨,治喪皆用禮經家法,不爲世俗事。得遺恩,悉以與族人。服除,召爲著 語,未嘗不有得。塗之人見其容止,雖不識,皆知其爲司馬氏子也。以韓絳薦,爲祕書,由 資治通鑑,奏檢閱文字。丁母憂,勺飮不入口三日,毀幾滅性。光居洛,士之從學者退與康 康字公休,幼端謹,不妄言笑,事父母至孝。敏學過人,博通羣書,以明經上第。 光修

於官。 於濟民則不宜吝。 聖賢之君,非無水旱,惟有以待之,則不爲甚害。願及今秋熟,令州縣廣糴,民食所餘,悉歸 上疏言:「比年以來,旱暵爲虐,民多艱食。若復一不稔,則公私困竭,盜賊可乘。自古 今冬來春,令流民就食,候鄉里豐穰,乃還本土。凡爲國者,一絲一毫皆當愛惜,惟 誠能捐數十萬金帛,以爲天下大本,則天下幸甚。」拜右正言,以親嫌未

作佐郎兼侍講。

且勸太皇太后每於禁中訓迪,其言切至。 爲哲宗言前世治少亂多,祖宗創業之艱難,積累之勤勞,勸帝及時嚮學,守天下大器, 邇英進講,又言:「孟子於書最醇正,陳王道尤明

就職。

白,所宜觀覽。」帝曰:「方讀其書。」尋詔講官節以進。

矣。 告曰:「百姓受司馬公恩深,今其子病,願速往也。」來者日夜不絕,積遂行;至,則不可爲 所當言者以待,曰:「得一見天子極言而死無恨。」使召醫李積于院。 年四十一而卒。公卿嗟痛於朝,士大夫相弔於家,市井之人,無不哀之。詔贈右諫議 自居父喪、居廬疏食、寢於地、遂得腹疾、至是不能朝謁。 賜優告。 積老矣,鄉民聞之,往 疾且殆: 猶具疏

不聽。 康爲人廉潔,口不言財。初,光立神道碑,帝遣使賜白金二千兩,康以費皆官給,辭不 遣家吏如京師納之,乃止。

大夫。

庸夫愚婦,日夕引領望其爲相,至或號呼道路,願其毋去朝廷,是豈以區區材智所能得此於 臣日進,民被其虐者將二十年。 論 |熙寧新法病民,海內騷動,忠言讜論,沮抑不行;正人端士,擯棄不用。聚斂之 ,方是時,光退居於洛,若將終身焉。而世之賢人君子,以及

之,不數月之間,剗革略盡。 旦起而爲政,毅然以天下自任,開言路,進賢才。凡新法之爲民害者,次第取而 海內之民,如寒極而春,旱極而雨,如解倒懸,如 脱桎梏,如出

人人哉?德之盛而誠之著也。

列

說未遽行,元酤之臣固無恙也。 有旋乾轉坤之功,而光於是亦老且病矣。 天若祚宋, 整遺一老,則姦邪之勢未遽張,紹述之 火之中也。 詩曰:「哲人云亡、邦國殄瘁。」嗚呼悲夫! 相與咨嗟歎息,驩欣鼓舞,甚若更生,一變而爲嘉酤、治平之治。 人衆能勝天,靖康之變,或者其可少緩乎?借曰有之,當不 君子稱其

康 濟美象賢,不幸短命而死,世尤惜之。然康不死,亦將不免於紹聖之禍矣。 至如是其酷也。

太常 登進 中國 義。」進 學行之士,首以公著對。 士第,召試館職,不就。 呂公著字晦叔,幼嗜學,至忘寢食。父夷簡器異之,曰:「他日必爲公輔。」恩補奉禮郎, 知 制誥,三辭不拜。 壽星觀營眞宗神御殿, 改天章閣待制兼侍讀 通判潁州,郡守歐陽脩與爲講學之友。 判吏部 公著言:「先帝已有三神御,而建立不已, 殆非祀無豐昵之 南曹,仁宗獎其恬退,賜五品服。除崇文院檢討、同判 後脩使契丹,契丹主

不應與七廟同諱。」呂誨等坐論濮王去,公著言:「陛下卽位以來,納諫之風未彰, ,豈可施於王。」及下 英宗親政,加龍圖閣直學士。 詔稱親,且班諱, 方議追崇濮王,或欲稱皇伯考,公著曰:「此眞宗所以稱 又言:「稱親則有二父之嫌, 王諱 但可避於上前, 而屢糾言

者,何以風示天下?」不聽。 遂乞補外,帝曰:「學士朕所重,其可以去朝廷?」請不已,出知

蔡州

不由門下,則封駁之職,因臣而廢。願理臣之罪,以正紀綱。」帝諭之曰:「所以徙光者,賴其 命曰:「光以舉職賜罷, 神宗立,召爲翰林學士、知通進銀臺司。 是爲有言責者不得盡其言也。」詔以告直付閤門。公著又言:「制命 司馬光以論事罷中丞,還經幄。公著封還其

勸學耳,非以言事故也。」公著請不已,竟解銀臺司。

格王 以遠 公著 有 以 也。 致 佞 IF. 福,或簡誣以致禍。 曰:「陛下方度越漢、唐,追復三代,何必於陰長之日,爲非禮之會,受無益之名。」從之。 熙 寧初, 年,爲御史中丞。 惟君人者去偏聽獨任之弊,而不主先入之語,則不爲邪說所亂。 厥 人爲戒。蓋佞人惟恐不合於君,則其勢易親,正人惟恐不合於義,則其勢易疎。惟先 事,未有事正而世不治者也。」禮官用唐故事,請以五月御大慶殿受朝,因 知開封府。 時王安石方行青苗法, 上以至誠待下,則下思盡誠以應之,上下至誠而變異不消者,未之 時夏秋淫雨,京師地震。公著上疏曰:「自昔人君遇災者,或恐懼 公著極言曰:「自古有爲之君, 顔淵問爲 未有 邦,孔子 上尊號。 失人心

爲非,而生議者一 切詆為流俗浮論, 豈昔皆賢而今皆不肖乎?」安石怒其深切。 帝使舉呂

而

能

列

傳第

九十

五

呂

公

圖治,亦未有能脅之以威、勝之以辯而能得人心者也。

昔日之所謂賢者,

今皆以

此舉

知潁州 惠卿爲御史,公著曰:「惠卿固有才,然姦邪不可用。」帝以語安石,安石益怒,誣以惡語,出

素定矣。今則不然,前日所舉,以爲天下之至賢,而後日逐之,以爲天下至不肖。其於人 下獨不察乎?」 年而人怨之,三年而人歌之。陛下垂拱仰成,七年于此,然輿人之誦,亦未有異於前日,陛 材旣反覆不常,則於政事亦乖戾不審矣。古之爲政,初不信於民者有之,若子產治鄭, 正言。使陛下有欲治之心,而無致治之實,此任事之臣負陛下也。夫士之邪正、賢不肖,旣 八年,彗星見,詔求直言。公著上疏曰:「陛下臨朝願治,爲日已久,而左右前後,莫敢

舜雖 與論治道,遂及釋、老,公著問曰:「堯、舜知此道乎?」帝曰:「堯、舜豈不知?」公著曰:「堯、 「太宗之德,以能屈己從諫爾。」帝善其言 知 起 ,此,而惟以知人安民爲難,所以爲堯、舜也。」帝又言唐太宗能以權智御臣下。 知河陽,召還,提舉中太一宮,遷翰林學士承旨,改端明殿學士、知審官院。 帝從容

遂行 勿舉。」及兵興,秦、晉民力大困,大臣不敢言,公著數白其害。 未幾, 矣。」乃止。 同知 樞密院事。 夏人幽其主,將大舉討之。 有欲復肉刑者,議取死囚試劓、刖,公著曰:「試之不死,則 公著曰:「問罪之師,當先擇帥,苟未得人,不如 肉刑

疲弊如此,獨呂公著爲股言之耳。」徙揚州,加大學士。將立太子,帝謂輔臣,當以呂公著、 元豐五年,以疾丐去位,除資政殿學士、定州安撫使。 俄永樂城陷,帝臨朝嘆曰:「邊民

司馬光爲師傅。

學之力也。謹昧死陳十事,曰畏天、愛民、修身、講學、任賢、納諫、薄斂、省刑、去奢、無逸。」 誠得中正之士,講求天下利病,協力而爲之,宜不難矣。」 至則上言曰:「人君初卽位,當正 又乞備置諫員,以開言路。 拜尚書左丞、門下侍郎。 始以示天下,修德以安百姓。修德之要,莫先於學。學有緝熙於光明,則日新以底至治者, 爲先。 哲宗卽位,以侍讀還朝。太皇太后遣使迎,問所欲言,公著曰:「先帝本意,以寬省民力 而建議者以變法侵民爲務,與己異者一切斥去,故日久而弊愈深,法行而民愈困。

預。 誦 未定者, 罷詞賦(图),專用王安石經義,且雜以釋氏之說。凡士子自一語上,非新義不得用,學者至不 正經,唯竊安石之書以干進,精熟者轉上第,故科舉益弊。 與執政同進呈,取旨而各行之。 又執政官率數日一聚政事堂,事多決於其長,同列莫得 至是,始命日集,遂爲定制。與司馬光同心輔政,推本先帝之志,凡欲革而未暇與革而 元祐元年,拜尙書右僕射兼中書侍郞。 三省並建,中書獨爲取旨之地。 乃請事于三省 一一舉行之。民讙呼鼓舞,咸以爲便。 光薨,獨當國,除更皆一時之選。時科舉 公著始令禁主司不得出題老、

莊書,舉子不得以申、韓、佛書爲學,經義參用古今諸儒說,毋得專取王氏。 復賢良方正

官所論,得失未足言。 右司諫賈易以言事訐直詆大臣,將峻責,公著以爲言,止罷知懷州。 顧主上春秋方盛,慮異時有進諛說惑亂者,正賴左右爭臣耳,不可 退謂 同列曰:「諫

自 軍器丞游師雄以便宜諭諸將,不逾月,生致於闕下。 吐蕃首領鬼章青宜結久爲洮、河患,聞朝廷弭兵省戍,陰與夏人合謀復取熙、岷。 豫使人主輕厭言者也。」衆莫不歎服

帝宴近臣於資善堂,出所書唐人詩分賜。 公著乃集所講書要語明白、切於治道者,凡

百篇進之,以備游意翰墨,爲聖學之助。

公著與父居其二,士豔其榮。 三年四月,懇辭位,拜司空、同平章軍國事。 詔建第於東府之南,啓北扉,以便執政會議。 凡三省、樞密 宋興以來,宰相以三公平章重事者四人,

院之職,皆得總理。 而 間 日 一朝,因至都堂,其出不以時,蓋 一異禮也

逝。 痛 明 閔 年二月薨,年七十二。太皇太后見輔臣泣曰:「邦國不幸,司馬 人之。 帝 亦悲感,即詣其家臨奠,賜金帛萬。 贈太師、申國公,諡 相公旣亡, 正 劇, 御 書碑 空復

公著自少講學,即以治心養性爲本,平居無疾言遽色,於聲利紛華,泊然無所好。

誠

揮扇 以 其所聞,參互考實,以達于上。每議政事,博取衆善以爲善,至所當守,則毅然不回奪。 私 利害動其心。 ,寒不親火,簡重淸靜,蓋天稟然。 與人交,出於至誠, 好德樂善,見士大夫以人物爲意者,必問其所知與 其識慮深敏,量因而學粹,遇事善決,苟便於國,不 神宗

嘗言其於人材不數,如權衡之稱物。

尤能避遠聲跡,不以知人自處。

所敬 交情 日:「临 石 1曾日 加 不 始 [:「疵吝每不自勝,一詣長者,卽廢然而反,所謂使人之意消者,於晦叔見之。」又謂 終。 |叔爲相,吾輩可以言仕矣。」後|安|石得志,意其必助己,而數用公議,列其過失,以故 與王安石善,安石兄事之,安石博辯騁辭,人莫敢與亢,公著獨以精識約言服之。 此 於講說尤精,語約而理盡。 司馬光曰:「每聞晦叔講,便覺己語爲煩。」其爲名流 安

賜碑 光祿大夫,入黨籍,尋復銀青光祿大夫。 ,再贬建武 紹 聖元年,章惇爲相,以翟思、張商英、周秩居言路,論公著更熈、豐法度,削贈諡,毀所 軍節度副使、昌化軍 司戶參 紹興初,悉還贈諡。 軍。 徽宗立,追復太子太保。 子希哲、希純 蔡京擅政,復降左

廣。 以蔭入官,父友王安石勸其勿事科舉,以僥倖利祿,遂絕意進取。 希 哲 字原明,少從焦千之、孫復、石介、胡瑗學,復從程 顥、 程頤、 張載游,聞 安石爲政,將寘其子 見 由 是益

|希哲辭曰:「辱公相知久,萬一從仕,將不免異同,則

疇昔相與之意盡矣。」安石乃止。

未知其子矣。」 士,吾收拾略盡,爾獨以吾故置不試,命也夫!」希哲母賢明有法度,聞公著言,笑曰:「是亦 作相,二弟已官省寺,希哲獨滯管庫,久乃判登聞鼓院,力辭。 公著歎曰:「當世善

殿說書。 講,其父常稱爲不欺暗室。 臣以婦兄之故,不敢稱薦,今方將引去,竊謂無嫌。」詔以爲崇政 終公著喪,始爲兵部員外郞。 若身不能修,雖左右之人且不能論,况天下乎?」 其勸導人主以修身爲本,修身以正心誠意爲主。 范祖禹,其妹壻也,言於哲宗曰:「希哲經術操行,宜備勸 其言曰:「心正意誠,則身修而天

導成之,豈宜汚華職。」於是但守本秩,俄分司南京,居和州 公著援引,故進希哲以酬私恩。凡大防輩欺君賣國,皆公著爲之唱;而公著之惡,則希哲 聖黨論起,御史劉拯論其進不由科第,以祕閣校理知懷州。中書舍人林希又言:「呂大防由 擢右司諫,辭,未聽,私語祖禹曰:「若不得請,當以楊畏、來之邵爲首。」旣而 不拜。會紹

|崇寧黨禍,奪職知相州,徙邢州,罷爲宮祠。羈寓准、泗間,十餘年卒。 徽宗初,召爲祕書少監,或以爲太峻,改光祿少卿。希哲力請外,以直祕閣知曹州。 旋

宗配。 |希純字||子進,登第,爲太常博士。||元祐祀明堂,將用||皇祐故事,並饗天地百神, 希純言:「皇祐之禮,事不經見,嘉祐旣已釐正。 至元豐中,但以英宗配上帝,悉罷從 皆以祖

祀羣神,得嚴父之義,請循其式。」從之。

德配。 歷宗正、太常、秘書丞。 凡世俗所謂勘婚之書,淺陋不經,且一切屏絕,以防附會。 哲宗議納后,希純請考三代昏禮,參祖宗之制,博訪令族,參求 遷著作郎,以父諱不拜。

擢起居舍人,權太常少卿。

法乎? 小人旣誤先帝,復欲誤陛下,不可不察。」未幾,拜中書舍人、同修國史**。** 損益,在於聖德,固無所虧。 以更改神宗法度爲說。臣以爲先帝之功烈,萬世莫掩。 之人皆宿有時望,所行之事皆人所願行。唯是過惡得罪之徒,日伺變故,捭闊規利, 宣仁太后崩、希純慮姦人乘間進說搖主聽,即上疏曰:「自元祐初年, 且英宗、神宗何嘗不改眞宗、仁宗之政,亦豈盡用太祖、太宗之 間有數事,爲小人所誤,勢雖頗 太皇聽斷, 今必 所用

由是閹寺側目,或於庭中指以相示曰:「此繳還二押班詞頭者也。」 內侍梁從政、劉惟簡除內省押班,希純以親政之始,首錄二人,無以示天下,持不行。

一〇七七九

記

潁州 陸 屯田 知 嬴 州 州。 員外郎分司南京,居金州。 ,入崇寧黨籍。 章惇旣相,出爲寶文閣待制、知亳州。 歸州。 徽宗聞其名,數稱之。 自京東而之浙西,自浙西而上三峽,名爲易地,實困之也。 卒,年六十。 曾布忌添純,因其請覲,未及見,亟以邊,遽趣遣之。 又責舒州團練副使,道州安置。 諫官張商英憾希純,攻之力。又以外親嫌,連徙 建中靖國元年,還爲待制、 公著追貶,希純亦以 俄改

物, 矣。 於從祖云。 加 焉。 故一時賢士, 追考其平生事業,蓋守成之良相也。 論 夷簡 曰:公著父子俱位至宰相,俱以司空平章軍國事,雖漢之偉、平,唐之蘇、李,榮盛孰 希哲、希純世濟其美,然皆陷於崇寧黨禍,何君子之不幸歟! 多智數, 收拾略盡。 公著則一 司馬光疾甚,諄諄焉以國 切持正, 以應天下之務, 然知子之賢而不能薦, 殆猶未免於避嫌, 事爲託, 嗚呼賢哉。 當時廷臣, 其論人才, 莫公著若 如權 m 衡 之稱 有愧 也審

#### 校勘言

珪卽命吏以其手稿爲按 敕 (吏以公手稿爲案。」東都事略卷八七上司馬光傳作:「珪卽敕吏以光手稿爲案。」「其以」當倒, 「以其」原作 「其以」。蘇軾東坡七集正集卷三六司馬光行狀作「哇卽

 $\exists$ 因論 「因」原作「國」,據東坡七集正集卷三六司馬光行狀、東都事略卷八七上本傳改。

今乙正。

3 六十萬 東坡七集正集卷三六司馬光行狀、東都事略卷八七上本傳都作「六十萬萬」。疑此處當

「時」字原脫,據琬琰集下編卷一〇呂正獻公公著傳、東都專略卷九〇本傳補。

列

傳 第

九

+ 五

校 勘 記

# 宋史卷三百三十七

## 列傳第九十六

范鎮 從子百祿 從孫祖禹

退,每步行趨府門,踰年,人不知其爲帥客也。及還朝,載以俱。有問[奎入]蜀何所得,曰: 「得一偉人,當以文學名世。」宋庠兄弟見其文,自謂弗及,與爲布衣交。 范鎭字景仁,成都華陽人。薛奎守蜀,一見愛之,館於府舍,俾與子弟講學。 鎭益自謙

得置上列。 人,乃隨呼出應,退就列,無一言,廷中皆異之。 舉進士,禮部奏名第一。故事,殿廷唱第過三人,則首禮部選者,必越次抗聲自陳,率 吳育、歐陽脩號稱耿介,亦從衆。 **鎭獨不然,同列屢趣之,不爲動。** 自是舊風遂革。 至第七十九

主司妄以爲失韻,補校勘。 調新安主簿,西京留守宋綬延置國子監,薦爲東監直講。 人爲忿鬱,而鎭處之晏如。 經四年,當遷,宰相龐籍言:「鎭有異 召試學士院,當得館閣校理,

列

傳

密主兵,三司主財,各不相知。 儲其三以備水旱非常。」又言:「周以冢宰制國用,唐以宰相判鹽鐵、度支。今中書主民,樞 論:「民力因敞(1),請約祖宗以來官吏兵數, 通知兵民大計,與三司同制國用。」 不汲汲於進取。」超授直祕閣, 判吏部南曹、開封府推官。 財已匱,樞密益兵無窮; 酌取其中為定制,以今賦入之數什七爲經費, 民已困,三司取財不已。 擢起居舍人、知諫院。 請使二府

民,備靈夏莫若寬康民,備西南莫若寬越、蜀之民,備天下莫若寬天下之民。 而反殘民,臣恐異日之憂不在四夷,而在冗兵與窮民也。」 契丹使至,虛聲示彊,大臣益募兵以塞責,歲費百千萬。 鎭言:「備契丹莫若寬三晉之 夫兵所以衞民

帑乘急以牟利,至傷國體。」仁宗遽止之。 錢,稍增價與市,歲可得羨息五十萬。 | 鎭謂:「外府內帑,均爲有司。今使外府滯商人,而內 商 ·人輸粟河北,取償京師,而權貨不卽予鈔,久而鬻之,十才得其六。 或建議出內帑

麗,吳充、犐眞卿爭論禮,並補外,皆上章留之。石全斌〔〕護葬,轉觀察使,他吏悉優遷兩 **川**法吏舞法矣, 鎭言:「章獻、章懿、章惠三后之葬,推恩皆無此比。 葬温 成后,太常議禮,前謂之園,後謂之陵,宰相劉沆前爲監護使,後爲園陵使。 未聞禮官舞禮也。 請詰前後議禮異同狀。」集賢校理刁約論擴中物侈 乞追還全斌等告敕。」副都知任守 |鎭日:

忠、鄧保吉同日除官,內臣無故改官者又五六人。時有敕,凡內降非準律令者,並許執奏。

會未一月,大臣輒廢不行。 鎭乞正中書、樞密之罪,以示天下。

罷郊 拾大賣紃,暴揚燕私,若用此爲進退,是因一婢逐宰相,非所以明等級,辨堂陛。」識者韙之。 劾奏,欲逐去之。 鎭言:「今陰陽不和,財匱民困,盜賊滋熾,獄犴充斥,執中當任其咎。 御史 安危,生民利疚,則闊略不言。陳執中爲相,鎭論其無學術,非宰相器。及嬖妾答殺婢,御史 相 迎,除謁禁,則於御臣之術爲兩得矣。」議減任子及每歲取士,皆自鎭發之。 ,舉朝皆謂得人。然近制,兩制不得詣宰相居第,百官不得間見,是不推之以誠也。 帝天性寬仁,言事者競爲激訐,至汚人以惟箔不可明之事。 文彥博、富弼入相,詔百官郊迎。鎭曰:「隆之以虛禮,不若推之以至誠。 鎭獨務引大體,非關朝廷 陛下用兩人 又乞令宗 願

之,不沒其能,乃所以睦族也。」雖不行,至熙寧初,卒如其言。 室疎屬補 外官,帝曰:「卿言是也。 顧恐天下謂殷不能睦族耳。」鎭曰:「陛下甄別其賢者用

宗廟 以祖宗後裔爲念, 鎭 獨 祉 奮曰:「天下事尙有大於此者乎?」卽拜疏曰:「置諫官者,爲宗廟社稷計。 帝在位三十五 稷計 事 陛下,是愛死嗜利之人,臣不爲也。 是爲宗廟之盧,至深且明也。 年,未有繼嗣。 嘉祐初,暴得疾,中外大小之臣,無不寒心,莫敢先言者。 昔太祖舍其子而立太宗,天下之大公也。 方陛下不豫,海內皇皇莫知所爲,陛下獨 諫官而不以

列 傳

[真宗以周王薨,養宗子於宮中,天下之大慮也。 願以太祖之心,行眞宗故事,拔近屬之尤賢

|鎭 |擇 故較 書執 大臣 乎? 年。」章十九上,待命百餘日,鬚髮爲白。 所告急兵之變,死且有罪,其爲計亦已疎矣。願以臣章示大臣,使其自擇死所。」聞者股栗。 竊 名干進之人。」鎭貽以書曰:「比天象見變,當有急兵,鎭義當死職,不可死亂兵之下。 此乃 者,優其禮秩,置之左右,與圖天下事,以繫億兆人心。」 原 」凡見上面陳者三,言益懇切。 大臣畏避之意,恐行之而陛下中變耳。中變之禍,不過一死。國本不立,萬一有如天象 奉行也。 死之時, 尚何顧希名干進之嫌哉?」又言:「陛下得臣疏, 不以留中而付中書, 是欲使 政曰:「事當論其是非, 疏奏,文彥博使客問何所言,以實告,客曰:「如是,何不與執政謀?」與曰:「自分必死, 除 兼 若謀於執政,或以爲不可,豈得中輟乎。」章累上,不報。執政諭之曰:「奈何效希 侍御史知雜事, 鎭以言不從, 固辭。 臣兩至中書,大臣皆設辭拒臣,是陛下欲爲宗廟社稷計,而大臣不欲也。臣 不當問其難易。 **鎭泣,帝亦泣,曰:「朕知卿忠,卿言是也,當更俟三二** 朝廷知不能奪,乃罷 諸公謂今日難於前日,安知異日不難 執政諭鎭曰:「今間言已入,爲之甚難。」鎭復 知諫院, 改集賢殿修撰,糾察 於今日

之,冀以感動帝意。

至是,因入謝,首言:「陛下許臣,今復三年矣,願早定大計。」又因給享,

鎭雖解言職,無歲不申前議

見帝春秋

益高,每因

事及

刑

獄,同修起居注,遂知制誥。

獻賦以諷。其後韓琦遂定策立英宗。

若寢廟,皆非是。」執政怒,召鎭責曰:「方令檢詳,何遽列上!」鎭曰:「有司得詔,不敢稽留, 合大宗之統也。今陛下旣以仁宗爲考,又加於濮王,則其失非特漢二帝比。 其屬言:「漢宣帝於昭帝爲孫,光武於平帝爲祖,其父容可稱皇考,議者猶非之,謂其以小宗 即以聞,乃其職也。奈何更以爲罪乎?」會草制,誤遷宰相官,改侍讀學士。 遷翰林學士。中書議追尊濮王,兩制、臺諫與之異,詔禮官檢詳典禮。鎭判太常寺,率 凡稱帝若考,

原之。是歲大熟,所貸悉還。神宗卽位,復爲翰林學士兼侍讀、知通進銀臺司。故事,門下 封駁制旨,省審章奏,糾擿違滯,皆著所授敕,後乃刊去。」鎭始請復之,使知所守。 明年,還翰林,出知陳州。陳方饑,視事三日,擅發錢粟以貸。監司繩之急,卽自劾,詔

若 苗錢,詔令分析,鎭皆封還。 市道之所惡乎?」呂惠卿在邇英言:「今預買紬絹,亦青苗之比。」鎭曰:「預買,亦敞法也。 五 近古,不可改。而青苗行於唐之衰世,不足法。且陛下疾富民之多取而少取之,此正百步、 十步之間耳。 府庫有餘,當丼去之,豈應援以爲比。」韓琦極論新法之害,送條例司疏駁,李常乞罷青 王安石改常平為青苗,鎭言:「常平之法,起於漢盛時,視穀貴賤發斂,以便農末,最爲 今有兩人坐市貿易,一人故下其直以相傾,則人皆知惡之,可以朝廷而行 詔五下,鎭執如初。

列傳

司 馬光辭樞密副使,詔許之,鎭再封還。帝以詔直付光,不由門下。鎭奏曰:「由臣不

才,使陛下廢法,有司失職,乞解銀臺司。」

則下七 宜去; 其能 御史, 竭 地,非出於建議者之家,蓋一出於民耳。民猶魚也,財猶水也,養民而盡其財,譬猶養魚而 與皆力爭之,不報。即上疏曰:「臣言不行,無顏復立於朝,請謝事。 上書肆意欺罔,以興造邊事,事敗,則置而不問,反爲之罪帥臣 其水也。」 逃聖鑒乎?言青苗有見効者,不過歲得什百萬緡錢,緡錢什百萬,非出於天,非出於 舉蘇軾諫官,御史謝景温奏罷之;舉孔文仲制科,文仲對策,論新法不便,罷歸故官。 御史臺爲之罷陳薦,舍人院爲之罷宋敏求、呂大臨、蘇頌,諫院爲之罷胡宗愈。 路掎摭其過; 孔文仲則遣之歸任。以此二人况彼二人, 事理孰是孰非, 孰得孰失, 薦蘇軾、孔文仲不見用,二宜去。一李定避持服,遂不認母,壞人倫,逆天理,而 李師中。 臣言青苗不見聽, 及御史一言蘇軾, 欲以爲

典,悉不與。圓義謝,略曰:「願陛下集羣議爲耳目,以除壅蔽之姦;任老成爲腹心,以養和典,悉不與。圓義謝,略曰:「願陛下集羣議爲耳目,以除壅蔽之姦;任老成爲腹心,以養和 負陛下矣。」疏入,安石大怒,持其疏至手顫,自草制極詆之。 愛民之性,大臣用殘民之術。 臣知言入觸大臣之怒,罪且不測。 疏五上,其後指安石用喜怒爲賞罰,曰:「陛下有納諫之資,大臣進拒諫之計, 。以戶部侍郎致仕,凡 然臣職獻替而無一 所得恩 言,則 陛下有

門,鎭曰:「死生禍福,天也,吾其如天何!」同天節乞隨班上壽,許之,遂爲令。賦得罪,下臺 名益 平之福。」天下聞而壯之。 吾獨不得爲此,使天下受其害而吾享其名,吾何心哉!」日與賓客賦詩飲酒,或勸使稱疾杜 重矣!」鎭愀然曰:「君子言聽計從,消患於未萌,使天下陰受其賜,無智名,無勇功, 安石雖詆之深切,人更以爲榮。旣退,蘇軾往賀曰:「公雖退,而

以 加 疏 銀青光祿大夫再致仕,累封蜀郡公。 禹 上之。拜端明殿學士,起提舉中太一宮兼侍讀,且欲以爲門下侍郎。鎭雅不欲起,從孫 ...亦勸止之,遂固辭,改提舉崇福宮。 哲宗立,韓維言:「鎭在仁宗時,首啓建儲之議,未嘗以語人,人亦莫爲言者。」具以十九 祖禹謁告歸省,詔賜以龍茶,存勞甚渥。 復告老,

獄,紫與鎭往來書文甚急,猶上書論救。久之,徙居許。

鎭與劉 萬言。 香。J鎭作律尺、龠合、升斗、豆區、鬴斛,欲圖上之,又乞訪求眞黍,以定黃鍾。 是,乃請太府銅爲之,逾年而成,比李照樂下一律有奇。帝及太皇太后御延和殿,召執政同 李照樂, 鎭 几定之。 初, 於樂尤注意,自謂得古法,獨主房庶以律生尺之說。 加用四清聲而奏樂成。 仁宗命李照改定大樂,下王朴樂三律。皇祐中, |鎭曰:「定樂當先正律。」|神宗曰:「然, 詔罷局, 賜資有加。 雖有師曠之聰, 鎭曰:「此劉几樂也, 司馬光謂不然,往復論難,凡數 又詔胡瑗等考正。 不以六律不能正 臣 . 何 m 神宗時詔 ·與焉。」 劉 几 卽

閱 視 賜詔 嘉獎。 下之太常,詔三省、侍從、臺閣之臣,皆往觀焉。 鎭時已屬疾,樂奏三日而

薨,年八十一。贈金紫光祿大夫,諡曰忠文。

服 其勇決,鎭復銘光墓云:「熙寧姦朋淫縱,險詖憸猾,賴神宗洞察于中。」其辭陗峻。光子 鎭平生與司馬光相得甚驩,議論如出一口,且約生則互爲傳,死則作銘。 光生爲鎮傳,

康屬蘇軾書之,軾曰:「軾不辭書,懼非三家福。」乃易他銘。

温,直温子昉卒于京師,鎭娶其女爲孫婦,養其妻子終身。 爲主之。兄鐵,卒于隴城,無子,聞其有遺腹子在外,鎭時未仕,徒步求之兩蜀間,二年乃得 繼之以死,雖在萬乘前,無所屈。篤於行義,奏補先族人而後子孫,鄕人有不克婚葬者,輒 之,曰:「吾兄異於人,體有四乳,是兒亦必然。」已而果然,名曰百常。 少受學於鄉先生 隴直 |鎮淸白坦夷,遇人必以誠,恭儉愼默,口不言人過。 臨大節,決大議,色和而語壯,常欲

騎 ,晚使遼,人相目曰:此「長嘯公」也。兄子<u>百祿亦使遼,遼人首問鎭安否</u>。 其學本六經,口不道佛、老、申、韓之說。 契丹、高麗皆傳誦其文。少時賦長嘯,却胡

百祿對策曰:「簡宗廟、廢祭祀,則水不潤下。昔漢哀尊共皇,河南、潁川大水,孝安尊德皇, 百禄字子功,鎭兄鍇之子也。 第進士,又舉才證兼茂科。 時治平水災,大臣方議濮禮,

悖先王之禮。 京師、郡國二十九大水。蓋大宗隆,小宗殺;宗廟重,私祀輕。 禮一悖,則人心失而 天意睽,變異所 由起也。」對入三等。 今宜殺而隆,宜輕而重,是

永懿以賄敗,百祿請復至道故事,用文吏領兵,以轄邊界,從之。 屈請降,裨將賈昌言欲殺以爲功,百祿諭之不聽,往謂本曰:「殺降不祥,活千人者封子孫。 熙寧中,鄧綰舉爲御史,辭不就。 提點江東、利、梓路 刑獄,加直集賢院。 熊本治瀘蠻事,有夷酋力 利州武守周

奈何容驕將橫境內乎?」本矍然,卽檄止之。

置布衣參軍謀。 明許告訐,人將爲仇。然則禮、義、廉、恥之風衰矣。」五路置三十七將,專督所部兵,至許辟 亡狀者十四人,請仍舊制,將佐顓敎閱,餘付之州縣,事多施行。 曰:「造簿手實,許令告匿。戶令雖有手實之文,而未嘗行。蓋謂使人自占,必不以實告,而 七年,召知諫院。屬歲旱,請講求急務,收還法令之未便者,以救將死之民。論手實法 百祿祭其中,或以恩澤市,或以瘝敗收,或未歷邊方,或起於羣盜,疏列其

執政主禧,貶百祿監宿州酒。 元豐末,入爲司門吏部郎中、起居郎。 與徐禧治李士寧獄,奏士寧熒惑童婦,致不軌生心,罪死不赦。 禧右士寧,以爲無罪。

執事 `,受謝於人,明日罷役,則以財賂人。 哲宗立,遷中書舍人。 司馬光復差役法,患吏受財,欲加流配。 苟繩以重典,黥面赭衣,必將充塞道路。」光悟曰: 百祿固爭曰:「民今日

列

「微君言,吾不悉也。」遂已。

概之死,則二殺之科,自是遂無足疑憫者矣。」時又詔天下獄不當讞而輔讞者 則有奏劾之詔,故官吏畏避,不憚論殺。」因條五年死貸之數以聞。門下省猶駁正當貸者, 死,法廢矣。」百禄曰:「謂之殺人,則可;若制刑以爲無足疑,原情以爲無足憫,則不可。今 又例在有司者還中書,百歳又爭之,後悉從其請。 重於請,至枉情以求合法。百祿曰:「熙寧之法,非可疑可憫而識者免駮勘,元豐則刊之,近 元祐元年,爲刑部侍郎。 諸郡以故鬥殺情可矜者請讞,法官曰:「宜貸。」光曰:「殺人不 抵罪。 有 n)

若以漸消之,自今闕吏勿補,不數歲,減斯過半矣。」不聽。 改吏部侍郎。議者欲汰胥吏,呂大防趣廢其半,百祿曰:「不可。廢半則失職者衆,不

件使河徙而 之險限。 可回,卽馳奏所以然之狀,且取神宗詔令勿塞故道者倂上之。大防猶謂:「大河東流,中國 都水王孝先議回河故道,大防意向之,命百祿行視。百祿以東流高仰,而河勢順下,不 今塘濼既壞,界河淤淺,河且北注矣。」百祿言:「塘濼有限寇之名,無禦寇之實。 北,敵始有下流之憂,乃吾之利也。先帝明詔具在,奈何妄動搖之。」乃止。

姦邪,以類相反,凡二十餘條。 俄兼侍讀,進翰林學士。爲帝言分別邪正之目,凡導人主以某事者爲公正,某事者爲 願概斯事以觀其情,則邪正分矣。

歲郊. 畿, 決,質於帝前。 乎?『成 無一人之獄,此至尊之仁,非尹功也。」不許。 祀, 以 龍圖閣學士知開封府。 [命』之碩,祀天祭地,均歌此詩,亦如春夏祈穀而歌噫嘻,亦豈爲一祭哉?」爭久不 議合祭天地, 宰相曰:「百祿之言,禮經也; 禮官以「昊天有成命」爲言。 勤於民事, 獄無繫囚。 今日之用,權制也。 經數月, 百祿曰:「此三代之禮, 僚吏欲以圄空聞, 復爲翰林學士,拜中書侍郎。 陛下始郊見,宜以並事天 百祿曰:「千里之 奈何復欲合祭 是

不能 撫四 河陽、河南。 曰:「是皆良田,爲必爭之地,我旣城之,若賊騎時出,我 夷,阿里骨未有過,溪心虛實未可知,無釁而動,非策也。」又請進築納迷等三城。 矣。」帝皆從之。 熙河范育言:「阿里骨酷暴且病,温溪心八族皆思內附,可以計納。」百歳日:「中國以信 薨,年六十五 右僕射蘇碩 ,贈銀青光祿大夫。 坐稽留除書免, 百祿以同省罷爲資政殿學士、知河中, 何以 耕? 後雖欲棄之,爲費已 」甚,亦 白 徙 禄

地爲恭。」於是合祭。

甘、葛蕈之貢。 縣無 水患, 主管 文彦博稱其能。 西京御史臺。 以父墮黨籍, 靖 康多難, 監 避地至汝州。 中岳 廟。 久之, 汝守趙子櫟邀與共守, 通判涇州。 知台州 、奏罷黃 於是旁

郡盡陷,汝獨全。

累官朝議大夫,卒。

從弟祖禹

子

祖

述

、監潁州

酒稅,攝獄掾,閱具獄,活

兩死囚,州

人以爲神。

知鞏縣,鑿南山

導水入

旣寤,循見之,遂以爲名。 怛若無所容,閉門讀書,未嘗預人事。 祖禹字淳甫,一字夢得。 幼孤,叔祖鎭撫育如己子。 其生也,母夢一偉丈夫被金甲入寢室,曰:「吾漢將軍鄧禹。」 既至京師,所與交游,皆一時聞人。 祖禹自以旣孤,每歲時親賓慶集,慘 鎭器之曰:「此

兒,天下士也。」

洛,素嚴毅,杜門罕與人接,待祖禹獨厚;疾篤,召授以密疏,大抵論安石誤國及新法之害, 言極憤切。 時王安石當國,尤愛重之。王安國與祖禹友善,嘗諭安石意, 進士甲科。 弼薨,人皆以爲不可奏,祖禹卒上之。 從司馬光編修資治通鑑,在洛十五年,不事進取。 竟不往謁。 書成,光薦爲祕書省正 富 丽 致仕居

再期 雖用易月之制,宮中實行三年服。 不以父事其君。自漢以來,不惟人臣無服,人君遂不爲三年之喪。 也。 小祥,二十四日而大祥,再期而又大祥。旣以日爲之,又以月爲之,此禮之無據者也。 服旣除,至葬又服之,祔廟後卽吉,纔八月而遽純吉,無所不佩,此又禮之無漸者也。 而大祥,中月而禪。禪,祭之名,非服之色。今乃爲之慘服三日然後禪,此禮之不經者 神宗崩,祖禹上疏論喪服之制曰:「先王制禮,君服同於父,皆斬衰三年,蓋恐爲人臣者 君服如古典,而臣下猶依漢制,故十二日而 國朝自祖宗以來, 外廷 小祥,期而 。古者 又

朔望,羣臣朝服以造殯宮,是以吉服臨喪;人主衰服在上,是以先帝之服爲人主之私喪,此

二者皆禮之所不安也。」

神宗實錄檢討,遷著作郞兼侍講。 哲宗 立,擢右正言。 呂公著執政,祖禹以婿嫌辭,改祠部員外郎,又辭。除著作佐郎、修

有法。 此宗 **蕩心悅目者,不宜有加於舊。** 非君子不得已而除之之意,不可。 聖性,使目不視靡曼之色,耳不聽淫哇之聲,非禮勿言,非禮勿動,則學問 社無疆之福。」故事,服除當開樂置宴,祖禹以爲因除服而開樂設宴,則似除服而慶賀 神宗旣祥,祖禹上疏宣仁后曰:「今卽吉方始,服御一新,奢儉之端,皆由此起。 今聞奉宸庫取珠,戶部用金,其數至多,恐增加無已,願止於未然。 皇帝聖性未定,覩儉則儉,覩奢則奢,所以訓導成德者, 日益, 崇儉敦朴, 聖德 凡可以 日隆, 輔養 動

願立 心修身之要,乞太皇太后日以天下之勤勞、萬民之疾苦、羣臣之邪正、政事之得失,開導上 也。」遷起居郞,又召試中書舍人,皆不拜。呂公著薨,召拜右諫議大夫。首上疏論 且凡人之進學,莫不於少時,今聖質日長,數年之後,恐不得如今日之專,竊爲陛下惜 |於朝,以直道事陛下,輔佐德業,而致太平; 不學,則小人皆動其心,務爲邪諂,以竊富 夏暑權罷講,祖禹言:「陛下今日之學與不學,係他日治亂。 如好學,則天下君子欣慕, 人主正

列

心,曉然存之於中,使異日衆說不能惑,小人不能進。

蔡確旣得罪,祖禹言:「自乾興以來,不竄逐大臣六十餘年,一旦行之,流傳四方,無不 確去相已久,朝廷多非其黨,間有偏見異論者,若一切以爲黨確去之,懼刑罰失中,

而人情不安也。」

出於新舊之間,兩用而兼存之,紀綱壞矣。遷給事中。 時 ·大臣欲於新舊法中有所創立。<u>祖禹以爲朝廷旣察王安石之法爲非,但當復祖宗之舊,若</u> 察京鎭蜀,祖禹言:「京小有才,非端良之士。如使守成都,其還,當使執政,不宜崇長。」

雖 還其章,云:「國家根本,仰給東南。 今一方赤子,呼天赴愬,開口仰哺,以脫朝夕之急。奏災 小過實,正當略而不問。若稍施懲譴,恐後無復敢言者矣。」 吳 中大水,韶出米百萬斛、緡錢二十萬振救。 諫官謂訴災者爲妄,乞加驗考。 祖禹封

以稽其要。今宜委吏部尚書,取當爲州者,條別功狀以上三省,三省召而察之,苟其人可 廷。 點 刑 縣,皆與天子分土而治,其可不擇乎?祖宗嘗有考課之法,專祭諸路監司,置簿於中書, 上下相維,輕重相制,建置之道,最爲合宜。 獄,收鄉長、鎮將之權悉歸於縣,收縣之權歸於州,州之權歸於監司,監司之權歸於朝 兼 國史院修撰,爲禮部侍郎。論擇監司守令曰:「祖宗分天下爲十八路,置轉運使、提 **監司付以一路,守臣付以一州,** 令宰付以

任,則以次表用之。至官,則令監司考其課績,終歲之後,可以校優劣而施黜陟焉。 如此則

得人必多,監司、郡守得人,縣令不才,非所患也。」

叔百禄在中書,改侍講學士。百禄去,復爲之。范氏自鎭至祖禹,比三世居禁林,士論榮慕。 已然,則又無所及,言之何益?陛下寧受未然之言,勿使臣等有無及之悔。」拜翰林學士,以 經左右, 宜常以爲戒。太皇太后保護上躬,亦願因而勿忘。今外議雖虚,亦足爲先事之戒。臣侍 上躬,言甚切至。 聞禁中覓乳媪,祖禹以帝年十四,非近女色之時,上疏勸進德愛身,又乞宣仁后保護 有聞於道路,實懷私憂,是以不敢避妄言之罪。凡事言於未然,則誠爲過,及其 旣而宣仁諭祖禹,以外議皆虛傳, 祖禹復上疏曰:「臣言皇帝進德愛身,

其間哉?惟辨析是非,深拒邪說,有以姦言惑聽者,付之典刑,痛懲一人,以警羣慝,則帖然 退,亦順衆言而逐之。是皆上負先帝,下負萬民,天下之所讎疾而欲去之者也,豈有憎惡於 言,以事離間,不可不察也。先后因天下人心,變而更化。 於生靈,九年之間,始終如一。然羣小怨恨,亦爲不少,必將以改先帝之政、逐先帝之臣爲 子小人進退消長之際,天命人心去就離合之時也,可不畏哉?先后有大功於宗社,有大德 政,乃奏曰:「陛下方攬庶政,延見羣臣,此國家隆替之本,社稷安危之機,生民休戚之端,君 宣仁太后崩,中外議論洶洶,人懷顧望,在位者畏懼,莫敢發言。祖禹慮小人乘間害 。 既改其法,則作法之人有罪當

列

第

無事 論 列,諫草已具,見祖禹 矣。 此 等旣誤先帝,又欲誤陛下,天下之事,豈堪小人再破壞邪?」初,蘇軾約俱上章 .疏,遂附名同奏,曰:「公之文,經世之文也。」竟不復出 其稿

則羣 心可知。 離 祖宗之百官,府庫者祖宗之府庫。一言一動,如臨之在上,質之在傍,則可以長享天下之 而復合,乃至遼主亦戒其臣勿生事曰:『南朝專行仁宗之政矣。』外夷之情如此,中國之人 臣邪正,萬事是非,皆了然於聖心矣。小人之情專爲私,故不便於公;專爲邪,故不便 先后以大公至正爲心、罷安石、惠卿所造新法,而行祖宗舊政。 旭 禹 先后日夜苦心勞力,爲陛下立太平之基。願守之以靜,恭己以臨之,虛心以處之, 又言:「陛下承六世之遺烈,當思天下者祖宗之天下,人民者祖宗之人民,百官者 故社稷危而復安,人心

諤興造西事,兵民死傷皆不下二十萬。 先帝臨朝悼悔,以謂朝廷不得不任其咎。 以至吳居 不可復去。 開邊,結怨外夷,天下愁苦,百姓流徙。 新法,悉變祖宗之政,多引小人以誤國,勳舊之臣屛棄不用,忠正之士相繼遠引。又用兵 乃先內侍,必謂陛下私於近習,望卽賜追改。」因請對,曰:「熙寧之初,王安石、呂惠卿造立 於正,專好動,故不便於靜。惟陛下痛心疾首,以爲刻骨之戒。」章累上,不報 忽有旨召內臣十餘人,祖禹言:「陛下親政以來,四海傾耳,未聞訪一賢臣,而所召者 蔡確連起大獄,王韶創取熙河,章惇開五溪,沈起擾交管,沈括、徐禧、俞充、种 賴先帝覺悟,罷逐兩人,而所引羣小,已布滿中外,

中正 宦官。 募兵,州郡不敢違,師徒凍餒,死亡最多;憲陳再舉之策,致永樂摧陷; 厚行鐵冶之法於原東,王子京行茶法於福建,蹇周輔行鹽法於江西,李稷、陸師閔行茶法 用,願陛下念之。」 無時休息,罔市井之微利,爲國斂怨。 右,必進姦言。萬一過聽而復用之,臣恐國家自此陵遲,不復振矣。」又論:「漢、唐之亡,皆由 之民,如解倒縣。 市易於 用臣 自熙寧、元豐間,李憲、王中正、宋用臣輩用事總兵,權勢震灼。 西川,劉定教保甲於河北,民皆愁痛嗟怨,比屋思亂。 尚在,今召內臣十人,而憲、中正之子皆在其中。 惟是向來所斥逐之人,窺伺事變,妄意陛下不以修改法度爲是,如得至左 此三人者,雖加誅戮, 二人旣入,則中正、用臣必將復 未足以謝百 賴陛下與先后 中正兼幹四路,口敕 姓。 用臣 起而救之,天下 憲雖已亡,而 興土木之工,

事,連貶武安軍節度副使、昭州別駕,安置永州、賀州,又徙賓、化而卒,年五 內外梗之者甚衆,乃以龍圖閣學士知陝州。 時紹述之論已興,有相章惇意。 祖禹力言惇不可用,不見從,遂請外。 言者論祖 禹修實錄詆誣,又摭其諫禁中雇乳媪 一十八。 上且欲大用,而

尤多。 再三,乃退。 祖 嘗講 禹平居恂恂,口 尚書至「內作色荒,外作禽荒」六語,拱手再誦,却立云:「願陛下留聽。」帝首肯 每當講前夕,必正衣冠,嚴如在上側,命子弟侍,先按講其說。 不言人過。 至遇事,則別白是非,不少借隱。 在邇英守經據正,獻納 開列古義,參之

記

時事,言簡而當,無一長語,義理明白,粲然成文。 蘇軾稱爲講官第一。

之,目爲「唐鑑公」云。 祖 禹嘗進唐鑑十二卷,帝學八卷,仁皇政典六卷。 建炎二年,追復龍圖閣學士。子沖,紹興中仕至翰林侍讀學士,儒林 而唐鑑深明唐三百年治亂,學者尊

有傳。

易明白,洞見底蘊,雖賈誼、陸贄不是過云。 道,或出或處,易地則皆然,未易以功名優劣論也。 出於正。 景仁,不敢有所軒輊。光思濟斯民,卒任天下之重,鎭嶷然如山,確乎其不可拔。 日:「熙寧、元豐之際,天下賢士大夫望以爲相者,鎭與司馬光二人,至稱之日君實、 祖禹長於勸講,平生論諫,不啻數十萬言。 百祿受學於鎭,故其議論操修,粹然一 其開陳治道,區別邪正,辨釋事宜,平 君子之

#### 校勘記

- (二) 民力困敝 原作「民田困鼢」, 據蘇軾東坡七集正集卷三九范景仁墓誌銘改
- (三) 石全斌 「斌」原作「贇」,據東坡七集正集卷三九范景仁墓誌銘、長編卷一七七改。下同。

## 宋史卷三百三十八

### 列傳第九十七

### 蘇軾子過

能語其要。 蘇軾字子瞻,眉州眉山人。 程氏讀東漢范滂傳,慨然太息,軾請曰:「軾若爲滂,母許之否乎?」程氏曰:「汝 生十年,父洵游學四方,母程氏親授以書,聞古今成敗,輒

能爲牓,吾顧不能爲牓母邪?」

以救之,得軾刑賞忠厚論,驚喜,欲擢冠多士,猶疑其客會鞏所爲,但置第二;復以春秋對 能言,今見是書,得吾心矣。」嘉祐二年,試禮部。方時文磔裂詭異之弊勝,主司歐陽脩 義居第一,殿試中乙科。 比冠,博通經史,屬文日數千言,好賈誼、陸贄書。旣而讀莊子,數曰:「吾昔有見,口未 後以書見脩,脩語梅聖俞曰:「吾當避此人出一頭地。」聞者始譁不 思有

厭, 久乃信服。

列傳第九十七 蘇軾

而已。

多不工。 Ţ 母 憂。五 献始具草,文義粲然。 調福昌主簿。歐陽脩以才識兼茂,薦之祕閣。 試六論,舊不起草,以故文 復對制策,入三等。 自宋初以來,制策入三等,惟吳育與軾

可,及試二論,復入三等,得直史館。 軾聞琦語,曰:「公可謂愛人以德矣。」 於館閣中近上帖職與之,且請召試。」英宗曰:「試之未知其能否,如軾有不能邪?」琦猶不 然,適足以累之也。」英宗曰:「且與修注如何?」琦曰:「記注與制誥爲隣,未可遽授。不若 降伏,皆欲朝廷進用,然後取而用之,則人人無復異辭矣。今驟用之,則天下之士未必以爲 韓琦曰:「軾之才,遠大器也,他日自當爲天下用。要在朝廷培養之,使天下之士莫不畏慕 河,經砥柱之險,衙吏踵破家。賦訪其利害,爲修衙規,使自擇水工以時進止,自是害滅半。 治平二年,入判登聞鼓院。英宗自藩邸聞其名,欲以唐故事召入翰林, 除大理評事、簽書鳳翔府判官。關中自元昊飯,民貧役重,岐下歲輸南山木栰,自渭入 知制誥。

立,妹嫁杜氏,卒未葬,屬軾。賦旣除喪,卽葬姑。後官可蔭,推與太白曾孫彭。 會洵卒,賻以金帛,辭之,求贈一官,於是賢光祿丞。洵將終,以兄太白早亡,子孫未

熙寧二年,還朝。王安石執政,素惡其議論異己,以判官告院。四年,安石欲變科舉、興

學校,韶兩制、三館議。

斌上議日:

夫時有可否, 物有廢興, 方其所安, 雖暴君不能廢, 及其旣厭, 雖聖人不能復。 故風俗 則胥史皂隸未嘗無人, 人,朝廷不責實,則公卿侍從常患無人,而況學校貢舉乎?雖復古之制,臣以爲不足。 得人之道,在於知人;知人之法,在於責實。使君相有知人之明,朝廷有責實之政, 而況於學校貢舉乎?雖因今之法,臣以爲有餘。使君相不知

之變,法制隨之,譬如江河之徙移,彊而復之,則難爲力。

今爲孰精?言語文章,與今爲孰優?所得人才,與今爲孰多?天下之事,與今爲孰 則與慶曆之際何異?故臣謂今之學校,特可因仍舊制,使先王之舊物,不廢於吾世足 辦?較此四者之長短,其議決矣。 不率教者屏之遠方,則無乃徒爲紛亂,以患苦天下邪?若乃無大更革,而望有益於時, 力以治官室,斂民財以食游士。百里之內,置官立師,獄訟聽于是,軍旅謀于是,又簡 至於貢舉之法,行之百年,治亂盛衰,初不由此。陛下視祖宗之世,貢舉之法,與 慶曆固嘗立學矣,至于今日,惟有空名僅存。今將變今之禮,易今之俗,又當發民

采譽望而罷封彌,或欲經生不帖墨而考大義,此皆知其一,不知其二者也。 願陛下留意 於遠者、大者,區區之法何預焉。臣又切有私憂過計者。夫性命之說,自子貢不得聞, 今所欲變改不過數端:或日鄉舉德行而略文詞,或日專取策論而罷詩賦,或欲兼

列

此豈眞能然哉!蓋中人之性,安於放而樂於誕耳。 而今之學者,恥不言性命,讀其文,浩然無當而不可窮;觀其貌,超然無著而不可挹, 陛下亦安用之?

之玩,奪其口體必用之資。此事至小,體則甚大,願追還前命。」卽詔罷之。 |献疏言:「陛下豈以燈爲悅?此不過以奉二宮之歡耳。然百姓不可戶曉,皆謂以耳目不急 命權開封府推官,將困之以事。賦決斷精敏,聲聞益遠。會上元敕府市浙燈,且令損價。 言,朕當熟思之。凡在館閣,皆當爲朕深思治亂,無有所隱。」軾退,言於同列。安石不悅, 思求治太急,聽言太廣,進人太銳。 願鎭以安靜,待物之來,然後應之。」|神宗悚然曰:「卿三 雖朕過失,指陳可也。」對曰:·「陛下生知之性,天縱文武,不患不明,不患不勤,不患不斷,但 議上,神宗悟曰:「吾固疑此,得賦議,意釋然矣。」卽日召見,問:「方今政令得失安在?

時安石創行新法,賦上書論其不便,日:

之必然也。 而已,如木之有根,燈之有膏,魚之有水,農夫之有田,商賈之有財。失之則亡,此理 臣之所欲言者,三言而已。願陛下結人心,厚風俗,存紀綱。人主之所恃者人心 自古及今,未有和易同衆而不安,剛果自用而不危者。陛下亦知人心之不

祖宗以來,治財用者不過三司。今陛下不以財用付三司,無故又創制置三司條例

以爲欲消讒慝而召和氣,則莫若罷條例司。 捐罔罟而人自信。驅鷹犬而赴林藪,語人曰「我非獵也」,不如放鷹犬而獸自馴。故臣 莫之顧者,徒曰:「我無其事,何恤於人言。」操罔罟而入江湖,語人曰「我非漁也」,不如 新奇、吏皆惶惑。以萬乘之主而言利,以天子之宰而治財、論說百端、喧傳萬口、然而 司,求利之名也; 六七少年與使者四十餘輩,求利之器也。造端宏大,民實驚疑; 創法 司,使六七少年,日夜講求於內,使者四十餘輩,分行營幹於外。 夫制置三司條例

從,眞謂陛下有意興作,上靡帑廩,下奪農時。 疎,不敢便行抑退,追集老少,相視可否。 若非灼然難行,必須且爲與役。 下遂信其說,即使相視地形,所在鑿空,訪尋水利,妄庸輕剽,率意爭言。 來,不以種稻。今欲陂而淸之,萬頃之稻,必用千頃之陂,一歲一淤,三歲而滿矣。陛 補於民!臣不知朝廷何苦而爲此哉? 千餘人耳。以此爲術,其誰不能?而所行之事,道路皆知其難。 今君臣宵旰,幾一年矣,而富國之功,茫如捕風,徒聞內帑出數百萬緡, 祠部度五 隄防一開,水失故道,雖食議者之肉,何 汴水濁流,自生民以 官吏苟且順 官司雖知其

**、,蓋天民之窮者也,而陛下首欲役之,富有四海,忍不加恤** 自古役人,必用鄉戶。 今者徒聞江、浙之間,數郡顧役,而欲措之天下。單丁、女 自楊炎為兩稅,租調與

列傳

第九十七

蘇試

許抑配,而數世之後,暴君汙吏,陛下能保之與?計願請之戶,必皆孤貧不濟之人,鞭 來,則必有任其咎者矣。青苗放錢,自昔有禁。今陛下始立成法,每歲常行。 庸旣兼之矣,奈何復欲取庸。萬一後世不幸有聚斂之臣,庸錢不除,差役仍舊,推所從 逾多,虧官害民,雖悔何及! 苗錢自陛下始」,豈不惜哉!且常平之法,可謂至矣。今欲變爲青苗,壞彼成此,所喪 撻已急, 則繼之逃亡, 不還, 則均及鄰保, 勢有必至, 異日天下恨之, 國史記之, 曰「靑 雖云不

其主 畜牧,以一牛易五羊。 一牛之失,則隱而不言; 五羊之獲,則指爲勞績。 今壞常 未及樂成,而怨已起矣。臣之所願陛下結人心者,此也 與樂成,難與慮始。」故陛下堅執不顧,期於必行。此乃戰國貪功之人,行險僥倖之說, 平而言青苗之功,虧商稅而取均輸之利,何以異此?臣竊以爲過矣。議者必謂:「民可 此論復興。立法之初,其費已厚,縱使薄有所獲,而征商之額,所損必多。譬之有人爲 賊滋熾,幾至於亂。 孝昭旣立,霍光順民所欲而予之,天下歸心,遂以無事。 不意今日 昔漢武帝以財力匱竭,用賈人桑羊之說,買賤賣貴,謂之均輸。于時商賈不行,盜

之薄厚,不在乎富與貧。人主知此,則知所輕重矣。 國家之所以存亡者,在道德之淺深,不在乎強與弱,曆數之所以長短者,在風俗 故臣願陛下務崇道德而厚風俗,

以淸淨爲心,而民德歸厚。臣之所願陛下厚風俗者,此也。 之厚,豈可得哉。近歲樸拙之人愈少,巧進之士益多。惟陛下哀之救之,以簡易爲法, 多開驟進之門,使有意外之得,公卿侍從跬步可圖,俾常調之人舉生非望,欲望風俗 之以苛察,齊之以智能,招來新進勇銳之人,以圖一切速成之效。未享其利,澆風已成。 在人,風俗知義,故升遐之日,天下歸仁焉。議者見其末年更多因循,事不振舉,乃欲矯 不願陛下急於有功而貪富強。愛惜風俗,如護元氣。聖人非不知深刻之法可以齊衆, 功,則曰未至。以言乎用兵,則十出而九敗;以言乎府庫,則僅足而無餘。徒以德澤 小,而所喪大也。仁祖持法至寬,用人有敍,專務掩覆過失,未嘗輕改舊章。 勇悍之夫可以集事,忠厚近於迂闊,老成初若遲鈍。 然終不肯以彼易此者,知其所得 考其成

之談,皆謂臺諫所言,常隨天下公議。公議所與,臺諫亦與之;公議所擊,臺諫亦擊 盜而畜不吠之狗。陛下得不上念祖宗設此官之意,下爲子孫萬世之防(己;臣聞長老 其銳氣,而借之重權者,豈徒然哉?將以折姦臣之萌也。今法令嚴密,朝廷淸明,所謂 姦臣,萬無此理。然養猫以去鼠,不可以無鼠而養不捕之猫; 畜狗以防盜,不可以無 興,則天子改容;事關廊廟,則宰相待罪。臺諫固未必皆賢,所言亦未必皆是。然須養 祖宗委任臺諫,未嘗罪一言者。縱有薄責,旋卽超升,許以風聞,而無官長。言及乘

傳

執政私人,以致人主孤立,紀綱一廢,何事不生!臣之所願陛下存紀 今者物論 沸騰,怨讟交至,公議所在,亦知之矣。臣恐自茲以往,習慣成風,盡爲 綱者,此 也

景温論奏其過,窮治無所得,軾遂請外,通判杭州。高麗入貢,使者發幣於官吏,書稱 斷而亡,齊桓專任管仲而霸,燕噲專任子之而敗,事同而功異」爲問。 献見安石贊神宗以獨斷專任,因試進士發策,以「晉武平吳以獨斷而克,苻堅伐晉以獨 安石滋怒,使御史謝 甲子。

| 軾却之曰:「高麗於本朝稱臣,而不稟正朔,吾安敢受!」使者易書稱熈寧,然後受之。

也。」提舉官驚曰:「公姑徐之。」未幾,朝廷知法害民,罷之。 .者以違制論。 時新政日下,賦於其間,每因法以便民,民賴以安。徙知密州。 軾謂提舉官曰:「違制之坐,若自朝廷,誰敢不從?今出於司農,是擅造律 司農行手實法,不時施

人,且畏罪驚潰,將爲亂。 民奔訴軾,軾投其書不視,曰:「必不至此。」散卒聞之,少安,徐使 有盜竊發,安撫司遣三班使臣領悍卒來捕,卒凶暴恣行,至以禁物誣民,入其家爭鬥殺

招出戮之。

爭出 詣武衞營,呼卒長曰:「河將害城,事急矣,雖禁軍且爲我盡力。」卒長曰:「太守猶不避塗潦, 避水。| 軾曰:「富民出,民皆動搖,吾誰與守?吾在是,水決不能敗城。」 徙 知徐州。 河決曹村,泛于梁山泊,溢于南淸河,匯于城下,漲不時洩,城將敗,富民 驅使復入。軾

吾儕小人,當效命。」率其徒持畚鍤以出,築東南長堤,首起戲馬臺,尾屬于城。雨日夜不 築故城,爲木岸,以虞水之再至。朝廷從之。 止,城不沈者三版。軾廬於其上,過家不入,使官吏分堵以守,卒全其城。復請調來歲夫增

居士」。 神宗獨憐之,以黃州團練副使安置。戲與田父野老,相從溪山間,築室於東坡,自號「東坡 <u>會、何正臣 台 撫其表語,並媒糵所爲詩以爲訕謗,逮赴臺獄,欲置之死,鍛鍊久之不決。</u> 徙 知湖州,上表以謝。又以事不便民者不敢言,以詩託諷,庶有補於國。御史李定、舒

飢寒,有田在常,願得居之。朝奏,夕報可。 扎移軾汝州,有曰:「蘇軾黜居思咎,閱歲滋深,人材實難,不忍終棄。」軾未至汝,上書自言 命蘇軾成之。」珪有難色。 三年,神宗數有意復用,輒爲當路者沮之。 神宗曰:「軾不可,姑用曾鞏。」鞏進太祖總論,神宗意不允,遂手 神宗嘗語宰相王珪、蔡確曰:「國史至重,可

常禮,公所以待上者,豈可以常禮乎?」安石厲聲曰:「安石須說。」又曰:「出在安石口,入在 之,安石在外,安敢言?」献曰:「在朝則言,在外則不言,事君之常禮耳。上所以待公者非 今西方用兵,連年不解,東南數起大獄,公獨無一言以救之乎?」安石曰:「二事皆惠卿啓

道過金陵,見王安石,曰:「大兵大獄,漢、唐滅亡之兆。 祖宗以仁厚治天下,正欲革此。

列

减半年磨勘,雖殺人亦爲之。」安石笑而不言。 子瞻耳。」又曰:「人須是知行一不義,殺一不辜,得天下弗爲,乃可。」|軾戲曰:「今之君子,爭

以賤賢爲累。』先主納之,乃以靖爲司徒。許靖且不可慢,況君實乎?」惇以爲然,光賴以 望甚重。昔許靖以虛名無實,見鄙於蜀先主,法正曰:『靖之浮譽,播流四海,若不加禮, 爲門下侍郎,惇知樞密院,二人不相合,惇每以謔侮困光,光苦之。 軾謂惇曰:「司馬君實時 至常,神宗崩,哲宗立,復朝奉郎、知登州,召爲禮部郞中。」軾舊善司馬光、章惇。 時光

年,軾以七品服入侍延和,卽賜銀緋,遷中書舍人。 無出公右者。」軾曰:「昔林希同在館中,年且長。」確曰:「希固當先公耶?」卒不許。「元酤元 遷起居舍人。咸起於憂患,不欲驟履要地,辭於宰相蔡確。確曰:「公徊翔久矣,朝中

馬光爲相,知免役之害,不知其利,欲復差役,差官置局,軾與其選。 官,不得專力於農,而貪吏猾胥得緣爲姦。 有利害。 歲不得息者。 初,祖宗時,差役行久生弊,編戶充役者不習其役,又虐使之,多致破產,狹鄕民至有終 免役之害, 掊斂民財, 十室九空, 斂聚於上而下有錢荒之患。 王安石相神宗,改爲冤役,使戶差高下出錢雇役,行法者過取,以爲民病。 此二害輕重,蓋略等矣。」光曰:「於君何如?」軾 軾曰:「差役、免役,各 差役之害,民常在 司

農,天下便之。 盡變府兵爲長征之卒。 不許軾盡 公刺陝西義勇,公爲諫官,爭之甚力,韓公不樂,公亦不顧。 正如罷長征而復民兵,蓋未易也。」光不以爲然。 曰:「法相因則事易成,事有漸則民不驚。 |三代之法,兵農爲一,至秦始分爲二,及唐中葉, ||言耶?」||光笑之。 蕁除翰林學士。 雖聖人復起,不能易也。今免役之法,實大類此。 自爾以來,民不知兵,兵不知農,農出穀帛以養兵,兵出性命以衞 献又陳於政事堂,光忿然。 献昔聞公道其詳,豈今日作相, 公欲驟罷 免役而行差役, 献曰:「昔韓魏

沮; 蹇成衰亂之漸。」 宗雖恭默不言,輒首肯之。嘗讀祖宗寶訓,因及時事,軾歷言:「今賞罰不明,善惡無所勸 又黃河勢方北流,而彊之使東;夏人入鎭戎,殺掠數萬人,帥臣不以聞。 二年,兼侍讀。 每進讀至治亂興衰、邪正得失之際,未嘗不反覆開導,覬有所啓悟。 每事如此,恐 哲

不覺哭失聲,宣仁后與哲宗亦泣,左右皆感涕。已而命坐賜茶,徹御前金蓮燭送歸院。 途以進。」曰:「此先帝意也。 先帝每誦卿文章,必嘆曰『奇才,奇才!』但未及進用卿耳。」」軾 皇帝陛下。」曰:「非也。」曰:「豈大臣論薦乎?」曰:「亦非也。」|軾鶩曰:「臣雖無狀,不敢自他 使。」曰:「今爲何官?」曰:「臣今待罪翰林學士。」曰:「何以遽至此?」曰:「遭遇太皇太后、 軾嘗鎖宿禁中,召入對便殿,宣仁后問曰:「卿前年爲何官?」曰:「臣爲常州團練副

列

三年 權 知 禮 部 貢 舉 會大雪苦寒,士坐庭中,噤未能言。 | 載寬其禁約,使得盡技。 巡

鋪 內侍每摧辱舉子,且持曖昧單詞,誣以爲罪,軾盡奏逐之。

若 前 獄 官言前 執政恩例,遣內侍賜龍茶、銀合,慰勞甚厚。 逮治,太皇太后出手詔赦之,則於仁孝兩得矣。」宣仁后心善軾言而不能用。 薄確之罪,則於皇帝孝治爲不足,若深罪確,則於太皇太后仁政爲小累。 几 相察確知安州,作詩借郝處俊事以譏太皇太后。 年,積以論事,爲當軸者所恨。 軾恐不 見容,請外 拜龍 大臣議遷之嶺南。 圖閣學士、知杭州。 謂 宜皇帝敕置 献出郊,用 未行, 諫 廷

待之。 水陸之會,疫死比他處常多。」乃哀羨緡得二千,復發橐中黃金五十兩,以作病坊,稍畜錢糧 飢 者。 旣 明年春,又減價糶常平米,多作饘粥藥劑,遣使挾醫分坊治病,活者甚衆。軾曰:「杭, 至杭,大旱,饑疫並作。 |軾請於朝, 免本路上供米三之一, 復得賜度僧牒, 易米以救

民大患, 宋興,廢之,葑積爲田,水無幾矣。 又浚 西湖水入漕河,自河入田,所溉至千頃,民以殷富。 杭 本近海,地泉鹹苦,居民稀少。 六井亦幾於廢。 |献見茅山一河專受江潮, 鹽橋一 漕河失利,取給江潮,舟行市中,潮又 唐刺史李泌始引西湖水作六井,民足於水。 湖水多葑,自唐及錢氏,歲 河專受湖水, 遂浚二河以通漕。 多淤,三年 輒浚治, 淘,爲

復造 收其利以備修湖,取救荒餘錢萬緡、糧萬石,及請得百僧度牒以募役者。 三十里,爲長堤以通行者。 堰牐 ,以爲湖水畜洩之限,江潮不復入市。 吳人種菱,春輒芟除,不遺寸草。 以餘力復完六井,又取葑田積湖中,南北徑 且募人種菱湖 堤成,植芙蓉、楊 中, 葑 不 ·復生。

**柳**其上,望之如畫圖,杭人名爲蘇公堤。

拜焉 薄,故因祭亡僧而行祝壽之禮。若受而不答,將生怨心;受而厚賜之,正墮其計。今宜勿 之利,無復侵撓之害矣。 未幾,貢使果至,舊例使所至吳越七州,費二萬四千餘緡。 與知,從州郡自以理却之。彼庸僧猾商,爲國生事,漸不可長,宜痛加懲創。」朝廷皆從之。 云祝兩宮壽。 杭僧淨源,舊居海濱,與舶客交通,舶至高麗,交譽之。一一豐末,其王子義天來朝,因往 至是, 淨源死, 其徒竊持其像, 附舶往告。 義天亦使其徒來祭, 因持其國母二金塔, | 軾不納,奏之曰:「高麗久不入貢,失賜予厚利,意欲求朝,未測吾所以待之厚 | 献乃令諸州量事裁損,民獲交易

二十餘 敗 五丈以達嶺 公私 浙 船 里以 江 潮自海門東來,勢如雷霆,而浮山峙於江中,與漁浦諸山犬牙相錯,洄狀激射,歲 不可勝計。 達 東 古河, 于江。 後古河數里達于龍山漕河,以避浮山之險,人以爲便。 叉並 山爲岸,不能十里以達龍山大慈浦,自浦北折抵 而東,鑿爲漕河,引浙江及谿谷諸水 「小嶺,鑿嶺六十 奏聞,有惡軾

〇八一三

列

傳

第

九十七

蘇

鼣

者,力沮之,功以故不成。

欲鑿挽路、爲千橋,以迅江勢(三)。」亦不果用,人皆以爲恨。 船皆以篙行,無陸挽者。 家有畫像,飮食必祝。 潮 水常欲淤塞江路,而江水淸駛,隨輒滌去, 賦 復言:「三吳之水,瀦爲太湖,太湖之水,溢爲松江以入海。 又作生祠以報 自慶曆以來, ·(E)° 松江大築挽路,建長橋以扼塞江路,故今三吳多水, 海口常通, 則吳中少 | 軾二十年間再蒞| 杭,有德於民, 水 海日兩潮, 患。 昔蘇 潮濁 州 以東,公私 而江清,

淮水顧流潁地爲患。| 軾言於朝,從之。 且鑿黃堆欲注之於准。 患, 更不完本末, 決其陂澤, 注之惠民河, 河不能勝, 致陳亦多水。 不聽。 召爲吏部尚書,未至。 献始至潁,遣吏以水平準之,淮之漲水高於新溝幾一丈,若鑿黃堆 以弟轍除右丞,改翰林承旨。 轍辭右丞, 又將鑿鄧艾溝與潁 先是, 開封 欲與兄同備從 7諸縣 河並, 多水

敢言。 不應格,推賞不及。 直方有母且老,與母訣而後行。乃緝知盜所,分捕其黨與,手戟刺遇,獲之。 郡 | 軾召汝陰尉李直方曰:「君能禽此,當力言於朝,乞行優賞,不獲,亦以不職奏免君 有宿賊尹遇等,數劫殺人,又殺捕盜吏兵。朝廷以名捕不獲,被殺家復懼其害,匿不 献請以己之年勞,當改朝散郎階,爲直方賞,不從。 其後吏部爲軾當 朝廷以· 小

遷,以符會其考,軾謂已許直方,又不報。

許,故舟弊人困,多盜所載以濟飢寒,公私皆病。」軾請復舊,從之。未閱歲,以兵部尚書召 輒富厚,以官舟爲家,補其弊漏,且周船夫之乏,故所載率皆速達無虞。近歲一切禁而不 七年,徙揚州。 舊發運司主東南漕法,聽操舟者私載物貨,征商不得留難。 故操舟者

棄侍讀。

尙書。 明日, 避儀仗。軾使御營巡檢使問之,乃皇后及大長公主。時御史中丞李之純爲儀仗使,軾曰: 「中丞職當肅政,不可不以聞之。」純不敢言,賦於車中奏之。哲宗遣使齎疏馳白太皇太后, 今高麗所請,有甚於此,其可予乎?」不聽。 是歲,哲宗親祀南郊,賦爲鹵簿使,導駕入太廟。有赭繖檀車幷靑蓋犢車十餘爭道,不 韶整肅儀衞,自皇后而下皆毋得迎謁。 高麗遣使請書,朝廷以故事盡許之。 尋遷禮部兼端明殿、翰林侍讀兩學士,爲禮部 軾曰:「漢東平王請諸子及太史公書,猶不肯

情、除壅蔽爲急務。 近臣不能自達。 旣行,上書言:「天下治亂,出於下情之通塞。至治之極,小民皆能自通; 八年, 宣仁后崩,哲宗 陛下臨御九年,除執政、臺諫外,未嘗與羣臣接。 臣 日 一侍帷幄,方當戍邊,顧不得一見而行,況疎遠小臣欲求自通,難矣。 親政。 献乞補外,以兩學士出知定州。 今聽政之初,當以通下 時國是將變,軾不得入 迨於大亂,雖

列傳

第九十

七

蘇

馘

臣,輒勸陛下輕有改變,故進此說,敢望陛下留神,社稷宗廟之福,天下幸甚。」 陛下亦無悔。由此觀之,陛下之有爲,惟憂太蚤,不患稍遲,亦已明矣。臣恐急進好利之 之利害,與羣臣之邪正。以三年爲期,俟得其實,然後應物而作。 萬物之情,畢陳于前。陛下聖智絕人,春秋鼎盛。 然臣不敢以不得對之故,不效愚忠。古之聖人將有爲也,必先處晦而觀明,處靜而觀動,則 臣願虛心循理,一切未有所爲,默觀庶事 使既作之後, 天下無恨,

遠惡,繕修營房,禁止飮博,軍中衣食稍足,乃部勒戰法,衆皆畏伏。然諸校業業不安,有卒 史以贓訴其長,賦曰:「此事吾自治則可,聽汝告,軍中亂矣。」立決配之,衆乃定。 定州軍政壞弛,諸衞卒驕惰不敎,軍校蠶食其廩賜,前守不敢誰何。」軾取貪汙者配隸

光祖自謂老將,恥之,稱疾不至。」軾召書吏使爲奏,光祖懼而出,訖事,無一慢者。」定人言: 自衞,猶號精銳。 「自韓琦去後,不見此禮至今矣。」契丹久和,邊兵不可用,惟沿邊弓箭社與寇爲隣,以戰射 會春大閱,將吏久廢上下之分,賦命舉舊典,帥常服出帳中,將吏戎服執事。副總管王 故相龐籍守邊,因俗立法。歲久法弛,又爲保甲所撓。」軾奏免保甲及兩

官,未至,貶寧遠軍節度副使,惠州安置。居三年,泊然無所蔕芥,人無賢愚,皆得其歡心。 紹聖初, 御史論||載掌內外制日,所作詞命,以爲譏斥先朝。遂以本官知英州,尋降一 稅折變科配,不報

謂不可,軾遂買地築室,儋人運甓畚土以助之。獨與幼子過處,著書以爲樂,時時從其父老 又貶瓊州別駕,居昌化。昌化,故儋耳地,非人所居,藥餌皆無有。 初僦官屋以居,有司猶

游,若將終身。

自元祐以來,未嘗以歲課乞遷,故官止於此。 徽宗立,移康州,改舒州團練副使,徙永州。更三大赦,遂提舉玉局觀,復朝奉郎。 建中靖國元年,卒于常州,年六十六。 献

詩四卷。 嘗以師資自予也。 居海南,作書傳,又有東坡集四十卷、後集二十卷、奏議十五卷、內制十卷、外制三卷、和陶 有文章以來,蓋亦鮮矣。洵晚讀易,作易傳未究,命軾述其志。」軾成易傳,復作論語說;後 於所當行,止於所不可不止。」雖嬉笑怒駡之辭,皆可書而誦之。 |軾與弟轍,師父|洵爲文,旣而得之於天。 一時文人如黃庭堅、晁補之、秦觀、張耒、陳師道,舉世未之識,軾待之如朋儔,未 嘗自謂:「作文如行雲流水,初無定質,但常行 其體渾涵光芒,雄視百代,

忌惡擠排,不使安於朝廷之上。 自爲舉子至出入侍從,必以愛君爲本,忠規讜論,挺挺大節,羣臣無出其右。 但爲小人

爲文章之宗,親製集贊,賜其曾孫嶠。 高宗 即位,贈資政殿學士,以其孫符爲禮部尙書。 遂崇贈太師,諡文忠。 軾三子:邁、迨、過,俱善爲文。 又以其文寘左右,讀之終日忘倦,謂

列

邁,駕部員外郎。迨,承務郎。

須者, 作孔子弟子別傳。 承務郎。 小斜川,自號斜川居士。 過字叔黨。 身百爲,不知其難。 |献帥||定武,謫知||英州,貶惠州,遷儋耳,漸徙康、永,獨過侍之。 凡生理畫夜寒暑所 | 軾知杭州, 過年十九, 以詩賦解兩浙路, 禮部試下。 |軾卒於常州, 過葬賦汝州郟城小峨眉山, 遂家潁昌, 營湖陰水竹數畝, 名 卒,年五十二。 初至海上,爲文曰志隱,軾覽之曰:「吾可以安於島夷矣。」因命 及軾爲兵部尚書,任右

卷。 孝,以訓宗族。 其思子臺賦、 初監太原府稅, 且言:「吾兄遠居海上,惟成就此兒能文也。」七子:籥、籍、節、笈、篳、篴、箾。 颶風賦早行於世。 次知潁昌府郾城縣, 時稱爲「小坡」, 皆以法令罷。 蓋以軾爲「大坡」也。 晚權通判中山府。 其叔轍每稱過 有斜川集二十

州。 范諸賢以問其師。 冠,父子兄弟至京師, 器識之閎偉,議論之卓榮,文章之雄雋,政事之精明,四者皆能以特立之志爲之主,而 論 曰:蘇軾自爲童子時,士有傳石介慶曆聖德詩至蜀中者,軾歷舉詩中所言韓、富、杜、 師怪而語之,則曰:「正欲識是諸 日而聲名赫然,動於四方。 旣而登上第,擢詞科,入掌書命,出典方 人耳。」蓋已有頡頏當世賢哲之意。

然,假令賦以是而易其所爲,尚得爲賦哉? 大用。 有命焉,嗚呼! 相矣。」神宗尤愛其文,宮中讀之,膳進忘食,稱爲天下奇才。 足以固其有守,皆志與氣所爲也。仁宗初讀軾、轍制策,退而喜曰:「朕今日爲子孫得兩 以邁往之氣輔之。故意之所向,言足以達其有猷,行足以遂其有爲。 一歐陽脩先識之,其名遂與之齊,豈非軾之所長不可掩抑者,天下之至公也,相不相 献不得相,又豈非幸歟?或謂:「賦稍自韜戢,雖不獲柄用,亦當免禍。」雖 二君皆有以知軾,而軾卒不得 至於禍患之來,節義 宰

#### 校勘記

 $\Xi$ 

何正臣

- (1) 下爲子孫萬世之防 蘇軾東坡七集奏議集卷一上皇帝書作「下爲子孫立萬一之防」。
- 見和李、舒同論蘇軾的當是何正臣。 原作「何正言」。本書卷三二九何正臣傳說:「爲御史裏行,遂與李定、舒亶論蘇軾。」可 孔平仲孔氏談苑卷一也作何正臣。 據改。
- 誌銘、東坡七集奏議集卷九進單鍔吳中水利書狀改。 欲鑿挽路爲千橋以迅江勢 「千橋」, 原作「十橋」。 據蘇轍欒城集後集卷二二亡兄子瞻端明墓
- 又作生祠以報 「作生」二字原倒,據欒城集後集卷二二。亡兄子瞻端明墓誌銘乙正。

# 宋史卷三百三十九

## 列傳第九十八

### 蘇轍 族孫元老

蘇轍字子曲,年十九,與兄賦同登進士科,又同策制舉。 仁宗春秋高,轍盧或倦於勤,

因極言得失,而於禁廷之事,尤爲切至。曰:

節易矣。 事 西方解兵,陛下棄置憂懼之心,二十年矣。古之聖人,無事則深憂,有事則不懼。 之間,西夏作難,陛下畫不安坐,夜不安席,天下皆謂陛下憂懼小心,如周文王。 下旣有憂懼之言矣。然臣愚不敏,竊意陛下有其言耳,未有其實也。往者實元、慶曆 而深憂者,所以爲有事之不懼也。今陛下無事則不憂,有事則大懼,臣以爲憂樂之 陛下卽位三十餘年矣,平居靜慮,亦嘗有憂於此乎,無憂於此乎。臣伏讀制策,陛 臣疎遠小臣,聞之道路,不知信否? **夫**無 然自

之奉,陛下又自爲一阱以耗其遺餘,臣恐陛下以此得謗,而民心不歸也。 害外事也。 内則 問。 不敢爭,大臣不敢諫,執契持敕,迅若兵火。 蠱惑之所汚,以傷和伐性,外則私謁之所亂,以敗政害事。陛下無謂好色於內,不 三代之衰,漢、唐之季,女寵之害,陛下亦知之矣。久而不止,百蠹將由之而出 近 以來, 今海內窮困,生民愁苦,而宮中好賜不爲限極,所欲則給,不問有無。 宮中貴姬至以千數,歌舞飲酒,優笑無度,坐朝不聞咨謨,便殿無所顧 國家內有養士、養兵之費,外有契丹、西夏 司會

之言,吾愧之而不敢怨。」惟考官胡宿以爲不遜,請黜之。仁宗曰:「以直言召人,而以直言 棄之,天下其謂我何?」宰相不得已,寘之下等,授商州軍事推官。時父洵被命修禮書,兄 立己二年,轍上書言事,召對延和殿。 策入,轍自謂必見黜。考官司馬光第以三等,范鎭難之。蔡襄曰:「吾三司使也。 服除,神宗 司會

錢,雖富民不免踰限。如此,則恐鞭箠必用,州縣之事不勝煩矣。唐劉晏掌國計,未嘗有所 非 石 出青苗書使轍熟議,曰:「有不便,以告勿疑。」、轍曰:「以錢貸民,使出息二分,本以救民, 時王安石以執政與陳升之領三司條例,命轍爲之屬。呂惠卿附安石,轍與論多相牾。安 然出納之際,更緣爲姦,雖有法不能禁,錢入民手,雖良民不免妄用;及其納

假貸。 假貸,而四方豐凶貴賤,知之未嘗逾時。 則晏之功可立俟也。」安石曰:「君言誠有理,當徐思之。」自此逾月不言青苗。 安用貸爲?』晏之所言,則常平法耳。今此法見在而患不修, 有尤之者,晏曰:『使民僥倖得錢,非國之福;使吏倚法督責,非民之便。 有賤必糴,有貴必糶,以此四方無甚貴、甚賤之病, 公誠能有意於民,舉而行之, 吾雖未嘗

溪縣。 從方平簽書南京判官。居二年,坐兄賦以詩得罪,謫監筠州鹽酒稅,五年不得調。移知績 斂,與安石意合,於是青苗法遂行。安石因遣八使之四方,訪求遺利。中外知其必迎合生 河南推官。會張方平知陳州,辟爲敎授。三年,授齊州掌書記。又三年,改著作佐郎。 天下笑。今何以異此?」又以書抵安石,力陳其不可。安石怒,將加以罪,升之止之,以爲 事,皆莫敢言。 會河北轉運判官王廣康(三)奏乞度僧牒數千爲本錢,於陝西漕司私行青苗法,春散秋 轍往見陳升之日:「昔嘉祐末,遣使寬恤諸路,各務生事,還奏多不可行,爲 復

欲革弊事,而舊相<u>察確</u>韓縝、樞密使<u>章惇皆在位,窺伺得失,轍皆論去之。 呂惠卿始諂事王</u> 安石,倡行虐政以害天下。及勢鈞力敵,則傾陷安石,甚於仇讎,世尤惡之。至是,自知不 **免,乞宮觀以避貶竄。** 哲宗立,以祕書省校書郞召。元祐元年,爲右司諫。宣仁后臨朝,用司馬光、呂公著, 轍具疏其姦,以散官安置建州

盡今年 遽 年,吏民皆未習慣。況役法關涉衆事,根芽盤錯,行之徐緩,乃得審詳。 則進退皆便。」 便行,恐旣行之後,別生諸弊。 司 丽 馬光以王安石雇役之害,欲復差役,不知其害相半於雇役。 止。 催督有司審議差役,趁今冬成法,來年役使鄉戶。 今州縣役錢,例有積年寬剩,大約足支數年,且依舊雇役, 但使既行之後,無復人言, 轍言:「自罷差役僅二十 若不 窮究首尾,忽

年以後科舉格式,未爲晚也。」光皆不能從。 己見,不專用王氏學。 日 月無幾,而議不時決。 要之,來年皆未可施行。 光叉以安石私設詩、 。仍罷律義,令舉人知有定論,一意爲學,以待選試,然後徐議元祐五 書新義考試天下士,欲改科舉,別爲新格。 詩賦雖小技,比次聲律,用功不淺。 乞來年科場, · 一切如舊,惟經義兼取注疏及諸家論議, 至於治經,誦讀講解,尤不輕 |轍言:「進士來年秋試, 或出

欲使此議發自朝廷,得以爲重。朝廷深覺其意,忍而不予,情得勢窮,始來請命,一失此機, 必爲後悔。 夏遣使賀登位,使還,未出境,又遣使入境。朝廷知其有請歐州、五砦地意,大臣議棄守未 轍言曰:「頃者西人雖至,疆埸之事,初不自言。度其狡心,蓋知朝廷厭兵,確然不請, 初,神宗以夏國內亂,用兵攻討,乃於熙河增蘭州,於延安增安疆、米脂等五砦。 二年, 彼若點集兵馬,屯聚境上,許之則畏兵而予,不復爲恩;不予則邊釁一開,禍斯

此 未接,兵交之日,誰使效命。若其羽書沓至,勝負紛然,臨機決斷,誰任其責。惟乞聖心以 無 反覆思慮,早賜裁斷,無使西人別致猖狂。」於是朝廷許還五砦,夏人遂服。 間不容髮,正在此時,不可失也。 況今日之事,主上妙年,母后聽斷,將帥吏士,恩情 遷起居郎、中

書舍人。

乃欲 雖 困 捨 車相銜,大事以濟。祖宗以來,法制雖殊,而諸道蓄藏之計,猶極豐厚。是以斂散及時,縱 其次藏之州 戶 一上供,其一送使,其一留州。比之於今,上供之數可謂少矣。然每有緩急,王命一出,舟 積 轉運司。 [由己 (三),利柄所在,所爲必成。 自熙寧以來,言利之臣,不知本末之術,欲求富國,而先 部侍郎。 [如丘山,而委爲朽壤,無益於算也。] 取而回之,其爲力也難,而爲責也重,是謂智勇勢力過先帝也。」公著悟,竟未能用。進 朝廷議回河故道, 轍爲公著言:「河決而北,自先帝不能回。 轉運司旣困,則上供不繼;上供不繼,而戶部亦憊矣。兩司旣困,故內帑別藏, 郡。 轍因轉對,言曰:「財賦之原,出於四方,而委於中都。故善爲國者, 藏之於民, 州郡有餘,則轉運司常足;轉運司旣足,則戶部不困。 今不因其舊而修其未至, 唐制,天下赋稅,其

尋又言

臣 以 祖 宗故事考之,今日本部所行,體例不同,利害相遠, 宜隨事措置,以塞弊

案猶爲他司所擅,深可惜也。 頃者,司馬光秉政,知其爲害,嘗使本部收攬諸司利權。 分修造案以爲將作監。 原。 謹具三弊以聞 :其一日分河渠案以爲都水監,其二日分冑案以爲軍器監,其三日 三監皆隸工部,則本部所專,其餘無幾, 當時所收,不得其要,至今三 出納損益,制 在 他司。

權 府 之當否。 目得分治之,則雖欲求一飽不可得矣,而況於安且壽乎!今戶部之在朝廷,獨口腹也, 而使他司分治其事,何以異此?自數十年以來,羣臣每因一事不舉,輒入建他司。 氣 庫卒空。 一分,用財無藝。 (血,以養百骸,耳目賴之以爲聰明, 手足賴之以爲力。 若不專任口腹, 而 蓋國之有財,猶人之有飮食。飮食之道,當使口司出納,而腹制多寡。 彼此各營一職,其勢不復相知,雖使戶部得材智之臣,終亦無益,能否同病, 今不早救,後患必甚。 他司以辦事爲效,則不恤財之有無,戶部以給財爲功,則不問事 使手足、耳 然後分布

倂用。 埽之吏兵、儲蓄,無事則分,有事則合。 何 事 昔嘉祐中,京師頻歲大水,大臣始取河渠案置都水監。置監以來,比之舊案,所補 丽 故事作之日,無暴斂傷財之患,事定之後,徐補其闕,兩無所妨。 大不便者,河北有外監丞,侵奪轉運司職事。轉運司之領河事也,郡之諸埽, 水之所向,諸埽趨之,更兵得以倂功,儲蓄得以 自有監丞,據

法責成,緩急之際,諸埽不相爲用,而轉運司不勝其弊矣。此工部都水監爲戶部之害,

一也。

利害,至使公私應副,虧財害物。 昔胄案所掌,今內爲軍器監而上隸工部,外爲都作院而上隸提刑司,欲有興作,戶部不 船,然後須之。 得與議。 先帝一新官制,並建六曹,隨曹付事,故三司故事多隸工曹,名雖近正而實非利。 訪聞河北道近歲爲羊渾脫,動以千計。 而其爲物,稍經歲月,必至蠹敗。 若專在轉運司, 必不至此。 朝廷無出兵之計,而有司營戢,不顧 渾脫之用,必軍行乏水(E),過渡無 此工部都作院爲戶部之

幾,復以諸處營造,歲有科制,遂令般運堆積,以破出賣之計。 急利害,誰當議之?朝廷近以箔場竹箔,積久損爛,創令出賣,上下皆以爲當。 部之事,不敢復言。此工部將作監爲戶部之害,三也。 歲所用幾何?取此積彼,未用之間,有無損敗,而遂爲此計。 昔修造案掌百工之事,事有緩急,物有利害,皆得專之。今工部以辦職爲事,則緩 本部雖知不便,而以工 臣不知將作見工幾何, 指揮未

諸路都作院皆歸轉運司[四],至於都水、軍器、將作三監,皆兼隸戶部,使定其事之可 凡 事之類此者多矣,臣不能遍舉也。故願明詔有司,罷外水監丞,舉河北河事及

否,裁其費之多少,而工部任其功之良苦,程其作之遲速。苟可否、多少在戶部,則傷 財害民,戶部無所逃其責矣。 苟良苦、遲速在工部,則敗事乏用,工部無所辭其譴矣。

哲宗從之,惟都水仍舊。

制出于一,而後天下貧富,可責之戶部矣。

使契丹,館客者侍讀學士王師儒能誦洵、軾之文及轍茯苓賦,恨不得見全集。 惡改易諸局次。 復怨矣。 出,或事故死亡者勿補,及額而止。不過十年,羨額當盡。功雖稍緩,而見吏知非身患,不 必大有所損,將大致紛訴,雖朝廷亦不能守。」乃具以白宰執,請據實立額,俟吏之年滿轉 事定其分數,則更額多少之限,無所逃矣。」轍曰:「此羣吏身計所係也。若以分數爲人數, 生事以難易分七等,重者至一分,輕者至一釐以下,積若干分而爲一人。今若取逐司兩月 行重法,給重祿,賕賂比舊爲少,則不忌人多而幸於少事。此吏額多少之大情也。舊法,日 十,事不加舊而用吏至數倍,何也? 昔無重法、重祿, 吏通賕賂, 則不欲人多以分所得。今 也。 昔之流內銓,今侍郎左選也,事之煩劇,莫過此矣。昔銓吏止十數,而今左選吏至數 朝廷以吏部元豐所定吏額,比舊額數倍,命轍量事裁減。 呂大防命諸司吏任永壽與省吏數人典之,遂背轍議以立額,日裁損吏員,復以好 永壽復以贓刺配,大防略依職議行之。代賦爲翰林學士,尋權吏部尚書。 吏有白中孚曰:「吏額不難定 使還,爲御史

中丞。

在位,呂大防、劉擊患之,欲稍引用,以平夙怨,謂之「調停」。宣仁后疑不決,轍面斥其非,復 自元祐初,一新庶政,至是五年矣。人心已定,惟元豐舊黨分布中外,多起邪說以搖撼

臣謂 恥,擊之則難去,君子潔身重義,沮之則引退。 古語曰:「一薰一蕕,十年尚猶有臭。」蓋 君子小人,勢同冰炭,同處必爭。一爭之後,小人必勝,君子必敗。何者?小人貪利忍 是猶患盜賊之欲得財,而導之於寢室,知虎豹之欲食肉,而開之以坰牧,無是理也。 則主憂國殆。 有所不盡,臣而不言,誰當救其失者!親君子,遠小人,則主尊國安;疎君子,任小人, 小人雖不可任以腹心,至於牧守四方,奔走庶務,無所偏廢可也。若遂引之於內, 臣近面論,君子小人不可並處,聖意似不以臣言爲非者。然天威咫尺,言詞迫遽, 此理之必然。未聞以小人在外,憂其不悅而引之於內,以自遺患也。故

朝廷雖不加斥逐,其勢亦不能復留矣。尚賴二聖慈仁,宥之於外,蓋已厚矣。而議者 法,上逆天意,下失民心。二聖因民所願,取而更之,上下忻慰。 先帝聰明聖智,疾頹靡之俗,將以綱紀四方,比隆三代。而臣下不能將順,造作諸 則前者用事之臣,今

謂此矣。

惑於說, 人,漸復舊事 乃欲 ,以快私忿。 、招而納之,與之共事,謂之「調停」。此輩若返, 人臣被禍,蓋不足言,臣所惜者, 豈肯但已哉? 祖宗朝廷 也。 必將戕害正 惟陛下斷自

疏入,宣仁后命宰執讀於簾前,曰:「轍疑吾君臣兼用邪正,其言極中理。」諸臣從而和之,

小人一進,後有噬臍之悔,則天下幸甚

聖心,勿爲流言所惑,勿使

轍义奏日

調停」之說遂已。

醇忠,以奪其節鉞,功未可覬,爭已先形。 唐,外皆臣順,朝廷招來之厚,惟恐失之。而熙河將吏創築二堡,以侵其膏腴,議納 固 異同反覆之心,蓋亦不足慮矣。但息朝廷舉事,類不審詳。曩者,黃河北流,正得水性, 生 而 執不 水官穿鑿,欲導之使東,移下就高,汨五行之理。及陛下遣使按視,知不可爲,猶或 一事要功之意,因弊修法,爲安民靖國之術,則人心自定,雖有異黨,誰不歸心?向者 關陝豈復安居?如此二事,則臣所謂宜正己平心,無生事要功者 竊見方今天下雖未大治,而祖宗綱紀具在,州郡民物粗安。 一從。 經今累歲,回河雖罷,減水尙存,遂使河朔生靈,財力俱困。今者西夏、青 朝 廷雖 知其非,終不明白處置,若遂養成邊 若大臣正己平心,無 也。

嘉祐以前,鄉差衙前,民間常有破產之患。 熙寧以後,出賣坊場以雇衙前,民間

錢三貫,若經十年,爲錢三十貫而已。今差役旣行,諸縣手力,最爲輕役至, 農民在 便。 法,三等人戶,並出役錢,上戶以家產高強,出錢無藝,下戶昔不充役,亦遣出錢。 費,四方驚顧,衆議沸騰。 年。 官,日使百錢,最爲輕費。 不復知有衙前之苦。及元祐之初,務於復舊,一例復差。 罷 此二等人戶,不免客怨。 役而歸, 賦役所出,多在中等。 罷行雇法,上下二等,欣躍可知,唯是中等則反爲害。 寬鄉得開三年,狹鄉不及一歲。以此較之,則差役五年之費,倍於雇役十 至於中等,昔既已自差役,今又出錢不多,歷法之行,最爲其 尋知不可,旋又復雇。 然一歲之用,已爲三十六貫,二年役滿,爲費七十餘貫至之。 如此條目,不便非一,故天下皆思雇役而厭差役,今五年矣。 去年之秋,又復差法。 又熙寧雇役之 官收坊場之錢,民出衙前之 且如畿縣中等之家,例出役 故

倦。 議,待時而發,以搖撼衆聽矣。 懷異同,志在反覆,幸國之失,有以藉口者乎?臣恐如此 下攸同,豈不休哉 茍民心旣得,則異議自消。 臣 以 山 :見淺狹,不能盡知當今得失。 伏乞宣諭宰執,事有失當,改之勿疑,法或未完,修之無 陛下端拱以享承平,大臣逡巡以安富貴,海內蒙福,上 然四事不去,如臣等輩猶知其非,而況於心 四事,彼已默識於心, 多造謗

如此二事,則臣所謂宜因弊修法,爲安民靖國之術者也。

列

大臣恥過,終莫肯改。

然,大臣竟主育、誼,不從。 其部人千餘,朝廷却而不受,西邊騷然。 种誼等,遂背約侵築質孤、勝如二堡(+),夏人卽平盪之。 節,且議地界。 不問,遣使往賜策命。夏人受禮倨慢,以地界爲辭,不復入謝,再犯涇原。 地界已定,付以歲賜。久之,議不決。明年,夏人以兵襲涇原,殺掠弓箭手數千人,朝廷忍之 六年,拜尙書右丞,進門下侍郎。初,夏人來賀登極,相繼求和,且議地界。 朝廷先以歲賜予之,地界又未決。夏人乃於疆事多方侵求,熙河將佐范育、 轍乞罷育、誼,別擇老將以守熙河。 育等又欲以兵納趙醇忠,及擅招 四年,來賀坤成 宣仁后以爲 朝廷許約,

事,不知則已,知而不能行,則事權去矣。 若專聽所謂,不以漸制之,及其太甚,必加之罪,不免逐去。 轍又面奏:「人君與人臣,事體不同。人臣雖明見是非,而力所不加,須至且止; 人君於 臣今言此,蓋欲陛下收攬威柄,以正君臣之分而 事至如此, 豈朝廷美事?

故臣欲保全大臣,非欲害之也。」

用耶?」呂大防曰:「如合用兵,亦不得不用。」轍曰:「凡用兵,先論理之曲直。我若不直,兵 移近裏堡砦於界,乘利而往,不須復守誠信。」下大臣會議。 六年,熙河奏:「夏人十萬騎壓通遠軍境,挑掘所爭崖巉,殺人三日而退。 |轍曰:「當先定議欲用兵耶,不 乞因其退,急

砦耶?此則不直,致寇之大者也。」劉摯曰:「不用兵雖美,然事有須用兵者,亦不可不用 西人之罪,皆朝廷不直之故。 也。」職奏曰:「夏兵十萬壓熙河境上,不於他處,專於所爭處殺人、掘崖巉,此意可見,此非 賜城砦,依經州例,以二十里爲界,十里爲堡鋪,十里爲草地。 直。夏人不從,朝廷遂不固執。蓋朝廷臨事,常患先易後難,此所謂先易者也。旣而許於非所 今欲於定西城與隴諾堡一抹取直,所侵夏地凡百數十里。 首侵夏地,一抹取直,夏人見從。又要夏界更留草地十里,夏人亦許。 決不當用。 朝廷須與夏人議地界伝了,欲用慶曆舊例,以彼此見今住處當中爲直,此理最簡 熙河輒敢生事,不守誠信,臣欲詰責帥臣耳。」後屢因邊兵深 隴諾祖宗舊疆,豈所謂非所賜城 要約纔定,朝廷又要兩砦界 凡此所謂後難者也。

伯無異。此三人者,非有大惡,但昔與王珪、察確輩並進,意思與今日聖政不合。 共闕四人,若並用似此四人,使黨類互進,恐朝廷自是不安靜矣。」議遂止。 后曰:「奈闕官何?」|轍曰:「尙書闕官已數年,何嘗闕事?今日用此二人,正與去年用鄧温 |蒲宗孟兵部尙書。|轍奏:「前除清臣,給諫紛然,爭之未定。今又用宗孟,恐不便。」 宣仁 時三省除李清臣吏部尙書,給事中范祖禹封還詔書,且言姚勔(む)亦言之。三省復除 見今尚書

入夏地,宣仁后遂從轍議。

紹 聖初,哲宗起李淸臣爲中書舍人,鄧潤甫爲尙書左丞。 二人久在外,不得志,稍復言

列傳

熙、豐事以激怒哲宗意。會廷試進士,清臣撰策題,卽爲邪說。 轍諫日:

之於前,子救之於後,前後相濟,此則聖人之孝也。 利無害, 黜罷 謁之私。 大有爲之志,其所設施,度越前古,蓋有百世不可改者。在位近二十年,而終身不受尊 [諸科誦數之學,訓練諸將慵惰之兵。 置寄祿之官,復六曹之舊,嚴重祿之法,禁交 裁損宗室、恩止袒免、滅朝廷無窮之費。出賣坊場、顧募衙前、免民間破家之息。 伏見御試策題,歷詆近歲行事,有紹復熙寧、<u>元豐之意。</u> 臣謂先帝以天縱之才,行 而元祐以來,上下奉行,未嘗失墜也。至於其他,事有失當,何世無之。父作 行淺攻之策以制西夏,收六色之錢以寬雜役。凡如此類,皆先帝之睿算,有

聖, 先帝嗣位,或請復舉其事,寢而不答,遂以安靜。 書梓宮, 真宗右文偃武,號稱太平,而羣臣因其極盛,爲天書之說。 上下恐懼,人懷不安。章帝卽位,深鑒其失,代之以寬厚、愷悌之政,後世稱焉。本朝 命,幾至大亂。 豈其薄於孝敬而輕事變易也哉?臣不勝區區,願陛下反覆臣言,愼勿輕事改易。 漢武帝外事四夷(10),內興宮室,財用匱竭,於是修鹽鐵、榷酤、均輸之政,民不堪 以泯其迹; 昭帝委任霍光,罷去煩苛,漢室乃定。 及仁宗聽政,絕口不言。 英宗自藩邸 夫以漢昭、章之賢,與吾仁宗、神宗之 光武、顯宗以察爲明,以讖決事, 入繼,大臣創濮廟之議。 章獻臨御,攬大臣之議,藏 及

若 [輕變九年已行之事,擢任累歲不用之人,人懷私忿,而以先帝爲辭,大事去矣。

萬餘言,不復與人相見。 原當國,又降朝請大夫,罷祠,居許州,再復太中大夫致仕。 置,移循州。 知袁州。 哲宗覽奏,以爲引漢武方先朝,不悅。 未至,降朝議大夫、試少府監,分司南京,筠州居住。三年,又責化州別駕,雷州安 徽宗即位,徙永州、岳州,已而復太中大夫,提舉鳳翔上清太平宮。 終日默坐,如是者幾十年。 落職知汝州。 政和二年,卒,年七十四。 居數月,元豐諸臣皆會於朝,再責 築室于許,號潁濱遺老,自作傳 崇寧中,蔡 追復端明殿

殆與兄賦相迫。 |轍性沉靜簡潔,爲文汪洋澹泊,似其爲人,不願人知之,而秀傑之氣終不可掩,其高處 所著詩傳、春秋傳、 古史、老子解、欒城文集並行於世。三子:遲、适、遜。

淳熙中, 謚文定。

族孫元老。

有 功, 元老字子廷。 轍亦愛獎之。 幼孤力學,長於春秋,善屬文。 黃庭堅見而奇之, 曰:「此蘇氏之秀也。」舉進士, 調廣都簿, 歷漢州教 献謫居海上,數以書往來。 軾喜其爲學

授、西京國子博士、通判彭州。

列

傳第

九 十

八

蘇

政和間,宰相喜開邊西南,帥臣多啖誘近界諸族使納土,分置郡縣以爲功, 致茂州蠻

與石 使倍 蠻跳 高; 日日 矣。」燾得 叛 乃降 帥 道往 泉 , 賊 梁 間 司遽下令招 道 井 山 必 一赴,賢 力合攻,賊腹背受敵,擒之必矣。」燾皆不能用, 自 書,即召與計 谷間,何 破。 青崖關趨刁溪, 彼 於官軍 降 降。 間 竊 而 十萬 發。 事 我受焉,則威懷之道得。 元老 也。 嘆曰:「威不足以服,則恩不足以懷。」乃移書成都帥周燾曰: 循 彼之所長,我之所 元老又策:「茂有 江 而行,其路 其次以爲變、陝兵大集,先以變兵誘其前, 夷以徑。 兩道,正道自 短, 今不討賊,旣招 惟 當使正 施 黔兩州兵可與爲敵。 竟得罪。 濕 山趨 兵 陣 而還, 濕 長平,絕嶺 後帥 山,而 必復 至, 陰出 级, 陝兵從其後,不 如 而 元 奇 若檄數千人, 上,其路險以 不発重用兵 兵擣 老策,蠻 此

司農、 除 國 衞 子 博 尉、太常 土,歷 祕書正 少卿 字、將作少監、比部考功員外郎, 尋除成都路轉運 副 使, 爲 軍

罷為 拒 提 答。 元老 點 外和 明道宮。 言者逐論 .內勁,不妄與人交。 元 元老蘇軾 老歎曰:「昔顏子附驥尾而名顯,吾今以家世坐累,榮矣。」未幾卒,年 從孫 , 梁師 且 爲 成方用事,自言爲軾 元站 邪說 其 /學術議 外子, 論, 頗 因 放||軾 一線欲 轍 見之, 不 且. 宜 水 在 其文, 中

一十-

七

有詩文行于時

尤,近古罕見。 摯不合。 力斥章、蔡,不主調停; 印。 自是不復及此,後非王廣廉傅會,則此議息矣。 若是者,咸宜若不及,然至論咸英邁之氣,因肆之文,轍爲咸弟,可謂難矣。 論 日·蘇轍論事精確,修辭簡嚴,未必劣於其兄。<br />
王安石初議青苗,轍數語柅之, 君子不黨,於轍見之。 ,及議回 河、雇役,與文彥博、司馬光異同,西邊之謀,又與呂大防、劉 職與兄進退出處,無不相同, 息難之中, 職寡言鮮然,素有以得安石之敬心,故能解 友愛彌篤, 元祐秉政, 無少怨

獨其齒爵皆優於兄,意者造物之所賦與,亦有乘除於其間哉

#### 校勘記

王廣廉 卷 一二潁濱遺老傳上改。 原作「王廣無」,據本書卷一七六食貨志、東都事略卷九三下蘇轍傳、 蘇檢欒城集後集

 $\subseteq$ 総捨 由己 「捨」原作「合」,據變城集後集卷一二顯濱遺老傳上、變城集卷四〇轉對狀改。

**=** 必軍行乏水 「乏」原作「之」,據欒城集後集卷一二頻濱遺老傳上、欒城集卷四〇請戶部復三司

舉河北河事及諸路都作院皆歸轉運司 「河北」的「河」字原舛「都作院」下,據同上書同卷同篇

諸案箚子改。

列 改。 傳 第 九 + 八 校 勘 記

一〇八三八

三三 諸 縣手力最爲 輕役 「縣」原作「役」,欒城集後集卷一三顯演遺老傳下、長編卷四四三都作「縣」

字,於義爲長,據改。

(子) 爲費七十餘貫 集卷一三潁濱遺老傳下、欒城集卷四三三論分別邪正箚子改。 「七十」原作「七千」,與上文「一歲之用,已爲三十六貫」之數不合。 據欒城集後

(中) 質孤勝如二堡 「質孤」原作「買孤」, 長編卷四四二作「智固」,音同。 據欒城集後集卷一三潁濱遺老傳下、 欒城集卷四六論西

朝廷須與夏人議地界 邊商量地界箚子改。 「須」、長編卷五六〇作「頃」,於義較長。

**元** 

〔売〕 8 姚勔 四夷 原作 「姚靦」,據欒城集後集卷一三潁濱遺老傳下、長編卷 四六五 改。

原作「四征」,據編年綱目卷二四、東都事略卷九三下本傳改。

# 宋史卷三百四十

## 列傳第九十九

# 呂大防 兄大忠 弟大鈞 大臨 劉摯 蘇頌

焉。 之,號曰「呂公泉」。 入縣,地勢高下,衆疑無成理。 呂大防字微仲,其先汲郡人。 大防進士及第,調馮翊主簿、永壽令。 大防用浅江水地置泉之法以準之,不旬日,果疏爲渠,民賴 祖通,太常博士。父蕡,比部郎中。 縣無井,遠汲於澗,大防行近境,得二泉,欲導而 通葬京兆藍田,遂家

與敵相接。 大防始均出納以平其直,事轉聞,詔立法禁,命一路悉輸租于官槪給之。 遷著作佐郎、知青城縣。 大防據要置邏,密爲之防,禁山之樵采,以嚴障蔽。 故時, 圭田栗入以大斗而出以公斗, 獲利三倍, 韓絳鎭蜀,稱其有王佐 民雖病不敢 青城外控汝

列傳第九十九 呂大防

入權鹽鐵判官。

骨而 蹇而 盡其餘年,則進退盡禮,亦何必過爲虛飾,使四人之誠,不得自達邪? 死塞上, 免以尸柩還家爲請, 亦不許。 罪者。」 紀 綱賞罰, 英宗郎: 不從; 不擇將 又言:「富弼病足請解機務,章十餘上而不納;張昪(己年幾八十,聰明已耗,哀乞骸 吳奎有三年之喪,以其子召之者再,遣使召之者又再;程戡辭老不能守邊,恐 帥; 位,改太常博士。 未厭四方之望者有五: 進用大臣而權不歸上; 大臣疲老而不得時退; 議論之臣裨益闕失,而大臣沮之,疆埸左右之臣,有敗事而被賞、舉職 御史闕,內出大防與范純仁姓名,命爲監察御史裏行。 陛下欲盡君臣之分,使病者得休,喪者得終, 老者得 外國驕 而 獲

欲加王以非正之號,使陛下顧私恩而違公義,非所以結天下之心也。」章累十數上,出知休 耳,皇天后土,實知所託 八事 生以爲子,沒而背之哉?夫人君臨御之始,宜有至公大義厭服天下, ,曰:主威不立,臣權太盛,邪議干正,私恩害公,遼、夏連謀,盜賊恣行,羣情失職,刑罰 是歲,京師大水,大防曰:「雨水之患,至入宮城廬舍, 會執政議濮王稱考,大防上言:「先帝起陛下爲皇子,館於宮中,憑几之命, 設使先帝萬壽,陛下猶爲皇子,則安懿之稱伯,於理不疑。 殺人害物,此陰陽之沴也。」即陳 以結 其心。 今大臣首 緒言在 豈可

神宗立,通判淄州。 熙寧元年,知泗州,爲河北轉運副使。 召直舍人院。 韓絳宣撫陝

謂 不可守, 命爲判官,又無河東宣撫判官,除知制誥。 大防留戍兵修堡障,有不從者斬以徇。 四年,知延州。 會環慶兵亂,絳坐黜, 大防昉欲城河外荒堆砦, 大防亦落 知制誥,

以太常博士知臨江軍。

其略曰:「『畏天之威,于時保之』,先王所以興也; 『我生不有命在天』, 云:『惟先格王,正厥事。』願仰承天威,俯酌時變,爲社稷至計。」除龍圖閣待制、知秦州。 數月 徙知華州。 華嶽摧, 自山屬渭河,被害者衆。 大防奏疏,援經質史,以驗時事。 後王所以壞也。

聞,務在寬民。 敎 士、重穀,治本之宜三也; 元豐初,徙永興。 容異同之論, 此納言之宜四也。 及兵罷,民力比他路爲饒, 神宗以彗星求言,大防陳三說九宜:日治本,日緩末,日納言。 治邊、治兵,緩末之宜二也,廣受言之路,寬侵官之罰,恕誹 累數千言。 供億軍須亦無乏絕。 時用兵西夏, 調度 進直學士。 百出, 有不便者 居數年, 養民、 知成 輒

之曰:「北朝試進士至心獨運賦(三), 獄,即其所杖之,他挾姦者皆遁去。 哲宗卽位,召爲翰林學士、權開封府。 館件契丹使。其使點,語頗及朝廷,大防密擿其隱事 不知此題於書何出?」使錯遌不能對, 有僧誑民取財,因訟至廷下。 驗治得情,命抱具 自是不敢復出 計

髪詞。

都府

情僞矣。 用 款者,蓋料我急於議和耳。今使者到關,宜令押伴臣僚,扣其不賀登極,以觀厥意,足以測 難 姚內斌、董遵誨守環、慶,西人不敢入侵。 保。 遷 更部尙書。 棄之則弱國,守之又有後悔,爲當奈何?」大防言:「夏本無能爲,然屢遣使而不布誠 新收疆土,議者多言可棄,此慮之不熟也。 夏使來,詔訪以待遇之計,且曰:「向者所得邊地,雖建立城堡,終慮孤絕 昔以二州之力,禦敵而有餘;今以九州之大, 至於守禦之策,惟擇將帥爲先。

將 鬼章青宜結犯邊。 元站 元年,拜尚書右丞,進中書侍郎,封汲郡公。 大防命洮州諸將乘間致討,生擒之。 西方息兵,青唐羌以爲中國怯,使大 奉邊而不足。

由是言之,在於得人而已。」

<sup>[梁]</sup>,使人主有欣慕不足之意。 門下侍郎,提舉修神宗實錄。 御書解釋上之, 寘于坐右。 又摭<u>乾興以來四十一事足以爲勸戒者,分上下篇,標曰仁祖聖</u> 呂公著告老,宣仁后欲留之京師。 大防見哲宗年益壯,日以進學爲急,請敕講讀官取仁宗 手札密訪至于四五,超拜大防尚書左僕射兼 邇英

澤之利當與衆共之,何用此也。』丁度曰:『臣事陛下二十年,每奉德音,未始不及於憂勤,此 蓋 祖宗家法爾。』」大防因推廣祖宗家法以進,曰:「自三代以後,唯本朝百二十年中外無事, 哲宗御邇英閣,召宰執、講讀官讀寶訓,至「漢武帝籍南山提封爲上林苑,仁宗曰:『山 法前代,但盡行家法,足以爲天下。」哲宗甚然之。 燕居必以禮。 常致敗亂。 恭,仁宗以妷事姑之禮見獻穆大長公主,此事長之法也。 諫,不好畋獵,不尙翫好,不用玉器,不貴異味,此皆祖宗家法,所以致太平者。 者誅戮,小者遠竄。惟本朝用法最輕,臣下有罪,止於罷黜,此寬仁之法也。 白,此尚儉之法也。 相見,唐入閤圖有昭容位。 蓋 力哉,亦欲涉歷廣庭,稍冒寒暑,此勤身之法也。 由 祖宗以來事 祖宗所立家法最善,臣請舉其略。自古人主事母后,朝見有時,如漢武帝五日一朝長樂 本朝母后之族皆不預,此待外戚之法也。 竊聞陛下昨郊禮畢, 具禮謝太皇太后, 此尙禮之法也。前代多深於用刑, 大 ,母后,皆朝夕見,此事親之法也。 前代人君雖在宮禁,出興入輦。 本朝宮禁嚴密,內外整肅,此治內之法也。 前代大長公主用臣妾之禮。 前代人主,在禁中冠服荷簡。 前代宮室多尙華侈。本朝宮殿止用赤 祖宗皆步自內庭,出御後殿。 前代宮闈多不肅,宮人或與廷臣 前代外戚多預政事 本朝必 陛下不須遠 至於虛己納 祖宗以來, 豈乏人 先致

不可干以私,不市恩嫁怨,以邀聲譽,凡八年,始終如一。 大防朴厚惷直,不植黨朋,與范純仁並位,同心戮力,以相王室。立朝挺挺,進退百官,

后崩。 懇乞避位,宣仁后曰:「上方富於春秋,公未可卽去,少須歲月,吾亦就東朝矣。」未果而 爲 Щ 陵使,復命 以觀文殿大學士、左光祿大夫知潁昌府。 尋改永興軍,使便其鄉社。

列傳

第

九

十九

呂大

防

者又以修神宗實錄直書其事爲誣詆,徙安州 正言張商英、御史周秩、劉拯相繼攻之,奪學士,知隨州,貶秘書監,分司南京,居郢州。 入辭,哲宗勞慰甚渥,曰:「卿暫歸故鄕,行卽召矣。」未幾,左正言上官均論其隳壞役法,右

問之。大防朴直爲人所賣,三二年可復相見也。」大忠泄其語於章惇,惇懼,繩之愈力。紹 吾死汝歸,呂氏尙有遺種。」遂薨,年七十一。大忠請歸葬,許之。 聖四年,遂貶舒州團練副使,安置循州。至虔州信豐而病,語其子景山曰:「吾不復南矣! 兄大忠自渭入對,哲宗詢大防安否,且曰:「執政欲遷諸嶺南,股獨令處安陸,爲股寄聲

賓客。 祭一本於古, 相交,患難相 徽宗卽位,復其官。 大防身長七尺,眉目秀發,聲音如鐘。 每朝會,威儀翼如,神宗常目送之。與大忠及弟大臨同居,相切磋論道考禮,冠 卿,有善則書于籍,有過若違約者亦書之,三犯而行罰,不悛者絕之。」 關中言禮學者推呂氏。嘗爲郷約日:「凡同約者,德業相 高宗紹興初,又復大學士,贈太師、宣國公,諡 自 一少持重,無嗜好,過市不左右游目,燕居如對 勸, 日正愍。 過失相規, 禮俗 香喪

秘書丞,檢詳樞密院吏、兵房文字。 大忠字進伯。 登第,爲華陰尉、晉城令。 令條義勇利害。 韓絳宣撫陝西,以大忠提舉永興路義 大忠言:「養兵猥衆,國用日屈,漢之屯 勇。 改

田,唐之府兵,善法也。 定國軍判官。 弓箭手近於屯田,義勇近於府兵,擇用一焉,兵屯可省矣。」爲簽書

**閤門使、知石州。** 復,知代州。契丹使蕭素、梁顯至代,設次,據主席,大忠與之爭,乃移次於長城北。換西上 以爲懷撫外國,恩信不洽,必致生患。罷不遣。 熙寧中,王安石議遣使諸道,立緣邊封溝,大忠與范育被命,俱辭行。 令與劉忱使契丹,議代北地,會遭父喪,起 大忠陳五不可,

終喪制。其後竟以分水嶺爲界焉 曰:「大忠之言,社稷大計,願陛下熟思之。」執政知不可奪,議卒不決,罷忱還三司,大忠亦 南,則何如?」|神宗曰:「卿是何言也?」對曰:「陛下旣以臣言爲不然,恐不可啓其漸。」 |忱 執政與大忠、忱議,將從其請。大忠曰:「彼遣一使來,即與地五百里,若使魏王英弼來求關 大忠數與素、顯會,凡議,屢以理折之,素、顯稍屈。 已而復使蕭禧來求代北地,神宗召

對,極論之,詔歸故官。 莫之與,甚大患也。」乃上生財、養民十二事。徙提點淮西刑獄。時河決,飛蝗爲災,大忠入 雖異而財無不同。今有司惟知出納之名,有餘不足,未嘗以實告上。故有餘則取之,不足 元豐中,爲河北轉運判官,言:「古者理財,視天下猶一家。朝廷者家,外計者兄弟,居

自犯麟府、環慶後,遂絕歲賜,欲遣使謝罪,神宗將許之。 元站 初 歷 |部郎中、||陜西轉運副使、知||陜州,以直龍圖閣知||秦州,進寶文閣待制。 大忠言:「夏人彊則縱,困則服, 夏

今陽爲恭順,實懼討伐。 時郡糴民粟,豪家因之制操縱之柄。大忠選僚寀自旦入倉,雖斗升亦受,不使有所壅 宜且命邊臣詰其所以來之辭,若惟請是從,彼將有以窺我矣。」

閼。民喜,爭運粟于倉,負錢而去,得百餘萬斛。

敢不肅。」 官則不可。 爲得師焉。 馬涓以進士舉首入幕府,自稱狀元。大忠謂曰:「狀元云者,及第未除官之稱也,旣爲判 今科舉之習旣無用,修身爲己之學,不可不勉。」又敎以臨政治民之要,涓自以 謝良佐教授州學,大忠每過之,聽講論語,必正襟斂容曰:「聖人言行在焉,吾不

未裕,士氣沮喪,非假之歲月,未易枝梧。」因請以職事對。大抵欲以計徐取橫山,自汝遮殘 非 與校,臣竊羞之。」紹聖二年,加寶文閣直學士、知渭州,付以秦、渭之事,奏言:「關、陝民力 迤邐進築,不求近功。 嘗獻言:「夏人戍守之外,戰士不過十萬,吾三路之衆,足以當之矣。彼屢犯王略,一不

量移,惇、布陳其所言與元祐時異,徙知同州,旋降待制致仕。卒,詔復學士官,佐其葬。 而 鍾傳城安西,王文郁亦用事,章惇、曾布主之,大忠議不合,又乞以所進職爲大防

延州 折博務。改光祿寺丞、知三原縣。請代費入蜀,移巴西縣。費致仕,大鈞亦移疾不行。 大鈞字和叔。父蕡,六子,其五登科,大鈞第三子也。中乙科,調秦州右司理參軍,監

涇陽縣, 韓絳宣撫陝西、河東,辟書寫機密文字。 皆不赴。丁外艱,家居講道。數年,起爲諸王宮敎授。求監鳳翔船務,制改宣 府罷,移知候官縣,故相曾公亮鎮京兆,薦知

義郎。

諤見其直,乃好謂曰:「子乃爾邪?今聽汝矣!」始許稷還。是時,微大鈞盛氣誚諤,稷且不 稷,先稷受禍矣!」大鈞怒曰:「公將以此言見恐邪?吾委身事主,死無所辭,正恐公過耳。」 鈞請於种諤。 即曰:「朝廷出師,去塞未遠,遂斬轉運使,無君父乎?」|諤意折,彊謂大鈞曰:「君欲以此報 會伐西夏,鄜延轉運司檄爲從事。旣出塞,轉運使李稷餽餉不繼,欲還安定取粮,使大 

膳飲、慶弔之間,節文粲然可觀,關中化之。尤喜講明井田兵制,謂治道必自此始,悉撰次 爲圖籍,可見於用。 大鈞從張載學,能守其師說而踐履之。居父喪,衰麻葬祭,一本於禮。後乃行於冠昏、 雖皆本於載,而能自信力行,載每歎其勇爲不可及。

未幾,道得疾,卒,年五十二。

傳第九十九 呂大防

列

大臨字與叔。 學于程頤,與謝良佐、游酢、楊時在程門,號「四先生」。 通六經,尤邃於

每欲掇習三代遺文舊制,令可行,不爲空言以拂世駭俗。

養德厲行,更學制以量才進藝,定試法以區別能否,修辟法以興能備用,嚴舉法以覈實得 常患不治。是所謂名實不稱,本末交戾。如此而欲得人而事治,未之有也。今欲立士規以 所堪。故入流之路不勝其多,然爲官擇士則常患乏才;待次之吏歷歲不調,然考其職事則 責,惟恐士之不至,不憂其競進也。今取人而用,不問其可任何事;任人以事,不問其才之 要,不過得人以治其事,如爲治必欲得人,惟恐人才之不足,而何患於多。如治事皆任其 人,制考法以責任考功,庶幾可以漸復古矣。」 士,常恐士之不至; 今以法待士,常恐士之競進。古今豈有異哉,蓋未之思爾。 其論選舉曰:「古之長育人才者,以士衆多爲樂;今之主選舉者,以多爲患。 夫 爲 國 之 古以禮聘

輕禮義爲不足學,人倫不明,萬物憔悴,此老成大人惻隱存心之時。以道自任,振起壞俗, 退、體力盛衰為之變哉?今大道未明,人趨異學,不入于脏,則入于釋。 疑聖人為未盡善, 道于朝,外則主教于鄉。古之大人當是任者,必將以斯道覺斯民,成已以成物,豈以爵位進 富弼致政于家,爲佛氏之學。大臨與之書曰:「古者三公無職事,惟有德者居之,內則論

世之所以望於公者哉?」弼謝之。 在公之力,宜無難矣。若夫移精變氣,務求長年,此山谷避世之士獨善其身者之所好,豈

而卒。 元祐中,爲太學博士,遷秘書省正字。 范祖禹薦其好學修身如古人,可備勸學,未及用

|沖、|清河令||黃澤皆以治行聞,人稱爲「<br/>|河朔三令」。 是絹爲錢千三百,綿七十有六。民歡呼至泣下,曰:「劉長官活我!」是時,擊與信都令李 可少寬邪?」居正曰:「正以一子,不可縱也。」十歲而孤,鞠於外氏,就學東平,因家焉。 曰:「獨一州六邑被此苦,決非法意,但朝廷不知耳。」遂告於朝。三司使包拯奏從其議,自 綿兩折錢三十,民多破產。擊援例旁郡,條請裁以中價。轉運使怒,將劾之。擊固請 劉摯字莘老,永靜東光人。兒時,父居正課以書,朝夕不少間。 中,擢甲科,歷冀州南宮令。縣比不得人,俗化凋敝,其賦甚重,輸絹匹折稅錢五 或謂:「君止一子,獨不

非所好也。 徙江陵觀察推官,用韓琦薦,得館閣校勘。王安石一見器異之,擢檢正中書禮房,默默 才月餘,爲監察御史裏行,欣然就職,歸語家人曰:「趣裝,毋爲安居計。」未及

列傳

陛對,卽奏論:「亳州獄起不止〔三〕,小人意在傾富弼以市進,今弼已得罪,願少寬之。」又言: 相,京師喧然,何以示四方?張靚、王廷老擅增兩浙役錢,督賦嚴急,人情嗟怨。 程時開漳河, 調發猝迫,人不堪命。 趙子幾擅升畿縣等,使納役錢,縣民日數千人遮訴宰 此皆欲以

臣願 取爲 收過與不及之俗,使會於大中之道,則施設變化,惟陛下號令之而已。」 長。 意,今變而爲煩擾; 羨餘希賞,願行顯責,明朝廷本無聚斂之意。」 容於其間。 用,特心之所向,不在乎義。 稍抑虛譁輕偽、志近忘遠、幸於苟合之人,漸察忠厚慎重、難進易退、可與有爲之士。 陛下虚心平聽,審察好惡,前日意以爲是者,今更察其非; 可恥,嗜利者以守道爲無能。 少孤獨學, 及入見,神宗面賜褒論。 今天下有喜於敢爲,有樂於無事。 不識安石也。」退而上疏曰:「君子小人之分,在義利而已。小人才非不足 陛下有均役之意,今倚以爲聚斂。其有愛君之心,憂國之言者,皆無以 故希賞之志,每在事先;奉公之心,每在私後。 因問:「卿從學王安石邪?安石極稱卿器識。」對曰:「臣東北 此風浸成,漢、唐黨禍必起矣。 彼以此爲流俗,此以彼爲亂常。 前日意以爲短者,今更用其 惟君子爲能通天下之志。 陛下有勸農之 畏義者以進

率,則非一法所能齊;隨其所宜,各自立法,則紛擾散殊,何以統率?一也。 率錢助役、官自雇人有十害, 其略曰::「天下州縣戶役, 虚實重輕不同。 新法謂版籍不 今等以爲 用鄉戶,家有常產,則必知自愛; 習之久矣。 今官自雇人, 直重則民不堪, 輕則人不願, 不免以力歐之就役, 九也。 所不 輸多 時升降,使民何以堪命? 實,故令別立等第。 姦,如近日 又概率錢以竭其所有,斯民無有悅而願爲農者,戶口當日耗失,七也。 **滅放之期**,五也。 皮。 了,二也。天下上戶少,中戶多。 今概使輸錢,則爲不幸,三也。 兩浙倍科錢數,自以爲功,八也。 穀、麥、布、帛,歲有所出,而助法必輸見錢,六也。 且舊籍旣不可信,今何以得其無失。不獨搔擾生事患,將使富輸少,貧 四也。 歲有豐凶,而役人有定數,助錢不可闕。 性旣愚實,則罕有盜欺。今一切雇募,但得輕猾浮僞之 上戶役數而重,故以助錢爲幸。 有司欲多得屋錢,而患上戶之寡,故不用舊籍,臨 差法近者十餘年,遠或二十年,乃一充役,民安 中戶役簡 二稅科買, 僥倖者又將緣法生 非若稅 而輕,下戶役 色目 賦有倚閣、 且役人必

職也。 向背,則臣所向者義,所背者利;所向者君父,所背者權臣。 天子不知利害之實!」即條對所難,以伸其說。且曰:「臣待罪言責,采士民之說以聞於上, 既作十難,且刻擊、繪欺誕懷向背。詔問狀,繪懼謝罪。擊奮曰:「爲人臣豈可壓於權勢,使 人,巧詐相餈,何所不至?十也。」 會御史中丞楊繪亦言其非,安石使張號作十難以詰之,號辭不爲,司農曾布請爲之。 今有司遽令分析,是使之較是非,爭勝負,交口相直,無乃辱陛下耳目之任哉!所謂 願以臣章丼司農奏宣示百官

考定當否。 如臣言有取,幸早施行,若稍涉欺罔,甘就竄逐。」不報。

求水利 其征 闔動搖,舉天下無一物得安其所者。 治者,誰致之耶?陛下注意以望太平,而自以太平爲己任,得君專政者是也。 臣所用者,誤大臣也。」疏奏,安石欲竄之嶺外,神宗不聽,但謫監衡州鹽倉。繪出知鄭州,號 旱,諸路大水,民勞財乏,縣官減耗。 走乞丐之人,其門如市。 變。 者,擯之爲無能;狹少儇辯者,取之爲可用;守道憂國者,謂之流俗;敗常害民者,謂之通 允,而均輸之法行; 亦落職。 凡政府謀議經畫,除用進退,獨與一 「利,則下至歷日,而官自鬻之。 摯明日復上疏曰:「陛下起居言動,躬蹈德禮, 夙夜厲精, 以親庶政。 ,行淤田,併州縣,興事起新,難以徧舉。 其議財,則市井屠販之人,皆召至政事堂。 摯乞詣鄆遷葬,然後奔赴貶所,許之。 均輸之法方擾,而邊鄙之謀動;邊鄙之禍未艾,而助役之事興。至於 今西夏之款未入,反側之兵未安,三邊瘡痍,流潰未定。 推此而往,不可究言。 蓋自青苗之議起,而天下始有聚斂之疑,青苗之議未 聖上憂勤念治之時,而政事如此,皆大臣誤陛下,而大 掾屬決之,然後落筆。 輕用名器,淆混賢否:忠厚老成 同列預聞, 反在其後。 天下未至於安且 。二三年間,開 河北 故奔

**羡以爲賞,弊減什七。父老目爲「學士鹽」。 久之,簽書南京判官。** 先是, 倉吏與綱兵姦利相市, 鹽中雜以僞惡, 遠人未嘗食善鹽。 會司農新令,盡斥賣天 摯悉意核視, 且儲其

命,建號所因。 於此 褻瀆慢,何所不爲,歲收微細,實損大體。欲望留此三廟,以慰邦人崇奉之意。」從之。又見 丘. 洞 主 ! 」往見留守張方平日:「獨不能爲朝廷言之耶?」方平瞿然,托擊爲奏曰:「閼伯遷商 廟,依坊場河渡法收淨利。 一祀大火,火爲國家盛德所乘,歷世尊爲大祀。 又有雙廟者,唐張巡、許遠孤城死賊,能捍大患。今若令承買小人規利,冗 南京閼伯廟歲錢四十六貫,微子廟十三貫。 微子, 宋始封之君, 開國此地, 本朝受 擎歎曰:「一至

閣,議新官制,除至禮部郎中,曰:「此南宮舍人,非他曹比,無出劉擊者。」即命之。俄遷右 司 郎中。 入同知太常禮院。 元豐初, 改集賢校理、知大宗正寺丞,爲開封府推官。 神宗開天章

否。 燕坐,時賜延對,執經 入侍。 支部 其人也。 或不便擊所請,坐以開封不置曆事罷歸。 初, 陛下春秋鼎盛,在所資養。 宰掾每於執政分廳時,請間白事,多持兩端何意指。 郎中,改祕書少監,擢侍御史。 仁宗皇帝盛年嗣服,用李維、晏殊爲 誦 說,以廣睿智,仰副善繼求治之志。」 願選忠信孝悌、惇茂老成之人,以充勸講進讀之任,便殿 上疏曰:「昔者周成王幼沖踐祚,師保之臣,周公、 明 年, 侍讀 起 知滑州 ,孫奭、馮元爲侍講,聽斷之暇,召使 擊始請以公禮聚見,共決可 哲宗即位,宣仁后同聽政,

皆陛下所宜取法。」哲宗然之。 音,木也,故畏庚辛。」哲宗問:「果當避否?」擊進曰:「陰陽拘忌, 用上辛,此豈可改也?漢章帝以反支日受章奏,唐太宗以辰日哭張公謹,仁宗不避庚戌日, 他 講筵進讀,至仁宗不避庚戌臨奠張士遜,侍讀曰:「國朝故事,多避 聖人不取, 國音。 如正 月祈穀必 國朝角

進忠良,通壅塞,以答天戒。」 於外,可謂不肅。政令二三,舒緩不振。比日日青無光,風霾昏曀,上天警告,皆非小變。 徵肅,時雨若。』五行傳:『政緩則冬旱。』今廟堂大臣,情志乖睽,議政之際,依違排狠,語播 增補臺諫,並許言事。」時蔡確、章惇在政地,與司馬光不相能。 擊又言:「諫官御史員缺未補,監察雖滿六員,專以察治官司公事,而不預言責。 擊因久旱上言:「洪範:『庶 臣請

碎,以慰安民心。 奏確不引咎自劾。 誠無是請,則數君莫大於此。」又疏確過惡大略有十,論章惇凶悍輕悅,無大臣體,皆 察確爲山陵使,神宗靈駕發引前夕不入宿,擊劾之,不報。 擊謂:「使確誠有是請,不言於先朝,爲不忠之罪;言於今日,爲取容之 無何,確上表自陳,嘗請收拔當世之耆艾,以陪輔王室,蠲省有司之煩 及使回,既朝即視事,擊义

初,神宗更新學制,養士以千數,有司立爲約束,過於煩密。 擊上疏日:「學校爲育材首

能去。

教諭無所施,質問無所從,月巡所隸之齋而已。 乎?願罷其制。」 者之行而應乎上。若以小人、犬彘遇之,彼將以小人、犬彘自爲,而况以此行於學校之間 學校如此,豈先帝所以造士之意哉?治天下者,遇人以君子、長者之道,則下必有君子、長 齋,詩博士兼巡書齋,所至備禮請問,相與揖諾,亦或不交一言而退,以防私請,以杜賄 禁,煩苛愈於治獄,條目多於防盜,上下疑貳,以求苟免。 帝體道制 善之地,敎化所從出,非行法之所。 法,超漢軼唐,養士之盛,比隆三代。 雖羣居衆聚,帥而齊之,不可無法,亦有禮義存焉。 齋舍旣不一,隨經分隸,則又易博士兼巡禮 然而 比以太學屢起獄訟,有司 甚可怪者,博士、諸生禁不相見, 緣 此造爲法

憲數月,正色彈劾,多所貶黜,百僚敬憚,時人以比包拯、呂晦。 又請雜用經義、詩賦取士,復賢良方正科,罷常平、免役,引朱光庭、王巖叟爲言官。執

然也。 數人者,皆以非法掊克,市 概定差, 薄之行; 元 今因革之政本殊,而觀望之俗故在。 一路爲之騷動者。 朝廷務在寬大,下必有荷簡之事。 進害民,然非欲使之漫不省事。 朝廷察其如此, 擊上疏曰:「上之所好,下必有甚。 固已黜之矣。 昨差役初行,監司已有迎合爭先,不校利害,一 習俗懷利,迎意趨和,所爲近似,而非上之意本 以是觀之,大約類此。 昧者不達, 矯枉 朝廷意在總覈,下必有刻 過正,顧可不爲 向 來馴

列

傳

之禁哉?請立監司考績之制。」

諫官 是, 否?」擊曰:「陛下審察毀譽每如此,天下幸甚! 宣仁后怒, 而後進,恐宗愈亦所未安。」宣仁后意解,觀得補郡 拜 尙 書 石 丞, 將 連進左丞、中書侍郎,遷門下侍郎。 加深譴。 擊開救甚力,簾中厲聲曰:「若有人以門下侍郎爲姦邪, 然願顧大體、宗愈進用,自有公議,必致貶 胡宗愈除右丞,諫議大夫王覿疏其非 去。 甘受之

僕射 此 識 小 不 人也, 逮 擊與同列奏事論人才, 而忠實有餘,次也;有才而難保,可藉以集事,又其次也。 終不可用。」哲宗及宣仁后曰:「卿常能如此用人,國家何憂!」六年,拜尙書右 擊日:「人才難得,能否不一。 性忠實而才識有餘,上也; 懷邪觀望, 隨時勢改變,

恕,勇於去惡,竟爲朋讒 辨 白邪正,專以人物處心,孤立一意,不受謁請。 干朝廷。 擊性附直,有氣節,通達明銳,觸機輒發,不爲利忧威誘。 與呂大防同位,國家大事,多決於大防,惟進退士大夫,實執其柄。 奇 中。 子弟親戚入官,皆令赴銓部以格調選,未 自初輔政至爲相,修嚴 然持心少

復」之語。 先是, 排岸官茹東濟,傾險人也,有求於擊,不得,見其書,陰錄以示御史中丞鄭雍、侍 邢恕謫官永州,以書抵擊四。 擊故與恕善,答其書,有「永州佳處,第往以俟休

州 |后曰:「垂簾之初,|擊排斥姦邪,實爲忠直。但此二事,非所當爲也。」以|觀文|殿學士罷 納,爲牢籠之計,以冀後福。宣仁后於是面喻擊曰:「言者謂卿交通匪人,爲異日地,卿當 俟他日太皇太后復子明辟也。」又章惇諸子故與擊之子游,擊亦間與之接。 御 史楊畏。 給事 若章惇者,雖以宰相處之,未必樂也。」擊皇懼退,上章自辨,執政亦爲之言。 中朱光庭駁云:「摯忠義自奮,朝廷擢之大位,一旦以疑而罷,天下不見其過。」光 二人方交章擊擊,遂箋釋其語上之,曰:「『休復』者,語出周易,『以俟休復』者 维、畏謂延見接 宣仁 知軍

住 誇, 貶鼎州 恨。 紹 正 將行,語諸子曰:「上用章惇,吾且得罪。 慮意 聖 初,來之邵、周秩論擊變法、棄地罪,奪職知黃州,再貶光祿卿,分司南京,蘄州居 團 在報復,法令益峻,奈天下何 練副使,新州安置。 惟一子從。 憂形於色,無一 若厚顧國 家人涕泣願侍,皆不聽。 事,不遷怒百姓,但責吾曹,死 言及遷謫意。 至數月,以疾卒,年 四年,陷 邢恕之 無 所

庭亦罷。

七年,徙大名,又爲雍等所遏,徙知青州

遂除 以『粉昆』,必欲以 ,入朝之計 初, 擊與呂大防爲相,文及甫居喪, 未 | 眇躬爲甘心快意之地,可爲寒心。 | 其謂司馬昭者,指呂大防獨當國 可必。當 「塗猜怨於鷹揚者益 在洛怨望,服除, 深,其 徒實繁。 恐不 司馬昭之心,路 得京官,抵書邢恕曰:「改月 人所 知也,濟之

列

傳

第

又問實狀,但云:「疑其事勢如此。」會擊卒,京奏不及考驗,遂免其子官,與家屬徙英州,凡 託其亡父嘗說司馬昭指劉擊,「粉」謂王嚴叟面白如粉,「昆」謂梁燾字况之,「况」獨「兄」也。 蔡京、安惇雜治,逮問及甫。 察渭,渭上書訟擊及大防等十餘人陷其父確,謀危宗社,引及甫書爲證。 三年,死於瘴者十人。 元祐諸人事不已,因是欲殺擊及梁燾、王嚴叟等。 粉昆」者,世以 |駙馬都尉爲「粉侯」,韓嘉彥尙主,以兄忠彥爲「粉昆」也。 及甫元祐末德大防除權侍郎,又忠彥雖罷,哲宗眷之未衰, 以爲擊有廢立之意, 遂起同文館獄, 時章惇、蔡卞誣 恕以書示蔡碩、 用

外,復擊中大夫。 徽宗立,詔反其家屬,用子跂請,得歸葬。 察京爲相,降朝散大夫。後又復觀文殿大學士、太中大夫。 **跋又伏闕訴及甫之誣,遂貶及甫幷渭於湖** 紹興初,贈少

師,諡曰忠肅

孫,先行實,後文藝。 學,其宪三禮,視諸經尤粹。 摯嗜書,自幼至老,未嘗釋卷。家藏書多自讎校,得善本或手抄錄,孜孜無倦。 每日:「士當以器識爲先,一號爲文人,無足觀矣。」 晚好春秋,考諸儒異同,辨其得失,通聖人經意爲多。 少好體 其敎子

| 跋能爲文章, 遭黨事, 爲官拓落, 家居避禍, 以壽終。

民駭 謝去,或半途思其言而止。 謝。 互問 知 江 寧縣。 凡民有忿爭,頌喻以鄉黨宜相親善,若以小忿而失歡心,一旦緩急,將何賴焉。 懼,皆不敢隱。 民鄰里丁產,藏其詳。及定戶籍,民或自占不悉,頌警之曰:「汝有某丁某產,何不言?」 蘇 頌字子容,泉州南安人。 父紳,葬潤州丹陽, 時建業承李氏後,稅賦圖籍,一皆無藝,每發斂,高下出吏手。 途剗剔夙蠹,成賦一邑,簡而易行, <br />
諮令視以爲法, 至領其民拜庭下以 時監司王鼎、王綽、楊紘於部吏少許可, 及觀頌施設, 則曰:「非 因徙居之。 第進士,歷宿州觀察推官、 頌 因治訊 民往往 他事,

其用心 異日 時杜衍老居睢陽,見頌,深器之,曰:「如君,眞所謂不可得而親疏者。」衍又自謂平生人罕見 必爲此官,老夫非以自矜也。」故頌後歷政,略似衍 調 處, 南京留守推官,留守歐陽脩委以政,曰:「子容處事精審,一經閱覽,則脩不復省矣。」 逐自 小官以至爲侍從、宰相所以施設出處, 云。 悉以語頌, 曰:「以子相知,且知子

吾所及也。」

頌議以為:「禮, 則子孫無以繼承宗祀,是有廟者止於其躬,子孫無爵,祭乃廢也。 站 五 一年,召試館閣校勘,同知太常禮院。 大夫士有 田則祭, 無出 則薦, 是有土者乃爲廟祭也。 至和中,文彥博爲相,請建家廟,事下太常。 有田 若參合古今之制,依 則 有 餌, 無土無

列

第

九

+

九

用

燕器常食而已。」

約 爵之令,爲之等差, 錫以土田, 然後廟制可議。 若猶未也,卽請考案唐賢寢堂祠饗儀,

皇后 不當 之諡,則不爲逼矣。」公亮歎 言。」公亮 重矣。」 於后 廢之悔。 此 嘉 則 頌日 祐 日:「議者以謂陰逼母后,是恐萬歲後配祔之意。」頌曰:「若加一『懷』、『哀』、『愍』 廟,以成追復之道。」衆論未定,宰相曾公亮問曰:「郭后,上元妃, 無 中, 可廢之事。 又云:『可追復皇后,其祔廟諡册並停。』此則有合祔廟及諡册之義 詔禮院議立故郭皇后神御殿于景靈宮, 國 朝三聖,賀、尹、 又云:『朕念其自歷長秋,僅周一紀,逮事先后,祗奉寢園 重 潘皆元妃, 事體正相類。 )頌 謂: 今止祔后廟,則豈得有同異之 「敕書云: 同向 若祔 因忿鬱, 廟 . ⊑ 請祔 偶 則 此 失謙 則有 事 體 郭

泣 其 怡,香嫁以 廉 日:「身雖 派退,以 遷集賢校理,編 知潁 時 夷人,然見義則服,平生誠服者, 妻子 州 ,衣食常 定 通 書籍。 判趙至忠本邊徽降者,所至與守競,頌待之以禮,具 不 給,而處之晏如。 頌在館下九年,奉祖母及母,養姑姊妹與外族數十人,甘旨融 唯公與韓魏公耳。」 富弼 嘗 稱頌爲古君子,及與韓琦爲 盡誠意。 相,同 至 忠 感

可 強賦乎?量其有無, 崩, 建 Ш 陵, 有司 事亦隨集。」英宗卽位, 以不 時難得之物 厲 諸 召提點開封府界諸縣鎭公事 郡。 頌曰:「遺詔 務從儉約,豈 有 頌言:「周制 土 產 而

武備 以謂:「巡檢、縣尉,但能捕盜,而不能使人不爲盜,能使其不爲盜者,縣令也。 以備非常。」明年,飢民果乘虛犯長垣,戕官吏,如頌慮。 所以臨制四方,爲國藩衞。 之害,而長官不任其責,可乎?」 六軍出於六鄉,在三畿四郊之地, 唐設十二衞,亦散布畿內郡縣,又以關內諸府分隸之,皆 殊闕。今中牟、長垣都門要衝,二鄙驛置皆由此,而舊不屯兵,関無防守,請置營益 國朝禁兵,多屯京師及畿內東南諸縣,雖饋運爲便至,而 頤又請以獲盜多寡爲縣令殿最法, 且民罹剽劫 西邊

**遂聞京師,神宗疑焉,頌使還,入奏,稱善久之。 命爲淮南轉運使。** 納,徐使防卒撲滅之。初火時,郡人洶洶,唱使者有變,救兵亦欲因而生事,賴頌安靜而止。 遷度支判官。送契丹使,宿恩州,驛舍火,左右請出避,頌不動。 召修起居注云,擢知制 州兵欲入救,閉門不

語、知通進銀臺司、知審刑院。

輔有間 仲宣 黥之,使與徒隸爲伍,雖其人無可矜,所重者,汚辱衣冠耳。」遂觅杖黥,流海外,遂爲定法。 究,其利甚微,土人憚興作,以金八兩屬仲宣(+)不差官比校,止係違令,可比恐喝條, 視希 一均爲 時 矣。」神宗曰:「冤杖而黥之,可乎?」頌曰:「古者刑不上大夫,仲宣官五品,今貸死而 知金州張仲宣坐枉法贓罪至死,法官援李希輔例,杖脊黥配海島。頌奏曰:「希輔 在法,情有輕重。 希輔知台,受財數百千,額外度僧。仲宣所部金坑,發傲巡檢體

列

傳

第九十九

蘇頌

同異,州縣莫知適從。乞與常平、衆役一切付之監司,改提舉爲之屬,則事有統一,而 :「提舉青苗官不能體朝廷之意,邀功爭利, 務爲煩擾。 且與諸 司不相臨統, 於更 文移

張之政無所損也。」不從。

博 頭。 用才,度越常格,然隳紊法制,所益者小,所損者大,未敢具草。」次至李大臨,亦封還。 員 曰:「去年詔,臺官有闕,委御史臺奏舉,不拘官職高下。」]頌與大臨對曰:「從前臺官,於太常 人異行,亦不至超越資品。今定不由銓考, 擢授朝列; 不緣御史, 薦寘憲臺。 知 土 必 更改 制誥,歸工部郎中班,天下謂頌及敏求、大臨爲「三舍人」。 塗奔競之人,希望不次之擢,朝廷名器有限,焉得人人滿其意哉!」執奏不已,於是並落 郎,非謂選 士以上、中行員外郞以下舉充。後爲難得資敍相當,故朝廷特開此制。 復下,頌當制,頌奏:「祖宗朝,天下初定,故不起孤遠而登顯要者。」眞宗以來,雖有幽 大臣薦秀州判官李定,召見,擢太子中允,除監察御史裏行。 中允也。 人亦許奏舉。若不拘官職高下,并選人在其間,則是秀州判官亦可爲裏行,不 今定改京官,已是優恩,更處之憲臺,先朝以來,未有此比。倖門一啓,則 宋敏求知制誥, 止是不限博士、 雖朝廷急於 封還詞

忽自正。 歳餘 母甫及岸,舟乃覆,人以爲純孝所感。 知婺州 方泝桐廬,江水 、暴迅 ,舟横欲覆,母在舟中幾溺矣,頌哀號赴水救之,舟 徙亳州,有豪婦罪當杖而病,每旬檢之,未

頌曰:「萬 譙 簿鄧元字謂頌子曰:「尊公高明以政稱, .事付公議,何容心焉。 若言語輕重,則人有觀望,或致有悔。」旣而婦死,元字 豈可爲一婦所紿。 但諭醫如法檢, 自不 誣

慙曰:「我輩狹小,豈可測公之用心也。」

償。」頌曰:「吾釋汝,使汝營生,奉衣食之餘,悉以償官,期以歲月而足,可乎?」皆謝不敢 選知杭州。 也。」頌聞之,笑而不應。凡更三赦, 負,果如期而足。 加 集賢院學士、知應天府。 一日,出遇百餘人,哀訴曰:「某以轉運司責逋市易緡錢,夜囚晝繫, 呂惠卿嘗語人曰:「子容,吾鄉里先進,苟一詣我,執政可得 大臨還侍從,頌纔授秘書監、知通進銀臺司 雖 吳越饑, 死無以

卿所 終不服。」至宣帝 [頌曰:「曆家算術小異,遲速不同,如亥時節氣交,猶是今夕;若踰數刻,則屬子時,爲明日 也。 政,上下相安,未有 對殊善。」 或先或後,各從其曆可也。」北人以爲然。使還以奏,神宗嘉曰:「朕嘗思之,此最難處, 及修兩朝正史,轉右諫議大夫。使契丹,遇多至,其國曆後宋曆一日。北人問孰爲是, 强宴客<u>有美堂,或告將兵欲亂,頌密使捕渠領十輩,荷校付獄中,</u>迨夕會散, 因問其山川、人情向背,對曰:「彼講和日久,頗竊中國典章禮義,以維持其 離貳之意。 呼韓單于稽首稱藩。 昔漢武帝自謂:『高皇帝遺朕平城之憂,雖久勤征討,而 唐自中葉以後, 河湟陷于 ·吐蕃, 憲宗每讀貞觀 坐客不知 匈 奴

列傳第

九 十

九

蘇頌

要,慨然有收 復意。 至宣宗時,乃以三關、七州歸于有司。由此觀之,外國之叛服不常,不繫

中國之盛衰也。」頌意蓋有所諷,神宗然之。

臥治之比。 元 豐 初,權知開封府, 有僧犯法, 事連祥符令李純, 頗嚴 鞭朴。 謂京師浩穰,須彈壓,當以柱後惠文治之, 頌置不治。 御史舒亶糾其故縱, 贬秘書監、 非亳、潁

濠州

之使重。」獄久不決。至是,移之大理。意頌前次請求,移御史臺逮頌對。 寬世儒夫婦,帝召頌曰:「此人倫大惡,當窮竟。」對曰:「事在有司,臣固不敢言寬,亦不敢 當厚餉汝輩。」旣而母爲婢所殺,開封治獄,法吏謂李不明言使殺姑,法不至死。 毋重困辱。」頌曰:「誣人死,不可爲已,若自誣以獲罪,何傷乎?」即手書數百言伏其 帝覽奏牘,以爲疑,反覆究實,乃大理丞置種民增減其文傅致也,由是事得白。 初,頌在開封,國子博士陳世儒妻|李惡|世儒庶母,欲其死,語羣婢曰:「博士一日 御史曰:「公速 或潛頌欲 .持喪, 同列

神宗謂三代、兩漢本無文武之別,議者不知所處。 頌言:「唐制吏部有三銓之法,分品秩而 道,久而自明。」頌頓首謝。召判尙書吏部兼詳定官制。 未幾,知河陽,改知滄州。入辭,帝曰:「朕知卿久,然每欲用,輒爲事奪,命也夫! 唐制,東部主文選,兵部主武 選 卿直 獨以嘗因人語及<u>世</u>儒帷薄事,頌應曰:「然。」以是爲泄獄情,罷郡

掌選事。 今欲文武 | 歸吏部,則宜分左右曹掌之,每選更以品秩分治。」於是吏部始有四

選法。

式 年。」曰:「果然, 皆無所考據, 因 [陛對,神宗謂頌曰:「欲修一書,非卿不可。 非卿不能如是之敏也。」及書成,帝讀[序]引,喜曰:「正類序]卦之文。」賜名 但患修書者遷延不早成耳。 然以卿度,此書何時可就?」頭曰:「須一二 契丹通好八十餘年,盟誓、聘使、禮幣、儀

宗子繼祖者,以異於衆子孫之法。 降殺,亦近古立宗之法。乞詔禮官、博士參議禮律,合承重者,酌古今收族主祭之禮,立爲 宗、小宗、主祭、承重之義,則喪服從而異制,匹士庶人亦何預焉。 魯衞信錄 部侍郎,遷光祿大夫。遭母喪,帝遣中貴人唁勞,賜白金千兩 重,不知爲承大宗之重也。 年,生而情禮則一,死而喪服獨異,恐非先王制禮之本意。世俗之論,乃以三年之喪爲承 立,尊卑亦無所統,其長子孫與衆子孫無以異也。今五服敕,嫡孫爲祖、父爲長子猶斬衰三 帝嘗問宗子主祭、承重之義,頌對曰:「古者貴賤不同禮,諸侯、大夫世有鹤祿, 臣聞慶曆中,朝廷議百僚應任子者,長子與長孫差優與官,餘皆 士庶人不當同用一律,使人知尊祖,不違禮敎也。」除吏 近代不世爵,宗廟因而 故有大

元祐初,拜刑部尚書,遷吏部兼侍讀。奏:「國朝典章,沿襲唐舊,乞詔史官采新、舊唐書

爲規 中君 患大矣。 戒、有補 臣所行 今守成之際,應之以無心,則無不治。」每進讀至弭兵息民,必援引古今,以動 月日 時事者,必述己意,反復言之。 進數事,以備聖覽。」遂詔經筵官遇非講讀日,進漢、唐故事二條。 又謂:「人主聰明,不可有所嚮,有則 偏,偏 頌 每進可 則爲

用之。 力。時至刻臨,則司辰出告。星辰躔度所次,占候則驗,不差晷刻,晝夜晦明,皆可推見,前 此 未有也。 旣 授以古法,爲臺三層,上設渾儀,中設渾象,下設司辰,貫以一 又請別製渾儀,因命頌提舉。 頌旣邃於律曆,以吏部令史韓公康曉算術,有 機,激水轉輪,不假人 巧思,奏

者服,乃退;其不服,頌必往復詰難,度可行行之,苟有疑,則爲奏請,或建白都堂。故選官 處,仍引合用條格,具委無漏落狀同上。自是東不得逞。 **頤前後掌四選五年,每選人改官,吏求垢瑕,故爲稽滯。** 每訴者至,必取按牘使自省閱,訴 頌敕吏曰:某官緣某事當會某

其國立之。」衆議如其請。 骨已死,國 遷 翰林學士承旨。 人未知所立。 五年,擢尚書左丞。嘗行樞密事。邊帥遣种朴入奏:「得諜言,阿里 契丹官趙純忠者,謹信可任,願乘其未定,以勁兵數千,擁純忠入 <u>頌</u>曰:「事未可知,其越境立君,使彼拒而不納,得無損威重乎?

多感德,其不得所欲者,亦心服而去。

徐 .觀其變,竣其定而撫輯之,未晚也。」已而阿里骨果無恙。

南,辭不行,告老,以中太一宮使居京口。 畏、來之邵謂稽留 州,頌言:「易在御史名敢言,旣爲監司矣,今因赦令,反下遷爲州,不可。」爭論未決。諫官楊 授任,杜絕僥倖之原,深戒疆埸之臣邀功生事。 七 年,拜右僕射兼中書門下侍郎(云)。 「韶命,頌遂上章辭位,罷爲觀文殿大學士、集禧觀使, 紹聖 頌爲相,務在奉行故事,使百官守法遵職。 四年,拜太子少師致仕。 論議有未安者,毅然力爭之。賈易除知蘇 繼出知揚州。 徙河 量能

語。 子太保, 決於宣仁后,哲宗有言,或無對者。 及貶元祐故臣,御 方頌執政時,見哲宗年幼,諸臣太紛紜,常曰:「君長,誰任其咎耶? **臂累趙郡公。** 建中靖國元年 史周秩劾頌。 惟頌奏宣仁后,必再稟哲宗;有宣 ·夏至,自草遺表,明日卒,年八十二。 哲宗曰:「頤知君臣之義,無輕議此老。」徽宗立, 諭,必告諸臣以 」每大臣奏事,但取 詔輟視 朝二日, 一聽聖

流、百家之說,至 頌器局 閎 遠,不與人校短長,以禮法自持。 於圖緯、律呂、星官、算法、 山經、本草,無所不 雖貴, 奉養如寒士。 通。 尤明典故,喜爲 自書 契以 來, 經 人言,亹 一史、九

嘗議學校,欲博士分經; 列 傳 第 九 + 九 蘇 頌 課試諸生,以行藝爲升俊之路。 校 勘 記 議貢舉,欲先行實而後文藝, 〇八六七

亹不絕。

朝廷有

所制作,必就

而

IE.

焉

贈

司空。

去封 **,彌、謄錄之法,使有司參考其素,行之自州縣始,庶幾復鄉貢里選之遺範。** 論者韙之。

物者自有以相之歟? 之義,卒免仲宣於黥。 汚,世稱其明哲保身。 辨甚嚴,終以直道愠於羣小,遂與大防並死於貶,士論寃之。 之治,比隆嘉祐,其功豈易致哉!大防疏宋家法八事,言非溢美,是爲萬世矜式。 論曰:大防重厚,擊骨鯁,頌有德量。 自是宋世命官犯贓抵死者,例不加刑,豈非所爲多雅德君子之事,造 然觀其論知州張仲宣受金事,犯額辨其情罪重輕, 三人者,皆相於母后垂簾聽政之秋,而能使元 頌獨巋然高年,未嘗爲 又陳刑不上大夫 摮 **多**邪所 正 郊之

#### 校勘記

- (1) 張昪 原作「張昇」,參考本書卷三一八校勘記(1)。
- =至心 獨 運賦 琬琰集下編卷一六呂汲公大防傳作「聖心獨悟賦」。
- 亳州 獄 起不 而起獄不止」 止 「不」字原脫,「止」原作正。按劉擊忠肅集卷三乞結絕亳州獄奏, 句;劉安世忠肅集序也說:「即上疏論亳州獄起不止, 小臣意在傾故相 有「遂成大

富弼以市進。」今補改。

- (国) 以書抵擊 「摯」原作「處」,據本書卷三四二鄭雍傳、琬琰集下編卷一三劉右丞摯傳改
- 至 雖饋運爲便 「便」原作「使」,據文義和東都事略卷八九本傳改。
- (K) 召修起居注 「修」字原脫,據同上書同卷同篇補。
- (4) 原作「仲容」,此處所記係張仲宣事,則受金者當即仲宣;「容」字當爲「宜」字之訛。 同上

書同卷同篇正作「仲宣」,據改。

3 拜右僕射棄中書門下侍郎 射兼中書侍郎蘇頌龍。」本書卷二一二字輔表、宋字輔編年錄卷一〇亦都無「門下」二字。 夫、守尚書右僕射

泉中書侍郎」。 宋會要職官七八之二七:「八年三月七日,光祿大夫、尚書右僕 按宋大詔令集卷五七右丞蘇頌拜右僕射制:蘇頌「可特授右光祿大 疑用

# 宋史卷三百

## 列傳第一百

### 王存 孫固 趙瞻 傅堯俞

方尙雕篆,獨爲古文數十篇,鄉老先生見之,自以爲不及。 |王存字正仲,潤州丹陽人。 幼善讀書,年十二,辭親從師于江西,五年始歸。 時學者

所知。 財,豪賂他官變其獄,存反爲罷去。久之,除密州推官。修潔自重,爲歐陽脩、呂公著、趙槩 少貶以干進。嘗召見便殿,累上書陳時政,因及大臣,無所附麗,皆時人難言者。 太常禮院。 慶曆六年,登進士第,調嘉興主簿,擢上虞令。豪姓殺人,久莫敢問,存至,按以州吏受 治平中,入爲國子監直講,遷祕書省著作佐郎,歷館閣校勘、集賢校理、史館檢討、知 存故與王安石厚,安石執政,數引與論事,不合,卽謝不往。存在三館歷年,不

元豐元年,神宗察其忠實無黨,以爲國史編修官、修起居注。 時起居注雖日侍,而奏事 一〇八七一

列 傳

第

百

王 存

必 稟中書俟旨。 存乞復唐貞觀左右史執筆隨宰相入殿故事,神宗韙其言,聽直前奏事,自

如周禮。 存始也 議法治獄者,多乞不以赦降原減。官司謁禁,本防請託,而弔死問疾,一切杜絕,皆非便也 忠非大過者,隨材召擢,以備官使。 明年 ,以右正言、知制誥、同修國史兼判太常寺。 官制行,神宗切於用人,存請自熙寧以來羣臣緣論事得罪,或詿誤被斥而 語合神宗意,收拔者甚衆。 論圜丘合祭天地爲非古,當親祠北郊 又言:「赦令出上恩,而 情 比歲 實納

元祐 財費,不踰時告備,宰相乘間復徙之兵部。太僕寺請內外馬事得專達,毋隸駕部。 故,又按民廬侵官道者使撤之。二謀出自中人,旣有詔矣。存曰:「此吾職也。」入言之。 執政不悅 日弛其役,都人驩呼相慶。進樞密直學士,改兵部尚書,轉戶部。神宗崩,哲宗立,永裕陵 「如此,官制壞矣。先帝正省、臺、寺、監之職,使相臨制,不可徇有司自便,而隳已成之法。」 初,還戶部,固辭不受。 二年,拜中大夫、尚書右丞。 三年,遷左丞。 五年,遷龍圖閣直學士、知開封府。京師並河居人,盜鑿汴隄以自廣,或請令培築復 存言:

計。 且先帝不憚艱難而爲之,旣已就緒,無故而廢之,不可。」門下侍郎韓維罷,存言:「去 有 建議 麗教畿內保甲者,存言:「今京師兵籍益削,又廢保甲不教,非國家根本久長之

正人; 天下失望, 忠黨沮氣, 讒邪之人爭進矣。」 又論杜純不當罷侍御史, 王覿不當罷

諫官

學士、知揚州。揚、潤相去一水,用故相例,得歲時過家上冢,出賜錢給鄰里,又具酒食召 無成功。」卒輟其役。蔡確以詩怨訓,存與范純仁欲薄其罪,確再貶新州,存亦罷,以端明殿 術之意。」河決而北幾十年,水官議還故道,存爭之曰:「故道已高,水性趨下,徒費財力,恐 生之,而朝廷破例殺之,可乎。」又言:「比廢進士專經一科,參以詩賦,失先帝黜詞律、崇經 會父老,親與酬酢,鄉黨傳爲美談。 學士知蔡州。始,存之徙兵部,確力也。 儿 [方奏讞大辟,刑部援比請貸,都省屢以無可矜恕却之。 |存曰: 「此祖宗制也。 至是,爲確罷,士大夫善其能損怨。歲餘,加資政殿 有司欲

今日果有進此說者,願陛下察之。」由是復與任事者戾,除知大名府,改知杭州。 則濫及善人。 召爲 吏部尚書。 慶曆中,或指韓琦、富弼、范仲淹、歐陽脩爲黨,賴仁宗聖明,不爲所惑。 時,在廷朋黨之論寖熾,存爲哲宗言:「人臣朋黨,誠不可長,然或不

庶人之制。 還 西夏侵地,故殺其恩典,旣而降通議大夫。 紹 聖 初,請老,提舉崇禧觀,遷右正議大夫致仕。舊制,當得東宮保傅,議者指存嘗議 及歸老築居,首營家廟。 建中靖國元年,卒,年七十九。 存嘗悼近世學士貴爲 公卿,而祭祀其先,但循 贈左銀青光祿大夫。

列傳

百

王

能

駐足者,其王存乎!

存性 |寬厚,平居恂恂,不爲詭激之行,至其所守,確不可奪。 司馬光嘗曰:「並馳萬馬中

協,故但誅首惡,餘無所及。 公輔期之。 來見,固不肯往。 孫固字和父,鄭州管城人。幼有立志,九歲讀論語,曰:「吾能行此。」徂徠石介一見,以 擢進 士第,調磁州司戶參軍。 琦益器重之,引爲編修中書諸房文字。 轉霍邑令,遷祕書丞,爲審刑詳議官。 從平貝州,爲文彦博言脅從罔治之義,與彦博意 宰相韓琦知其賢,諭使

閣待制、知通 是非炳然矣。兵,凶器也,動不可妄,妄動將有悔。」大臣惡其說,出知澶州 人宜示之信,今無名舉兵,非計之得。 治平中,神宗爲潁王,以固侍講,及爲皇太子,又爲侍讀。 進銀臺司。 种諤取綏州,固知神宗志欲經略西夏,欲先事以戒,卽上言:「待遠 願以漢韓安國魏相、唐魏徵論兵之略, 至卽位,擢工部郞中、天章 參校同異,則

著、司馬光、韓維其人也。」凡四問,皆以此對。及安石當國,更法度,固數議事不合; 石文行甚高,處侍從獻納之職,可矣。宰相自有其度,安石狷狹少容。 還 知審刑院,復領銀臺、封駁兼侍讀,判少府監。 神宗問:「王安石可相 必欲求賢相, 否?」對曰:「安

法出,又極陳其不便。 及韓琦疏至, 神宗感動,謂固曰:「朕熟計之,誠不便。」固出語執政

曰:「及上有意,宜亟圖之,以福天下。」旣而竟從安石。 固復領銀臺司

文仲之言以惑天下,臣恐天下不惑文仲之言,以文仲之黜爲惑也。」胡宗愈坐言事逐,蘇頭、 孔 文仲對制策忤時政,報罷。固言:「陛下以名求士,而士以實應,今反過之,何哉?今謂

陳薦以論李定罷,固皆引誼爭之。

中興,不敢祖春陵而祖高帝。 而爲僖祖別立廟。 時議尊僖祖爲始祖,固議曰:「漢高以得天下與商、周異,故太上皇不得爲始封;光武 **禘祫之日,奉其祧主東向以伸其尊,合所謂祖以孫尊、孫以祖屈之意。」** 宋有天下,傳之萬世,太祖功也,不當替其祀;請以爲始祖,

韓琦見而歎曰:「孫公此議,足以不朽矣。」

領,折愧之,正疆地二百里。熙寧末,以樞密直學士知開封府。 征安南,建順州,其地瘴癘不堪守,固請棄之,內徙者二萬戶。 加龍圖閣直學士、知眞定府。遼人盜耕解子平地,歲且久,吏爭弗能還。 元豐初,同知樞密院事。 固微得其要

遼人所有,不可失也。」固曰:「必不得已,請聲其罪薄伐之,分裂其地,使其酋長自守焉。」 |神宗笑曰:「此眞酈生之說爾。」時執政有言便當直度河,不可留行。 諜者告夏人幽其主,神宗欲西討,固數言舉兵易,解禍難。 神宗曰:「夏有釁不 固曰:「然則孰爲陛下 取,則爲

列

第一

百

孫固

爲亂。」神宗曰:「大帥誠難其人。」呂公著曰:「旣無其人,曷若已之。」固曰:「公蓍言是也。」 則士大夫孰肯爲用乎?」神宗不悅。 任 此 者? 」神宗曰:「朕已屬李憲。」固曰:「伐國,大事也,豈可使宦官爲之! 今陛下任李憲, 他日, 固又曰:「今五路進師而無大帥, 就使成 功,兵必

後師果無 曰:「兵法期而後至者斬。今諸路皆進,而憲獨不行,雖得關、會,罪不可赦。」神宗不聽,其 初 議五路 功。 入討,會于靈州,李憲由熙河入,輒不赴靈州, 神宗曰:「朕始以孫固言爲迂,今悔無及矣。」 乃自開蘭、會,欲以弭責。 百

宮。 府儀同三司,諡日 皇太后皆出聲泣。 可也。」固 太后曰:「卿,先帝在東宮時舊臣。 ·侍郎。 哲宗卽位,以正議大夫知河南府,徙鄭州。元祐二年,召除侍讀、提舉中太一宮,遂拜 改 太中大夫、樞密副使,進知院事,以疾避位,拜觀文殿學士、知河陽,尋提舉嵩山崇福 感 激,強起視事,復 哲宗與太皇太后矜其年高,每朝會豫節拜儀,聽休於幄次。 温靖 時文意博致仕歸洛,將宴餞崇政殿,以固在殯,罷之。 知樞密院事,累官右光祿大夫。 今帝新聽政,勉留輔導;或體中未安,取文書於家治之 五年,卒,年七十五。 撥視 固數乞骸骨,太皇 朝二日,贈開 哲宗、太

以聖賢爲師,一節之士,不足學也。」又曰:「以愛親之心愛其君,則無不盡矣。」司馬光退處, 固 宅 心 誠粹,不喜嬌亢,與 人居 久而 益信,故更歷夷險,而不爲人所疾害。 嘗曰:「人當

確論。 急審處之。」傅堯俞銘其墓曰:「司馬公之淸節,孫公之淳德,蓋所謂不言而信者也。」 世以爲 固每勸神宗召歸,及光爲陳州,過鄭,固與論天下大事至數十,曰:「公行且相,宜視先後緩 紹聖時奪遺澤,元符二年,奪所贈官,列元祜黨籍。 政和中,徽宗以固嘗爲神宗宮

僚,特出籍,悉還所奪。

以自監。 司戶參軍,移萬泉令。捐圭田修學宮,士自遠而至。改知夏縣,作八監堂,書古賢令長治迹 升太常博士,知威州。瞻以威、茂雜羣獠,險而難守,不若合之而建郡於汶川(1),條著 趙瞻字大觀,其先亳州永城人。父剛,太子賓客,徙鳳翔之盩厔。瞻舉進士第,調孟州 又以祕書丞知永昌縣,築六堰灌田,歲省科斂數十萬,水訟咸息,民以比召、杜。

其詳,爲西山別錄。後熙寧中,朝廷經理西南,就瞻取其書考焉。

資其効;臺諫知其才,宜信其說。兵柄宜削諸宦官,邊議宜付諸宿將。蓋權不可矯而爲 之敝,陛下其思焉。刑賞施設之失,可革則革;號令言動之過,可止則止。 至權也。 遷尙書屯田員外郞。 審至權者,當主以天下之大公,揆以天下之正論,如是而後權可一也。若夫積久 英宗治平初,自都官員外郎除侍御史。上疏曰:「英斷獨化,人主 輔相賴其用,宜

列

也,以從天下之望耳。」英宗稱善。

守臣之不才者,未報。乃求退〔三〕,力言追還昭明等,英宗改容,納其言 略西夏,別遣馮京安撫諸路,膽又請罷京使,專委宿將。夏人入侵王官,慶帥孫長卿不能 禦,加長卿集賢院學士,膽言長卿當黜不宜賞,賞罰倒置。京東盜賊數起,膽請易置曹、濮 宣慰等使,後世以爲至戒,宜追還內侍,責成守臣,章三上,言甚激切。 久之, 之, 詔遣內侍王昭明等四人爲陝西諸路鈴轄,招撫諸部。膽以唐用宦者爲觀軍容、 會文彦博、孫沔經

婦,出不爲母,辭窮直書,豈足援以斷大議哉?臣請與之庭辨,以定邪正。」已而皇太后手書 之地,吾與首議之臣,不並生矣!」因復力陳。 也。」中書請安懿王稱親,瞻爭曰:「仁宗旣下明韶子陛下,議者顧惑禮律所生所養之名,妄 尊王爲皇,瞻歎曰::「向者太后切責大臣,議乃得罷。今邪臣與中官交締,歸過至尊而自爲 相訾難,彼明知禮無兩父貳斬之義,敢裂一字之詞,以亂厥眞。且文有去婦出母者,去已非 追崇濮安懿王,瞻引漢師丹、董宏事,謂其屬薛温其曰:「事將類此,吾必以死爭,固吾所 二年秋,京師大水,詔百官言事,多留中,膽請「悉出章疏,付兩省詳擇以聞」,從之。時

考,則是二父,二父非禮。」|英宗曰:「御史嘗見朕欲皇考|濮王乎?」|瞻曰:「此乃大臣之議,陛 會假太常少卿接契丹賀正使,入對,英宗問前事,對曰:「陛下爲仁宗子,而濮王又稱皇

皆罷去,乞與同貶,不報。趣入對,英宗曰:「卿欲就龍逢、比干之名,孰若効伊尹、傅說哉? 退渝 下未嘗自言。」英宗曰:「是中書過耳,朕自數歲時,先帝養爲子,豈敢稱濮考?」瞻曰:「臣請 已決,無庸宣告。」膽曰:「陛下祗畏天戒,不以私妨公,甚盛德也。」及使還,聞呂誨等諫濮議 中書,作詔以曉天下。」時連日晦冥,英宗指天示膽曰:「天道如此,安敢妄爲褒尊。朕意

宗問:「卿知青苗法便乎?」對曰:「青苗法,唐行之於季世擾攘中,掊民財誠便。今欲爲長久 神宗卽位,遷司封員外郎、知商州,又除提點陝西刑獄。 熙寧三年,爲開封府判官。神

瞻皇懼,言:「臣不敢奉詔,使朝廷有同罪異罰之譏。」遂通判汾州。

計,愛養百姓,誠不便。」

不行,徙陝州,請還鄉里,除提舉鳳翔太平宮。丁外艱,服除,易朝請大夫、知滄州 副使,改永興軍轉運使。以親老,請知同州。 膽曰:「有本錢足恃,法乃可行,如多出空券,是罔民也。」議不合,移京西轉運使;又以親老 初,王安石欲瞻助己,使其黨餌以知雜御史。膽不應,由是不得留京師,出爲陝西轉運 七年,朝廷患錢重,議以交子權之,命膽制置。

密院事。 知,請詔諸路安撫、轉運使舉使臣,科別其才,第爲三等,籍之以備選注。」 哲宗立,轉朝議大夫,召爲太常少卿,遷戶部侍郎。元祐三年,擢樞密直學士、簽書樞 明年,以中大夫同知院事。因進對言:「機政所急,人才而已。今臣選武臣難遽盡

復塞。 之,卒詔罷役,如瞻所議。 庸、冀,周、漢都咸、鎬,皆歷年數百,不聞以河障外國。<br/>
·澶淵之役,蓋廟社之靈,章聖之德, 將相之智勇,故敵帥授首,豈獨阿之力哉?」後使者以東流非便,水官復請塞北流,膽固爭 失中國之險, 昔澶淵之役, 非河爲限, 則北兵不止。膽曰: 「王者恃德不恃險。 東流未便,宜亟從之;若以爲可回,宜爲數歲之計,以緩民力。」議者又謂河入界河而 年,未有定論。今遽興大役,役夫三十萬,用木二千萬,臣竊憂焉。 初,<u>元豐中,河決小吳,北注界河,東入于海。</u>神宗詔,東流故道淤高,理不可回,其勿 乃開大吳以護北都。 至是,都水王令圖請還河故道,下執政議。膽曰:「自河決已八 朝廷方遣使相視,若以 <del>古</del>堯、舜都 北,則

兵端自此復起矣。」乃止。膽又奏廢渠陽軍,以紓剌湖之力;乞詔諭西夏使歸永樂遺民,夏 御外國以大信爲本,且旣爵命之,彼雖失衆心,無犯王略之罪,何辭而伐之。 若其不克,則 洮、河諸族以青唐首領寖弱可制,欲倚中國兵威以廢之,邊臣亟請興師。 瞻日:「不可。

日。 贈銀青光祿大夫,諡曰懿簡。紹聖中,言者以傅會元祐諸臣,追奪所贈官,列于黨籍。 瞻著春秋論三十卷,史記牴牾論五卷,唐春秋五十卷,奏議十卷,文集二十卷,西山別 五年, 卒, 年七十二。太皇太后語輔臣曰:「惜哉, 忠厚君子也。」 車駕親臨, 輟視朝二 人聽命

他爾。」介數息奇之。嘗監西京稅院事,留守晏殊、夏竦皆謂曰:「子有淸識雅度,文約而理 之,堯俞未嘗不在,介曰:「君少年決科,不以游戲爲娛,何也?」 堯俞曰:「性不喜囂雜,非有 <u>傅堯俞字欽之,本鄆州須城人,徙孟州濟源。十歲能爲文,及登第,猶未冠。</u>石介每過

張承照所間,與夫不相中。仁宗斥二人於外,未幾,復還主家,出瑋知衞州。 知新息縣,累遷太常博士。嘉祐末,爲監察御史。兗國公主下嫁李璋,爲家監梁懷吉、 堯俞言:「主恃

愛薄其夫,陛下爲逐」瑋而還隸臣,甚悖禮,爲四方笑,後何以誨諸女乎?

盡,卿相才也。

惜淸,恐不復聞外事矣。臣以爲不若使付外,暴其是非而行賞罰焉,則事之上聞者皆實, 乃所以廣視 皇城邏卒吳淸誣奏富民殺人,鞠治無狀,有司須淸辨,內侍主者不遣。 聽也。 縱而不問,則讒者肆行,民無所措手足,尚欲求治,得乎? 堯俞言:「陛下

人。 堯俞以爲嬖寵恩倖過失,當防之於漸,悉劾之。 內侍李允恭、朱晦屈法任其子,趙繼寵越次管當天章閣,蔡世寧掌內藏,而以珠私示內

在陛下宜自儉刻,身先天下,無奪農時,勿害商旅,如是可矣。不然,徒欲紛更,爲之無益, 時乏國用,言利者爭獻富國計。 堯俞奏曰:「今度支歲用不足,誠不可忽,然欲救其弊,

聚斂者用,則天下殆矣。」

通慈孝之誠。 餽,仁宗未知。 堯俞言:「陛下旣以宗社之重建皇嗣,宜以家人禮,使皇子朝夕侍膳左右,以 仁宗春秋高,皇嗣未立,堯俞請建宗室之賢,以慰天下望。及英宗爲皇子,有司闕供 今禮遇有闕,非所以隆親親、重國本也。」於是詔有司供具甚厚。

反側。 之資,貫通古今,而受人之天下乎?如誅竄讒人,則慈孝之聲並隆矣。」於是皇太后還政,逐 之情未通。臣謂天下之可信者,無大於以天下與人,亦無大於受天下以公,况皇帝以明睿 書皇太后,請還政。 久之,聞內侍任守忠有讒間語,堯俞諫皇太后曰:「外間物論紛惑,兩宮 守忠。 英宗卽位,轉殿中侍御史,遷起居舍人。皇太后與英宗同聽政,英宗有疾,旣平,堯俞上 堯俞言於英宗曰:「皇太后給事左右之人,宜頗錄其勤勞,少加恩惠,上慰母后,下安 且守忠已去,其餘不問可也。」

移,中人之性,繫上所化。」英宗納其言。 待, 每奏事退, 多目送之。 遷 [右司諫、同知諫院。英宗眷遇堯俞,嘗雪中賜對,堯俞自東廡升,英宗傾身東向以 嘗問曰:「多士盈庭,孰忠孰邪?」堯俞曰:「大忠大佞,固不可

臣但見襄辦山陵事有功,不見其罪。臣身為諫官,使臣受旨言事,臣不敢。」 陛下何不自正典刑,安用臣言?」英宗曰:「欲使臺諫言,以公議出之。」對曰:「若付之公議, 議,無所適莫,則威柄歸陛下矣。」嘗因論事,英宗曰:「卿何不言察襄?」對曰:「若襄有罪, 也; 審其非矣,從而徇之,則人主之柄安在。願君臣之際,是是非非,毋相面從。總覽衆 時英宗初躬庶政, **猶謙讓任大臣**, 堯俞言:「大臣之言非是,陛下偶以爲然而行之可

帥之權,移於四人矣。」尋罷之。 陝西言,近邊熟戶頗逃失。詔以內侍李若愚等爲陝西四路鈴轄,專使招納,歲一入奏

知雑 名之乎?」又因水災言:「簡宗廟,則水不潤下。今以濮王爲皇考,於仁宗之廟,簡孰甚焉。」 何?亦不可也。夫恩義存亡一也,先帝旣以陛下爲子,當是時,設濮王尙無恙,陛下得以父 十餘疏,其言極切。 主議者知恟恟不可遏,遂易「考」稱「親」。 堯俞又言:「『親』,非父母而 俄命 大臣建言濮安懿王宜稱皇考,堯俞曰:「此於人情禮文,皆大謬戾。」與侍御史呂誨同上 堯俞 堯俞與趙瞻使契丹,比還,呂誨、呂大防、范純仁皆以諫濮議罷,復除堯俞侍御史 拜疏必求罷去,英宗面留之。 堯俞言:「海等已逐,臣義不當止。」因再拜辭,

英宗愕然, 曰:「是果不可留也。」遂出知和州。 通判楊洙乘間問曰:「公以直言斥居此,何爲

未嘗 言及御史時事? 」堯俞曰:「前日言職也,豈得已哉?今日爲郡守,當宜朝廷美意,而反

贴贴追言前日之闕政,與誹謗何異?」

平生未嘗好欺,敢以爲告。」安石愠之,但授直昭文館、權鹽鐵副使,俄出爲河北轉運使,改 知江寧府。 紛紛,俟君來久矣,將以待制、諫院處君。」一堯俞曰:「新法世以爲不便,誠如是,當極論之。 神宗卽位 陛辭,言:「仁廟一室,與藝祖、太宗並爲百代不遷之主。」 一,徙知廬州。 熙寧三年,至京師。 王安石素與之善,方行新法,謂之曰:「舉朝

起,監黎陽縣倉草場,郡掾行縣,堯俞從衆出迎盡禮。 人告有談天文休咎者,燒偷以事未白,不受辭。 「居其官安得曠其職。」雖寒暑,必日至庾中治事,凡十年。 徙許州、河陽、徐州,再歲六移官,困於道路, 談者後伏誅,堯俞坐不卽捕,削 知不爲時所容,請提舉崇福宮。 守爲遣他吏代主出納,堯俞不可,曰: 官職。 先是,徐

遂以龍圖閣待制知陳州。 罷,詔堯俞更舉御史,堯俞封還詔書,請留舜民。不聽,卽以堯俞爲吏部侍郎,堯俞不可, 才,敢不盡力。若使窺人陰私,抉人細故,則非臣所能,亦非臣之志也。」御史張舜民以言事 有能有不能,如使臣補闕拾遺以輔盛德,明善正失以平庶政,舉直措枉以正大臣,臣雖不 哲宗立,自知明州召爲祕書少監兼侍講,擢給事中、吏部侍郎、御史中丞。 未幾,復爲吏部侍郎、御史中丞。

願聽之如蚊虻之過耳,無使有纖微之忤,以奸太和之氣。 事至,以無心應之,聖人所以養至 曰:「確之黨,其尤者固宜逐,其餘可以一切置之。」且言:「以陛下盛德,而乃於此不能平? 前宰相察確坐詩誹謗,貶新州,宰執、侍從以下,罷者七八人,御史府爲之一空。 堯俞

誠

而

御退福

也。

元站 夫,諡曰獻簡。 臣曰:「傅侍郎凊直一節,終始不變,金玉君子也。 言非便。 四年,拜中書侍郎。 水官李偉議大河可從孫村導之還故道。 而偉又繆悠不肯任責, 紹聖中,以元祐黨人,奪贈諡,著名黨籍。 六年, 卒, 年六十八。 豈可以遽興大役。」 薨俞言:「河事雖不可隃度,然比遣使按之,皆 哲宗(三)與太皇太后哭臨之,太皇太后語輔 方倚以相,遽至是乎!」 朝廷遂置偉議。 後黨錮解,下詔褒贈,錄其後。 進吏部尚書兼侍讀。 贈銀青光祿大

從孫祭,見忠義傳。 位 矜異色。 後守移文堯俞使償, 三德,人所難兼,吾於欽之畏焉。」雍曰:「欽之淸而不耀,直而不激, 而 行,諫官有言責也,爲郡知守法而已。」徐前守侵用公錢, 初,自諫官補郡,衆疑法令有未安者,必有所不從,堯俞一切遵之,曰:「君子素其 久之, 攷實非堯俞所用, 卒不辯。 司馬光嘗謂 堯俞至,爲償之, 河南邵雍曰:「淸、直、勇 勇而能温,是爲難爾。 未足而去。

堯俞厚重寡言,遇人不設城府,人自不忍欺。

論事君前,略無回隱,退與人言,不復有

〇八八六

中,身名俱全,亦難矣哉。 隨。 有更張,隨事諫止,不少循默。 及元祐區別正邪,其論察確詩謗之罪恐爲已甚,將啓朋黨之禍,豈非先知之明乎?他 論曰:存、固、膽、堯俞, 初皆善王安石;及其秉政,未嘗受所誘餌,與論新法,終不詭 然無矯枉過中之失,故能不亟不徐,進退有道,在元祐諸臣

### 校勘記

- 汝川 原作「文川」,據范祖禹范太史集卷四一趙瞻神道碑銘、本書卷八九地理志改。
- $\exists$ 乃求退 按范太史集卷四一趙瞻神道碑銘作「乃求對」;長編卷二〇三則作:「瞻又因入對,

力

- 請追還昭明等。」可見趙瞻未曾求退,「求退」乃「求對」之譌。
- 原作「神宗」,據上文傅堯俞死於元祐六年, 元祐是哲宗的年號,當以作「哲宗」爲是,據

改

# 宋史卷三百四十二

### 列傳第一百一

## 梁燾 王巖叟 鄭雍 孫永

士中第,編校祕閣書籍,遷集賢校理、通判明州,檢詳樞密五房文字。 |梁燾字||戊一,||鄆州||須城人。父庸,兵部員外郎、直史館。||燾以||唐任,爲太廟齋郎。 舉進

元豐時久旱,上書論時政日:

萬年,感聖心於大寤,有以還其仁政也。 講除刻文,蠲損緡算,一日之間,歡聲四起。 尤甚,閱闠細民,罔不失職,智愚相視,日有大變之憂。陛下旣惠以詔音,又施之行事, 之德言,而喜其有及民之意也。當四方仰雨十月之久,民刻於新法,嗷嗷如焦,而京師 陛下日者閔雨,靖惟政事之闕,惕然自責。丁卯發詔,癸酉而雨,是上天顧聽陛下 距誕節三日而膏澤降,是天以雨壽陛下之

害。 間遣使循行,而苟且寵祿,巧爲妄誕,成就其事,至請遍行其法,上下相隱,習以成風。 有方田; 此 施 耶 有言之者,必以下主吏,主吏妄報以無是,則從而信之,恬不復問,而反坐言者。 ٠, 然法 青苗之錢未及償,而責以免役; 免役之錢未暇入,而重以淤田; 陛下亦以 臣謂天下之患,不患禍亂之不可去,患朋黨蔽蒙之俗成,使上不得聞所當聞,故政 曰青苗錢也,助役錢也,方田也,保甲也,淤田也。 方田 令乖戾,爲毒於民者,所變纔能萬一。人心之不解,故天意亦未釋,而雨不再 未息,而迫以保甲。 此 為戒,而夙夜慮之乎。今陛下之所知者,市易事耳。法之爲害,豈特 是徒擾百姓,使不得少休於聖澤。 **兼是數者**,而天下之民被其 淤田方下,而 其爲害之實,雖 復

日 以敞,而禍亂卒至也。陛下可不深思其故乎?

疏入,不省。

京西 臣云卿不肯安職,何也?」對曰:「臣居官五年,非敢不安職,恐不勝任使,故去耳。」神宗曰: 冕受册者, 巖率同列諫, 引薛奎諫章獻明肅皇后不當以王服見太廟事, 宣仁后欣納。 「王中正功賞文書,何爲獨不可?」曰:「中正罔冒僥覬,臣不敢屈法以負陛下。」未幾,提點 刊獄。 內侍王中正將兵出疆,干賞不以法。 哲宗立,召爲工部郎中,遷太常少卿、右諫議大夫。有請宣仁后御文德殿服衮 入解,神宗曰:「樞

市易已廢,乞蠲中下戶逋負,又乞欠青苗下戶,不得令保人備償。

臣不快御史者,一夫之私心。罪天下敢言之公議,便一夫不快之私心,非公朝盛事也。」時同 章十上,不聽 論者傳堯俞、王巖叟、朱光庭、王覿、孫升、韓川,凡七人,悉召至都堂,勅諭以「事當權其輕 之官,得以犯顏正論,况臣下過失,安得畏忌不言哉。今御史敢言大臣者,天下之公議,大 紀,則老臣爲輕。御史者,天子之法官也,不可以大臣鞅鞅而斥去。願還舜民,以正國體。」 重,故不惜一新進御史,以慰老臣」。燾又言:「若論年齡爵祿,則老臣爲重;若論法度綱 文意博議遣劉奉世使夏國,御史張舜民論其不當遣,降通判虢州。憲言:「御史持紀綱

路州,辭不拜,日:「臣本論張舜民不當罷,如以爲非,即應用此受斥。 命發常平粟振民。 職,守劇郡,如此則朝廷命令,不能明辨曲直,以好惡示天下矣。」不報。 |燾又面責給事中張問不能駁還舜民制命,以爲失職。 坐詬同列, 出爲集賢殿修撰、 知 流人聞之,來者不絕,燾處之有條,人不告病。 今乃得以微罪冒美 至潞,值歲饑,不待

「帝富於春秋,未專宸斷;太皇保佑聖主,制政簾帷,姦人易爲欺蔽。 明年,以左諫議大夫召。 甫就道,民攀轅不得行,踰太行,抵河內乃已。 願正綱紀,明法度,采 旣對,上書言:

列傳第一百一 梁龗

用忠言,講求仁術。」兩宮嘉納焉。

確 敢 改權戶部尚書,不拜,以龍圖閣直學士知鄭州。 前 宰相 卒竄新州 爲姦言者, 蔡確 作 多於敢正論之人。 | 震進御史中丞。 詩 怨謗,燾與劉安世交攻之。 鄧潤 以此見確之氣燄凶赫,根株牽連,賊化害政, **燾又言:「方今忠於確者,** 旬日,入權禮部尚書,爲翰林學 多於忠朝廷之 爲患滋

右好惡之言以移聖意,天下幸甚。」 任者,陛下自知之。 愎, 不可用。」又與同列議夏國地界,不能合,遂丐去。哲宗遣近臣問所以去意, 元祐 七年,拜尚書右丞,轉左丞。 但須識別邪正,公天下之善惡,圖任舊人中堅正純厚有人望者,不牽左 |蔡京帥蜀,||震日:「元豐侍從,可用者多; 惟京 H. 令密訪 輕險 貪 大

鄂州。 改知 潁 以疾,罷爲資政殿學士、同體泉觀使。 每 昌府。 三年,再貶 起中 正之論 旣出 少府監 京,哲宗遣中貴諭以復用之旨 ", 其開 分司 陳排擊,盡 南京。 出 明 公議,朕皆記之。」以故最 年 - ,三貶雷州別駕,化州安置。 故事,非宰相不除使,遂置 紹 聖 元年, 知 鄆州 後責, 同使以 竟以 阴黨論 三年卒(己)年六十 司 心龍之。 馬 起,哲宗 光黨 力辭, 黜 知

|麖自立朝,一以引援人物爲意 在哪作薦士錄,具載姓名。客或見其書,曰:「公所植桃 四。徙其子於昭

州

徽宗

立,

始

得歸

負愧多矣。」其好賢樂善如此。

明經 科, 王 一巖叟字彥霖,大名淸平人。幼時,語未正已知文字。 嚴叟年十八,鄉舉、省試、廷對皆第一。 調欒城簿、涇州推官,甫兩月,聞弟喪,棄 仁宗息詞賦致經術不明,初置

官歸養

著歎曰:「此古良吏也。」有詔近臣舉御史,舉者意屬嚴叟而未及識,或謂可一往見。 之。 博、煉鹽務。 曰:「是所謂呈身御史也。」卒不見。 後知定州安喜縣, 熙寧中,韓琦留守北京,以爲賢,辟管勾國子監,又辟管勾安撫司機宜文字,監晉州折 韓絳代琦,復欲留用。 有法吏罷居鄉里,導人爲訟,嚴叟捕撻於市,衆皆竦然。 嚴叟謝曰:「嚴叟,魏公之客,不願出他門也。」士君子 定守呂公 嚴叟笑 稱

l 肺。 安危之計,在從諫用賢,不可以小利 哲宗卽位,用劉摯薦,爲監察御 又言河北権鹽法尚行,民受其弊,貧者不復食。 失民 史。 心。 時六祭尚未言事,嚴叟入臺之明日,即上書論 遂言役錢斂法太重,民力不勝,願復差法 錄大名刻石仁宗詔書以進上,以河 如 社

列

傳第

百一

王殿叟

北天下根本,自祖宗以來,推此爲惠,願復其舊。

所生母仇氏服,嚴叟論其不孝,定遂分司。 已,言則必行之。不然,天下之人必謂陛下以空言說之,後有詔令,孰肯取信?」李定不持 而 死者。 時下詔求民疾苦,四方爭以其情赴愬,所司憚於省錄,頗成壅滯。嚴叟言:「不問則 江 ,西鹽害民,詔遣使者往視。巖叟言:「一方病矣,必待使還而後改爲,恐有不及被德澤 願亟罷之。」又極陳時事,以爲「不絕害本,百姓無由樂生, 不屛羣邪,太平終是難

確等。 廟 」於是二人相繼退斥。 宰相察確爲裕陵復土使,還朝,以定策自居。嚴叟言:「陛下之立,以子繼父,百王不易 且太皇太后先定於中,而確敢貪天自伐。 近簾前爭役法, 詞氣不遜,無事上之禮。今聖政不出房闥,豈宜容此大姦循在廊 章惇讒賊狠戾,罔上蔽明,不忠之罪,蓋與

之?姑息相承,流弊已極。 事 而 「三省胥吏,月饗厚奉,歲累優秩。 命不 又當駁, 遷左司 由門下省以出,嚴叟請對,言之益切。退就閤門上疏曰:「臣爲諫官旣當言, 非臣好爲高論,喜忤大臣,恐命令斜出,尤損紀綱。」疏凡八上,命竟寢。 諫兼權給事中。 望飭厲大臣,事爲之制。」卽詔裁抑僥倖,定爲十七條 時並命執政,其間有不協時望者,嚴叟卽繳錄黃,上疏諫。旣 而朝廷每舉一事,輒計功論賞, 不知平日 禄賜, 將焉用 承乏給 又言:

虚其位邪?二者,皆非臣所望於今日也。 已爲至少。 遷侍御史。兩省正言久闕,嚴叟上疏曰:「國朝傲近古之制,諫臣纔至六員,方之先王, 今復虛而不除,臣所未論。 豈以爲治道已淸,而無事於言邪。 人材難稱,不若 願趣補其闕, 多進正人以此本朝; 正人進, 則小

人自消矣。」

爲意,則積久累日,國用自饒。」讀仁宗知人事,嚴叟曰:「人主常欲虛心平意,無所偏係,觀 侍邇英講,進讀寶訓,至節費,巖叟曰:「凡言節用,非偶節一事,便能有濟。 事以理,則事之是非,人之邪正,自然可見。」 居舍人,不拜,以直集賢院知齊州。請河北所言鹽法,行之京康。明年,復以起居舍人召。嘗 上,蓋亦艱食。乞毋問分數、等級,皆得貸,庶幾王澤無間,以召至和矣。」坐張舜民事,改起 諸路水災,朝廷行振貸,戶部限以災傷過七分、民戶降四等,始許之。 嚴叟言:「中戶以 當每事以節儉

惡,不以逆己而遺其善,私求不徇於所愛,公議不遷於所憎。竭誠盡節者,任之當勿貳,罔 **須**臾去者也。臣請別而言之。夫明是非於朝廷之上,判忠邪於多士之間,不以順己而忘其 言,巖叟喜聞之,因欲風諫,退而上疏曰:「三德者,人君之大本,得之則治,失之則亂,不可 上盜竈者,棄之當勿疑。 惜紀綱,謹法度,重典刑,戒姑息,此人主之正直也。 遠聲色之好, 司馬康講洪範,至「乂用三德」,哲宗曰:「止此三德,爲更有德。」蓋哲宗自臨御,淵默不

列

之要,在陛下力行 不及,虛心以訪道,屈己以從諫,懼若臨淵,怯若履薄,此人主之柔德也。三者足以盡天下 也 絕盤遊之樂,勇於救天下之弊,果於斷天下之疑,邪說不能移,非道不能說,此人主之歐德 居萬 乘之尊而 何如耳。」 不驕,享四海之富而不溢,聰明有餘而處之若不足,俊傑 (並用) 而 求之如

以讀書爲樂,天下幸甚。 好,始可謂之專;久而不倦,始可謂之勤。願陛下特留聖意。」哲宗然之。 巖叟因侍講,奏曰:「陛下退朝無事,不知何以消日?」哲宗曰:「看文字。」對曰:「陛下 聖賢之學,非造次可成,須在積累。 積累之要,在專與勤。 解絕它

巖叟請專以疆事委荆南唐義問。 寬不敢求。進權吏部侍郎、天章閣待制、樞密都承旨。 嚴叟館件遼賀正旦使耶律寬,寬求觀元會儀,嚴叟曰:「此非外國所宜知。」止錄笏記與 遂自草檄文,喻義問以朝廷方敦尚恩信,勿爲徼倖功賞之 湖北諸蠻互出擾邊,無有寧歲,

意,後遂安輯。

肺 欲以二堡與夏,蘇轍主其議。及熙河、延安二捷同報,轍奏曰:「近邊奏稍頻,西人意在得二 邊臣,夏違期,一不至則勿復應,自後不復敢違。質孤、勝如二堡,漢趙充國留屯之所,自元 講和,在蘭州界內,夏以爲形勝膏腴之地,力爭之。二堡若失,則蘭州、熙河遂危。 初,夏人遣使入貢,及爲境上之議,故爲此去彼來,牽致勞苦,每違期日。 延帥

嚴叟請預戒

堡。 棄,不知旣與,還不更求否?」太皇太后曰:「然。」議遂 今盛夏猶如此,入秋可虞,不若早定議。」 意在與之也。 止。 嚴叟曰:「形勢之地, 豈可輕

定西 至十 **貲費**,一從便宜,不必中覆。 得行,後患未已。 萬。 而 夏 東徑隴諾城。 人數萬侵定西之東、通遠之北,壞七厓巉堡,掠居人,轉侵涇原及河外廊、府州,衆遂 熙帥范育偵伺夏右廂種落大抵趣河外,三疏請乘此進堡砦,築龕谷、勝如、相照、 因請遣官諭熈帥,即以戶部員外鄓穆衍行視,築定遠以據要害。其調兵 朝議未一,或欲以七巉經毀之地,皆以與夏。 '定遠遂城,皆巖叟之力。 嚴叟力言不可與,彼計

累 理宜重愼。 日不竟,吏疲於容稟。 每區容數十百人, 淵藪詭僻, 不可勝究。 嚴叟令掩捕撤毁, 隨輕重決之, 根株一空。 復爲樞密都承旨、權知開封府。 拜中書舍人。滕甫帥太原,爲走馬承受所撼,徙潁昌。 今以小臣一言易之,使後人畏憚不自保,此風浸長,非委任安邊之福。」乃止。 嚴叟創立逐官分治之法,自是署爲令。 舊以推、判官二人分左右廳,共治一事,多爲異同,或 嚴叟封還詞頭,言:「進退帥臣, 都城羣偷所聚,謂之「大

者,慈聖后之族也。 扣其故, 儈曰:「王公今日知府矣。」初, 曹氏之隸韓絢與同隸訟, 事連其主, 就逮之。 嚴叟言:「部曲相訟,不當論其主。 今不惟長告計之風, 且傷孝治 曹氏

備庫使曹續以產貿萬緡,市儈逾年負其半,續盡力不可取。

一日啓戶,則所負皆在焉。

常謂 聖仙遊未遠,一旦因廝役之過,使其子孫對吏,殆聖情有所不忍。」詔竄絢而絕其獄。 :「天下積欠多名,催免不一,公私費擾,乞隨等第立多寡爲催法。」朝廷乃定五年十科 嚴叟

兩宮深然之。 則否。』小人旣進,君子必引類而去。若君子與小人競進,則危亡之基也。此際不可不察。」 安,邪人一進,便有不安之象。 自古君子小人,無參用之理。聖人但云:『君子在內、小人在外則泰, 爾。」又進曰:「或聞有以君子小人參用之說告陛下者,不知果有之否?此乃深誤陛下也。 勿疑,守之勿失。」復少進而西,奏哲宗曰:「陛下今日聖學,當深辨邪正。 又再拜謝,進曰:「太后聽政以來,納諫從善,務合人心, 所以朝廷淸明, 天下安靜。 |元祐六年,拜樞密直學士、簽書院事。 入謝,太皇太后曰:「知卿才望,不次超用。」||嚴叟 非謂一夫能然,蓋其類應之者衆,上下蔽蒙,不覺養成 小人在內、君子在外 正人在朝,則朝廷 願信之 八禍胎

曰:「陛下不煩公,不勞民,眞盛德事。 「昔天禧中,祥源成,治平中,醴泉成,皆未嘗赦。古人有垂死諫君無赦者,此可見赦無益 上清儲祥宮成,太皇太后謂輔臣曰:「此與皇帝皆出閣中物營之,以成先帝之志。」嚴叟 然願自今以土木爲戒。」又以宮成將肆赦, 嚴叟曰:

於聖治也。」

辭以進?」議遂寢。 哲宗選后旣定,太皇太后曰:「帝得賢后,有內助功,不是小事。」 嚴叟對 嚴叟進日:「按禮經問名篇,女家答曰:『臣女,夫婦所生。』及外氏官諱,不識今者狄氏將 曰:「內助雖后事,其正家須在皇帝。聖人言:『正家而天下定。』當愼之於始。」 太皇太后以 哲宗方選后,太皇太后曰:「今得狄諮女,年命似便, 然爲是庶出過房, 事須評議。」 何

是語哲宗者再。嚴叟退取歷代后事可爲法者,類爲中宮懿範上之。 太皇太后曰:「嚴叟有大功,今日之命,出不獲已耳。」 所擊,嚴叟連上疏論救。擊去位,御史遂指爲黨,罷爲端明殿學士、知鄭州。言者猶未厭, 之功居多。 宰相劉擊、右丞蘇轍以人言求避位,嚴叟曰:「元祐之初,排斥姦邪,緝熙聖治,擊與轍 願深察讒毀之意,重惜腹心之人,無輕其去就。」兩宮然之。後擊竟爲御史鄭雅

其進諫無隱,稱之曰:「吾寒心栗齒,憂在不測,公處之自如,至于再三,或累十數章,必行其 言而後已。」爲文語省理該,深得制誥體。有易、詩、春秋傳行于世。 明年,徙河陽,數月卒,年五十一。贈左正議大夫。紹聖初,追貶雷州別駕。 司馬光以

鄭確字公肅,襄邑人。進士甲科,調兗州推官。 第一百 鄭 雍 韓琦上其文,召試祕閣校理、知太常禮 〇八九七

官。

英宗之喪,論宗室不當嫁娶,與時相忤,通判峽州,知池州,復還太常禮院,歷開封府判

參軍。 久次,以轉運使秩留。 熙寧、元豐間,更制變令,士大夫多違己以求合,確獨靜默自守。 神宗末年,二王旣長,猶居禁中,獲獻四箴規戒,且諷使求出外邸。 宣仁后知其賢,及臨政,擢爲起居郎,進中書舍人。 改嘉王、岐王府記室 凡在邸七年,用

議,願正其罪。」從之。 國政,不能上副屬任,非先帝神明,遠而弗用,則其所敗壞,可勝言哉!今確以小臣輒肆橫 姑以是塞言者,如此則邪正何由可辨,善惡何由可明?若每事必待人言,是賞罰之柄,不得 已而行,非所以示信天下也。」潤甫仍爲承旨。周穜乞以王安石配享神宗廟,雍言:「安石持 「二職皆天下精選,以潤甫之過薄,不當革前命;以爲姦邪,不當在經幄。今中外咸謂朝廷 鄧潤甫除翰林承旨, 雅當制。 制未出,言事者五人交章攻之,換爲侍讀學士。 雅言:

謹圭撮之濫,而輕比屋之死乎?」哲宗悟,追止之。 部料檢,家至戶到。 員,不復爲來日慮。 使契丹還,徙左諫議大夫,言:「朝廷重內輕外,選用牧伯,罕輟從班,以閥閱輕淺者充 確言:「此令一布, 吏專料民而不救災, 民皆死於飢。 願自今稍積資望,以漸試之。」吳中大饑,方議振恤,以民習欺誕,敕本 今富有四海,奈何

若是! 丞 曰:「旁招俊义,列于庶位,宅百揆職也。 |雍辭曰:「中丞以臣言去而身承其乏,非所以厚風俗也。」不許。 侍 且二府皆天子所改容而體貌之者,乃復防閑其私如此乎?」於是援賈誼康恥節行之 御史賈易沽激自喜,中丞趙彥若懦不自立,雍幷論之,遂罷易,左轉彥若, 彼有足不及公卿之門者,猶當物色致之,奈何設禁 時二府禁謁加嚴,雍歎 以雅爲中

在 意不 於 白 廣 刑 於天下,而况反是者哉! ,好生之德耳,若遽以爲罪, 臣恐鄰於嗜殺。 部 讞 囚,宰執論殺之,有司以爲可生,不奉詔,得罪。 .」哲宗嘉納,囚遂得生。 今使有司欲殺而朝廷生之,猶恐仁恩德 雍言:「是固可罪,然究其用心,

說以諫, 詔弛其禁。

殿中侍 擊, 出 福 自 知 人以為 态, 乞罷之以收主柄。 鄆 初 妼 ·御史楊畏,雍、畏釋其語曰:「『俟休復』者, 邢恕以書抵宰相劉摯,擊答之,有「自愛以俟休復」之語,排岸司茹 ,光庭方爲給事中, 附左相呂大防也 又論王嚴叟、朱光庭、梁燾等三十人皆爲擊黨,以閉其援。 繳還擊麻詞,嚴叟、燾力救之,哲宗以先入之言,不納。 又有請暴擊陰事者,雅曰:「吾爲國擊宰相,非仇擊也。 俟他日太后復辟也。」遂並以 東濟錄書示雅與 此 事 雍 論 及掌 摯威

拜 倘 列 傳 書右丞,改左丞。 第 百 鄭 雍 雍在政地,哲宗稱其事上有禮。 孫 永 紹聖初,治元祐衆臣,雍頓首自 〇八九九

陰事,何有

於國

一哉?

」置不

以聞

章,東府東毋聽瘫妻子輒出,且令學士錢勰善爲留詔。二年,始以資政殿學士知陳州,徙北 哲宗怒曰:「此是何言也! 使除王聞之,豈能自安?」黜秩知廣德軍,敕銀臺毋受臛辭去奏 哲宗明其亡他心,諭使勿去。 周秩乘隙抵之,謂確初爲侍從時,因除王私於權臣以進。

京留守。

結厚,然卒罷政,坐元祐黨,奪職知鄭州。 寧初,王安石作相,常用白帖行事。」 惇大喜,取其案牘懷之,以白哲宗,遂其姦。 雍雖以此 至而卒,年六十八。政和中,復資政殿學士。 初, 章惇以白帖貶謫元祐臣僚,安燾爭論不已,哲宗疑之。確欲爲自安計,謂惇曰:「熈 數日,改成都府。 元符元年,提舉崇福宮,歸,未

畀宮僚讎定,永曰:「非險薄刻核,其書背<u>六經</u>之旨,願毋留意。」王曰:「廣藏書之數耳,非所 薦爲御史,以母老不就。韓琦讀其詩,歎譽之,引爲諸王府侍讀。神宗爲潁王,出新錄韓非子 沖卒,喪除,復列爲孫,換試銜,擢進士第,調襄城尉、宜城令,至太常博士。 肄業西學, 羣試常第一。 沖戒之曰:「洛陽英雋所萃, 汝年少, 不宜多上人。」 自是不復試。 孫永字曼叔,世爲趙人,徙長社。 年十歲而孤,祖給事中冲,列爲子行,蔭將作監主簿, 御史中丞賈黯

好 也。」及爲皇太子,進舍人;卽位,擢天章閣待制,安撫陝西。民景詢外叛,詔捕送其孥,勿

以赦原。永言:「陛下新御極,曠澤流行,惡逆者猶得虧除。今緣 胚 河北、陜西都轉運使。 時邊用不足,以解鹽、市馬別為 一司, 坐者弗宥,非所以示信 外臺不得與。 永奏日 

「鹽、馬,國之大計,使主者專其柄,旣無以統隸,苟爲非法,孰從而制之?」

泳。 無故 卿始定耳。」不果行 州。以詳定編敕知審官東院召還,神宗問:「青苗、助役之法,於民便否?」對曰:「法誠善,然 者獨衆、况配隸邪?使人畏法而不革心、雖在府史、臣亦不敢必其無犯也。」議復肉刑、事下 百錢,則黥爲卒,府史亦如之。|神宗又問:「此法旣下,吏尙爲姦乎?」對曰:「強盜罪死,犯 疆民出息輸錢代徭,不能無重斂之患。 若用以資經費,非臣所知也。」 孤拨絕, |永奏曰:「刻人肌膚,深害仁政,漢文帝所不忍,陛下忍之乎?」|神宗曰:「事固未決,待 騷動,恐變生不測。」會新樂劉家堡失利,衆請戮偏裨以塞責。永日:「居敵必爭之地,軍 加龍圖閣直學士、知秦州。 兵法所謂不得而守者也。 王韶以布衣入幕府,建取熙河策,永折之曰:「邊陲方安靜 。尤人以自免,於我安乎?」 竟用是降天章閣待制、知和 時倉法峻密,庾吏受

永連章論 復 學 止,神宗從之,仍命發廩粟以振。 士,知瀛州。 |河決,于貝、瀛、冀尤甚,民租以災免者,州縣懼常平法,徵催 白溝巡檢趙用以遼人漁界河,擅引兵北度,蕩其 如故。

列

傳

第

百

孫永

族帳, 里,永好諭之曰:「疆吏冒禁,已寘之獄矣,今何爲者? 遼持 此 兆釁,數暴邊上。 神宗 遣使問故,永請正用罪以謝 」敵意 解,但求醪 未報 漏精 遼 屯兵連營 師 而 瓦四

宗頗 以爲 刀、爲人患苦。」御史張號劾永棄同卽異、罷爲提舉中太一宮。 知之,嘉問妄變其名以罔聽。 便。永占書紙尾,不暇省。 進 樞 密直學士、知開封府。 旣乃行市易抵當法,貸民錢而爲之期,有不能償而 呂嘉問言, 吏欲使都人列肆輸錢以免直。 下府詢 神宗慮立法未盡,韶永及韓維究實。 永奏言:「市算下逮 究, 死 者 曹椽 胂

泳 元 請 豐中,判軍器監。 聽 人以所藏之善者售于官,得貨其餘,計訟旣息,國用亦濟 有司 病皮革不給,嚴隱匿之科,亡賴輩肆情爲訐,至婦人冠飾亦不 錐

輕用 言是 民食也, 之物, 也。」忻、代產 出 知 不可禁;兵,武備 太原, 願 軫 且行,神宗訪以時務,永言:「近者造戏器倍常,外間謂將有事於征討。 不 鹽,苦惡不堪食, 戢 自焚之戒。」 也,不 印 神宗曰:「此備豫不虞,若四方安平, 闕。 轉運使必欲理之, 顧以惡鹽累防兵,非計也。」 以盜販闌越之罪罪兵吏。 詔 弛 豈 其 有輕 動之理?卿 永言:「鹽, 兵非

以 **斛於陵下,調民牛數萬,永請而免。** 待。 判 將 去 作, 益 力, 進 過端明殿 提 學崇 學士。 福宮。 病 踰 不能朝,神宗遣上 年, 哲宗召拜工部尚書。 胆 知 陳州 ,徙潁昌。 一醫調 太皇太后下詔求言,永陳保馬、保 視,六命近侍問 永裕 起 陵, 許、 安否, 汝當 運 至 栗數 虚 樞 密位 -萬

甲、免役三事最敞,願一切罷去,復修監牧、保伍、差徭之法。 遷吏部,又屬疾,改資政殿學士兼侍讀,提舉中太一宮,未拜而卒,年六十八。 太皇太后皆納之。 贈銀青光祿 元祐元年,

于色辭,與人交,終身無怨仇。 泳外和內勁,論議常持平,不求詭異。事或悖于理,雖逼以勢,亦不爲旧。未嘗以矯亢形 范純仁、蘇碩皆稱之爲國器。

大夫, 赙金帛二千, 諡曰康簡

衆賢皆罹其禍,由是再變而爲宣、政之姦臣,國日危矣。鄭雍易其所守,肆擊劉摯,波及者 違,而隱然有虎豹在山之勢矣。第以新州之舉,於是爲過。故他日紹聖復以藉口,使元祜 三十人,欲結|章惇以取容,然而終亦不免。 小人反覆, 專務自全, 竟何益哉? 孫永之爲人, 論曰:宋之衰也,人才尙多。 梁燾、王嚴叟盡忠事上,凡有過舉,知無不言,雖或從或

校勘記

庶得其中焉。

 三年卒 按宋會要職官六七之一五,梁燾責授雷州別駕、化州安置,事在紹聖四年二月;東都

列

所」;長編紀事本末卷一〇七、編年綱目卷二四都繫廣死於紹聖四年十一月。疑此處有誤,或 事略卷九○本傳,燾於「紹聖三年,責少府監,分司。 明年,遂貶雷州別駕,化州安置,卒於貶

一〇九〇四

「三年」當爲「是年」。

# 宋史卷三百四十三

#### 列傳第一百二

溫益 元絳 許將 鄧潤甫 林希 弟旦 蔣之奇 陸佃 吳居厚

第,調江寧推官,攝上元令。 荆南太守,試以三題,上諸朝,貧不能行。長,舉進士,以廷試誤賦韻,得學究出身。 杭州,易姓曰元。祖德昭,仕吳越至丞相,遂爲錢塘人。絳生而敏悟,五歲能作詩,九歲謁 元絳字厚之,其先臨川危氏。 唐末,會祖仔倡聚衆保鄉里,進據信州,爲楊氏所敗,奔 再舉登

與乙被酒相毆擊,甲歸臥,夜爲盜斷足,妻稱乙,告里長,執乙詣縣,而甲已死。 曰:「歸治而夫喪,乙已伏矣。」陰使信謹吏迹其後,望一僧迎笑,切切私語。 民有號三豹子者,豪占人田,略男女爲僕妾,有欲告者,則殺以滅口。 絳捕寘于法。 **絳命取僧繁廡** 絳敕其妻 甲

列

第一百二

元絳

一〇九〇五

知之。」

下,詰妻姦狀 卽 吐實。 人問 正其故,絳曰:「吾見妻哭不哀, 且與傷者共席而 襦 無 M 汚, 是以

者,擊登聞鼓,皆不得直。 上 腴 田,立券。 安 (無使范仲淹 久而整母始知之,訟于縣,縣索券爲證,則母手印存,弗受。 表其材,知永新縣。 絳至,母又來訴,絳視券,呼謂津曰:「券年月居印上,是必得周母 豪子龍聿誘少年周整飲博, 以技勝之, 又訟于州 計其貲 二于使 折 取

絳出 鹽 以 爲 庫錢,即其處作室數千區,命人自占,與期三歲償費,流移者皆復業。又甓其城,因門 知 通州 非羣販比也。」答而縱之。 海門縣。准民多盜販鹽,制置使建言,滿二十斤者皆坐徒。 擢江西轉運判官、知台州。 州大水冒城, 絳曰「海濱之人,恃 民廬蕩析。

他牘尾印,而撰僞劵續之耳。」書駭謝,卽日歸整田

運使, 以 儂 待逋寇;繕治 召 智高 拜 鹽 叛嶺南, 鐵 副 使, 十五城, 宿軍邕州 擢 天章 樓 堞 械器 皆 備,軍 閣 而歲漕不足。 待制、知 福州 絳以直集賢院爲廣東轉運使, 進 食有餘。 龍 圖閣直學士,徙廣 以 功 遷工 部 郞 越、 中,歷 荆 建瀕江水砦數 南 邴 浙 爲 翰 泂 林 比 轉

爲牐

,以禦湍漲,後人守其法。

入爲度支判官。

會太學處蕃訟博士受賄, 事連耆寧,當下獄。 絳請上還職祿,而容耆寧卽訊於外,從 知

開

封

府,

拜

三司

使、

參

知

政

事。

數請老,神宗命其子耆寧校書崇文院

,慰留之。

意欲 舉中太一宮,力疾入謁,曰:「臣疾憊子弱,儻一旦不幸死, 之。於是御史至第薄責絳,絳一不自辨,罷知亳州。 然曰:「朕爲卿辨護,雖百子何以加。」詔毋多拜,乘輿行幸勿扈從。 陳訴乎? 」絳謝罪, 願得願,卽以爲願 州。 明年,加資 入辭,帝謂曰:「殷知卿,一歲卽召矣。 則遺骸不得近先人丘墓。」帝惻 、政殿學士、知靑州, 又明年" 以太子 過都,留提 少保 卿

致仕。

弟, 上之。 年而薨,年七十六。 矣。 資金幣,且便耆寧仕 時論鄙之。 **敢冀賜**邪。」旣行,追賚自 **絳所至有威名,而無特操,少儀** 雖在中書,而蕃夷書詔,猶多出其手。 然工於文辭,爲流輩推許。 贈太子少師,諡日章簡 進。」絳曰:「臣有田廬在吳,乞歸鬻之,即築室都城, 金 千兩,敕以蚤還。 矩。 仕已顯, 猶謂遲晚。 景靈宮作神御十一殿,夜傳詔草上梁文,遲明, 旣得謝,帝眷眷命之曰:「卿可營居京師,朕當 海至吳踰歲,以老病奏,恐不能奉詔。 在翰林, 諂事王安石及其子 得望屬車之塵, 幸

也。 簽書昭慶軍 許 將字沖元, 判官,代還,當試館職,辭曰三起家爲官,本代耕爾,願以守選餘日,讀所未 福州閩 人。 舉進士第一 歐陽脩 讀 其賦,謂曰:「君辭氣似沂公,未可量

0

列 傳 第

百

許

將

築之。 太常 見書。」宰相 丞當 I轉博· 善其志, 士,超改右正 以通判明州。 言; 明日, 神宗召對,除集賢校理、同知禮院, 直舍人院; 又明日, 判流內銓: 編修中書條例。 皆神宗特命 自

南曹,闢公舍以待來訴者, 初,選人調擬,先南曹,次考功。 綜核無法, 吏得緣文爲姦,選者又不得訴長吏。 士無留難 進 知 制 誥,特敕不試 而命之。 將奏罷

蕭禧 密院閱文書。 審官西院、直學士院、判尙書兵部 畫矣。」將曰:「此事, 位侍從,朝廷大議不容不知。 館客,禧果以代州爲問,將隨問隨答。 契丹以兵二十萬壓代州境,遣使請代 及至北境,居人跨屋棟聚觀,曰:「看南朝狀元。」及肄射,將先破 申飭邊臣豈不可, 萬 一北人言及代州 何以使爲?」禧慙不能對。 地, |禧又曰:「界渠未定,顧和好體重,吾且往 歲聘之使不敢行,以命將。 事,不有以折之, 則傷國體。」遂命 歸報,神宗善之,以將知 將入對曰:「臣備 的。 將詣 契丹使 大 國

法,将一 者,蔡確、舒亶因陷之,逮其父子入御史府,踰月得解,黜知蘄州 時 河北保甲、陝西河東弓箭社、閩陸槍仗手雖有名籍,其多少與年月不均,以 切整攝之。 進翰林學士、權知開封府,爲同進所忌。 會治太學虞蕃訟,釋諸生無罪 致閱按 無

明年,以龍圖閣待制起知秦州,改揚州,又改鄆州。 上元張燈,吏籍爲盜者繫獄,將口:

「是絕其自新之路也。」悉縱遣之,自是民無一人犯法,三周皆空。 父老歎曰:「自王沂公後

五十六年,始再見獄空耳。」剛俗士子喜聚肆以謗官政,將雖弗禁,其俗自息。

給用。」及西方用兵,神宗遣近侍問兵馬之數,將立具上之,明日,訪樞臣,不能對也。 禁兵,曰廂兵,曰民兵。 馬之事有三:曰養馬,曰市馬,曰牧馬。 兵器之事有二:曰繕作,曰 近而遠之,運衆算猶掌握。非天下之至神,孰能與此?」又條奏八事,以爲「兵之事有三:曰 馬有數,用雖不同,合而分之,散而斂之,取四方猶跬步;制器有度,工雖不同,左而右之, 此天下之至機也。是以治兵有制,名雖不同,從而橫之,方而圓之,使萬衆猶一人,車 召爲兵部侍郎。上疏言:「兵措於形勢之內,最彰而易知;隱於權用之表, 最微而難

|將始與執政同議,復密疏利 | | 不可用。 先朝爲侍從,每討熙、豐舊章以聞。 以龍 圖閣直學士知成都府。 元祐三年,再爲翰林學士。四年,拜尙書右丞。 中旨用王文郁、姚兕領軍,執政復議用張利一、張守約。 言者論其窺伺主意,衒直賣友。 罷爲資政殿學士、 將自以在

知定州,移揚州,又移大名府。

以受之,則梁村之口可以止;兩不能相奪,則各因其自流以待之。」 北,而盡閉諸口,以絕大名諸州之患。俟水大至,觀故道足以受之,則內黃之口可塞;不足 會黃河東、北二議未決,將曰:「度今之利,謂宜因梁村之口以行東,因內黃之口以行

列

章惇 墓,非盛德 爲 紹 相,與蔡卞同 聖 初 事。」方黨 入爲 吏部尙書, 禍作,或舉漢、唐誅戮故事,帝復問將,對曰:「二代固有之,但祖宗以來 肆羅織, 貶謫元祐諸臣,奏發司馬光墓。 上疏乞依元豐韶,定北郊夏至親祀。 哲宗以問將, 拜尚書左 對 7K 中 曰:「發人之 -書侍 郎

未之有,本朝治道所以遠過漢、唐者,以未嘗輒戮大臣也。」哲宗皆納之。

進, 門 不 下 可 凡居政 以 侍 將 爽信, 郎,累官金紫光祿大夫,撫定鄯、廓州。 嘗 議正 地 + 而兵機有不可失,旣已戒期,願遂從之。」未幾,捷書至,將以復河、湟功轉特 |夏人罪,以涇原近夏而地廣,謀帥尤難,乞用章楶,楶果有 车。 邊臣欲舉師渡河,朝議難之,將獨謂:「外國 功。 崇寧元年,進

文殿 爲。 隨改焉。」 圖 初 學 逮 御 以無定論。 士 至建中,尙此冒居,則紹聖之所爲已皆非矣。 史中丞 遂以 、奉國 |朱諤取將舊謝章表,析文句以爲謗,且謂:「將左顧右視, 資政殿 軍節度使。 元站 間嘗爲 大學 土 在 丞轄, 知 大名六年, 河 南府。 則盡 更元豐之所守。 言者不已,降資政殿 數告老, 召爲佑神觀使。 強顏今日, 紹 聖 學士、知潁 初 亦 復秉鈞軸,則 復偷 政 和 安,則 初,卒,年七十五。 昌府,移 見利 建中 陰 則回,幡 匿 大名, 之所 元 祐 之所 爲亦 然改 加觀

子份,龍圖閣學上。

贈

開

府

儀

同三司,諡

日文定。

萃非之,故陛下排斥異論,以圖治功。然言責之路,反爲壅抑;非徒抑之,又或疑之。 上饒 損國威,爲四國笑。今陛下使憲將兵,功之成否,非臣等所能預料。 言之氣日以折,而天下事變,有不得盡聞。 囊變法之初,勢自當爾。 今法度已就緒,宜有以 民力,則疑其違道干譽;論補法度,則疑其同乎流俗;論斥人物,則疑其訐以爲直。 獄,深致其文,入馮京、王安國、丁諷、王堯臣於罪。 來,用楊思勗、魚朝恩、程元振、吐突承璀爲將。 來天下論議。 書戶房事。 尉、武昌令。 李憲措置熈河邊事,潤甫率其屬周尹、蔡承禧、彭汝礪上書切諫,其略云:「自唐開元以 擢御史中丞。上疏曰:「向者陛下登用雋賢,更易百度,士狃於見聞,蔽於俗學,競起而 鄧 潤 陛下仁聖神武,駕御豪桀,雖憲百輩,顧何能爲,獨不長念卻慮,爲萬世之計乎?豈 | 甫字温伯, 建昌人。嘗避高魯王諱, 以字爲名, 別字聖求, 後皆復之。 神宗覽其文,除集賢校理、直舍人院,改知諫院、知制誥。同鄧綰、張琥治鄭俠 至於淫辭詖行,有挾而發,自當屏棄。如此,則善言不伏,而眞大治也。」 舉賢良方正,召試不應。 熙寧中,王安石以潤甫爲編修中書條例、檢正中 有功,則負勢驕恣,陵轢公卿;無功,則挫 然以往事監之,其有害 第進士,爲 故敢 論卹

列傳

第

百二

鄧潤甫

一〇九一一

可使國 史所書,以中人將兵,自陛下始? 後世沿襲故迹,視以爲常, 進用其徒握兵柄,

下之息,將有不可勝言者矣!」不聽。

**芟劉,昭陵喬木,翦伐無遺。** 人掊克,不顧大體。 又言:「興利之臣,議前代帝王陵寢,許民請射耕墾,而司農可之。唐之諸陵,因此悉見 願絀創議之人,而一切如令。」從之。 熙寧著令,本禁樵采,遇郊祀則敕吏致祭,德意可謂遠矣。

成都 禮部尙書。 確制,妄稱有定策功,乃以龍圖閣學士知亳州。 夕草制二十有二。 府。 遷翰林學士。 召復翰林學士兼掌皇子閤牋記,一時制作,獨倚潤甫焉。 請郡,得知蔡州 進承旨,修撰神宗實錄。 因論奏相州獄,爲蘇確所陷,落職知撫州。 ,移永興軍 以母喪去, 閱歲,復以承旨召。數月,除端明殿學士、 終制,爲吏部尙書。 移杭州,以龍圖閣直學士知 哲宗立,惟潤甫在院,一 梁燾論其草蔡

文、 見上,當力爭 武 元 之道,以開紹 祐 末,以兵部尚書召。 '。」無何, 述。 暴卒,年六十八。 遂拜 尚書左丞。 紹聖初, 哲宗親政,潤甫首陳武王能廣文王之聲, 章惇議重謫呂大防、劉摯,潤甫不 輟視朝二日。 以嘗掌均邸牋奏,優贈開府儀同三 以爲然, 成王能嗣 曰:「俟

司

諡

日安惠。

起居郎 麗,希聞命,懼形於色,辭行。神宗怒,責監杭州樓店務。 遷著作佐 林希字子中,福州人。 ,進中書舍人。言者疏其行誼浮僞,士論羞薄,不足以玷從列。 皇后父喪,太常議服淺素,希奏:「禮,后爲父降服期。 |郞、禮部郞中。 元豐六年,韶修兩朝寶訓,上之。 舉進士,調涇縣主簿,爲館閣校勘、集賢校理。 元祐初,歷祕書少監、起居舍人、 歲餘,通判秀州,復知太常禮院, 今服淺素,不經。」及遣使高 以集賢殿修撰知蘇 神宗朝, 同知太

書命,逞毒於元祐諸臣,且許以爲執政。 司馬光作相,用蘇軾掌制,所以 人,修神宗實錄兼侍讀。 紹聖初,進寶文閣直學士、知成都府。 )能鼓動四方,安得斯人而用之。」或曰:「希可。」惇欲使浠 「稀亦以久不得志,將甘心焉,遂留行。 道闕下,會哲宗親政,章惇用事,嘗曰:「元祐初, 復爲中書舍

典

州,更宜、湖、潤、杭、亳五州,加天章閣待制。

草制罷,擲筆于地曰:「壞了名節矣。」 方推明紹述,盡黜元祐羣臣,希皆密豫其議。 人之制,皆爲爲之,詞極其醜詆,至以「老姦擅國」之語陰斥宣仁,讀者無不憤歎。 哲宗問:「神宗殿日宣光,前代有此名乎?」希對曰:「此石勸殿名也。」乃更爲 自司 馬光、呂公著大防、劉摯、蘇軾 顯承。 轍等數十 一日,浠

列

相 伺 遷 禮 部 |希日爲||布所誘,且怨||惇不引爲執政,遂叛惇。 吏部尚書、翰林學士,擢同知樞密院。 始, 惇疑曾布在樞府間已,使希爲貳,以 會邢恕論希罪, 惇因丼去之, 罷知

亳州 ,移杭州,布不能 談也。 旋以端明殿學士知太原府。

幾卒,年六十七。 徽宗 立,徙大名。 追贈資政殿學士,諡曰文節。 上河東邊計三策,朝廷以 弟旦 其詞命醜正之罪,奪職知揚州,徙舒州。

簽書准南 月,以論李定事 旦,第進士,熙寧中,由著作佐郎主管淮南常平,擢太子中允、監察御史裏行。 判官。 罷守故官。久之,幹當奏院 入爲太常博士,工部、考功員外郎。 陳繹領門下封駁,又摭其前論罷之。 累年,乃 居臺五

小郡, <u>ıĿ</u>; 寧,使不得觀望迎合,犯令干譽,終之,以必行黜罰以恐懼之。 於是人人相戒, 餘黨常懷 病。 至於再申諭告,方達天聰。 元站 竊見去歲五月,詔求讜言,士民爭欲自獻。 小郡之民奚罪焉。乞投之散地,以謝天下」。又言:「近彈王中正、石得一等,雖 醜 元年,拜殿中侍御史。 正惡直之心,願深留宸慮,以折邪謀。」遂論呂 聞初韶乃蔡確、章惇造端,其詞盡出於惇。 甫蒞職, 即上疏曰:「廣言路然後知得失,達民情然後 及詳觀韶語,名雖求諫, 惠卿、鄧綰 ,謂「館雖罷揚州,獨蒞 實欲拒言, 今二人旣去,其 言將 約 出 東丁 知利 而 復

責,得一所任肘腋小人,如**翟勍之徒,亦宜編削。」詔並降支郡營校。**又論崔台符、賈種民舞 文深酷之罪,皆逐之。 出爲淮南轉運副使,歷右司郎中、祕書少監、太僕卿,終河東轉運使。

子膚,坐元符上書,陷於黨籍。

監察御史。 科,至太常博士;又舉賢良方正,試六論中選,及對策,失書問目,報罷。 蔣之奇字穎叔, 常州宜興人。以伯父樞密直學士堂蔭得官。 擢進士第, 英宗覽而善之,擢 中春秋三傳

所主』者也。」之奇對曰:「陛下之言及此,天下何憂不治。」 習,五日閉女謁。神宗顧之日:「斜封、墨敕必無有,至於近習之戒,孟子所謂『觀遠臣以其 神宗立,轉殿中侍御史,上謹始五事:一曰進忠賢,二曰退姦邪,三曰納諫諍,四曰遠近

容,因脩妻弟薛良孺得罪怨脩,誣脩及婦吳氏事,遂劾脩。神宗批付中書,問狀無實,貶監 道州酒稅,仍榜朝堂。至州,上表哀謝,神宗憐其有母,改監宣州稅 初,之奇爲歐陽脩所厚,制科旣黜,乃詣脩盛言濮議之善,以得御史。 復懼不爲衆所

新法行,爲福建轉運判官。 時諸道免役推行失平,之奇約僦庸費,隨算錢高下均取之,

列傳第

百二

將

之奇

陂,宿之臨渙橫斜三溝,尤其大也,用工至百萬,溉田九千頃,活民八萬四千。 民以爲便。 遷淮東轉運副使。 歲惡民流,之奇募使修水利以食流者。 如揚之天長三十六

溢 -一六百二十萬石, 餘萬,邊粟皆支二年。 江西、河北、陝西 圖閣,升發運使。 錫服三品。 回使。 移淮南,擢江、淮、荆、浙發運副使。元豐六年,漕栗至京,比常歲 之奇在陝西,經賦入以給用度,公私用足。 比其去, 請鑿龜山左肘至洪澤爲新河,以避准險, 凡六年,其所經度,皆爲一司 故事 自是無覆溺之患。 庫緡八

詔增二秩,加直龍

堂以祀,冀變其習 選。 不逞借之爲虐, 貨,爲吏者多貪聲, 改集賢殿修撰、知廣州。 元 站 初,進 天章閣待制、知潭州。 其勢張甚。 之奇取前世牧守有淸節者吳隱之、宋璟、盧奐、李勉等, 之奇遣鈴轄楊從先致討, 妖人岑探善幻,聚黨二千人,謀取 御史韓川孫升、諫官朱光庭皆言之奇小人,不足當斯 生擒之。 新興、略番禺、包據嶺麦、羣 加寶文閣待制。 繪其象,建 南 海 饒 賢 實

境。 伯,奈何爲之屈膝邪 之奇揣其非誠心,務修守備,謹斥候,常若敵至。 徙 河北都轉運使、知瀛州。 ! !」奠而不 ·拜。 遼使耶律迪道死,所過郡守皆再拜致祭。 入爲戶部侍郎。 未幾,復出知熙州。 終之奇去,夏人不 敢犯 夏人論和,請畫封 之奇日:「天子方

紹聖中,召爲中書舍人,改知開封府,進龍圖閣直學士,拜翰林學士兼侍讀。

元符末,

鄒浩以言事得罪,之奇折簡別之,責守汝州。 閱月,徙慶州

之,以其地爲徽、靖二州。 **失**降中大夫。以疾告歸, 徽宗立,復爲翰林學士,拜同知樞密院。 提舉靈仙觀。三年,卒,年七十四。 崇寧元年,除觀文殿學士、知杭州。 明年, 知院事。 後錄其嘗陳紹述之言,盡復 以棄河、湟事奪職,由正議大 **沅州蠻擾邊,之奇請遣將討** 

在淮南薦孝子徐積,每行部至,必造之。特以畔歐陽脩之故,爲淸議所薄。 之奇爲部使者十二任,六典會府,以治辦稱。且孜孜以人物爲己任,在閩薦處士陳烈,

子踏至侍從,曾孫淸別有傳。

但推 **郭說營營,顧無足聽。」個日:「是乃所以致人言也。」明日,安石召謂之曰:「惠卿云:『私家** 訪外議。」 金陵,受經於王安石。 行不能如初意,還爲擾民,如青苗是也。」安石驚曰:「何爲乃爾?吾與呂惠卿議之,又 陸佃字農師,越州山陰人。居貧苦學,夜無燈,映月光讀書。 |佃曰:「公樂聞善,古所未有,然外間頗以爲拒諫。」安石笑曰:「吾豈拒諫者?但 熙寧三年,應舉入京。 適安石當國,首問新政, 躡屬從師,不遠千里。 佃 曰:「法非不善, 過

列

取債, 亦 須 雞半豚。』 已遭李承之使淮南質究矣。」旣而承之還, 詭言於民無不 佃 說

不行

官。 以 政。 初置 禮 部 奏 五 子男用事,好進者坌集其門,至崇以師禮,佃待 名爲舉首。 路學,選爲 鄆州教授, 召補國子監 方廷試賦, 遽發策題, 直 士皆 語。 !愕然; 安石 以佃 之如 佃從容條對,擢 不附己,專付之經術,不復咨 常。 甲科。 授蔡州 推

未有 趙令鑠皆以爲當復。 注 禮文官。 元豐定官制,擢中書舍人、給事中。 如佃者。」加集賢校理、崇政殿說書,進講周官,神宗稱善,始命先一 同 王子韶修定說文。 時同列皆侍從,佃獨以光祿丞居其間。 佃言:「太廟, 用先王之禮, 於用俎豆爲稱; 景靈宮、原廟, 用時王之 入見,神宗問大裘襲袞(1),佃考禮以對。 哲宗立,太常請復太廟牙盤食。 每有所議,神宗輒曰:「自王、鄭以來, 神宗悅, 夕進稿。 博士呂希純 用爲詳 同修 定郊廟 起居 少卿 言 豐

禮,於用牙盤爲稱,不可易也。」卒從佃議。

者 嘉 多是安石,爲之晦隱。 其 是時,更先朝法度,去安石之黨,士多諱變所從。 無向背 遷吏部: 侍郎, 庭堅曰:「如公言,蓋 以修撰神宗實錄徙禮部。 佞 史也。」個日:「盡用君意,豈非謗書乎!」 安石卒,佃率諸生供佛,哭而祭之,識 數 與史官范祖禹、黃庭堅爭辨,

進權禮部尙書。 鄭雅論其穿鑿附會, 改龍 圖閣待制、 知潁州。 佃以歐陽脩守潁有遺

江寧府。 愛,爲建 河宇。 甫至,祭安石墓。 實錄成,加直學士,又爲韓川、朱光庭所議,詔止增秩, 句容人盜嫂害其兄,別誣三人同謀。 既皆訊服,一囚父以冤訴, 徙知鄧州。 未幾,知

通 判以下皆曰:「彼怖死耳,獄已成,不可變。」佃爲閱實,三人皆得生。 紹聖初,治實錄

坐落 職,知泰州,改海州。 朝論灼其情,復集賢殿修撰,移之蔡。

學士 詢考政事 更, 更。 師 成 是知賡之而不知揚之之罪也,紹聖稱頭,是知揚之而 徽宗 大夫相傾競進,以善求事爲精神,以能計人爲風采,以忠厚爲重遲,以靜退爲 風 紹聖以來, 莫之或止,正而救之,實在今日。 ,惟其當之爲貴,大中之期,亦在今日也。」徽宗遂命修哲宗實錄 即位,召爲禮部侍郎。 又皆稱頌。 夫善續前人者, 不必因所為, 上疏曰:「人君踐祚,要在正始,正始之道,本於朝廷。 神宗延登眞儒,立法制治,而元祐之際, 不知賡之之過也。 否者賡之, 善者楊焉。 願容謀人賢 卑弱。相 元祐紛 悉肆 近時 紛

漢使 |殊無| 遷 吏部尚書,報聘于遼,歸,半道 书唁之儀,何也?」<br />
個徐應日:「始意君匍匐哭踊而相見, 聞遼主洪基喪,送伴者赴臨而返,銷佃曰: 即行弔禮; 今偃然如常 「國哀如是,

時,尚何所弔? 

用 飾 郭 拜 ? 尙 」對曰:「大裘尙質,後世加飾焉,非禮也。」徽宗曰:「然則罷之可乎?數日來,豐稷 書右丞 將 祀 南郊,有司 '欲飾大裘匣, 度用黃金多, 佃請易以銀。 徽宗曰:「匣必

列

徽宗意甚確。 屢言之矣。」佃因贊曰:「陛下及此,盛德之舉也。」徽宗欲親祀北郊,大臣以爲盛暑不可, 朝退,皆曰:「上不以爲勞,當遂行之。」李淸臣不以爲然。旧曰:「元豐非合祭

而是北郊,公之議也。今反以爲不可,何耶?」清臣乃止。

也。 上書, 「今天下之勢,如人大病向愈,當以藥餌輔養之,須其安平; 須不次用人;苟安寧時,人之才無大相遠,當以資歷序進。 也。」個執政與曾布比,而持論多近恕。 御史中丞趙挺之以論事不當,罰金。旧曰:「中丞不可罰,罰則不可爲中丞。」諫官陳瓘 曾布怒其尊私史而壓宗廟。旧曰:「瓘上書雖無取,不必深怒,若不能容,是成其名 每欲參用元酤人才,尤惡奔競。 少緩之,則士知自重矣。」又曰: **荷為輕事改作**,是使之騎射 嘗曰:「天下多事,

及耳。」遂罷爲中大夫、知亳州,數月卒,年六十一。 言不宜窮治,乃下詔申諭,揭之朝堂。 轉左丞。 御史論呂希純、劉安世復職太驟,請加鐫抑,且欲更懲元祐餘黨。 讒者用是詆個,日:「個名在黨籍,不欲窮治,正恐自 追復資政殿學士。 佃爲徽宗

個著書二百四十二卷,於禮家、名數之說尤精,如埤雅、禮象、春秋後傳皆傳於世。

田 以均給梅山徭,計勞,得大理丞,轉補司農屬。 吳居厚字敦老,洪州人。 第嘉祐進士,熙寧初,爲武安節度推官。 元豐間,提舉河北常平,增損役法五十一 奉 行 新法, 盡力核閉

條,賜銀緋,爲京東轉運判官,升副使。

與河 |楚、|海 利得 錢 元 站 萬 歲得十萬緡。 貫 幸 治其罪,責成州 北 劇 天子方興鹽、鐵, 之間 盗王 ',佐陝西軍興; 蹇周輔、李南公會境上,議鹽法,搜剔 不數歲,至侍從,嗜進之士從風羨美。 賴 | 沖因民不忍,聚衆數千, 其利。 詔褒揭其能。 團練副 召拜戶部侍郎、尙書, 居厚精心計、籠絡鈎稽、收羨息錢數百萬。 且募民養保馬。 使, 安置黃州 擢 天章閣待制、都轉運使。 欲乘其行部至徐,篡取投諸冶。 當時商 以龍圖 章惇 無遺。 又請 功利之臣,所在 用事 閣學 以鹽 居厚起州縣凡流, 士知開封府, 起爲江、准發 息買絹,資河東馬直, 前使者皆以不任職蒙譴,居 成聚,居厚最爲掊克。 即蒸蕪、利國二冶官自鑄 運使。 爲永泰陵橋道 居厚 無閥 聞知, 閲 疏支家 勳庸, 發大鐵錢 間 道 頓 河 徒以言 遞使。 通 遁 厚

宮使, **都門**,留使佑神觀 崇 恩許 寧初, 仍 服 復尹開封 方 ,復還政府,遷 團 金毬文帶。 ,拜尙書 右丞,進中書門下侍 知樞密院。政和三年,以武康軍 自是, 前執政在 京師者 郎。 視 以老 此。 避位,爲資 出爲 (三節度使 亳州 (政殿學· 、洪州 知洪州,卒,年七 ,徙太原, 士、東太 道

坐

<del></del>積

雨

留

滯,

靇

知

和州

列

第

百

吳居

厚

溫

益

十九。贈開府儀同三司。

居厚在 政地久,以周謹自娟,無赫顯惡,唯一時聚斂,推爲稱首。

政倡言,帝當爲哲宗服兄弟之服。會肇在邇英讀史記舜紀,因言:「昔堯、舜同出黃帝,世數 陳瓘指言其過,謂不宜列侍從、處經帷,不報。 陶,率爲所侵困,用事者悅之。未及用,而徽宗以藩邸恩,召爲太常少卿,遷給事 出城,逼使登舟,竟凌風絕江 中,由諸王府記室出知福州,徙潭州。 同出。」遷吏部尙書。 已遠,然<u>舜爲</u>堯喪三年者,以嘗臣<u></u>堯故也。」益意附執政,進曰:「史記世次不足信,堯、舜非 温 益字禹弼,泉州人。 第進士,歷大宗正丞、利州路湖南轉運判官、工部員外郎。 而去。 他逐臣在其境內,若范純仁、劉奉世、韓川、呂希純、呂 鄒浩南遷過潭,暮投宿村寺,益卽遣州都監將數卒夜 改龍圖閣待制、知開封府、猶兼侍讀。 中兼侍讀。 時執 紹聖

得藉 益 叱曰:「曾布安得無禮!」帝不樂,布由是得罪,而京遂爲相。 手以爲宜相察京,天下之善士,一切指爲異論,時人惡之。 建中靖國元年,拜尚書右丞。 鄧洵武獻愛莫助之圖,帝初付曾布,布辭。 進益中書侍郎。 布與京爭事帝前,辭頗厲, 改付益,益 列傳第一百二 溫益 校勘記

以告。 除監司、郡守十人,益稍不謂然。 十人,皆其烟黨耳,欲不逆其意得乎?」原聞而頗憚焉。 益仕宦從微至著,無片善可紀,至其狡譎傅合,蓋天稟然。 及是,乃時有立異。 凉一日 益曰:「君在西掖,每見所論事, 京知中書舍人鄭居中與益厚,使居中自從其所問之,居中 舍人得舉職,侍郎顧不許耶?今丞相所擬錢龢而下 踰年,卒,年六十六。

子萬石至尙書。

語,擊舉主以自文,小人之魁傑者也。 筆而悔,又何晚也; 謀,又表章蔡確定策之功,雖有他長,無足觀矣。 聖以至建中,左右視利,幡然改圖, 咸有異政,亦諂事之,陋矣。 陸佃雖受經安石,而不主新法,元祐黨人之罪,請一施薄罰而已,猶差賢於衆人焉。 論曰:王安石爲政,一時士大夫之素知名者,變其所守而從之,比比皆然; 元絳所涖, 弟旦反其所爲,糾劾巨姦,善惡豈相掩哉 許將嘗力止發司馬光墓,此爲可稱,而言者謂其仕於元祐、紹 初無定論。 吳居厚奉行新法,剝下媚上,温益阿附二察,物議不 鄧潤甫初掌牋記,盛有文名,而首贊紹述之 林希草制,務醜詆正人,自知隳壞名節,擲 ! 蔣之奇始慫慂濮議,晚摭 派

#### 校勘記

(1)大裘襲袞 「大裘」原作「大喪」,據本書卷一五一輿服志、陸佃陶山集卷五元豐大裘議改。

(三) 武康軍 原作「武寧軍」,據本書卷二一二字輔表、萬勝仲丹陽集卷一二吳居厚墓誌銘改。

# 宋史卷三百四十

## 列傳第一百三

孫覺 李之純 從弟之儀 弟覽 李常 王覿 子俊義 孔文仲 弟武仲 馬默 平仲 李周 鮮于侁

方製食,難督以威。若以米易之,必盡力,是爲除害而享利也。」守悅,推其說下之他縣。 問終身之戒,爲陳諸侯之孝,作富貴二箴。擢右正言。 肺中,擇名士編校昭文書籍,覺首預選,進館閣校勘。 少,嚴然居其間,衆皆推服。登進士第,調合肥主簿。歲旱,州課民捕蝗輸之官,覺言:「民 孫覺字莘老,高郵人。甫冠,從胡瑗受學。暖之弟子千數,別其老成者爲經社,覺年最 神宗卽位,直集賢院,爲昌王記室,王

容語及知人之難,覺曰:「堯以知人爲難,終享其易。蓋知人之要,在於知言。人主用臣之 神宗將大革積弊,覺言:「弊政固不可不革,革而當,其悔乃亡。」神宗稱其知理。 嘗從 一〇九二五

列 傳 第

一百三

孫 覺

爲患禍 數十人者, 之士也,可以處外而不可以處內,可以責之事而不可責之言。陛下欲興太平之治, 道,任賢使能 ,尚可以一二言之哉。願觀詩、書之所任使,無速於小利近功,則王道可成矣。」 多有口才,而無實行。 而已。 賢能之分既殊,任使之方亦異。 臣恐日浸月長,彙征牆進,充滿朝廷之上,則賢人日遠,其 至於所知有限量,所能有彼此,是功用 而所擢

判越州,復右正言,徙知通州。 覺連章丐去云:「去歲有罰金御史,今茲有貶秩諫官,未聞罰金貶秩,而猶可居位者。」乃通 以爲希旨,奪官兩級。 邵 亢在樞府,無所建明,神宗語覺,欲出之,用陳升之以代。 執政曰:「諫官有出外,無降官之理。」神宗曰:「但降官,自不能住。」 熙寧二年,韶知 諫院,同修起居注,知審官院 覺退,即奏疏如所言,神宗

辯 而有才,過於人數等, 王安石早與覺善,驟引用之,將援以爲助。 特以爲利之故,屈身於安石,安石不悟,臣竊以爲憂。」神宗曰:「朕 時呂惠卿用事,神宗詢於覺,對曰:「惠卿 卽

亦疑之。」其後王、呂果交惡。

况載師所任地,漆林之征特重,所以抑末作也。今以農民乏絕,將補耕助斂,顧比末作而征 說者不明。 奏條其妄,曰:「成周賒貸,特以備民之緩急,不可徒與也, 青苗法行,首議者謂:「周官泉府,民之貸者,至輸息二十而五,國事之对用取具焉。」覺 鄭康成釋經,乃引王莽計贏受息,無過歲什一爲據,不應周公取息,重於莽時。 故以國服爲之息。 然國服之息,

以圖治。 之,可乎。國事取具,蓋謂泉府所領,若市之不售,貨之滯於民用,有買有予,丼賒貸之法而 儻專取具於泉府,則冢宰九賦,將安用邪?聖世宜講求先王之法,不當取疑文虛說 今老臣疎外而不見聽,輔臣遷延而不就職, 門下執正而不行,諫官請罪而求去。

臣誠恐姦邪之人,結黨連伍,乘衆情之洶洶,動搖朝廷,釣直干譽,非國家之福也。」 辭行,且言:「如陳留一縣,前後曉示,情願請錢,卒無一人至者,故陳留不散一錢。 會曾公亮言畿縣散常平錢,有追呼抑配之擾,安石因請遣覺行視虛實。 安石覽之,怒,覺適以事詣中書,安石以語動之曰:「不意學士亦如此!」始有逐覺意。 覺旣受命,復奏疏 以此見

隄沒,水爲民患。 徙 廬州, 改右司諫。 覺易以石,高丈餘,長百里,隄下化爲 以祖母喪求解官,下太常議, 不可。 韶知潤州,覺已持喪矣。

良田

服

民實不願與官中相交。

所有體量,望賜寢罷。」遂以覺爲反覆,

出

知廣德軍,徙湖州

嫁娶以 除, 衣,疑而訊之,曰:「我耕於野,與甲遇,彊以 知蘇州,徙福州。 百數,葬埋之費亦率減什伍。 閩俗厚於婚喪,其費無藝。 連徙毫、揚、徐州。 ) 梃與我,半夜挾我東,使候諸門,不知其他也。」 覺裁爲中法, 除多盜,捕得殺 使資裝無得過百千。 人者五,其一僅勝 令下,

知 應天府,入爲太常少卿,易秘書少監。 哲宗卽位,兼侍講,遷右諫議大夫。 時諫官、 問吏:「法何如?」曰:「死。」覺止誅其首,後遂爲例。

列

傳 第

一百三

孫

髭

御 相蔡確 「間者,執政畏人議已,則遷官以餌之,願與濕俱罷。」踰月,縝去。 史論 、韓縝進不以德,確自訟有功無罪,覺隨所言折之,確竟去。 事有限,毋得越職 覺請申唐六典及天禧詔書,凡發令造事之未便,皆得奏陳。論宰 擬白遷覺給事中,辭曰:

宗遣使存勞,賜白金五百兩。 保 **擢御史中丞,數月,以疾請罷,除龍圖閣學士兼侍講,提舉醴泉觀,求舒州靈仙觀以歸。** 甲進者補指使,宗室袒免從員外置,一日得闕數千。改主左選,請磨勘歲以百人爲 吏部侍郎,領右選,在選萬五千員,闕纔五之二,至有三年不得調者。 卒,年六十三。 覺請自軍

以誄,談者稱之。紹聖中,以覺爲元祐黨,奪職追兩官。|徽宗卽位,復官職。有文集、奏議 六十卷,養秋傳十五卷。弟覽。 覺有德量,爲王安石所逐。安石退居鍾山,覺枉駕道舊,爲從容累夕,迨其死,又作文

屯將 引覽自助,覽拒不答。 獝 羣語不顧,覽呼諭之曰:「將誠 徐至 覽字傳師。 一,覽命吏趣具奏,衆意遂安。 **擢第,知尉氏縣。有屯將遇下虐,士卒謀因大閱殺之以叛。**覽聞之,馳往,士 **亶怒,用帳籍違事劾之。** 無狀,然天子何負汝輩,乃欲致族滅邪?」皆感謝去就 神宗壯其材,以爲司農主簿。 出提舉利州、湖南常平、改京西轉運判官, 舒亶判寺 且 兼諫院,欲 列。

束,勿建官置戍以爲民困。 入爲右司 員外郎。 荆湖開疆,命往相其便。 自 誠州至融江口,可通西廣鹽,以省北道餉飽。」悉從之。 覽言:「沅州所招溪洞百三十,宜從本郡隨事

學士。 太原。 粮,嚴兵械,日:「敵至矣!」居數日,果大入,覽奮擊敗之,遂城<u></u>籄而還。策勳, 萬屯境上,覽下令吾兵少,須滿五萬。 陵, 制 由桂徙廣,又改渭州。 轅門肅然。 使還,爲河東、河北轉運副使,加直龍圖閣,歷知河中應天府、江淮發運使。進寶文閣待 夏人據橫山,並河爲寨,秦、晉之路皆塞。 召知開封府, 夏人入邊,檄大將苗履禦之,履稱疾移告,立按正其罪,竀諸房 至則拜戶部侍郎。 及西夏人聞而濟師,覽不爲動,相持益久,忽令具糗 與察京論役法不合,以龍圖閣直 覽謀復取 葭蘆 戍,阻險不得前 加樞 L 學士知 夏 密直

待制。 覽 雖 卒,年五十九。 立邊功,議論多觸執政,屢遭絀削,歷知河南、永興,徙成都。 辭不行,降爲寶文閣

李氏 山房。調江州 李常字公擇,南康 判官、宣州觀察推官。 建昌人。 少讀書廬山白石 發運使楊佐將薦改秩,常推其友劉琦,佐曰:「世無 僧舍。 旣擢第, 留所抄書九千卷, 名舍日

列

此風久矣。」幷薦之。

半歳間 侍 令常具官吏主名,常以非諫官體,落校理,通判滑州。 所親密論意 苗,斂散 立 郞 新 論 法,常預議,不欲青苗收息。 熙寧初,爲祕閣 取息,傳會經義,人且大駭,何異王莽猥析周官片言,以流毒天下!」安石見之,遣 報 誅 無虛 七 ,常不爲止。 百人, 姦無所匿。 日 校理。 常得點盜,刺爲兵,使在麾下,盡知囊括處,悉發屋破柱,拔其根株, 又言:「州縣散常平錢,實不出本,勒民出息。」神宗詰安石,安石請 王安石與之善,以爲三司條例檢詳官,改右正言、 徙淮南西路提點刑獄。元豐六年,召爲太常少卿,遷禮部 至是,疏言:「條例司始建,已致中外之議。 歲餘復職,知鄂州,徙湖、齊二州。 知諫院。 至於均輸、青 安石

爾一 廢 邦 無彼己, 貪 乃折 ), 則 哲宗立 贓, 審 人知朝廷不急於征 衷條 口 疑 一,改吏部,進戶部尙書。 久 獄 上之。 者 ",擇儒 確。 赦恩,蠲市易逋負不滿二百 今使民俱出貲則貧者難 師,修役法。 利,聚斂少息矣。」常 時役法差、免二 或疑其少幹局,慮不勝任,質於司馬光。 辨, 轉對,上七 1 緒者 俱出 科未定,常謂:「法無 常請息 力則富 事 丁, 曰 者 過其數亦 1崇廉 難堪, 恥,存 新陳,便民 各從 勿 取 鄉舉, 以其願 光日:「用常主 ~者良; 別守宰, 則 미 論

拜

、御史中丞,兼侍讀,加龍圖閣直學士。論取士,請分詩賦、經義爲兩科,以盡所長。初,

〇九三一

俗。 河 決小吳,議者欲自孫村口導還故處,及是,役興,常言:「京東、河北饑困,不宜導河。」詔罷 安世併劾常,徙兵部尚書,辭不拜,出知鄧州 諫官劉安世以吳處厚繳蔡確詩爲謗訕 因力攻確。 徙成都,行次陝,暴卒,年六十四。 常上疏論以詩罪確 非所以 厚風 有

文集、奏議六十卷,詩傳十卷,元祐會計錄三十卷。

同; 其死,先後一夕云。 常長孫覺一歲,始與覺齊名,俱受知於呂公著。 其論議趣舍,大略多同,所終官職又

官呂夏卿,稱其詞賦贍麗,策論深博,文勢似荀卿、楊雄,白主司,擢第一。 介自守,不事請謁。 孔 文仲字經父,臨江新喩人。性狷直,寡言笑,少刻苦問學,號博洽。 轉運使在炕,召與議事,事已,馳歸,不詣府。 人問之,曰:「吾於府無事 舉進士,南省考 調餘杭尉。恬

也。

再轉台州

推官。

是, 薦、孫永皆力言文仲不 宋敏求第爲異等。 熙寧初,翰林學士范鎭以制舉薦,對策九千餘言,力論王安石所建理財、訓兵之法爲非 當黜,五上章,不聽。 安石 怒, 啓神宗, 御批罷歸故官。 范鎭又言:「文仲草茅疎遠,不識忌諱。 齊恢二、孫固 封還 御批,韓維、陳 且以直

列 傳

不見錄,豈其論太高 言求之, 而又罪之, 恐爲聖明之累。」亦不聽。 ·而難合邪,言太激而取怨邪?」 蘇頌歎曰:「方朝廷求賢如飢渴,有如此人而

應。 文仲陳三不便曰:「大兵未出,而丁夫預集; 河東顧夫, 勞民而損費; 諸路出兵,首尾不相 習其書,換爲三班主簿,出通判保德軍。時征西夏,衆數十萬皆道境上,久不解,邊人厭苦。 虞、夏、商、周之盛,未嘗無外侮,然懷柔制禦之要,不在彼而在此也。」 吳充爲相,欲寘之館閣,又有忌之者,僅得國子直講。 學者方用王氏經義進取,文仲不

肉。」議遂寢。 天下,保甲、保馬、茶鹽之法,爲遺螫留蠹。改中書舍人。 乘君子,遠服侮中國,斜封奪公論,人臣輕國命,宜察此以消厭兆祥。論青苗、免役,首困 餘宜各系其祖,若唐人稱諸王孫之比。」文仲曰:「上新卽位,宜廣敦睦之義,不應疎間骨 元祐初,哲宗召爲祕書省校書郎,進禮部員外郎。有言:「皇族唯楊、荆二王得稱皇叔, 遷起居舍人,擢左諫議大夫。日食七月朔,上疏條五事,日邪說亂正道,小人

厚恤其家,命弟平仲爲江東轉運判官,視其葬。 哭之皆失聲。 別 寢。 三年,同知貢舉。文仲先有寒疾,及是,晝夜不廢職。 謝曰:「居官則任其責,敢以疾自便乎!」於是疾益甚,還家而卒,年五十一。士大夫 蘇軾拊其柩曰:「世方嘉軟熟而惡崢嶸,求勁直如吾經父者,今無有矣!」詔 同院以其形察,勸之先出,或居

初,文仲與弟武仲、平仲皆以文聲起江西,時號「三孔」。後追貶梅州別駕。 元符末,復

其官。有文集五十卷。

起居愈兼侍講邇英殿,除起居舍人,數月,拜中書舍人,直學士院。 嘗論科舉之弊,詆王氏學,請復詩賦取士。又欲罷大義,而益以諸經策,御試仍用三題。 親,毀瘠特甚,右肱爲不舉。 武仲字常父。 幼力學,舉進士,中甲科。 元祐初,歷祕書省正字、校書,集賢校理,著作郎,國子司業。 調製城主簿,選教授齊州,爲國子直講。

約法,庶幾刑不逮貴近,又全朝廷體貌之意。」遂著爲令。 禮部侍郎,以實文閣待制知洪州。請:「從臣爲州者,杖以下公坐止劾官屬,俟獄成,聽大理 輪二人次對。」時議祠北郊,久不決。」武仲建用純陰之月親祠,如神州地祇。 初,罷侍從轉對,專責以論思。」武仲言:「苟不持之以法,則言與不言,將各從其意。 擢給事中,遷 願

徙宣州,坐元祐黨奪職,居池州。卒,年五十七。元符末,追復之。所著詩書論語說曰

金華講義、內外制、雜文共百餘卷。

平仲字義甫。登進士第,又應制科。 第一 百 = 孔 文 仲 李 周 用呂公著薦,爲祕書丞、集賢校理。 文仲卒,歸葬

物矣。 宗 主管兗州 + 祐 南 77. 萬 時 康 附 置獄 復朝散大夫,召 儻 以 會當 詔 以 景靈宮, 潭州 為非, 路, 譏毁先烈,削校理,知衡州 為 平仲 卒。 臣不敢逃罪。」乃徙 江 爲 東 平仲長 疏言:「米貯倉五 戶 轉運判官護葬事, 部、 金部 史學,工文詞,著 郎中,出提舉永 紹州。 年半,陳不 提點江滯鑄錢、京西刑獄 提舉董必劾其不推 又坐前上書之故, 責惠州 續世 興路刑獄 堪食,若非 說、 釋稗(三)、詩戲 "; 帥 乘民闕食, 行常 鄜 延、 平法,陷失官米之直 諸 環 別 紹聖 慶。 書傳於世 駕, 隨宜泄之,將成 中, 黨論 安置 言者詆 英州 再起, 其元 徽

縣以 屬 李周 周 字純之,馮翊 周設性 杠, 間 老 少 登 男 進 女, 一士第, 無一 調長安尉。 亂 者 都巡檢趙瑜詰盜 嵗 饑 官爲粥以食餓 南 Ш ; 者, 諸 尉 民全 皆 屬 集不 焉 可禁, |瑜|

急, 多行 無 、禮,獨 於周 不 敢 肆

病。 利 選謫戍知田者,市牛使耕,軍食賴以足。 改 轉 洪 知雲安縣, 所 以 洞 令。 利 國 民有 也。」縣之南 蠲 世 鹽 井之征 絕而官錄其產 有 且白 澗 萬 支流 者, 盗 通 其族 入,歲 判 施州 晚 賦 得 菑 遺 州介羣獠,不習服牛之利,爲辟 楗, 劵, 調 周 徒 取 遏 以 之。 湿之。 周 始築新隄, 郡 吏咎 周 民不 田 數 千 周 告

畝

今執 爾。 身 御 若 政 史』 司 乎? 疲 馬光 也。 中國以 '」卒不往。 」對曰:「不識也。」「識 將 薦 勤遠略,致百姓窮困 為御 .史,欲使來見,周曰:「司馬公之賢,吾固 神宗詔近臣舉士, 司馬光乎? ,聚爲盜賊,懼成腹心之憂。」神宗頷之,翼 孫固 以周 」曰:「不識也。」訪禦邊之術, 聞。 神宗 召對 |願見, 謂 日:「 但聞 知卿 薦而往, 曰:「四邊, 不游 日,語 所謂。呈 權 同日 門, 手足

,周,樸忠之士也。

朕且以爲御史。」執政意其異己,請試以事

除提點京西刑

其 罷, 判西京國子監。 下,捍以隄,獨患決溢,若又導之,必致爲害。」乃疏言:「渠成未可必,而費已不貲。 「臣子執喪,不能寢苫枕塊,奈何又從而侈乎?」訖役,山陵使第功載,人人自言,周獨否 一而試之,儻可以足用,行之。」渠卒無功。 時方興 水利,或請釃湍河爲六渠,以益鉗盧陂水,度用工八十萬。 慈聖后復土,吃職陵下,中貴人至者旁午,次舍帟幕,競爲華靡。 明年,河溢,鄧城幾沒,始思其議。 周日:「湍河 竟以直道 原高委 盍姑鑿 周日

閣 以 氏 河湟, 所 爲 陜 有, 哲宗立,召爲職方郎中。 西 常爲 是盡得 轉運 (吾藩籬。 今唃氏破滅,若棄之,必歸夏人。 一使,復入爲太常少卿,進權 ·吐蕃之地,非秦、蜀之利也。」遂不果棄。 朝廷議和西夏,畀以侵地, Ī 一部侍郎,旋以集賢院學士 彼以區區 至欲棄巓州。 遷太常 少卿、祕書少監,以直龍圖 河南,百年爲勍敵,苟益 知邠州,思禮 周日:「隴右故爲朔 如 待制

徙

鳳

翔府

河

中府、陜州,

提舉

一崇福

宮,

改集賢殿修撰。

卒, 年八

+

紹

聖

中,

追貶賀州別

列

僔

第

百三

李

周

鮮于

侁

駕,後復舊職。

屬,及相見,卒不敢言,退而歎曰:「若人未易屈也。」以是不偶於世。 周 自爲小官,沉晦自匿,未嘗私謁執政,有公事,公詣中書白之。 薛向使三司、欲辟爲

與之,介益以爲賢。 唐介與同鄉里,稱其名於上官,交章論薦。 右司理參軍。 「汪族敗前令不少,今不舍,後當詒患。」、侁怒,立杖之,惡類屛跡 鮮于侁字子駿,閬州人。唐劍南節度使叔明裔孫也。性莊重,力學。舉進士,爲江陵 慶曆中,天下旱,韶求言,恍推災變所由興,又條當世之失有四,其語剴切。 調黟令,攝治婺源。 姦民|汪氏富而狠,横里中,因事抵法,羣吏羅拜曰: 洗盛言左參軍<u>李景陽、枝江令高汝</u>士之美,乞移

神宗愛其文。詔近臣舉所知,范鎭以侁應選,除利州路轉運判官。 弗取,郡守以下效之。|趙抃使圖,薦於朝,未及用。 5,繫囚累百,府使往治,數日,空其獄。 通判綿州。 綿處蜀左,東狃貪成風,至課卒伍供薪炭、獨豆,鬻果蔬多取嬴直。 神宗詔求直言,恍爲察河撥發,應詔陳十六事, 從何郯辟,簽書永興軍判官。 萬年令不 |佐一切

初,王安石居金陵,有重名,士大夫期以爲相。

| 低惡其沾激要君, 語人曰:「是人若用,

怨者,不可概舉。」其意專指安石。安石怒,毀短之。 必壞亂天下。」至是,乃上書論時政,曰:「可爲憂患者一,可爲太息者二,其他逆治體而召民 神宗曰:「侁有文學,可用。」 安石曰:

「陛下何以知之?」神宗曰:「有章奏在。」安石乃不敢言。

不散之故。 貧地瘠,半此可矣。」瑜不從,各以其事聞。 頒以爲式。 初,助役法行,詔諸路各定所役緡錢。 |恍日:「青苗之法,願取則與,民自不願,豈能彊之哉!」 因黜險,而升、他副使,仍兼提舉常平。部民不請青苗錢,安石遣吏廉按,且詰、佐 時諸路役書皆未就,神宗是依議,諭司農會布使 利州轉運使李瑜定四十萬,侁爭之曰:「利州民

聽民以畸零納直。其後有李元輔者,輒變而多取之,父老流涕曰:「老運使之法,何可改?」 私,各得其歡心。 因請更以文臣爲守,倂易班行領縣事。 左藏庫使周永懿守利州,貪虐不法,前使者畏其兇,莫敢問。院捕械于獄,流之衡湘, 蘇軾稱洗上不害法,中不廢親,下不傷民,以爲「三難」。二稅輸絹綿,冼奏 凡居部九年,治所去閬中近,姻戚旁午,待之無所

縱大河注其中,民爲魚矣。」作議河書上之,神宗嘉納。後兩路合爲一,以侁爲轉運使。 徙京東西路。 河決澶淵,議欲勿塞,侁言:「東州匯澤惟兩濼,夏秋雨淫,猶溢而害,若 蓋侁之姪師中亦居是職,故稱「老」以別之。

時王安石、呂惠卿當路,正人多不容。佚曰:「吾有薦舉之權,而所列非賢,恥也。」故凡

列傳

第

百三

鮮于佛

**獲罪。」| 恍日:「欺君負友,吾不忍爲,以忠義分譴,則所願也。」爲舉吏所累,罷主管西京御** 道揚,侁往見,臺吏不許通。 神宗曰:「廣陵重鎭,久不得人,今朕自選卿往,宜善治之。」蘇軾自湖州赴獄,親朋皆絕交。 所 薦如劉擎 、李常、蘇軾 、蘇轍、劉攽、范祖禹,皆守道背時之士。 或曰:「公與軾相知久,其所往來書文,宜焚之勿留,不然,且 元豐二年召對,命知揚州。

<del>乎</del> 院之賢,不宜使居外。顧齊魯之區,凋敝已甚,須侁往救之,安得 」士民聞其重臨,如見慈父母。 哲宗立,念東國困於役,吳居厚掊斂虐害,竄之,復以侁使京東。 召爲太常少卿。 侍從議神宗廟配享,有欲用王安石、吳 拜左諫議大夫。 如侁 司馬光言於朝日:「以 百輩, 布列天下

義勇以 知陳州 乞罷 王安石用事,諱人詆訾新政,遂廢其科。 大 院見哲宗幼沖,首言君子小人消長之理甚備。又言:「制舉,誠取士之要,國朝尤爲得 寬保甲,罷成、瀘保甲以寬民力, 理獄,許兩省、諫官相往來,減特奏名 詔滿歲進待 制。 居無何,卒,年六十 事多施行 學人 今方搜羅俊賢,廓通言路,宜復六科之舊。」又 (四),嚴出官之法,京東鹽得通商,復三路 在職三月,以疾求去。 除集賢殿修撰、

**性刻意經術,著詩傳、易斷,爲范鎭、孫甫推許。** 孫復與論春秋, 謂今學者不能如之。

九

進集賢 也。 館 校 職 勘 因條 同 顧臨字子敦,會稽人。 改提舉日館幹。 校理、開封府推官, 知禮院。 十事以獻。 熙寧初,神宗以臨喜論兵,詔編武經要略。 出權湖南轉運 且召臨問兵, 請知潁州。 通經學,長於訓詁。 判官, 對日: 入爲吏部郎中、 提舉常平。 「兵以仁義爲本, 皇祐中,舉說書科,爲國子監直講, 議事 秘書少監, 一
戻
執
政 動靜之機, 初命都副承旨提舉,神宗 意, 以直龍圖閣為河東轉運 罷歸。 安危所繫, 改同判武學, 不 遷館閣 可輕 謂 臨

撓。 召還。 **豈無其人**, 上蘇 官留寘左右,以補闕遺, | | 載與李常、王古、鄧温伯、孫覺、胡宗愈言:「臨資性方正,學有根本, 慷慨: 元祐 自處東省,封駁論議,凛然有古人之風。 歷刑、兵、吏三部侍郎兼侍讀,爲翰林學士 二年,擢給 在朝求如臨者,恐不易得。」皆不報。 事 中。 別選深知河事者往使河北。」諫議大夫梁燾亦言「都漕之職,在外 朝廷方事回河,拜臨天章閣待制、 **僥倖之流**, <u>臨至部,請因河勢回使東流。</u> 側目 河北都轉運使。 一畏憚。 忽去朝廷, 可寸, 於是,翰林 復以給事中 衆所嗟惜, 無所回

學

列

傳

第

百

=

顧

臨

李 Ż

純

紹聖初,以龍 狗時宰意,劾臨與之宴集,奪職知歙州,又以附會黨人,斥饒州居住。 圖 閣學士知定州,徙應天、河南府。中人梁惟簡坐嘗事宣仁太后得罪,過

轉運使郭茂恂 徽宗立,追復之。

周尹 , 劾廣西提點刑獄許彥先受邕吏金, 命之純往究其端, 乃起於出婢之口。 李之純字端伯, 滄州無棣人。 登進士第。 熙寧中,爲度支判官、江西轉運副使。 之純以爲無俚 御史

之言,不治,彦先得免。

勞之曰:「遐方不欲數易大吏,使劍外安靖,年穀屢豐,以彰朝廷綏遠之意,汝知之乎?. 純日:「蜀郡人恃此爲生百年,奈何一旦奪之。」事遂已。 徙成都路轉運使。 |成都歲發官米六千石,損直與民,言者謂惠民損上,詔下其議。 秩滿復留,凡數歲, 始還朝。 神宗

爲右司郎中,轉太僕卿。

六部,但隨省吏視其前後批,以制緩急之序,是爲胥吏顓處命令也。 若大臣不暇省,宜令列 寶文閣待 元站 制、 初,加直龍圖閣、知滄州,召爲戶部侍郎。 知瀛州。 俄以直學士知成都府, 還為戶部, 三遷御史中丞。 未至,改集賢殿修撰、河北都轉運使,進 建言:「朝廷事下

矣。」又言:「衆賢和於朝,則萬物和於野。 曹長貳隨其所承,當行卽行,當止卽止,必稟而後決,毋拘於文,則吏不得舞權,而下情達 燮理陰陽,輔相之職。 間者,國論稍虧雍睦,語言

播傳,動係觀望,不可以不謹。」

誣罔,乃更黜之。以疾,改工部尙書。 董敦逸、黃慶基論蘇軾託詞命以毁先帝,蘇轍以名器私所親,皆以監司罷, 紹聖中,劉拯劾其阿附轍,出知單州。 卒,年七十五。 之純疏其

常平。 将中,監內香藥庫。御史石豫言其嘗從蘇軾辟,不可以任京官,詔勒停。 之儀能爲文,尤工尺牘,軾謂入刀筆三昧。 之儀字端叔。 坐爲范純仁遺表,作行狀,編管太平,遂居姑熟,久之,徙唐州,終朝請大夫。 登第幾三十年,乃從蘇軾於定州幕府。 歷樞密院編修官,通判原州。 徽宗初,提舉河東 元

求潤州推官。 王覿字明叟,泰州如皋人。第進士。熙寧中,爲編修三司令式删定官。不樂久居職, 二浙旱,郡遣吏視苗傷,承監司風旨,不敢多除稅。 覿受檄覆按,嘆曰:「旱勢

列傳第

百三

王觀

出 如是,民食已絕,倒廩贍之,猶懼不克濟, 司農時 出 潁 昌 爲要官,進用者多由 ,辟簽書判官。 會朝廷遣使振貸,觀請見,爲言民間利病。 坐在潤公免,屏居累年,起爲太僕丞,徙太常。 此選。 觀拜命一日,即求外,韓絳高其節,留檢詳三司會計。 尚可責以 使者喜,歸薦之,除司農寺主簿, 賦邪?」行數日, 盡除之。 監 司 轉爲

也。 將下 惡者 凶 縝 於大臣。 丽 、張璪朋邪害正。 懼 풆 詔 天 哲宗立,呂公著、范純仁薦其可大任,擢右正言,進司諫。上疏 下服 慰 人君之所以御下者, 今執政八人,而姦邪居半,使一二元老,何以行其志哉?」因極論察確、章惇、韓 釋之,且戒止言者。 <del>豈以爲惡</del>者懼 ,孔子誅少正 章數十上,相繼斥去。 而 卯而 朝 黜陟二柄而已。 廷亦爲之懼哉? 魯國治。 觀言:「誠出 當是之時,不聞人情不安, 於此,恐海 又劾竄呂惠卿。 陟一 誠爲陛下惜之。」覿言雖切,然不 善而天下之爲善者勸, 內有識之士, 朝論以 亦不 得以 大姦旣黜,慮人情不安, 言:「國家安危治亂, 輕議 黜 聞出命令以悅 一惡而 朝廷。 JE 天下之爲 也 舜罪 其黨 四

之洮、岷、秦、雍間,以示含容好生之德,離其石交而壞其死黨。」又言:「今民力凋瘵,邊費亡 檻 丽 至 在 闕 異 夏主 下,覿 日 新 所當謹者, 立,有輕中 曰:「老羌 不 國心。 雖 在 就 擒,其子統 . 邊 備而 覿 百.「小 在 一廟 衆 謨。 羌窺我厭兵, 如 故, **翕**張 疆土 取予之權 種落木 故桀驁若是。 滅 必 於前 持 重 安可 然所當憂者, 不在 而 後 遽戮以賈怨。 可。 洮 東 擒 鬼章, 宜處 今秋

熾。 臣,何示不廣也。」乃不果徙。 洲 適輕之時,願擇質厚通練之士,載加芟正。」於是置局編彙,俾覿預焉。大抵皆用中典,元祐 常平舊法,曰:「聚斂之臣,惟知罔利自媒,不顧後害。 黨之說。 以示天下?」又言:「刑罰世輕世重。熙寧大臣,謂刑罰不重,則人無所憚。今法令已行,可以 善之從。 賦斂、科須,皆指陳其故。 極,不可不深爲之計。」於是疏將帥非其人者請易之,茶鹽之害民者請革之,至逋債、振贍 實不欲使與給舍相通。 神宗 夫 學 覿 差役法復行,覿以爲朝廷意在便民,而議者遂謂免役法無一事可用。 尋改右 在言路,欲深破朋黨之說。 復唐制,諫官分列兩省。 士命詞失指,其事尚 觀言:「軾之辭,不過失輕重之體爾。 因采掇數十事於差法有助可以通行者上之。 剖 員 《外郎, 未幾, 觀爭之曰:「制敕院, 吏舍也。奪諫省以廣吏舍, 信胥吏而疑諍 拜侍御史、右諫議大夫。 ·小;使士大夫有朋黨之名,大惠也。」帝深然之,置不 朱光庭計蘇軾試館職策問,呂陶辯其不然,遂起洛、蜀二 至是,大臣議徙之外門,而以其直舍爲制敕院,名防漏 若悉攷同異,深究嫌疑,則兩歧遂分,黨論滋 遂論青苗之害,**乞盡罷新令**, 以國家之尊,而與民爭錐刀之利,何 坐論尚書右丞胡宗愈,出知潤州,加 夫法無新舊,惟 問。 而復

列

傳

第

百三

王觀

〇九四三

直 站 圖閣 郡肅然。民歌詠其政,有「吏行水上,人在鏡心」之語。 知蘇州。 州有狡吏,善刺守將意以撓權,前守用是得譏議。 徙江、潍發運使,入拜刑、戶二 覿窮其姦狀,

部侍郎,與豐稷偕使遼,爲遼人禮重

公渠」。徙河陽,貶少府少監,分司南京,又貶鼎州 表爲墓田。 江水貫城中爲渠, 歲久凐塞, 積苦霖潦而多水災, 紹聖初,以寶文閣直學士知成都府。 圖地膏腴,畝千金,無閑田以葬, 觀索侵耕官地, 團練副使。 鼠疏治復故,民德之,號「王

也。 述。 觑言::「嬈、舜、禹相授一道, 文王作邑于豐而 「『建中』之名,雖取皇極。 當國者忿其言,遂改爲翰林學士 神宗作法于前, 徽宗卽位,還故職,知永興軍。 武王治鎬, 子孫當守于後。 然重襲前代紀號,非是,宜以德宗爲戒。」時任事者多乖異不同, 文王關市不 **麂不去四凶而舜去之,** 過關,留爲工部侍郎,遷御史中丞。改元詔下,覿言: 至於時異事 ·征,澤梁無禁, 殊, 須損益者損益之, 周公征而禁之,不害其爲善繼、善 於理固未爲有失 事未必盡同;

請外。 日 以龍 食 四 月朔,帝下詔責躬,覿當制,有「惟德弗類,未足以當天心」之語,宰相去之,乃力 圖 閣學士知潤州,徙海州,罷主管太平觀,遂安置臨江軍。

觀淸修簡澹,人莫見其喜愠。持正論始終,再罹譴逐,不少變。無疾而卒,年六十八。

仕捷逕也,不可失。」俊議曰:「使辭不獲命,至彼亦不拜。倘見困辱,則以死繼之。」遠至講 所,去御幄跬步,內侍呼姓名至再,俊義但望幄致敬,不肯出; 次呼曹偉,偉回首,俊議目之, 韶兩學選士問道。車駕將臨視推恩,司成以俊義及曹偉應韶,俊義辭焉。 俊義字堯明。游學京師,資用乏,或薦之童貫,欲厚聘之,拒不答。 林靈素設講席寶籙 人曰:「此顯

邀使來見,曰:「一見我,左右史可立得。」俊叢不往,僅拜國子博士。 居二年,乃得改太學 顧 侍臣曰:「此朕所親擢也,眞所謂『俊義』矣。 自古未有人主自爲主司者,宜卽超用。」蔡京 以太學上舍選,奏名列其下,徽宗親程其文,擢爲第一。及賜第,望見容貌甚偉,大說, 亦不出。旣罷,皆爲之懼,俊義處之恬然。

博士。

序立敦化堂下,及王至,猶辭不敢當。進吏部員外郎。嘗入對,帝問:「卿知前所以親擢乎? 而遷俊義右司員外郎。 主司之意不一,是以天子自提文衡也。 鄆王謁先聖,有司議諸生門迎。俊義曰:「此豈可施於人臣哉?禮如見宰相足矣。」乃 爲王黼所惡,以直祕閣知岳州。卒,年四十七。 衞膚敏、吳安國今安在?」具以對,即召爲館職,

列

〇九四六

俊義 與李祁 友善,首建正論於宣和間。 當是時,諸公卿稍知分別善惡邪正,兩人力也。

|邴字||肅遠,亦知名士,官不顯。

馬默字處厚,單州成武人。家貧,徒步詣徂徠從石介學。 諸生時以百數,一旦出其上。

旣而將歸,介語諸生曰:「馬君他日必爲名臣,宜送之山下。」

與語。見默白事,忽開目熟視久之,盡行其言,自是諉以事。治平中,方平還翰林,薦爲監 察御史裏行,遇事輒言無顧。 | 方平間遣所親儆之曰:「言太直,得無累舉者乎?」|默謝曰: 次,闔府皆驚。 登進士第,調臨濮尉,知須城縣。 縣爲剛治所,即吏犯法不可捕,默趨府,取而杖之客 曹佾守輝,心不善也,默亦不爲屈。後守張方平素貴,掾屬來前,多閉目不

「辱知之深,不敢爲身謀,所以報也。」

仁宗以官人之權,盡委輔相,數十年間,賢而公者無幾。官之進也,不由實績,不自實聲,但 詔寢罷,以感召和氣,安士廟之神靈,是一舉而衆善隨之也。」又言:「致治之要,求賢爲本。 濮王生育聖躬,人誰不知。若稱之爲親,義無可據,名之不正,失莫大焉。願蔽自宸心,明 時議尊崇濮安懿王,臺諫呂誨等力爭以爲不可,悉出補外。默請還之,不報。遂上言:

僚之衆,不 趨權門,必得顯仕。 知幾人,一有難事,則曰無人可使。 今待制以上,數倍祖宗之時,至謀一帥臣,則協於公議者十無三四。 豈非不才者在上,而賢不肖混淆乎? 願陛下 庶

明目達聰,務旣其實,歷試而超升之,以幸天下。」

爲:「惡直醜正,實繁有徒。 刑部郎中張師顏提舉諸司庫務, 今將去積年之弊,以興太平,必先官舉其職。 繩治不法,衆吏懼搖,飛語讒去之。 宜崇獎師顏,厲以 默力陳其故,以

忠勤,則尸素括囊之徒,知所勸矣。」

夏果來侵。 役,以章淸靜奉先之意。」會地震河東、陝西郡,默以爲陰盛,慮爲邊患,宜備之。後數月,西 知 禮者非之。况先帝未嘗幸洛,而創建廟祀,實乖典則。 西京會聖宮將創仁宗神御殿,默言:「事不師古,前典所戒。 願以禮爲之節,義爲之制,亟止此 漢以諸帝所幸郡國立廟,

軍旅有積矣;備凶 禦邊患。 正人,四曰明功罪,五曰息大費,六曰備凶年,七曰崇儉素,八曰久任使,九曰擇守宰,十曰 人,則諫諍日聞,而聖性開明矣; 明功罪,則朝廷無私,而天下服矣; 息大費,則公私富,而 神宗即位,以論歐陽脩事,通判懷州。 攬威權,則天子勢重,而大臣安矣;察姦佞,則忠臣用,而小人不能幸進矣;近正 .年,則大恩常施,而禍亂不起矣; 崇儉素,則自上化下,而民樸素矣; 久 上疏陳十事:一 曰攬威權,二日察姦佞,三日近

列

傳

第

任使,則官不 虚授,而職事舉矣; 擇守宰,則庶績有成,而民受賜矣; 禦邊患,則四遠畏服,

而中國疆矣。

乏粮告,而顓殺之如此?」欲按其罪,慶懼,自縊死。 七百 如 而 馬 年深無過者移登州,自是多全活者。 人, 使 除 君乎? 知登州。 默責之曰:「人命至重,恩既貸其生,又從而殺之,不若卽時死鄕里也。 沙門島囚衆,官給粮者纔三百人,每益數,則投諸海。 其後蘇軾知登州,父老迎於路曰:「公爲政愛民,得 默爲奏請,更定配島法凡二十條,盜數 砦主李慶以二年殺 汝胡不以

提 舉三司帳司。 徙 知曹州,召爲三司鹽鐵判官。 爲神宗言用兵形勢,及指畫河北山川道里,應對如流。 以默與富弼善,且論新法不便,出知濟、克二州。 神宗喜,將用之,大

臣滋不悅,以提點京東刑獄。

剛, 默上平蠻方略,以爲「勝負不在兵而在將。 仁鋪覆軍,陳曙先走,崑崙關喪師,張守節不戰,儂智高破亡,因狄青之智勇,歐希範之 汝有過,將不免。」令懼,悉取不義之物焚撤之。改廣西轉運使,會安化等蠻歲饑內寇, 默性剛嚴疾惡,部吏有望風投檄去者。金鄉令以賄著,其父方執政,詒書曰:「馬公素 富良宵遁,郭逵怯懦;邕城陷没,蘇緘老謬;歸

誅滅,乃杜杞之方略,此足驗矣。」

相,欲盡修祖宗法,問默以復鄉差衙前法如何?默曰:「不可。如常平,自漢爲良法,豈宜盡 以疾求歸,知徐州。 屬城利國監苦吳居厚之虐,默皆革之。 召爲司農少卿。 司馬光為

廢。去其害民者可也。」其後役人立爲一州一縣法,常平提舉官省歸提刑司,頗自默發之。

除河東轉運使。時議棄İ蘆、吳堡二砦,默奏控扼險阻,敵不可攻,棄之不便。由是二

衞尉卿,權工部侍郎,轉戶部。告老,以實文閣待制復知徐州,改河北都轉運使。 移序州,請褒錄石介後,詔官其孫。東州荐饑,流民大集,所振活數萬計。入拜

長堤壅河之北流者,勞費甚大。明年,復決而北,竟不能使之東。 與同時監司上議,以北流爲便。御史郭知章復請從東流,於是作東西馬頭,約水復故道,爲 初,元豐間,河決小吳,因不復塞,縱之北流。元祐議臣以爲東流便,水官遂與之合。默

八十。紹興中,以其子純請,贈開府儀同三司,加贈太保。 久之,告老,提舉鴻慶宮。 紹聖時,坐附司馬光,落待制致仕。 元符三年,復之。卒,年

孫覺、李常力諍新法,寧失故人之意,毅然去之而無悔,賢哉。 諭 [日]:詩云:「時靡有爭,王心載寧。」<u>王安石之爲相,可謂致天下之爭,而君心不寧矣</u>。 孔文仲之策制科,以微官慷

第

百三

馬

默

校勘記

石敗 慨論 爲不負知己矣。 事,與呂誨同見幾先。 事,言雖 不聽,而名徹上聰。 李周之耿介,顧臨之用兵,李之純、王覿再黜而不改其正,亦足以見一時之 馬默用張方平薦爲御史,至於盡言而不諱,方平止之而不 安石旣斥其人,又廢其科,何遷怒之甚耶! -聽,斯

### 校勘記

多賢焉

- 原作「齊惔」,據本書卷二〇一刑法志、長編卷二一五改。 齊恢,本書卷三二二有傳。
- $\Xi$ 詩書論語說 「說」字原脫,據本書卷二〇二藝文志、東都事略卷九四本傳補
- 釋稗 卷,遂初堂書目小說類有釋碑一書。 原作「釋解稗」。 按現存諸家書目無此書名;本書卷二〇六藝文志小說類有孔平仲釋碑 據删。
- 年而差等之。 三改。 減特奏名舉人 宋史卷一五五選舉志:「凡士貢于鄉而屢絀于禮部,或廷試所不錄者,積前後舉數, 遇親策士,則別籍其名以奏,徑許附試,故曰特奏名。」 「名」原作「言」, 據秦觀淮海集卷三六鮮于子駿行狀、 宋會要選舉一三之二至

# 宋史卷三百四十五

## 列傳第一百四

劉安世 鄒浩 田畫 王回 曾誕附 陳瓘 任伯雨

民弱而馴。 宮,起知涇、相二州。 寵,或爲所誤,不可不戒。」爲河北西路轉運使。 例所遺寶帶、名馬,却弗受。 還,上禦戎書,大略云:「辨士好爲可喜之說,武夫徼冀不貲之 遜,且欲服毬文金帶入見, 航皆折正之。 多棄田廬,或至自盡。 言:「人主不可輕失天下心,宜乘時有所改爲,則人心悅而天意得矣。」不報。 劉安世字器之,魏人。父航,第進士,歷知虞城、犀浦縣。 航爲政,寬猛急緩不同,兩縣皆治。 王師西征,徙知陝府。 航獨期會如平日,事更以辦。 以羣牧判官爲河南監牧使。持節册夏主秉常,凡 時倉卒軍興,餽餉切急,縣令佐至荷校督民,民 熙寧大旱求言,航論新政不便者五,又上書 知宿州。 終太僕卿。 押件夏使,使者多所要請,執禮不 虞城多姦猾,喜寇盜, 犀浦 乃請提舉崇福

列

世拱手曰:「安世雖晚進,竊以爲未然。今日新政,果順人所欲而爲人利乎?若不然,公當 去所害,興所利,反掌間耳。」「彥博默不應,他日見脏,嘆獎其堅正 容言:「王介甫 少時 ||求去,外議謂公且代其任。」||彥博曰:「安石壞天下至此,後之人何可爲?」|安 持論已有識。 航使監牧時,文彥博在樞府,有所聞,每呼安世告之。

爲止。 始。 **法言「君子避礙則通諸理」,意乃釋。** 調洺州 登進士第, 然安世心常不自安,曰:「司戶實貪而吾不以誠對,吾其違司馬公教乎」」後讀揚雄 司法參軍,司戶以貪聞,轉運使吳守禮將按之,問於安世,安世云:「無之。」守禮 不就選。從學於司馬光, 容盡心行已之要, 光教之以誠, 且令自不妄語

石秉政, 右正言。 光入相,薦爲祕書省正字。 務快私意,累聖之制,掃地不存。今廟堂之上,猶習故態。」因歷疏文意博以下七 時執政頗與親戚官,安世言:「祖宗以來,大臣子弟不敢受內外華要之職。 。光薨,宣仁太后問可爲臺諫于呂公著,公著以安世對。 自王安

皆耆德魁舊,不少假借。

何以示懲?」會吳處厚解釋確安州詩以進,安世謂其指斥乘輿,犯大不敬,與梁燾等極論 貪天之功,徼幸異日,天下之人指爲『四凶』。今惇父尚在,而別籍異財,絕滅義理,止從薄罰,

章惇以強市崑山民田罰金,安世言:「惇與蔡確、黃履、邢恕素相交結,自謂社稷之臣,

之,竄之新州。 宰相范純仁至于御史十人,皆緣是去。

禹使達旨。 俛首不語。 之燕,頻御經帷,仍引近臣與論前古治亂之要,以益聖學,無溺於所愛而忘其可戒。」哲宗 疏諫曰:「陛下富於春秋,未納后而親女色。 遷起居舍人兼左司諫,進左諫議大夫。 祖禹固嘗以諫,於是兩人合辭申言之甚切。 后曰:「無此事,卿誤聽爾。」明日,后留呂大防告之故。 有旨暫罷講筵,民間聽傳宮中求乳婢,安世上 願太皇太后保祐聖躬, 爲宗廟社稷大計,清閒 大防退,召給事中范祖

才六月,召爲寶文閣待制、樞密都承旨。 消長之機。 鄧温伯爲翰林承旨,安世言其「出入王、呂黨中,始終反覆。 乞行冤黜」。不報。 遂請外,改中書舍人,辭不就。 以集賢殿修撰提舉崇福宮, 今之進用,實係君子小人

出知成德軍。 [彥曰:「如此正人,宜且留朝廷。」 乃止。 范純仁復相,呂大防白后欲令安世少避。后曰:「今既不居言職,自無所嫌。」又語韓忠 章惇用事,尤忌惡之。 初黜知南安軍,再貶少府少監,三貶新州別駕,安置 呂惠卿復光祿卿,分司,安世爭以爲不可,不聽。

者入海島誅陳衍,諷使者過安世,脅使自裁。 间 文館獄起,蔡京乞誅滅安世等家,讒雖不行,猶徙梅州。 又擢一土豪爲轉運判官,使殺之。 惇與蔡卞將必寘之死,因使 判官疾馳

列傳

百四四

劉安世

官未至二十

-里,嘔

Щ

而

斃,危得免。

卽 將 死 至 依 梅, 梅守遣客來勸安世自爲計。 此行之。」 顧客曰:「死不難矣。」客密從僕所視,皆經紀同貶當死者之家事甚 安世色不動,對客飲酒談笑, 徐書數紙付其僕曰:「我 判

歷之。 連 檻 七謫 車收二人赴京師。 昭 移衡及鼎,然後以集賢殿修撰知鄆州、真定府, 懐后 至峽州羈管。 正位中宮,惇、卞發前諫乳婢事,以爲爲后設。 稍復承議郎,卜居宋都。 行數驛而|徽宗即位赦至,|醫乃還。, 凡投荒 宣和六年,復待制, 曾布又忌之,不使 時鄒浩既貶,詔應天少尹孫馨以 七年,甲令所載 中書舍人沈思封還之。 入朝。 遠 惡 地· 蔡京 旣 相,

明年卒,年七十八。

當捐 母解 朝, 扶持 身以 安世 倘居其官,須明目張膽,以身任責,脫有觸忤,禍譴立至。 ,當可免。」母曰:「不然,吾聞諫官爲天子諍臣,汝父平生欲爲之而弗得,汝幸居此地, 公道。 海國 儀狀魁碩,音吐如鐘。 恩。正得罪流放,無問遠近,吾當從汝所之。」於是受命。 其面 折廷爭,或帝盛怒,則執簡卻立,同怒稍解,復前抗辭。 初除諫官,未拜命,入白母曰:「朝廷不以安世不肖,使在言 主上方以孝治天下, 在職累歲,正色立 旁侍者遠觀,蓄 若以老

家居未嘗有惰容,久坐身不傾倚,作字不草書,不好聲色貨利。 其忠孝正直, 皆則象 縮

[棟汗,目之曰「殿上虎」,一

時無不

敬懾。

賢,求得小吏吳默嘗趨走前後者,使持書來,啖以卽大用,默因勸爲子孫計,安世笑謝曰: 司 「吾若爲子孫計,不至是矣。吾欲爲元祐全人,見司馬光于地下。」還其書不答。 馬光。 後二年, 金人發其冢, 貌如生, 相驚語曰: 「異人也!」爲之蓋棺乃去。 年旣老,羣賢凋喪略盡,巋然獨存,而名望益重。 梁師成用事,能生死人,心服其 死葬祥符

業則不 遇之。 鄒 可。」純仁敬謝。 純仁屬撰樂語,浩辭。 浩字志完,常州**晉**陵人。第進士,調揚州、潁昌府教授。 純仁日:「翰林學士亦爲之。」浩日:「翰林學士則 呂公著、范純仁爲守,皆禮 可,祭酒、司

邪,果不足邪?以爲不足,則中外之百執事未嘗不備。 求也,則曰從古不乏材; 里者幾人?民貧所當富 人?正色昌言不承望風旨者幾人?持刺舉之權以肅淸所部者幾人?承流宣化而 元祐中, 上疏論事,其略曰:「人材不振,無以成天下之務。 也,則日水旱如之何; 風俗所當厚也,則曰不切於時變,是皆不明義理之過也。 官冗所當澄也,則曰民情不可擾; 以爲有餘,則自 陛下視今日人材, 任以天下之重者幾 人物所當 使民安田 果有餘

蘇頌用爲太常博士,來之邵論罷之。後累歲,哲宗親擢爲右正言。有請以王安石三經義

第

百四四

鄒

發題試舉人者,浩論其不可而止。 然兵家之事,未戰則以決勝爲難,旣勝則以持勝爲難,惟其時而已。 陝西奏邊功,中外皆賀, 浩言:「先帝之志而陛下成之, 苟爲不然,將棄

前 功而 招後患。 願申敕將帥,毋狃屢勝,圖惟厥終。」

『惟先格王正厥事。』不以爲數之當然,此消復之實也。」 京東大水,浩言:「頻年水異繼作,雖盈虛之數所不可逃,而消復之方尤宜致謹。

下之威福操柄下移於近臣。願加省察,以爲來事之監。」 言過差而已,而今所施行,混然莫辨。以其近似難分之迹,而典刑輕重隨以上下,是乃陛 蹇序辰看詳元祐章奏,公肆詆欺, 輕重不平。浩言:「初旨但分兩等,謂語及先帝幷語

章惇獨相用事,威虐震赫,浩所言每觸惇忌,仍上章露劾,數其不忠慢上之罪,未報。

而賢妃劉氏立,浩言:

居 法 美人, 所以示公也。及立后, 則不選于妃嬪而 誠以國家自有仁祖故事,不可不遵用之爾。蓋郭后與尚美人爭寵,仁祖旣廢后,并斥 也。 一於此矣。 立后以配天子,安得不審。 今為天下擇母,而所立乃賢妃,一時公議,莫不疑惑, 陛下之廢孟氏,與郭后無以異。 孟氏罪廢之初,天下孰不疑立賢妃爲后。 果與賢妃爭寵而致罪乎,抑其不然也?二者必 **卜于貴族**,所以遠嫌,所以爲天下萬世 及讀韶書,有「別選賢族」之

又聞陛下臨朝嘅嘆,以爲國家不幸;至於宗景立妾,怒而罪之,於是天下始釋然

不疑。今竟立之, 豈不上累聖德?

望不以一時改命爲難,而以萬世公議爲可畏,追停册禮,如初詔行之。 嘗有子,所以立者,以鍾英甲族故也。 又況貴人實馬援之女,德妃無廢后之嫌,迥與今 有子可以爲后,則永平貴人未嘗有子也,所以立者,以德冠後宮故也。 日 天地宗廟以來,陰淫不止。上天之意,豈不昭然!考之人事旣如彼,求之天意又如此, 事體不同。 臣觀白麻所言,不過稱其有子,及引永平、祥符事以爲證。臣請論其所以然:若曰 頃年多,妃從享景靈宮,是日雷變甚異。 今宣制之後,霖雨飛雹,自奏告 祥符德妃亦未

付外。 帝謂:「此亦祖宗故事,豈獨朕邪?」對曰:「祖宗大德可法者多矣,陛下不之取,而効其小 疵,臣恐後世之責人無已者紛紛也。」帝變色, 明日,章惇詆其狂妄,乃削官,羈管新州。 獨不怒, 持其章躊躇四顧, 凝然若有所思, 蔡卞、安惇、左膚繼請治其祖送者王回等,

語在他傳。

也; 可,然後察之,見不可焉,然後去之。』於是知公議不可不恤,獨斷不可不謹。 蓋左右非不親 國人皆曰賢,然後察之,見賢焉,然後用之。 徽宗立,亟召還,復爲右正言,遷左司諫。 上疏謂:「孟子曰:『左右諸大夫皆曰賢,未可 左右諸大夫皆曰不可,勿聽,國人皆曰不

乎 ? 深思之。」 也。 可, 也, 則 惟恤 伏見朝廷之事, 頗異於卽位之初, 相去半年, 遽已如是, 自今以往, 將如之何? 所謂 不能 公議於獨斷未形之前,謹獨斷於公議已聞之後,則人君所以致治者,又安有 公議也。 無交結之私,諸大夫非不貴也, 公議之所在,概已察之,必待見賢然後用,見不可然後去, 然不能無恩讎之異。 至於國人皆日 則所謂獨 願陛下 皆日不 不善 斷

閣待制知江寧府,徙杭、越州 有 五朝聖政盛德,願稽考而繼述之,以揚七廟之光,貽福萬世。」遷兵、東二部侍郎,以寶文 改起居舍人, 進中書舍人。又言:「陛下善繼神宗之志, 善述神宗之事, 孝德至矣。 尙

曰:「禍其在此乎。異時姦人妄出一緘,則不可辨矣。」蔡京 劉后殺卓氏而奪其子。遂再責衡州 初,浩還朝,帝首及諫立后事,獎嘆再三,詢諫草安在。對曰:「焚之矣。」退告陳瓘,瓘 別駕,語在獻愍太子傳。 用事,素忌浩,乃使其黨爲僞 尋竄昭州,五年始得歸

爭,危言讜論,朝野推仰。」復其待制,又贈實文閣直學士,賜諡忠。 餘 浩 息,猶眷眷 吶 謫嶺表,母 以國 不易初意。 事 為問, 語不及 稍復直龍 私 圖閣 卒,年五 瘴疾作, 十二。 危甚。 高 宗 即位, 楊時過常, 詔 「浩在元符間, 往省之。 繭然僅 任諫

初

浩除

諫官,

恐貽親憂,欲固辭。

母張氏曰:「兒能報國,無愧於公論

一吾顧

何憂?」及

善政,民甚德之。 **晝字承君,陽翟人。** 議論慨慷,有前輩風。 樞密使況之從子,以任爲校書郎。 調磁州錄事參軍,知西河縣,有

完不言,可以絕交矣。」浩得罪,畫迎諸途。 何如, 也。」浩茫然自失,歎謝曰:「君之贈我厚矣。」 疾不汗, 言,意欲待深相信而後發,貴有益也。」晝然之。 與鄒浩以氣節相激勵。 今君爲何官?」浩曰:「上遇羣臣,未嘗假以辭色,獨於浩差若相喜。 五日死矣。 豈獨嶺海之外能死人哉? 願君毋以此舉自滿, 元符中,浩爲諫官,畫監京城門,往見浩曰:「平生與君相許者 浩出涕,晝正色責日:「使」志完隱默官京師,遇寒 旣而以病歸許,邸狀報立后,晝謂人曰:「志 士所當爲者, 天下事固不勝 未止此

准陽軍,歲大疫,日挾醫問病者藥之,遇疾卒。 建中靖國初,入爲大宗正丞。 曾布數羅致之,不爲屈; 准陽人祀以爲土神云。 欲與提舉常平官,亦辭。 請知

知鹿邑縣,入爲宗正寺簿。 回字景深, 仙遊人。 第進士, 調松滋令。 元符中,葉祖洽薦爲睦親宅講書。 |荆、河俗用人祭鬼,|回捕治甚嚴,其 與鄒浩友善,皇后劉氏立,浩 風遂革。

列傳

第

百

四

鄒

浩

宋

將論之,密告回,回曰:「事寧有大於此者乎?子雖有親,然移孝爲忠,亦太夫人素志也。」

千言。獄上,除名停廢。卽徒步出都門,行數十里,其子追及,問以家事,不答。 祖洽亦 獄,衆爲之懼,回居之晏然。御史詰之,對曰:「實嘗預議,不敢欺也。」因誦浩所上章,幾二 |浩南遷,人莫敢顧。|回斂交游錢與治裝,往來經理,且慰安其母。 邏者以聞,逮詣詔

子,恤其家,以獎勸忠義。詔除子渙老郊社齋郎,蔡京爲相,奪之,仍列名黨籍。 徽宗立,召還舊官,擢監察御史。數日卒,年五十三。岑象求、王覿、賈易上章,乞錄其

母之憂矣。嗚呼!若浩者,雖不得爲知幾之士,然百世之下,頑夫廉,懦夫有立志,尚不失 道。雖然,予於此時議浩,是天下無全人也。言之尙足爲來世戒。易曰:『知幾其神乎?』 日劉氏之事,貽朝廷於過舉,再三言而不聽,則義亦當矣。 使是時得罪,必不若是酷以貽老 年之後而册命未行,是天子知淸議之足畏也。使當其時,浩力言復后,能感悟天子,則無今 又曰:『知進退存亡而不失其正者,其惟聖人乎?』方孟后之廢,人莫不知劉氏之將立,至四 著玉山主人對客問以譏之, 誕,公亮從孫也。<br />
孟后之廢,誕三與浩書,勸力請復后,<br />
浩不報。<br />
及浩以言南遷,誕 其略曰:「客問:劉浩可以爲有道之士乎?主人曰:浩安得爲知

而靡。 越, 遠之,屢引疾求歸,章不得上。檄攝通判明州。 中甲科。 陳瓘字瑩中,南劍州沙縣人。少好讀書,不喜爲進取學。父母勉以門戶事,乃應舉,一出 不識之,未爲不幸也。」後二十年而懷素誅。明州職田之入厚,瓘不取, 調湖州掌書記,簽書越州判官。守察下察其賢,每事加禮,而瓘測知其心術,常欲 | 下素敬道人張懷素, 謂非世間人, 時且來 盡棄於官

以歸。

今之計,唯消朋黨,持中道,庶可以救弊。」意雖忤惇,然亦驚異,頗有兼收之語。 何?」瓘曰:「不察其心而疑其迹,則不爲無罪;若指爲姦邪,又復改作,則誤國益甚矣。爲 果然,將失天下之望。」惇厲色曰:「光不務纘述先烈,而大改成緒,誤國如此, 曰:「司馬光姦邪,所當先辨,勢無急於此。」瓘曰:「公誤矣。此猶欲平舟勢而移左以置右, 喻:偏重可行乎?移左置右,其偏一也。明此,則可行矣。天子待公爲政,敢問將何先?」惇 章惇入相,瓘從衆道謁。惇聞其名,獨邀與同載,詢當世之務,瓘曰:「請以所乘舟爲 非姦邪而

列

,用爲太學博士。 會下與惇合志,正論遂絀。 下黨薛昂、林自官學省,議毀資治通

{鑑 ,瓘因策士題引神宗所製序文以問,昂、自意 沮

上,時皇太后已歸政,瓘言外戚向宗良兄弟與侍從希寵之士交通,使物議籍籍,謂皇太后今 召爲右正言,遷左司諫。 瓘論議持平,務存大體,不以細故藉口,未嘗及人唵昧之過。嘗云: 順 不同。」帝反復究問,意感悅,約瓘再入見。執政聞而憾之,出通判滄州,知衞州。徽宗卽位, 逸、陳次升、鄒浩五人者,皆與京異議而去。今又罷夫,將若公道何。」遂草疏論京,未及 「人主託言者以耳目,誠不當以淺近見聞,惑其聰明。」惟極論蔡卞、章惇、安惇、邢恕之罪。 而行之;『稽』者,考其當否,必使合於民情,所以成帝王之治。天子之孝,與士大夫之孝 御史襲决擊察京,朝廷將逐決,瓘言:「紹聖以來,七年五逐言者,常安民、孫諤、董敦 遷祕書省校書郎。 紹述之說盛,瓘奏哲宗言:「堯、舜、禹皆以『若稽古』爲訓。 『若』者,

黃金百兩,后亦命勿遽去,畀十僧牒爲行裝,改知無爲軍 獨預政。由是罷監<u>揚州糧料院。</u>瓘出都門,繳四章奏之,并明<u>宣仁</u>誣謗事。帝密遣使賜以

彙曰:「吾與丞相議事多不合,今若此,是欲以官爵相 私恩,兩有愧矣。吾有一書論其過,將投之以決去就,汝其書之。 明 《年,還爲著作郞,遷右司員外郞兼權給事中。 餌也。 宰相曾布使客告以將卽眞,瓘語子正 若受其薦進,復有異同,則公議 但郊祀不遠,彼不相容,

列傳第一百四 陳瓘 任伯雨

公未可 書,布 則澤不 失待 及汝矣,能不介於心乎。」正彙願得書。 上禮。 爭辨移時,至箕踞醉語,瓘 」市矍然改容。 信宿,出知泰州。 色不爲動,徐起白曰:「適所論者國事 旦持入省,布使數人邀相見, 崇寧中, 除名竄袁州、康州,移 ,是非有 甫就席, 桃州, 公議,

復宣

德

郞

府制 知 ? 辭,失聲歎息,謂曰:「主上正欲得實,但如言以對可也。」獄具,正彙猶以所告失實流海上, 京之姦邪,必爲國 以所不知,忘父子之恩而指其爲妄,則情有所不 **斌**,倂逮瓘。 IF. 彙 在杭,告察京有動搖東宮迹。 一個。 尹李孝稱 瓘 固嘗論之於諫省, 逼使證其妄,瓘曰:「正彙聞」京將不利社稷,傳於道路,瓘豈得預 |杭守察嶷執送京師,先飛書告京俾爲計。 亦不待今日語言間 ·忍; 挾私情以符合其說,又義所不爲 心。」內侍黃經臣蒞鞫, 事下開封 聞其

妃 州 誣妄,以正君臣之義。 出 .兵甲護送,至台,每十日一徙告,且命凶人石悈知州事,執至庭,大陳獄具, 瓘揣知其意,大呼曰:「今日之事,豈被制旨邪! 瓘曰:「然則何用許。 權嘗著尊堯集,謂紹聖史官專據王安石日錄改修神宗史, 張商英爲相,取其書,旣上,而商英罷, 使君知『尊堯』所以立名乎。蓋以神考爲堯,主上爲舜,助舜尊 **瓘又徙台州**。 變亂是非,不可 宰相偏 傳信; 將脅以 令所過 深明

瓘

亦安置通州

堯,何得爲罪? 慚,揖使退。 所以窘辱之百端,終不能 時相學術淺短,爲人所愚。 害。 宰相獨以憾爲怯而罷之。 君所得幾何,乃亦不畏公議,干犯名分乎?」憾

平生論原、下,皆披擿其處心,發露其情慝,最所忌恨,故得禍最酷,不使一日少安。 遣,執政持不行。 年卒,年六十五。 在台五年, 乃得自便。 卜居江州,復有譖之者,至不許輒出城。 纔復承事 郎, 帝批進目,以爲所擬未當,令再敍一 旋令居南康, 纔 至, 官, 又移楚。 宣和六 仍與差

初, 言乃謂 近覽所著尊堯集,明君臣之大分,合於易天尊地卑及春秋尊王之法。王安石號通經術,而其 韶贈諫議大夫,召官正彙。 **灌謙和不與物競,**閑居矜莊自持,語不苟發。 『道隆德駿者,天子當北面而問焉』,其背經悖理甚矣。 紹興二十六年,高宗謂輔臣曰:「陳瓘昔爲諫官,甚有讜議 通於湯,數言國家大事, | 確宜特賜諡以表之。」 諡日 後多驗。

光禄寺丞。其弟伋(1),字師中,亦知名,嘗通判黃州, 任 伯雨字德翁,眉州眉山人。父孜,字遵聖,以學問氣節推重鄉里,名與蘇洵埒,仕至 後知瀘州。 當時稱「大任」、「小任」。

民如 宿境內,始猶不從,則命東下者斧斷其纜,趣京師者護以出,自是外戶不閉。 公庫,笑曰:「里名勝母,曾子不入,此職何爲至我哉?」 拒不受。 知雍丘縣,御吏如束濕,撫 傷。 伯雨自幼,已矯然不羣,邃經術,文力雄健。 中進士第,調施州淸江主簿。 縣枕汴流,漕運不絕,舊苦多盜,然未嘗有獲者,人莫知其故。怕雨下令綱舟無得 郡守檄使涖

此人。 悖,曰:「惇久竊朝柄,迷國罔上,毒流搢紳,乘先帝變故倉卒,輒逞異意,睥睨萬乘,不復有 邦,莫不以爲可殺也。」章八上,貶惇雷州。 大法不立矣。臣聞北使言,去年遼主方食,聞中國黜惇,放箸而起,稱甚善者再,謂南朝錯用 臣子之恭。 使者上其狀,召爲大宗正丞,甫至,擢左正言〔〕。 北使又問,何爲只若是行遣?以此觀之,不獨孟子所謂『國人皆曰可殺』,雖蠻貊之 向使其計得行,將寘陛下與皇太后(三)於何地!若貸而不誅,則天下大義不明, 繼論察下六大罪,語在大傳。 時徽宗初政,納用讜論,伯雨首擊章

分黨與,然自古未有君子小人雜然並進可以致治者。 於君子盡去,小人獨留。 建中靖國改元,當國者欲和調元酤、紹聖之人,故以「中」爲名。 唐德宗坐此致播遷之禍,建中乃其紀號,不可以不戒。」 蓋君子易退,小人難退,二者並用,終 伯雨言:「人才固不當

生湟、鄯邊事,失與國心,宜棄其地,以安邊息民,張耒、黃庭堅、晁補之、歐陽棐、劉唐老等 時議者欲西北典郡專用武臣,伯雨謂:「李林甫致祿山之亂者,此也。」又論鍾傳、王贍

列

百四四

任

伯雨

宜 在 朝 廷。 上 書皇太后,乞暴蔡京之惡,召還陳瓘,以全定策之勳。

威 祈 以消 福 以 時 變。 以正 殊功罪,使皇明赫赫,事至必斷,則乖氣異象,轉爲休祥矣。」又言:「比日內降寖多, |月朔旦有 洪範以五事配五行,說者謂視之不明,則有赤眚、赤祥。 漢之鴻都賣爵,唐之墨敕斜封,此近監也。」 赤氣之異,詣火星觀以禳之,伯雨 上疏言:「嘗 聞修德以弭災, 乞攬權綱以信 賞罰, 未有 禳

非特朝廷不行,適足以爲人遷官爾。」 嫌 疑。」已而閱除翰林,伯雨復論曰:「學士爵秩位序,皆在中丞上。今覿爲之,是諫官論事, 王覿除御史中丞,仍兼史官,伯雨謂:「史院宰相監修,今中丞爲屬,非所以 重 風憲, 遠

或恐矯傳制命。

傅致, 編管通 者 甘 雨 已矣,生者有負于 ιĽ, 不 聽,抗論愈力,且將劾曾布。 伯 乃得 用 州 雨 匿 居諫省半歲,所上一百八疏,大臣畏其多言,俾權給事中,密諭以少默卽爲眞。 釋, 名書復逮其仲子 爲蔡卞所陷,與陳瓘、龔夬、張庭堅等十三人皆南遷,獨伯雨徙昌化。 居海 朝廷, 上三年而 亦當從此訣。 申先 歸。 赴獄, 布覺之,徙爲度支員外郎,尋知號州。 宣 和 初,卒,年七十三。 妻適死于准,報計俱至。伯雨處之如平常,曰:「死 如其不然,天豈殺無辜耶! 」中先在獄,鍛鍊無所 崇寧黨事作, 姦人猶未 削籍

長子象先,登世科,又中詞學兼茂舉,有司啓封,見爲黨人子,不奏名,調溱州戶曹

掾。 聞父謫,棄官歸養。 王安中辟燕山宣撫幕,勉應之,道引疾還,終身不復仕。 申先以布

衣特起至中書舍人。

履, 明著誣宣仁事以告天下。 紹 興初,高宗詔贈伯雨 直龍圖閣,又加諫議大夫,采其諫章,追貶章惇、蔡卞、邢恕、 淳熙中,賜諡忠敏。

毫顧 蔡卞羣姦之罪,無少畏忌,古所謂剛正不撓者歟! 浩諫立劉后,反復曲折,極人所難言。二人除言官,俱入白其母,母俱勉以盡忠報國,無分 慮後思意。 論 劉安世復文彥博之言,時年尚少,然其言卽元祐之初政,而司馬光之用心也。 嗚呼,賢哉!陳瓘、任伯雨抗迹疎遠,立朝寡援,而力發章惇、曾布、蔡京、

## 校勘記

其弟 伋 「伋」原作「汲」,據東都事略卷一〇〇本傳、秦觀 淮海集卷三三任伋基表 改

左正言 國 元 年二 月二十六日:「武昌軍節度副使潭州安置章惇責授雷州司戶參軍員外安置, 原作「右正 言」, 東都事略卷一 ○○本傳「右」作「左」;宋會要職官六七之三三建中靖 以左正

列

傳

第

百四

校

勘

記

任伯雨累章數其罪,乞行誅戮故也。」作「左」是,據改。

(三)皇太后 「皇太」二字原倒。按此是指神宗欽聖獻肅向皇后;本書卷二四三后本傳,「哲宗立,尊 爲皇太后」;卷一九徽宗紀,徽宗卽位時,「皇太后權同處分軍國事」;下文又有「上書皇太后」

語。今乙正。

## 宋史卷三百四十六

## 列傳第一百五

陳次升 襲夬 孫諤 陳師錫 陳軒 彭汝礪 江公望 弟汝霖 陳祐 汝方 常安民 呂陶 張庭堅

縱遣之。居厚怒,將被以文法,會御史中丞黃履薦,爲監察御史。 進士,知安丘縣。轉運使吳居厚以聚斂進,傲尉罔征稅於遠郊,得農家敗絮,捕送縣,次升 曰:「丞相豈|秦學邪?美|商鞅之能行仁政,而爲|李斯解事,非|秦學而何?」坐屏斥。旣而第 陳次升字當時,興化仙游人。入太學,時學官始得王安石字說,招諸生訓之,次升作而

未定,人情熒惑,乞速定差顧及均數之等,先爲之節而審行之。」提點准南、河東刑獄。 額外上供之數未除,異日必有非法之斂,願從熈寧以來創行封椿名錢悉賜豁免。又役法 哲宗立,使察訪江、湖。先是,蹇周輔父子經畫江右鹽法,爲民害,次升舉劾之。 還言:

列傳

第一

百五

陳

**灰** 升

於閹寺之手,萬一有寬濫,貽後世譏。」濟陽郡王宗景請以妾爲妻,論其以宗藩廢禮,爲聖 14 方,次升請修德求言,以弭天變。 紹聖中,復爲御史,轉殿中。 論章惇、蔡卞植黨爲姦,乞收還威福之柄。 掖庭鞫厭魅獄,次升言:「事關中宮,宜付外參治。 " 禁中火, 今屬 彗 出

朝累

官而已,君爲天子卿士,而爲宰相傳風旨邪?」惇、卞益不樂,乘間白爲河北轉運使,帝曰: 居中憸佞。 力爲 詔令適所以誤天下**,後**之敕**牓**適所以誑天下, 下詔令,導人使諫,親政以來,又揭敕牓,許其自新。 漕臣易得耳,次升致言,不當去。」更進左司諫。 助,擠排衆賢; 初,惇、卜以次升在元祐間外遷,意其不能無怨望,卜又與同鄉里,故延寘憲府,欲使出 由是惇、卜交惡之,使所善太府少卿林顏致己意,嘗以美官。次升曰:「吾知守 而一無所附。 時方編元祐章疏, 非所以示大信也。」又論下客周穜貪鄙, 毒流搢紳。 今若考一言之失, 致於譴累, 次升言:「陛下初卽位, 則前之 鄭 首

曰:「卿安所聞?」對曰:「臣職許風聞,陛下毋詰其所從來可也。」呂升卿察訪廣南,次升言: 「陛下無殺流人之意,而遣升卿出使。 宣仁有追廢之議,次升密言:「先太后保佑聖躬,始終無間,願勿聽小人銷骨之謗。」帝 升卿資性慘刻,喜求人過,今使逞志釋憾,則亦何所

不至哉?」乃止不遣。

富家乳婢怨其主,坐兒於上而嵩呼者三。 居數日,復入見,帝申前旨,乃以鞏語對。帝曰:「然。顧未有代之者爾。」訖不克去。京師 :諫臣,耳目也,帝王,心也。心所不知,則耳目爲之傳達,旣知之,何以耳目爲?」 次升累章劾章惇,皆留中。 帝嘗謂曰:「章惇文字勿令絕。」次升退告王鞏,鞏曰:「君胡 邏繫獄。|次升乞戒有司無得觀望。帝問大臣何

遷右 中,用赦恩復舊職。卒,年七十六。 待制知額昌府,降集賢殿修撰,繼又落修撰,除名徙建昌,編管循州,皆以論京、卜故。 諫議大夫。 徽宗立,召爲侍御史。 獻體道、稽古、修身、仁民、崇儉、節用六事,言多規切。 極論惇、卞、曾布、蔡京之惡,竄惇於雷,居卞於池,出京於江寧。 崇寧初,以實文閣 政和

謂,察下曰:「正謂觀望陛下爾。」誣其毀先烈,擬謫監全州酒稅,帝以爲遠,改南安軍

言曾肇、王覿、張庭堅、賈易、李昭玘、呂希哲、范純禮、蘇軾等,公議或不謂然。 次升三居言責,建議不苟合, 劉安世稱其有功於元祐人,謂能遏呂升卿之行也。 它所

甲乙間,帝偶閱其文, 陳 師錫字伯脩,建州建陽人。 屢讀屢歎賞,顧侍臣曰:「此必陳師錫也。」啓封果然,擢爲第三。 熙寧中,游太學,有僑聲。 神宗知其材,及廷試,奏名在 調

列

第

百五

陳師

昭慶軍掌書記,郡守蘇軾器之,倚以爲政。 | 軾得罪,捕詣臺獄,親朋多畏避不相見, 師錫獨

出餞之,又安輯其家。

言,王隨、陳堯佐、韓億、石中立同時見黜。其後,不次擢用杜衍、范仲淹、富弼、韓琦,以成 本,不過延直言,御羣下,進善退邪而已。明道中,親覽萬幾,見政事之多辟,輔佐之失職, 慶曆、嘉祐之治。願稽皇祖納諫、御臣之意,以興治功。」帝善其言。 自呂夷簡、張耆、夏竦、陳堯佐、范雍、晏殊等,一日罷去。寶元初,多雷地震,用諫官韓琦之 知臨安縣,爲監祭御史。上言:「宋興,享國長久號稱太平者,莫如仁宗,切考致治之

本業。」用事者謂倡爲詖說,出知宿遷縣。 夫道德,本也;刑名,末也。教之以本,人猶趨末,况教之以末乎?望追寢其制,使得悉意 時詔進士習律,師錫言:「陛下方大闡學校,用經術訓迪士類,不應以刑名之學亂之。

法,按閱如初,而劾斥其將,縣人歎服。 約。」畿內將官苛慘失士心,方大閱,羣卒譁譟,將東莫知所爲。 建言:「銓法,選人用舉者遷升,而歲有定額。 人,文章冠絕於當世。乃入爲秘書省校書郎,遷工部員外郎,加祕閣校理,提點開封縣鎭。 樞密院獨以事不先白爲罪,罷知解州。 今請託者盜數,而寒畯有不足之患,請爲之限 師錫馳至軍,推首惡者致諸 歷考功員外

郎,知宣州、蘇州。

而治者,司馬光、呂公著爾。章惇誣其包藏禍心,至於追貶。 徽宗立,召拜殿中侍御史。 疏言:「元豐之末,中外洶洶矣。 。天相陛下,發潛繼統,而悖猶 宣仁聖后再安天下,委國

察京陰通二向,妄言宮禁預政,以誣聖德,不可不察也。」 亂天下,載在史册,可考而知。至於手書還政,未有如聖母,退抑謙遜,眞可爲萬世法。 於東朝有礙,卿爲我處之。」對曰:「審爾,臣當具白太后。」遂上封事言:「自昔母后臨朝,危 是皆國之深患,爲陛下憂,爲宗廟憂,爲賢人君子憂。若出之于外,社稷之福也。」帝曰:「此 引死黨至數百人, 鄧洵武內行汚惡, 搢紳不齒, 豈可滓穢史筆。向宗回、宗良亦陰爲京助。 夜交結內侍、戚里,以覬大用。若果用之,天下治亂自是而分,祖宗基業自是而隳矣。京援 據高位,光等贈謚未還,墓碑未復。願早攄宸略,以慰中外之望。」 蔡京爲翰林學士,師錫言:「京與弟|下同惡,迷國誤朝。而|京好大喜功,銳於改作, 日 而

妙,治亂安危之機,善惡邪正之迹在焉。 索 祕閣圖畫,師錫言:「六經載道,諸子言理,歷代史籍,祖宗圖畫,天人之蘊,性命之 望留意於此,以唐山水圖代無逸爲監。」

納褒獎;若以爲是,則不應遽解言職。 俄 改考功郎中,師錫抗章言曰:「臣在職數月,所言皆當今急務。 如蔡京典刑未正,願受竄貶。」於是出知願、廬、滑三 若以爲非,陛下方開

列傳

第

百五

陳師錫

彭汝礪

「一陳」。紹興(1)中,贈直龍圖閣

州。 坐黨論 監 衡州 酒 又削官置郴州。 卒,年六十九。 師錫始與陳瓘同論京、 時號

彭汝礪字器資,饒州鄱陽人。 治平二年,舉進士第一 ٥ 歷保信軍推官、武安軍掌書記、

潭州三軍事推官。 王安石見其詩義,補國子直講,改大理寺丞,擢太子中允,旣 m 惡之。

當罷; 興事 從, 答,在廷者皆歎服。 爲監察御史裏行。 付中人,因及漢、唐禍亂之事。 汝礪曰:「如此,非所以廣聰明也。」卒不奉詔。 御 八變法,九青苗, 俞充諂中人王中正, .史中丞鄧綰將舉爲御史,召之不往; 旣上章,復以失舉自列。 首陳十事:一正己(三),二任人,三守令,四理財,五養民, 宗室以女賣婚民間,有司奏罷之。 十鹽事。 至使妻拜之, 神宗不懌,語折之。 指擿利害,多人所難言者。 不當檢正中書五房事。 及中正與李憲主西師,汝礪言不當以兵 汝礪拱立不動, 汝礪言:「此雖疏屬,皆天家子孫,不 又論呂嘉問市 神宗爲罷 何間復言**,** 神宗怒,逐綰,用汝礪 易聚斂非 六振救, 神宗爲 詰其語 所 改

元豐初,以館閣校勘爲江西轉運判官,陛辭,復言:「今不患無將順之臣, 患無諫諍之

可使閭閻之賤得以貨取,願更著婚法。」

臣; 不患無敢爲之臣,患無敢言之臣。」神宗嘉其忠蓋。 代還,提點京西刑獄

有古人風。 大者,取士及差役法,行之而士民皆病,未見其可。」踰年,遷中書舍人,賜金紫。 元祐二年,召爲起居舍人。 其論詩賦、回河事尤力,大臣有持平者,頗相左右, 時相問 新舊之政, 對曰:「政無彼 一時進取者病之,欲排去其 此,一於是而已。 詞命雅正, 今所更

類,未有以發。

論列,不聽。 確爲有力。 爲危言,以激怒宣仁后,欲寘之法。 新州,又須汝礪草詞,遂落職知徐州。 目 ,辨論愈切。 會知漢陽軍吳處厚得蔡確安州詩上之,傅會解釋,以爲怨謗。 後治嘉問它獄,以不阿執政,坐奪二官。至是,又爲確得罪,人以此益賢之。 方居家待罪,得確謫命除目草詞,曰:「我不出,誰任其責者。」卽入省, 諫官指汝礪爲朋黨,宣仁后曰:「汝礪豈黨確者,亦爲朝廷論事爾。」及確貶 汝礪曰:「此羅織之漸也。」數以白執政,不能救,遂上 初, 汝礪在臺時、論呂嘉問事,與確異趣,徙外十年, 諫官交章請治之,又造 封還除 一疏

加集賢殿修撰,入權兵、刑二部侍郎。 汝礪言:「制書有不便,許奏論,法也。屬又何罪?」遂自劾請去,章四上。 有獄當貨,執政以特旨殺之,汝礪持不下。 執政

免屬罰,徙<u>汝礪</u>禮部,眞拜吏部侍郎。

傳

第

百五

彭汝

哲宗躬聽 **、斷,修熙寧、元豐政事,人皆爭獻所聞,汝礪獨無建白。** 或問之,答曰:「在前

其政不能無是非,其人不能無賢否。 知成都府。 日 則 無敢言,於今則人人能言之矣。」進權吏部尙書。 未行,章數上,又降待制、知江州。 政惟其是,則無不善,人惟其賢,則無不得矣。」 將行,皆宗問所欲言,對曰:「陛下今所復者 言者謂嘗附會劉摯,以寶文閣直學士

佞 凡數百言。 人初若可悅,而其患在後,忠言初若可惡,而其利甚博。」至於恤河北流移,察江南水旱, 至 |郡數月而病卒(2)。其遺表略云:「土地已有餘,願撫以仁,財用非不饒,願節以禮。 朝廷方以樞密都承旨至命之而已卒,乃以告賜其家。年五十四

官之。 後,不啻如子。 汝 少時師 礪 讀書爲文,志於大者,言動取舍,必合於義,與人交,必盡誠敬。 事桐廬倪天隱,旣死,丼其母妻葬之,且衣食其女。 所著易義、詩義、詩文凡五十卷。 弟汝霖、汝方。 同年生宋渙死,經理其 兄無子,爲立後,

門下侍郎李清臣與市異,市先諷江公望使擊之,將處以諫議大夫,公望弗聽。 復興,都 汝霖字巖老。 水丞李夷行乞復詩賦,汝霖劾之。 第進士,以曾布薦,爲秘書丞,擢殿中侍御 韓忠彥議權合祭, 史, 汝霖言其非禮。 由是附布。 時紹述之論 遷侍御史。

臣,果得諫議。

**鞫趙諗反獄,窮其黨與。** 元祐禍再興, 吳材、王能甫排斥不已, 汝霖言:「諸人罪狀,已

霖罷知泰州,又謫濮州團練副使。 經 紹 聖出 削 ,案籍具在,但可據以行,不必俟指名彈擊。」於是司馬光以下復貶。 後以顯謨閣待制卒。 布失位, 汝

汝方字宜老。 以汝礪蔭爲滎陽尉、臨城主簿。 汝礪卒, 棄官歸葬。 豐稷留守南京,辟

司 錄。 宣和初,通判衢州,使者疏其治狀,擢知州事

殿,官其家七人。 孤 ·城,三日而陷,駡賊以死,年六十六。 **方臘起睦之**青溪,與衢接境。 寇至,無兵可禦,衆望風奔潰。 徽宗褒歎之,超贈龍圖閣直學士、通議大夫,諡曰忠 汝方獨與其僚段約介守

闌,堂索筆書碑十紙,行斷句闕,以示陶曰:「老夫不能盡憶,子爲我足之。」陶書以獻,不繆 「此賈誼之文也。」陶時年十三,一坐皆驚。 呂陶字元鈞,成都人。 蔣堂守圖,延多士入學,親程其文,嘗得陶論,集諸生誦之,曰: 由是禮諸賓筵。 一日,同遊 僧舍,共讀寺碑,酒

中 進 上第, 調 銅梁令。 民龐氏姊妹三人冒隱幼弟田,弟壯, 愬官不得直, 貧至庸奴於

列

傳第

字。

氣,方汝幼時,適爲汝主之爾;不然,亦爲他人所欺。 及是又愬,陶一問,三人服罪,弟泣拜,願以田半作佛事以報。 與其捐半供佛,曷若遺姊,復爲兄弟, 陶曉之日:「三姊皆汝同

顧不美乎?」弟又拜聽命。

理。 乎。」及奏第,神宗顧安石取卷讀,讀未半,神色頗沮。神宗覺之,使馮京竟讀,謂其言有 旨,貴犯不貴隱。 廟人也。」以介薦,應熙寧制科。 司馬光、范鎭見陶,皆曰:「自安石用事,吾輩言不復效,不意君及此,平生聞望,在茲 知太原壽陽縣。 陛下措意立法,自謂庶幾堯、舜,然陛下之心如此,天下之論如彼,獨不反而思之 臣愚,敢忘斯義。陛下初卽位,願不惑理財之說,不間老成之謀,不興疆 府帥唐介辟簽書判官,暇日促膝晤語,告以立朝事君大節,曰「君廊 時王安石從政,改新法,陶對策枚數其過,大略謂:「賢良之

旁郡 議,陶以爲不可。 安石旣怒孔文仲,科亦隨罷,陶雖入等,纔通判蜀州。 及知彭州,威、茂夷入寇,陶召大姓潛具守備,城門啓閉如平時,因以 張商英爲御史,請廢永康軍,下

泳康前議上于朝,軍遂不廢。

西 州騷動。 王 中正爲將, 胸言:「川蜀產茶,視東南十不及一,諸路旣皆通商,兩川獨蒙禁摧。 蜀道畏事之甚謹,而其所施悉謬盭,陶奏召還之。 李杞、蒲宗閔來推茶, 茶園本是

||陶 民枉陷刑辟,非陛下仁民愛物之意也。」宗閥怒,劾其沮敗新法,責監懷安商稅。或往弔之, 日:「吾欲假外郡之虚名,救蜀民百萬之實禍。 .地,均出賦租,自來敷賣以供衣食,蓋與解鹽、晉礬不同。 今立法太嚴,取息太重,遂使良 幸而言行,所濟多矣,敢有榮辱進退之念

哉。」起知廣安軍,召爲司門郎中。

馧 主德澤不能下流;在今日, 則 何勢之所在而歸之。 去。 政體不純。 元祐 初,擢殿中侍御史,首獻邪正之辨曰:「君子小人之分辨,則王道可成, 今察確、韓縝、張躁、章惇,在先朝,則與小人表裏,爲賊民害物之政,使人 昔者負先帝, 則觀望反覆,爲異時子孫之計。 今日負陛下。 願亟加斥逐,以淸朝廷。」於是數人相繼 安燾、李凊臣 又依阿其間,以 雜處於朝,

民間 害切於蜀者。 雖無納錢之勞, 時 陶考究精密,民以爲便。 議行差役,陶言:「郡縣風俗異制,民之貧富不均,當此更法之際,若不預設防禁,則 反有偏頗之害。 還朝,遂正兩路轉運使李琮、蒲宗閔之罪;又奏十事,皆利 莫若以新舊二法,裁量厥中。」會陶謁告歸,詔於本道

事權以報私隙。 蘇軾策館職,爲朱光庭所論,軾亦乞補郡,爭辨不已。 議者皆謂賦嘗戲薄程頤,光庭乃其門人,故爲報怨。 陶言:「臺諫當徇至公,不可假借 夫欲加軾罪,何所不

列傳

第

百

五

呂陶

張

庭堅

可,必指其策問以爲譏謗,恐朋黨之敝,自此起矣。」由是兩置之。

梓州 不知河北有警,則十倍陝西矣!卿言甚善。」進給事中。 遷中書舍人。奉使契丹歸,乞修邊備。 陶曰:「屏左右已不可, 况史官乎? 大臣奏事而史官不得聞, 是所言私也。」詔定爲令。 陶與同列論張舜民事不合, 准西、成都路轉運副使。 入拜右司郎中、起居舍人。大臣上殿,有乞屛左右及史官 傅堯俞、王嚴叟攻之,太皇太后不納,遷陶左諫議,繼 哲宗喜曰:「臣僚言邊事,惟及陝西,不及河北。 出爲

貶庫部員外郎,分司。徽宗立,復集賢殿修撰、知梓州,致仕。卒,年七十七。 復行,此乃治亂安危之機,不可不察也。」俄以集賢院學士知陳州,徙河陽、潞州,例奪職,再 臣獨以無可疑爲疑,不必言而言,萬一有姦邪不正之謀,上惑淵聽,謂某人宜復用,某事宜 哲宗始親政,陶言:「太皇太后(台)保祐九年,陛下所深知, 尊而報之,惟恐不盡。然

帝方銳意圖治,進延忠鯁,庭堅與鄒浩、龔夬、江公望、常安民、任伯雨皆在諫列,一時翕然 通 到漢州 張 庭 堅字才叔,廣安軍人。進士高第,調成都觀察推官,爲太學春秋博士。 入爲樞密院編修文字,坐折簡別鄒浩免。 徽宗召對,除著作佐郎, 擢右正言。 紹聖經廢,

於法者,删不以爲例,則刑可省。近以|青唐反叛,棄|割守惶。 徒不可,將假名繼述,而實自肆焉。今遠略之耗於內者,棄不以爲守,則兵可息; 又士大夫多以繼志述事勸陛下者,臣恐必有營私之人,欲主其言以自售,謂復紹先烈非其 以去小人,士論所推,不爲無益於宮禁。 宜,法亦隨變,而欲纖悉必復, 亦安足守?臣謂丼棄湟州便。」庭堅言論深切,退輒焚稿。 可乎?司馬光因時變革,以便百姓,人心所歸, 庭堅在職逾月,數上封事,其大要言:「世之論孝,必曰紹復神考,然後謂孝。 然則將敝於一偏,久必有不便於民而招怨者, 乞盡復光贈典以悅人心, 不為無補於國家; 既以鄯爲可棄,則區區之湟, 召還瓘言職以慰士論。 陳瓘執義論諍,將 如此而謂之 特旨之重 夫前後異

|伯 無罪也。 下踐阼以來,合人心事甚衆,惟夫邪正殊未差別。 運判官。 雨復爭之,乞以庭堅章付外,考其所言,毋使言者爲三省所脅。李清臣從而擠之,改通判 是時,議者往往指元酤舊臣在廷者太多。庭堅爲帝言司馬光、呂公著之賢,且曰:「陛 。」又薦蘇軾、蘇轍可用,頗忤旨。曾布因稱其所論不當,帝命徙爲郎,俄出爲京東轉 任伯雨言庭堅立身有本末,不應罷言職。 如光、公著甄敍,但用赦恩,初未嘗別其 庭堅亦辭新命,改知汝州,又送吏部。

肯往 初,蔡京守蜀,庭堅在幕府與相好。及京還朝,欲引以爲己用, 京大恨,後遂列諸黨籍。 卒,年五十七。 紹興初,詔贈直徽猷閣 又坐嘗談瑶華非辜事,編管號州, 再徙鼎州、象州。久之, 先令鄉人諭意,

復故官。

龔夬字彥和,瀛州人。清介自守,有重名。進士第三,簽書河陽判官。 從曾布於瀛。

紹聖初,擢監察御史,以親老,求通判相州,知洛州

之以决。 朝廷, 邪未 既破,必將早夜熟計,廣爲身謀。或遽革面以求自文,或申邪說以拒正論,或詭稱禍 治,不難致也。」又言:「朝廷累下赦令,洗滌元祐愆負被坐之人,至於官職資蔭,多未給還。 已去復留。 ·判,則衆必疑。今聖政日新,遠近忻悅,進退人材,皆出睿斷,此甚盛之舉也。 徽宗立,召拜殿中侍御史。始上殿,卽抗疏請辨忠邪,曰:「好惡未明,則人迷所向;忠 或託言祖宗以脅人主。巧事貴戚,陰結左右,變亂是非,姦計百出,幸其旣敗復用, 若小不忍,則害大政。臣願陛下明好惡以示之,使遠近知進賢退姦之意,太平之 君子直道而行,則必墮其術中。 然則天下治忽,未可知也。 故宜洞察忠邪,行 福 然姦黨 以動

願申詔有司,亟爲施行,以伸先帝寬仁之意。」

忠臣義士,憤悶而不敢言,海內之人,得以歸怨先帝。 之語,文致悖逆之罪,是以人人危懼,莫能自保,俾其朽骨銜寬於地下,子孫禁錮於炎荒, 嶺海,自有宋以來,未之聞也。 <u> 寇準而已。及至於惇,而故老、元輔、侍從、臺省之臣,凡天下之所謂賢者,一日之間,布滿</u> 時章惇、察下用事, 决首論其惡, 大略以爲: 「昔日丁謂當國, 號爲恣睢, 然不過陷 當是時,惇之威勢震於海內,此陛下所親見。 其罪如此,尚何俟而不正典刑哉? | 蓋其立造不根

其實,以正姦臣之罪。」於是三人者皆去。 門下,賴其傾險,以爲腹心,立起犴獄,多斥善士,天下寃之,皆京與天若爲之也。願考證 辜,以逞其欲。臣料當時必有案牘章疏,可以見其鍛鍊附會。如方天若之凶邪,而京收寘 又論:「蔡京治文及甫獄,本以償報私仇,始則上誣宣仁,終則歸咎先帝,心將族滅無

事上不忠,懷姦深阻,凡惇所爲,皆下發之,爲力居多。望采之至公,昭示譴黜。」

令得歸, 政和元年卒, 年五十五。 决首尾建言, 詔削籍, 編管房州。 又上疏乞正元祐后册位號,及元符后不當並立,書報聞。已而元祐后册再廢,言者論 紹興元年,贈直龍圖閣。六年,再贈右諫議大夫,官其後 繼徙繳,又徙化。徒步適貶所,持扇乞錢以自給。逢赦

弟大肚,少有重名,清介自立。從兄官<u>河陽,曾布</u>欲見之,不可得,乃往謁决,邀之出,

列

第

百五

龔夬

孫諤

從容竟日,題詩壁間,有「得見兩龔」之語。 决爲御史, 大 出 勸 使 早去, 决 以 爲 畏 友 。 不 幸

孫諤字元忠,睢陽人。父文用,以信厚稱鄉里,死諡慈靜居士。 諤少挺特不羣,爲張方

平所器。登進士第,調<u>哲信(+)主簿,</u>選爲國子直講。陷<u>虞</u>蕃獄,免。

「家人委巷之語,不足以定大計,願斷自聖慮。」出爲利、梓路轉運判官,召拜禮部員外郎、左 |元祐初,起爲太常博士,遷丞。|哲宗卜后,太史惑陰陽拘忌之說,|諤上疏太皇太后言:

寢內降除授。帝每患臺諫乏人, 諤曰:「士豈乏於世,顧陛下不知爾。」 立疏可用者二十二 示信,以靜安天下,請如前詔書,一切勿問。」嘗侍對,論星文變咎,願修省消復,罷幸西池及 紹聖治元祐黨,諤言:「漢、唐朋黨之禍,其監不遠。」蹇序辰編類章疏,諤又言:「朝廷當

章惇惡其拂己,出知廣德軍,徙唐州,提點湖南刑獄。

封事付外詳定, 諤言: 「君不密則失臣, 是將速忠臣之禍矣, 不宜宣泄。」乃止。 遷左司諫, 俄 徽宗立,復爲右司諫,首論大臣邪正、政事可廢置因革者,帝稱其鯁直。 議者欲以羣臣

以疾卒。

入諫省,不能旬月,時論惜之。 **諤與彭汝礪以氣節相尙,汝礪亡,]諤語所知曰:「吾居言責,不愧器資於地下矣。」及再** 

制 使求市歷代史、策府元龜,抄鄭、衞曲譜,皆爲上聞。禮部尚書蘇軾劾其失體,以龍圖閣待 招情游惡少以隸土軍,習暴橫,爲田野患,請使以廂卒代。」皆從之。「高麗入貢,」軒館客,其 以周知利害,亦可觀閱 翊善,再遷中書舍人。上疏言:「祖宗舊制,諸道帥守、使者辭見之日,並召對便殿,非特 乃得覲,餘皆無因而前,殆非所謂廣覽兼聽之道。願詔有司,使如故事。」又言:「所在巡檢, 知廬州,徙杭州、江寧潁昌府。 陳軒字元興,建州建陽人。進士第二,授平江軍節度推官。 人才。今視朝數刻而退,惟執政大臣得在帝所,或經旬閱月,臺諫官 元祐中,爲禮部郎中、徐王 可

青苗以抑兼丼,拯難困,不當以散多予賞。」入侍經闈,每勸帝以治貴淸淨,願法文、景之恭 三十二人,願稍久其任。又言:「比更定役法,欲以寬民力,而有司生事,急切苟營贏羨。 散 徽宗立,爲兵部侍郎兼侍讀。論監司、守臣數易之弊,如江、准發運使,十五年間至更

列傳

第一

百五

陳軒

江

公望

儉, 帝頗聽行之。 加 龍 圖閣直學士、知成都府,不行,改杭州、福州。 卒,年八十 鸣

以爲 之,『私事官讎』,此小人之所不爲,而挺之安爲之,豈忠臣乎?」 以知時政之利病、人臣之忠邪,無若諫官、御史之爲可信。 不可不察也。 趙挺之與戶部尚書王古用赦恩理逋欠,古多所蠲釋,挺之劾古傾天下之財以爲 天子登極大赦,將與天下更始,故一切與民,豈容古行私惠於其間,乃上疏曰:「人君所 江 .公望字民表,睦州人。舉進士。 臣聞挺之與古論事每不相合,屢見於辭氣,懷不平之心,有待而發。 建中靖國元年,由太常博士拜左司諫。 若挾情肆誣, 快私 忿以罔上 時御 私 惠。 俚語有 史中丞 公望 德,

遭紹 下改元詔旨,亦稱思建皇極,蓋嘗端好惡以示人,本中和而立政,皇天后土,實聞斯言。 分感動人主,使天下騷然, 泰陵不得盡繼述之美。 時學,必目爲流俗;一談不侔時事,必指爲橫議。 而 黜之。 聖竄逐之後,存者無幾矣。神考與元祐之臣,其先非有射鈎斬祛之隙也,先帝信仇人 又上疏曰:「自哲宗有紹述之意,輔政非其人,以媚於己爲同,忠於君爲異。 陛下若立元祐爲名,必有元豐、紹聖爲之對,有對則爭興,爭興, 元祐人才,皆出於熙寧、元豐培養之餘, 借威柄以快私隙,必以亂君臣父子之名 則黨復立矣。 一語不合 陛

若欲渝之,奈皇天后土何?」

似府史以語言疑似成獄,公望極言論救,出知淮陽軍。 畜之久,終不肯去。」先是,帝以柱杖逐鷴,鷴不去,乃刻公望姓名於杖頭,以識其諫。 知壽州。 內苑稍畜珍禽奇獸,公望力言非初政所宜。 蔡京爲政,編管南安軍。 遇赦還家,卒。建炎中,與陳瓘同贈右諫議大夫。 它日入對,帝曰:「已縱遣之矣,唯一白鷴 未幾,召爲左司員外郎,以直龍圖閣 蔡王

令臣與任伯雨論韓忠彥援引元祐臣僚事。 意陛下逐去元祐之臣,復興紹聖政事。 晁補之、劉唐老、李昭玘人才均可用,特迹近嫌疑而已。今若分別黨類,天下之人,必且妄 輒攻擊不已,是朝廷之上,公然立黨也。」 陳祐字純益,仙井人。第進士。元符末,以東部員外郞拜右正言。上疏徽宗曰:「有旨 今紹聖人才比肩於朝,一切不問; 元祐之人數十, 按賈易、岑象求、豐稷、張來、公、黃庭堅、龔原、

之意。陛下頃用臣言褫其職,自大名移揚州,而浠謝表具言皆出於先朝。 類,事成則據己所憤,事敗則歸過於君。至如過失未形而訓辭先具,安得爲責人之實?歷 遷右司諫。言:「林希紹聖初掌書命,草呂大防、劉摯、蘇轍、梁燾等制,皆務求合章惇 。大抵姦人詆毀善

列傳

第

百五

陳祐

常安

民

不敬 辨詆誣而 通判滁州。 此 而 上侵聖烈,安得爲臣子之誼?不一二年,致位樞近,而爲尚敢忿躁不平,謝章慢上 | 下乞貶||伯雨等,酤在數中,編管||澧州,徙歸州。 可忍,孰可不忍!」為再降知舒州。 又論章惇、蔡京、蔡卞、郝隨、鄧洵武,忤旨, 復承議郎,卒。

之,不肯往。 安民獨不爲變。 豈容輒易?」具以白王安石。安石稱其文,命學者視以爲準,由是名益盛。安石欲見 常安民字斋古,邛州人。年十四,入太學,有俊名。熙寧以經取士,學者翕然宗王氏, 登六年進士舉,神宗愛其策,將使魁多士。執政謂其不熟經學,列之第十。 春試,考第一,主司啓封,見其年少,欲下之。判監常秩不可,曰:「糊名較

爲相,安民惡其人,絕不相聞。 應之曰:「處厚貴,天下事 遂陷安民,而惇子 交爾。」安民曰:「君所謂匿怨而友其人,乃李林甫也。」惇笑曰:「直道還君,富貴輸我。」安民 所厚善者。安民退謂惇曰:「若人不厚於君乎?何詆之深也。」惇曰:「吾心實惡之,姑以爲 授應天府軍巡判官,選成都府教授。與安惇為同僚,惇深刻姦詐,嘗偕謁府帥,輒毀素 坐法誅死, 可知,我當歸山林,豈復與君校是非邪! 如安民言。 確夫人使招其妻,亦不往 秩滿寓京師。 妻孫氏與蔡確之妻,兄弟也。 第恐累陰德爾。」後惇貴, |確時

境,邑民頌其政,皆稱爲古良吏。元祐初,李常、孫覺、范百祿、蘇軾、鮮于侁連章論薦,擢大 能得它盜乃除,盜爲之息。 追科不下吏,使民自輸,先它邑以辦。 轉運使許懋、孫昌齡入 調 知長洲縣,以主信爲治,人不忍欺。 縣故多盜,安民籍嘗有犯者,書其衣,揭其門,約

小人, 憂也。 以謂慶流萬世,及武三思一得志,至於竄移淪沒。凡此者皆前世已然之禍也。今用賢如倚 孤棟,拔士如轉巨石,雖有奇特瓌卓之才,不得一行其志,甚可歎也。 則衆必駭笑。惟識微見幾之士,然後能逆知其漸。 書呂公著曰:「善觀天下之勢,猶良醫之視疾,方安寧無事之時,語人曰『其後必將有大憂』, 何以數十人而制千虎乎?今怨忿已積,一發其害必大,可不謂大憂乎。」及章惇作相,其言 而卒爲人所勝者,人衆而虎寡也。 同力,選用名賢,天下想望太平,然卒死曹節之手,遂成黨錮之禍。張柬之五王中興唐室, 是時,元豐用事之臣,雖去朝廷,然其黨分布中外,起私說以搖時政。安民竊憂之,貽 恐端人正士,未得安枕而臥也。 今日天下之勢,可爲大憂。雖登進忠良,而不能搜致海內之英才,使皆萃于朝,以勝 故以十人而制一虎則人勝,以一人而制十虎則虎勝,奈 故去小人不爲難,而勝小人爲難。陳蕃、竇武協心 故不憂於可憂,而憂之於無足憂者,至 猛虎負嵎,莫之敢攖,

轍薦爲 與人爲怨? 抑其權,反復曲折,言之不置。 知 是,皆爲偏論。願公聽並觀,擇其中而歸於當。」拜監察御史。論章惇顓國植黨,乞收主柄而 恥。 歷太常博士,轉爲丞。與少卿朱光庭論不合,出爲江西轉運判官,不行,改宗正丞。蘇 願陛下獎進廉潔有守之士,以厲風俗。元酤進言者,以熙、豐爲非,今之進言者反 御 史,宰相不樂,除開封府推官。紹聖初,召對,爲哲宗言:「今日之患,莫大於士不 少安靜,當以左右相處。」安民正色斥之曰:「爾乃爲時相游說邪?」惇益怒。 惇遣所親信語之曰:「君本以文學聞於時,奈何以言語自任,

以飾非,巧足以移奪人主之視聽,力足以顚倒天下之是否。內結中官, 盡。 己,則誣以黨於元祐;非先帝法,必擠之而後已。今在朝之臣,京黨過半,陛下不可不早覺 悟而逐去之。他日羽翼成就,悔無及矣。」是時,京之姦始萌芽,人多未測,獨安民首發之。 言:「事有情重而法輕者,中官豪橫,與侍從官相交結,同爲欺罔,此之姦狀,恐非法之所能 願重爲降責,以肅百官。」獄具,惇主之甚力,止罰金。 中官裴彦臣建慈雲院,戶部尚書蔡京深結之,彊毁人居室。 安民因論京三一姦足以惑衆,辨足 訴於朝,韶御史劾治。安民 外連朝士, 一不附

爲 元 文正,近乃乞斲棺鞭尸。陛下察此輩之言,果出於公論乎?」章疏前後至數十百上,度終 祐 時上呂公著詩求進,諛佞無恥,近乞毀司馬光及公著神道碑。周秩爲博士,親定光諡

又言:「今大臣爲紹述之說,皆借此名以報復私怨,朋附之流,遂從而和之。

張商英在

不能回,遂丐外,帝慰勉而已。

乃取其所貽呂公著書白于帝。 布始以安民數憾章惇,意其附己,屢稱之於朝。 大饗明堂,劉賢妃從侍齋宮。 它日,帝謂安民曰:「卿所上宰相書,比朕爲漢靈帝,何也。」 安民以爲萬衆觀瞻,虧損聖德, 其後併論,曾布亦恨,於是與惇比而排之, 語頗切直,帝微怒。

·安民曰:「姦臣指擿臣言,推其世以文致臣爾,雖辨之,何益?」

例不治事。」安民謝曰:「食焉而怠其事,不可。」滿三歲,通判温州。 奏之,詔興知軍,惇徑擬監滁州酒稅。至滁,日親細務。 董敦逸再爲御史,欲劾蘇軾兄弟,安民謂二蘇負天下文章重望,恐不當爾。 郡守曾肇約爲山林之游,曰:「謫官 至是,敦逸

徽宗立,朝論欲起爲諫官,曾布沮之,以提點永興軍路刑獄。 政和末,卒,年七十。建炎四年,贈右諫議大夫。子同,爲御史中丞,自有傳。 蔡京用事,入黨籍,流落

治亂自是而分,惜其言不行於當時,而徒有驗於其後。|汝礪辨救察確,以直報怨。 陶言権 西南害,毅然觸瀟、李之鋒。 論曰:次升從容一言,止呂升卿之使嶺南,大有功於元祐諸臣。師錫謂蔡京若用,天下 庭堅論紹復未足以盡孝道。| 諤言世非乏士,患上不知,乃

列傳

百五五

常安民

校

勘記

小人。不幸而羣姦相繼用事,在廷忠直之臣,動因事而斥去之,馴致靖康之禍,其所由來遠 先入之言。 矣。小人之得政,可畏夫! 去復來,至於阽危不悟也。 且論惇、京、卞輩,斥死弗悔。 薦可用者二 夬擊逐章惇、蔡京、蔡卞于外,亦足少泄四海臣民之憤,然京、卞旣仆卽起,已 一十有二人,號稱鯁直,裨益尤多。 庸暗之主,可與言哉!安民人虎多少之喻,惴惴焉懼不足以勝 公望謂神宗於元祐諸臣非有射鈎斬袪之隙,而終不能移姦邪 | 軒力陳青苗貽害, 願以淸淨爲治。 祐撃林希,

## 校勘記

紹興 原作「紹聖」,據宋會要儀制一一之一三、繫年要錄卷四三改。

3 一潭州 原作「彰州」,按宋無「彰州」,據琬琰集中編卷三一會肇彭汝礪墓誌銘改。

= 正己 疑當作「正本」,見同上書同卷同篇和東都事略卷九四本傳。

至郡數月而病 得疾,……公終于正寢」,東都事略本傳,此語作「知江州卒」。「去」字當爲「卒」字之誤, 卒 「卒」原作「去」。 按琬琰集彭汝礪墓誌銘,「迺以實文閣待制知江州,

據 改。

郡

數月,

至 樞密都承旨 「承」原作「丞」、據本書卷一六二職官志、琬琰集彭汝礪墓誌銘改。

- (云) 太皇太后 「太后」二字原脫,據編年綱目卷二三、東都事略本傳補。
- (七) 哲信 按宋代無此縣,九城志卷五、興地廣記卷二〇泗州有招信縣,疑爲「招信」之訛。

此人身世不詳。按本書卷四四四張耒傳,耒於元祐八年擢起居舍人,後坐黨籍徙宣州,

與二蘇、黃庭堅、晁補之等齊名。疑陳祐所論當是其人。

(六) 張來

## 宋史卷三百四十七

## 列傳第一百六

席旦 張舜民 孫 鼛 喬執中 吳時 盛陶 李 · 昭 玘 章 衡 吳師禮 顏復 孫升 王漢之 弟換之 韓 jij 冀鼎臣 黄 廉 鄭穆 朱

韓鎭鎭長安,辟入府; 對,擢提舉廣東常平。 父 任,調武平尉,捕獲名盜數十,謝賞不受。再調越州司法參軍,守趙抃薦其材。 蒲中優人詭僧服隱民間,以不語惑衆,相傳有異法,奔凑其門。 孫鼛字叔靜,錢塘人。父直言,徙揚之江都。 徽宗初,徙兩浙。 **縝去,後來者仍挽之使留,居五** 由福建轉運判官召爲屯田 馨年十五,游太學,蘇洵、滕甫稱之。 年,簽書西川判官。 員外。 鼛收按姦狀,立伏辜。 或薦於朝,召 知偃師 用

|簪微時與||蔡京善,常曰:「||蔡子,貴人也;然才不勝德,恐貽天下憂。」至是, 列 僔 第 百 六 孫 麔 吳 畤 一〇九九五 京還朝,遇

輔人主,示節儉以先百吏,而絕口不言兵,天下幸甚。 諸 塗。 旣見, 京逆謂曰:「我若用於天子, 願助我。」 鼛曰:「公誠能謹守祖宗之法, 馨何爲者。」京默然。 旣 相,出 以正論 提點

東刑

獄

封。

遷

增 日,歲增一歲,天下之財豈能給 未幾,入爲少府少監、戶部郎中。 太僕卿、殿中少監。 哉?」 縣官用度無藝,醫與尚書曾孝廣、侍郎許幾謀曰:「日 一共疏論之。 當 國者不樂,孝廣、幾由是罷,徙鼛開

祭」之謠,指切蔡京。 康二年卒,年八十六。贈銀青光祿大夫,諡曰通靖。 几 輔 建,以顯謨閣待制 鼛以 聞,京怒,使言者誣以它謗,提舉鴻慶宮。 知曹州。 論經始規畫之勞,轉太中大夫,徙鄆州。 起 知單州,遂致仕。 邑人子爲「草

起,家人危懼,鼛一 **鼛**篤於行義,在廣東時,蘇軾 無所顧。 時人稱之。 謫居惠州,極意與周旋。 二子娶晁補之、 黃庭堅女, 黨事

檄州鍕米五萬輸長安,鄭獨當三萬。 吳時字伸道,邛州人。 初舉進士,得學究出身; 時貽書使者曰:「會三萬斛之費, 再試, 中甲科。 以車則千五 知 華 州 鄭 縣, 百乘,以 轉運

食,誠能移兵於譁,則前費可免。譁、癃相去百六十里,一旦欲用,朝發而夕至矣。」使者從 卒則五萬夫, 縣民可役者纔二百五十八戶耳。 古者用師則贏粮以養兵, 無事則移兵以就

聞,而令君父聞乎?」 生有觸忌諱者,教授欲上之,曰:「是間言語,皆臣子所不忍聞。」時即火其書,曰:「臣子不忍 多不能如式,有司悉卻之,時建言,乃得達。為睦親宅教授,提舉永興軍路學事。華州諸 陸 一師閔幹秦、蜀茶馬,辟爲屬。 章粢欲以御史薦,力辭之。 徽宗求言,遠臣上章,封識

遷太僕少卿 祀聖祖, 祝板書臣名, 而釋奠孔子, 但列中祀。數學, 六藝之一耳, 當以何禮事之?」乃止。 召爲工部員外郎,改禮部,兼辟雍司業。 大觀興算學,議以黃帝爲先師。時言:「今祠

中。 發公粟以振民。 內侍何訴謫監衡州酒,猶領節度使,時奏奪之。 張商英罷相,言者指時爲黨,出知耀州,又降通判鼎州, 童貫經略北方,每訪以邊事,輒不答。 還爲大晟典樂,擢中書舍人、給事 未赴,提舉河東常平。 歲饑,

爲腐儒。 時求去,以徽猷閣待制兼侍讀,俄提舉上清太平宮。 西歸,遇其里人趙雍,爲言:

列傳

第

一百六

吳時

李昭

玘

〇九九七

又因進對及取濕事,曰:「祖宗盟血未乾,渝之必速亂。」蔡攸聞之,以告王黼,黼怒,斥

「取燕必召禍。 吾老,得不遭其變,幸矣。」累歲而卒,年七十八。

時敏於爲文,未嘗屬稿,落筆已就,兩學目之曰「立地書廚」。

李昭玘字成季,濟南人。 少與晁補之齊名,爲蘇軾所知。 擢進士第,徐州教授。 守孫

覺深禮之,每從容講學及古人行己處世之要,相得驩甚。 用李清臣薦,爲祕書省正字、校書

郎(二),加祕閣校理。

祕 書丞、開封推官,俄提點永興、京西、京東路刑獄,坐元符黨奪官。 通 判潞州,潞民死多不葬,昭玘斥官地,畫兆竁,具棺衾,作文風曉之,俗爲一變。

貯於十霎,命曰「燕游十友」,爲之序,以爲:「與今之人友,或趨附而陷於禍,吾寧與十者友, 從寬之邪說,罷主管鴻慶宮,遂入黨籍中。居開十五年,自號樂靜先生。寓意法書、圖畫, 命始下。 徽宗立,召爲右司員外郎,遷太常少卿。韓忠彥欲用爲起居舍人,曾布持之,布使山 爲陳次升所論,出知滄州。 崇寧初,詔以昭迅嘗傾搖先烈,每改元豐敕條,倡

**久益有味也。**」

初,昭旺校試高密,得侯蒙。 蒙執政,思顧舊恩,使人致己意,昭玘唯永祕閣法帖而已。

使陝西時, 師,拜于前曰:「感公生存之恩,願以名馬爲獻。」笑卻之。 延安小將車吉者被誣爲盜,昭旺察知無它。 吉後立戰功, 至皇城使, 遇昭 正京

晚知歙州,辭不行。 靖康初,復以起居舍人召,而已卒。 紹興初,追復直徽猷閣。

治。 書省正字,預餞鄒浩,免。 獄成,不使一詞及王; 吏雖有死者,亦不被以指斥罪。 師禮工翰墨,帝嘗訪以字學,對曰:「陛下御極之初,當志其大者,臣不敢以末伎對。」聞 吳師禮字安仲,杭州錢塘人。太學上舍賜第,調涇縣主簿,知天長縣。 徽宗初,爲開封府推官。察王似宮吏有不順語,下之府, 擢右司諫,改右司員外 召太學博士、祕 鄎。 師禮主

者獎其得體。以直祕閣知宿州,卒。

說對。 後相遇於泌陽,公望謂曰:「子異日得志,當如何?」曰:「但爲人作豐年耳。」遂定交。 師禮游太學時,兄師仁爲正,守春秋學。它學官有惡之者,條其疑問諸生,師禮悉以兄 學官怒,鳴鼓坐堂上,衆質之,師禮引据三傳,意氣自如。 江公望時在旁,心竊喜。

置 庖 爨及蓄僮僕。 師仁字坦求。 篤學厲志,不事科舉。 郡守陳襄、鄧潤甫、蒲宗孟皆以遺逸薦于朝。元祐初,召爲太學正,遷博 喪親,廬墓下,日倩旁寺僧造飯一鉢以充飢,不復

列傳

寗

百六

吳

師禮

王漢之

士,十年無它除。後爲顯川、吳王宮敎授,卒。

諸掌矣。」從之。入爲開封府推官,歷工、吏、禮三部員外郎,太常少卿。 秀州 「所在無都籍,是以不能周知而校其登耗以待用。願令郡縣先置籍,總之諸道,則天下如指 司戶參軍,知金華、澠池二縣,爲鴻臚丞,知眞州。,時詔諸道經畫財用上諸朝,漢之言: 王漢之字彥昭,衢州常山人。父介,舉制科,以直聞,至祕閣校理。漢之進士甲科,調

州。 稅,吏不聽。漢之言:「雄州規小利,失大體,萬一契丹蠲之,爲朝廷羞。」 三百萬本,此中國萬世之利也。今寖失其道,願講行之。」雄州歸信、容城災,兩輸戶請蠲 言:「自何承矩規塘濼之地屯田,東達于海。其後又修保塞五州爲隄道,備種所宜木至 蔡京置講議司。 漢之,其客也,引爲參詳官。 擢禮部侍郎,轉戶部,以顯謨閣待制知瀛

都,又不至,連徙五州,入爲工部侍郎。奉使契丹,還,言其主不恤民政,而掊克荒淫,亡可跂 而待也。徽宗悅,以知定州。久之,徙江寧。 徙江寧、河南府,不至,而爲蘇、潭、洪三州。召拜兵部侍郎,復以顯謨閣直學士知成

方臘之亂,錄奏報禦捕功,加龍圖閣直學士,又進延康殿學士。卒,年七十。弟澳之。

以爲杭州教授,知潁上縣。元祐中,爲太學博士,校對黃本祕書。 澳之字 彦 舟。 未冠,擢上第,有司疑年未及銓格,特補武勝軍節度推官。 通判衞州,入編修兩朝魯 方新置學官,

篇信錄 爲尊君,以論議趨時爲國是,以可否相濟爲邪說。志士仁人知言之無益也,不復有言,而小 書舍人。趨省之日,詞頭三十三,下筆卽就。 爲貴;人無同異,唯正是用。則人心說,治道成,天意得矣。」帝欣然延納,欲任以諫官、御 人肆爲詭譎可駭之論,苟容偷合。 而用之難。 辭曰:「臣由大臣薦,不可以居是官。」乃拜吏部員外郎,遷左司員外郎、起居舍人,擢中 徽宗立,以日食求言。渙之用大臣交薦召對,因言:「求言非難,聽之難,聽之非難,祭 今國家每下求言之詔,而下之報上,乃或不然,以指陳闕失爲訕上,以阿諛佞諂 願陛下虛心公聽,言無逆遜,唯是之從,事無今昔,唯當

至,復徙廣州。 瓘、龔夬、張庭堅游,旣棄於紹聖,而今復之,有害初政。解職知舒州,入黨籍。 崇寧初,進給事中、吏部侍郎,以寶文閣待制知廣州。 蕃客殺奴,市舶使据舊比,止送其長杖笞,渙之不可,論如法。 言者論渙之當元祐之末,與陳 尋知福州,未

召詣闕,言者復拾故語以沮之,罷爲洪州。 列 傳 第一百 六 王 漢 之 黄 亷 改滁州,歷潭、杭、揚三州。 1001 張商英相,爲給

**之以疾提舉明道宮。又四年卒,年四十五(三)。** 吏部侍郎。 商英去,亦出守。越八年,知中山府,加寶文閣直學士。朝廷議北伐,渙

處之,則無事矣。」其歸趣如此。 渙之性淡泊,恬於仕進,每云:「乘車常以顚墜處之,乘舟常以覆溺處之,仕宦常以不遇

帝即命廉體量振濟東道,除司農丞。還報合旨,擢利州路轉運判官,復丞司農。 而民病,陛下不盡祭也。河朔被水,河南、齊、晉旱,淮、浙飛蝗,江南疫癘,陛下不盡知也。」 在便民,法非不良也,而吏非其人。朝廷立法之意則一,而四方推奉,紛然不同,所以法行 免役事,康据舊法以對,甚悉。 安石曰:「是必能辦新法。」白神宗,召訪時務,對曰:「陛下意 黃廉字夷仲, 洪州分寧人。 第進士, 歷州縣。 熙寧初,或薦之王安石。 安石與之言,問

不虛行於天下矣。」又言:「比年水旱,民蒙支貸倚閣之恩,今幸歲豐,有司悉當舉催。久飢 初稔,累給倂償,是使民遇豐年而思歉歲也,請令諸道以漸督取之。」 士。」詔各薦一人。繼言:「寒遠下僚,旣得名聞於上,願令中書審其能而表用,則急才之詔, 為監察御史裏行,建言:「成天下之務,莫急於人才,願令兩制近臣及轉運使各得舉 列 傳 其議,使以直祕閣提舉。

論俞充結王中正致宰屬,丼言中正任使太重。帝曰:「人才蓋無類,顧駕御之何如耳。」

對 日:「雖然,臣慮漸不可長也。」

者,分遣吏移給,擇高地作舍以居民,流民過所毋征算,轉行者賦粮,質私牛而與之錢,養 河決曹村,壞田三十萬頃、民廬舍三十八萬家。受詔安撫京東,發廩振飢,遠不能至

男女棄于道者,丁壯則役其力,凡所活二十五萬。

相州獄起,鄧温伯〔三〕、上官均論其冤,得譴去,詔廉詰之,竟不能正。 未幾獄成,始悔

之。 加集賢校理,提點河東刑獄。

骨,斟酌不乏興,足矣!忍自竭根本邪?」即奏云:「師必無功,盍有以善其後?」旣,大軍潰 下臨鴈門,父老以爲恨。 遼人求代北地,康言:「分水畫境,失中國險固,啓豺狼心。」 其後契丹果包取兩不耕地, 廉詣上黨對理,坐貶秩。 王中正發西兵,用一而調二,轉運使又附益之,康曰:「民朘剝至

歸,中正嫁罪於轉餉。

秦茶勿改,而許東路通商;禁南茶毋入陝西,以利蜀貨。 且言:「前所為誠病民,若悉以予之,則邊計不集,蜀貨不通,園甿將受其敝。 元祐元年,召爲戶部郞中。 陸師閔茶法爲川、陝害,遣廉使蜀按察,至則奏罷其泰甚 定博馬歲額爲萬八千匹。」朝廷可 請権熙、

獄,改陝西都轉運使。 明年,還,爲左司郎中,遷起居郎、集賢殿修撰、樞密都承旨。 拜給事中,卒,年五十九。 上官均論其往附蔡確爲

子直講、祕閣校理。一元豐中,擢監察御史裏行。 |朱服字||行中,湖州||烏程人。 熙寧進士甲科,以淮南節度推官充修撰、經義局檢討,歷 參知政事章惇遣所善袁默、周之道見服, 道 國

薦引意以市恩,服舉劾之。惇補郡,免默、之道官。

知諫院,遷國子司業、起居舍人,以直龍圖閣知潤州,徙泉、婆、寧、廬、壽五州。 便宜振護,全活十餘萬口。 受詔治朱明之獄。故事,制獄許上殿,非本章所云者皆取旨。 明年大疫,又課醫持善藥分拯之,賴以安者甚衆。 服論其非是,罷之。 廬人飢,守 俄

故。 召爲中書舍人。使遼,未反而母死,詔以其家貧,賜帛三百。 喪除,拜禮部侍郎。 湖州

守馬城言其居喪疏几筵而獨處它室,謫知萊州。

當元祐

時,未嘗一日在朝廷,不能無少望。

**値紹聖初政,因表賀,乃力詆變亂法度之** 

位龍髯草」之語,爲部使者所上,點知<u>袁</u>州。 徽宗即位,加集賢殿修撰,再爲廬州,越兩月,徙廣州。 又坐與蘇軾游, 貶海州團練副使, 蘄州安置。 哲宗旣祥, 服賦詩有「孤臣正

在靈 以窮民, 延詔獄,改監郴州酒稅。 一武詩有「白骨似沙沙似雪」,及官軍斫受降城柳爲薪之句,坐謫監邕州鹽米倉,又追赴 元豐中,朝廷討西夏,陳留縣五路出兵,環慶帥高遵裕辟掌機宜文字。 張舜民字芸叟,邠州人。 強內所以弱內,辟國所以蹙國。 中進士第,爲襄樂令。 以堂堂之天下,而與小民爭利, 王安石倡新法,舜民上書言:「裕民所 可恥也。」時人壯 王師無功,舜民

會赦北還,司馬光薦其才氣秀異,剛直敢言,以館閣校勘爲監察御史。 上疏論西夏疆

聽。 爭權,不宜加 通 判 就州, 以爵命,當 提點秦鳳刑獄。 興師問罪,因及文彥博,左遷監登聞鼓院。 召拜殿中侍御史, 固辭, 改 金部員外郞。 臺諫交章乞還職,不 進秘書少監, 使

不赴。

列

僔 第

百 六

張 舜

厾

盛 陥 遼,

加直

一祕閣、

陝西轉運使,知陝、潭、靑三州。

元符中,罷職付東銓,以爲坊州、鳳翔,皆

臣

鄜

老師,役饑民而 徽宗立,擢右諫議 爭曠土。」極論 大夫,居職才七日,所上事已六十章。 河朔之困, 言多剴峭。 徙吏部侍郎,旋以龍圖閣待制知定州 陳陝西之弊曰:「以庸將而御

改同州。 坐元祐黨,謫楚州團練副使,商州安置。 復集賢殿修撰,卒。

古畫,以爲他日必有如唐張義潮挈十三州來歸者,不四十年當見之。 舜民慷慨喜論事,善爲文,自號浮休居士。 其使遼也,見其太孫禧好音樂、美姝、名茶、 後如其言。 紹興中,

追贈寶文閣直學士

之意固有所在,願仍舊貫。」慶州李復圭輕敵敗國,程昉開河無功,籍水政以擾州縣,皆疏其 過。二人實王安石所主,陶不少屈,出簽書隨州判官。 便民省役,議廢郡縣,誠便。 盛陶字仲叔,鄭州人。 第進士。 熙寧中, 爲監察御史。 然沿邊地相屬,如北平至海不過五百 神宗問河北事,對曰:「朝廷以 里,其間列城十五, 祖宗

陶曰:「確以弟碩有罪,但坐罷職,不應懷恨。 世疏言:「陶居風憲地,目覩無禮於君親之人,而附會觀望,紀綱何賴。」出知汝州,徙晉州, 人,宜取嘉祐、治平之制;選人改官,宜準熙寧、元豐之法。諫官劉安世等攻蔡確爲謗詩, 久之,入爲太常博士、考功員外郞、工部右司郞中, 至侍御史。 注釋詩語,近於捃摭,不可以長告訐之風。」安 陳官冗之敞,謂恩澤舉

召爲太常少卿。

郎、中書舍人,以龍圖閣待制知應天府、順昌府、瀛州。 元符中,例奪職,卒,年六十七。 議合祭天地,請從先帝北郊之旨,旣而合祭,陶卽奉行,亦不復辨執也。 進權禮部侍

民詆新法;而盛陶不屈於安石:其大節皆可取。獨漢之爲京客,黃康附察確獄,有媳鼛等 爲之助;吳時卻童貫,忤王黼,乃幸於罷歸;昭玘辭侯蒙之延致;朱服發章惇之薦引;舜 論曰:王氏、章、蔡之當國也,士大夫知拂之必斥,附之必進也,而孫鼛正言蔡京,不肯

濟。」三司使忌其能,出知汝州、潁州 於民,倉卒趣迫,故苦其難供。願敕三部判官,簿正其數,卽有所賦,先期下之,使公私皆 起居注。物有掛空籍者,奏請蠲之。又言:「三司經費,取領而無多寡,率不預知。 章衡字子平,浦城人。嘉祐二年,進士第一。 通判湖州,直集賢院,改鹽鐵判官,同修 急則斂

熙寧初,還判太常寺。建言:「自唐開元纂禮書,以『國恤』一章爲豫凶事,删而去之。故 列 第一百 六 章 衡 --00七

不幸 -遇事 ,則捃摭墜殘,茫無所据。今宜爲厚陵集禮,以貽萬世。」從之。

射 連發破的,遼以爲文武兼備,待之異於他使。歸復命,言遼境無備,因此時可復山後八 出 知鄭州,奏罷原武監,弛牧地四千二百頃以予民。復判太常,知審官西院。 使遼, 燕

州。

不聽。

於御前。 相悟曰:「若爾,吏部是矣。」乃罪三班。 其嘗先多士,進用獨後,面賜三品服。 反訟吏部。 **衡患學者不知古今,纂歷代帝系,名曰編年通載,神宗覽而善之,謂可冠冕諸史;且念** 神宗命內侍偕至中書, 宰相主其說,衡連奏疏與之辨。 宰相見之怒, 判吏部流內銓, 嘗有員闕, 旣擬注, 而三班院輒用之, 或日宰相之勢,恐不可深校,衡不爲止,至訴 衡曰:「衡爲朝廷法耳。」以狀上請而視之,

鹽以生,生之所在,雖犯法不顧。空令犴獄日繁,請如故便。」徙知成德軍,坐事免。 寶文藏御集之處,未始除人,今以之處卿。」衡拜謝。 未幾, 知通進銀臺司、直舍人院,拜寶文閣待制、知澶州。 至郡,會官立法禁民販鹽,衡言:「民恃 神宗曰:「卿爲仁宗朝魁甲,

|元祐中,歷秀、襄、河陽、曹、蘇州,加集賢院學士,復以待制知揚、廬、宣、潁州,卒,年七

升

侍郎。

中,詔郡國敦訪遺逸,京東以復言。凡試於中書者二十有二人,考官歐陽脩奏復第一。 顏復字長道,魯人,顏子四十八世孫也。父太初,以名儒爲國子監直講,出爲臨晉簿。

嘉祐 賜進士,爲校書郞,知永寧縣。熙寧中,爲國子直講。王安石更學法,取士率以己意,使常

跌等校諸直講所出題及所考卷,定其優劣,復等五人皆罷。

元祐初,召爲太常博士。 建言:「士民禮制不立,下無矜式。 請令禮官會萃古今典範爲

俾大小羣祀盡合聖人之經,爲後世法。」遷禮部員外郎。孔宗翰請尊奉孔子祠, 復因上五

一禮書。又請攷正祀典,凡干讖緯曲學、汚條陋制、道流醮謝、術家厭勝之法,一切芟去。

五

議,欲專其祠饗,優其田祿,蠲其廟幹,司其法則,訓其子孫。朝廷多從之。

卒, 年五十七。 致其志業,不由教官薦,不得與貢舉、升太學。 拜中書舍人兼國子監祭酒。言:「太學諸生, 有誘進之法,獨教官未嘗旌別,似非嚴師勸士之道。」未踰年,以疾改天章閣待制,未拜而 兼崇政殿說書,進起居舍人兼侍講,轉起居郎。請擇經行之儒,補諸縣敎官,凡學者 王巖叟等言復學行超特,宜加優賻,詔賜錢五十萬。子岐, 建炎中爲門下

生,非朝廷之福也。」遷殿中侍御史。 杜小人之隙;疑間一開,則言者不安其職矣。言者不安其職,則循默之風熾,而壅蔽之患 日消,在廷濟濟有成周之風,此首開言路之効也。 之材,俱收並用,近世得賢之盛,未有如今日者。 姦邪,升多所建明。 嘗上疏曰:「自二聖臨御,登用正人,天下所謂忠信端良之士,豪傑俊偉 孫升字君字,高郵人。第進士,簽書泰州判官。哲宗立,爲監察御史。 願於耳目之臣,論議之際,置黨附之疑, 君子日進而小人日退,正道日長而邪慝 朝廷更法度,逐

謂草察確制,稱其定策功比漢周勃,欺天負國,豈宜親承密命?不報。由起居鄓擢中書舍 人,直學士院,以天章閣待制知應天府。 員外郎,復拜殿中侍御史,進侍御史。時翰林承旨鄧温伯爲臺臣所攻,升與賈易論之尤力。 梁燾責張問,升從而擊之,執政指爲附燾,出知濟州。 董敦逸、黃廷基摭升過,改集賢院學士。 踰年,提點京西刑獄,召爲金部

紹聖初,翟思、張商英又劾之,削職,知房州、歸州,貶水部員外郎,分司;又貶果州團

練副使,汀州安置。卒,年六十二。

天下之聰明,遂爲大害。今蘇軾文章學問,中外所服,然德業器識,有所不足。爲翰林學 <u></u>升在元祐初,嘗言:「王安石擅名世之學,爲一代文宗。及進居大位,出其私智,以蓋

士,已極其任矣,若使輔佐經綸,願以安石爲戒。」世譏其失言。

市易之害,以爲:「雖曰平均物直,而其實不免貨交以取利,就使有獲,尚不可爲,況所獲不 韓川字元伯,陝人。進士上第,歷開封府推官。元酤初,用劉摯薦,爲監察御史。極論

如所亡,果何事也?願量留官吏,與之期,使趣罷此法。」從之。

舉守臣,遇大州闞,則選諸所表;他雖考課上等,皆莫得預。推原旨意,固欲得人。然所謂 抑孤寒;常欲收勤績以赴用,要其終也,則莫不收虛名而廢實效。近制太中大夫以上歲 下,則是謹身修潔之人,不若營求一章之速化也。」於是詔吏部更立法。 太中大夫以上,率在京師,唯馳騖請求者,得之爲多;至於淹歷郡縣治狀應法者,顧出其 遷殿中侍御史。疏言:「朝廷於人才,常欲推至公以博采,及其弊也,則幾於利權勢而

興孫升同受責,由坊州、郢州貶屯田員外郞,分司,岷州團練副使,道州安置。 州。還爲侍御史、樞密都承旨,進中書舍人、吏、禮二部侍郎,以龍圖閣待制復守潁,徙虢州 呂陶、上官均謂舜民之言,實不可行。。燾等去,川亦改太常少卿,不拜,加集賢校理、知領 張舜民論西夏事,乞停封册,朝廷以爲開邊隙,罷其御史。梁燾等爲舜民爭之。川與 徽宗立,得故

列傳第

百六

韓川

翼州臣

101

官,知青、襄二州,卒。

陰主簿,疏泄瀦水,得良田數百千頃。 調孟州司法參軍,以薦,爲泰寧軍節度掌書記。

渠故僻陋無學者,鼎臣請于朝,建廟學,選邑子爲生,日講說,立課肄法, 人大勸,始有登科 秘書丞。丁母憂,服除,知安丘縣。以賢良方正召試秘閣,轉太常博士,賜五品服,知渠州。 也。」舉爲秘書省著作佐郎、知萊蕪縣。大臣薦試館職,坐與石介善,不召。 寧有是,願以闔門證其死。」衍探懷出奏稿示之,曰:「吾旣保介矣,君年少見義如是,未可量 郡人繪像事之。 但來石介死,讒者謂介北走遼,詔兗州劾狀。郡守杜衍會問,掾屬莫對,鼎臣獨曰:「介 徙知濛陽縣,轉

禁中;蘇安靜年未五十,不應超押班;妃嬪貽三代,僭后禮;董淑妃賜諡,非是;凡大禮 必見,爲異益大,願精思力行,進賢遠佞,以應皇極。」又論內侍都知鄧保信罪狀,不應出入 菑太甚,非君臣同樂之時,請罷宴以答天戒。」日當食,陰雲不見,鼎臣曰:「陽精旣虧,四方 召入編校史館書籍,轉都官,擢起居舍人、同知諫院。歲冬旱,將錫春宴,鼎臣曰:「旱

列 傳 百 六 龔 HH 臣 鄭 穆

於法外斷獄,朝廷多曲 赦、請準太平興國詔書、前期下禁約,後有犯不原,以杜指赦爲姦者、宜著爲令; 徇其請,願先付中書審畫。 仁宗悉從之。 開封三司

貨, 全活甚衆。 **尋兼管勾國子監,判登聞檢院,詳定寬恤民力奏議。** 爲遼正旦使,鼎臣 .奏:「景德中,遼犯淄、靑,臣祖母、兄、姊皆見略,義不忍 淮南災,以鼎臣體量安撫,蠲逋振

」許之,仍詔後子孫並免行焉。

景靈 官, 其言優游和平,不爲峻激,使人主易聽,退亦未嘗語人,故其事 訪臣下, 請汰濫官冗兵, 神御殿不宜增侈,以彰先帝恭德。 俄 拜戶部員外郎兼侍御史知雜事,賜三品服。 親決國事。 蕃財用,禁奢靡。 上疏勸皇太后早還政; 連劾薛向姦暴,鬻鹽、市馬皆罔上。英宗登位,屢乞延 鼎臣在言路累歲,闊略細故,至大事,無所顧忌。 及卷簾而御璽未復, 轉吏、禮二部郞中。 多施 又極論 論宗室宜歲試補外 謂昭陵宜儉葬,

或云以眞宗,或云以仁宗。 侍講,欲賜坐。事下禮官,鼎臣言不可,安石不悅。 銓、太常寺。 改 《集賢殿修撰、知應天府,徙江寧。 選人得官,待班謝辭,率皆留滯。 鼎臣曰:「嚴父莫大於配天,未聞以祖也。」乃奉英宗配。 召還,判太常寺兼禮儀事。 鼎臣奏易爲門謝辭,甚便之。明堂議侑帝, 求補外,知兗州 神宗卽位,判吏部流內

是時,諸道方田使者希功賞,概取稅虛額及嘗所蠲者, 加舊籍以病民。 鼎臣獨按籍差

辭,神宗顧語移晷,喜 次爲十等, 無所增,兗人德之。 曰:「人言卿老不任事 改吏部, ,精明乃爾,行 提舉西京崇福宮。 且用 卿 復判太常寺, 矣。」 留 守南京。 唑

使、 知青州, 時 河決曹村, 改太中大夫,請老, 流殍满 野, 鼎臣勞來振 提舉亳州太淸宮。 拊, 歸者不 尋以正議大夫致仕, 年七十七, ·勝計。 拜 ;諫議大· 夫、 京東東路安 元祐元 撫

監直 妣,從之。 與陳襄、陳烈、周希孟 講,除編校集賢院書籍。 鄭穆字閎中,福州候官人。 改集賢校理,求外補,通判汾州 友,號「四先生」。舉進士,四冠鄉書,遂登第,爲壽安主簿。 歲滿,爲館閣校勘,積官太常博士。 性醇謹好學,讀書至忘櫛沐,進退容止必以禮。 乞納一秩,先南郊追封考 門人千數, 召為國子

講 曰:「如鄭穆德行,乃宜左右王者。」凡居館閣三十年,而在王邸 說有法,可爲勸戒者,必反復擿誦,岐、嘉二王咸敬禮 熙寧三年,召爲岐王侍講。 嘉王出閣,改諸王侍講。府僚闕員,御史陳襄請擇人,神宗 一紀,非公事不及執政之門。

元 豐三年,出知越州,加朝散大夫。 先是,鑑湖旱乾,民因田其中,延袤百里,官籍而稅

旣而連年水溢,民逋官租積萬緡,穆奏免之。未滿告老,管勾杭州洞霄宮。

荆王薨,爲揚王翊善。太學生乞爲師,復除祭酒,兼徐王翊善。四年,拜給事中兼祭酒,五 有?」反金而收其子,長之。三年,揚王、荆王請爲侍講,罷祭酒,除直集賢院,復入王府。 其經術,服其教訓。故人張景晟者死,遺白金五百兩,託其孤,穆曰:「恤孤,吾事也,金於何 元 帖初,召拜國子祭酒。 。每講盆,無問寒暑,雖童子必朝服廷接,以禮送迎。 諸生皆尊

年,除寶文閣待制,仍祭酒。

者大夫七十而致仕,有不得謝,則賜之几杖。祭酒居師資之地,正宜處老成,願毋輕聽其 去。」不報。太學之士數千人,以狀詣司業,又詣宰相請留,亦不從。於是公卿大夫各爲詩 贈其行。 六年,請老,提舉洞霄宮。 空學出祖|汴東門外,都人觀者如堵,歎未嘗見。明年卒,年七十五。子珍,軍事 敕過門下,給事中范祖禹言:「穆雖年出七十,精力尙強。古

推官。

禮部不奏名。 席旦字晉仲,河南人。七歲能詩,嘗登沉黎嶺,得句警拔,觀者驚異。元豐中,舉進士, 時方求邊功,旦詣闕上書言:「戰勝易,守勝難,知所以得之,必知所以守之。」

列傳

第

百六

席旦

神宗嘉納,令廷 試賜第 歷 齊州司法參軍、鄭州河陽教授、敕令所删定官

后,且面質爲不可。 徽宗召對, 擢右正言, 適<u>动</u>旦陰佐元祐之政,左轉吏部員外郎。 遷右司諫。 御 史中丞錢遹 率同列請廢元站 改太常少卿,遷中書舍人、給 皇 后 而册劉氏爲太

事中。

新建殿中省,命爲監,俄拜御史中丞兼侍講

成

吏部侍 士知 內侍|郝隨驕横,旦|劾罷之,都人誦其直。 都府 愈,以顯謨閣待制知宣州。 召爲戶部侍郎,還吏部。 帝以其章有「媚惑先帝」之語,嫌爲指斥,旋改 郝隨復入侍, 乃以顯謨閣直學

王用 萬 以其艱於轉移,故權以楮券,而 鄭州 虚券,而 J. 自 趙 入見,言:「蜀人性善柔,自古稱兵背叛,皆非其土俗,願勿爲慮。」遂言:「蜀用鐵錢, 也。」自是錢引稍仍故 念以狂謀誅後, 蜀數有妖言, 議者遂言蜀土習亂。 別給緡錢與本業,可乎? 有司冀贏羨,爲之益多,使民不敢信。」帝曰:「朕爲卿損 對曰:「陛下幸加惠遠民,不愛重費以救敞法,此 或導旦治以峻猛,旦政和平,徙 、 數百 古聖

保、 府 白事 霸二州內附。 坐 ,言雲南大 進 對 淹留 剽 理國求入朝獻,旦 旦上章劾才叔爲姦利斂困諸蕃之狀,宰相不悅,代以龐恭孫, 知滁州。 久之,帝思其治蜀功,復知 引唐南韶為蜀 患,拒 成都。 卻之。 已而 朝廷開西南夷,黎州守詣幕 威州 守焦才 叔言, 而徙旦永 欲

興。 恭孫俄罪去,加旦述古殿直學士,復知 成都。 時郅永壽、湯延俊(四)納 土,樞密院用以

献<u></u>旦,旦 曰:「吾以爲朝廷悔開疆之禍,今猶自若邪?」力辭之。 卒于長安,年六十二,贈太

哂之。 旦立朝無所附徇,第爲中丞時,察王似方以疑就第,旦糾其私出府, 子盆,字大光,紹興初,參知政事。

請推治官吏,

議者

中大夫。

器之,命子弟與之游。擢進士,調例城主簿。時河役大興,部役者不得人,一夕,譟而潰,因 喬執中字希聖,高郵人。入太學,補五經講書,五年不謁告。 |執中往代,終帖然。 富民路吏,將創橋所居以罔市利,執中疏其害,使者入吏言使 王安石爲羣牧判官,見而

成之,執中曰:「官可去,橋不可創也。」卒不能奪 王安石爲政, 引執中編修熙寧條例,選提舉湖南常平。 章惇討五溪, 檄執中取大田、

致大獄。

離子二 峒。 峒路險絕,期迫,執中但走一校諭其酋, 即相率歸命。 錄 功 當遷 秩, 辭以及

父母

列

僔

第

百

六

喬 執 中

就 徙轉 運 判官,召爲司農丞、提點開封縣鎮。 諸縣牧地,民耕歲久, 議者將取之,當夷

決廣武,埽危甚,相聚莫致登。 丘墓,伐桑柘,萬家相聚而泣。 執中不顧,立其上,衆隨之如蟻附,不日埽成 執中請於朝,神宗詔復予民。改提點京西北路刑獄。 時河

遷給事中、刑部侍郞。 也。 侍講、翊善,遷起居舍人、起居郎,權給事中。 「先王重入而輕出,恤刑之至也。 進中書舍人。 元祐初,爲吏部郎中,請選人由縣令、錄事參軍致仕者,升朝籍,得封其親。 邢恕遇赦甄復,執中言:「恕深結蔡確,鼓唱扇搖,今復其官,懼疑中外。」 今一旦均之,恐自是法吏不復肯與生比,非好生洽民之意 有司以天下讞獄失出入者同坐,執中駁之日: 兼徐王府

刑獄,雪活以百數。 紹 聖初, 上官均摭執中爲呂大防所用,以寶文閣待制知鄆州。 明年,夢神人畀以騎都尉,詰旦爲客言之,少焉,談笑而逝,年六十三。 執中寬厚有仁心,屢典

臣、喬執中始終不渝厥守,豈易得哉。 有可稱者。古稱「才難不其然」者,其斯之謂歟? 石爲人,韓川詆張舜民之言不可行, 論曰:宋之人才,自祖宗涵養,至於中葉,盛矣。 席旦以蔡王見疑,因而擠之。 然瑕不掩瑜,它善蓋亦 章衡欲復山後 顏復、鄭穆醇然儒者,宜居師表。 八州,爲國啓釁; 孫升以蘇軾比王安

勘 Sã 校勘記

(1) 校書郎 「郞」原作「卽」。按宋會要職官一八之一〇、長編卷四四五都說元祐五年七月, 李昭

阳自秘書省正字除校書郎,據改。

(三) 年四十五 疑當作「年六十五」。 按程俱北山小集卷三〇王渙之墓誌銘作「享年六十五」,

並載

澳之死於宣和六年(公元一一二四年),中元豐二年(公元一〇七九年)進士,中間相去已四十五

年,澳之終年當在四十五以上。 疑以墓誌銘爲是。

六鄧潤甫傳;「伯溫」二字倒,本卷孫升傳卽作「鄧溫伯」,今乙正。 按此處係指鄧潤甫,溫伯乃潤甫字,見本書卷三四三、東都事略卷九

湯延俊 原作「陽延俊」,據本書卷八九地理志、卷四九六威茂渝州蠻傳改。

9

鄧溫伯

原作「鄧伯溫」。

